

D


1 complete




~~14
3
23~~

14-7.0.38








ARTIS
LOGICÆ.

SECUNDA PARS.



ARTIS
LOGICÆ,

SECUNDA PARS.

IN ISAGOGEN

Porphyrj & Aristotelis
Categorias.

AUTHOR

P.M.F. IOANNE

DE S. THOMA

LISBONIENSI

Ordinis Predicatorum.

Complutensis Academiae publico

Theol. Profefs. in Cathedra

Vespertina,

Collegij S. Thomæ Regente, & Sacra

Inquisitionis Censore.



BONONIÆ, MDC.LXXXIV.

Typis Iosephi Longi, Super. per



MEMORANDUM

TO THE DIRECTOR
FROM THE CHIEF OF BUREAU
SUBJECT: [illegible]

INDEX

QVÆSTIONVM, ET ARTICVLORVM.

QVÆSTIO PRIMA.

*De Logica qualis sit, & ad quæ se
exendat.*

- A**rticulus I. Vtrum ars Logicæ sit
necessaria simpliciter ad alias sciē-
tias acquirendas. pag. 4
- A**rticulus II. Vtrum logica sit vera scien-
tia, & ars. 16
- A**rticulus III. Vtrum obiectum formale,
& adæquatum logicæ sit ens rationis,
quod est secunda intentio. 23
- A**rticulus IV. Vtrum logica sit scientia
speculatiua, vel practica. 43
- A**rticulus V. Quomodo distinguantur lo-
gica docens, & vtens. 60

QVÆSTIO SECVNDA.

De ente rationis logico, quod est secunda intentio.

- A**rticulus I. Quid sit ens rationis in communi, & quotuplex. 76
- Articulus II. Quid sit secunda intentio, & relatio rationis logica, & quotuplex. 88
- Articulus III. Quid sit distinctio, & unitas rationis ratiocinatae, & ratiocinantis. 95
- Articulus IV. Per quam potentiam, & per quos actus fiant entia rationis. 110
- Articulus V. Vtrum Deus formet entia rationis. 122

QVÆSTIO TERTIA.

De Vniuersali secundum se.

- A**rticulus I. Explicatur diuersa acceptio Vniuersalis, & definitio illius. 136
- Articulus II. Vtrum vniuersale materialiter sumptum, & pro subiecto inueniatur à parte rei. 141
- Articulus III. Vtrum unitas formalis, ut distincta.

Index Quæst. & Art.

distincta à singulari, conueniat naturæ
ante operationem intellectus. 152

Articulus IV. Vtrum aptitudo & indif-
ferentia ad multa conueniat rebus ex-
tra operationem intellectus. 167

Articulus V. An consistat essentialiter uni-
uersalitas in relatione. 178

Articulus VI. Vtrum gradus metaphysi-
ci in qualibet re distinguantur sola di-
stinctione rationis : an ex natura rei.
pag. 187

QVÆSTIO QVARTA.

De causa vniuersalis.

Articulus I. Vtrum beneficio in-
tellectus agentis in specie ab ipso
producta representetur vniuersale me-
taphysicum. 198

Articulus II. Vtrum vniuersale metaphy-
sicum in actu cognitum fiat per actum
solutum intellectus : Et vniuersale lo-
gicum per comparatiuum. 207

QVÆSTIO QVINTA.

De actu Vniuersalis, qui est prædicari de multis.

Articulus I. Quid sit in natura vniuersali esse in multis, & prædicari de multis. ibid.

Articulus II. Quid sit prædicatio, & quid ad eius verificationem requiratur. 229

Articulus III. Quomodo requirantur multa, vt aliquid dicatur vniuersale vel commune. 237

Articulus IV. Quomodo verificentur prædicationes, & in concretis, & abstractis substantialibus. 244

Articulus V. Quomodo verificentur prædicationes, in concretis, & abstractis accidentalibus. 253

Explicatio Textus Isagogis Porphyrij. pag. 267

QVÆSTIO SEXTA.

De Diuisione vniuersalis in quinque prædicabilia.

- A**rticulus I. Vtrum hæc diuifio fit bona & adæquata. 273
Articulus II. Vtrum hæc diuifio fit Generis, in species, & immediata. 283

QVÆSTIO SEPTIMA.

De Genere.

- A**rticulus I. Quomodo Definitio Generis tradita à Porphyrio fit bona. pag. 292
Articulus II. Quod nana fit definitum in definitione Generis, intentio ipsa, vel subiectum, vel ex vtroque compositum. pag. 302
Articulus III. Quomodo Genus dicatur totum potentiale, & à materia desumi. pag. 317

QVÆSTIO OCTAVA.

De specie prædicabili, & subiycibili.

Articulus I. Vtrum species consti-
tuatur in ratione speciei per ratio-
num subiycibilis, vel prædicabilis. 332

Articulus II. Explicantur definitiones spe-
ciei. 344

Articulus III. Vtrum possit dari species
subiycibilis, quæ non sit prædicabilis de
multis, sed tantum habeat vnum indi-
uiduum. pag. 348

Articulus IV. Vtrum species possit con-
seruari in vno tantum indiuiduo, & ge-
nus in vna tantam specie. 363

QVÆSTIO NONA.

De Indiuiduo.

Articulus I. Vtrum Definitiones in-
diuidui rectè explicentur. ibid.

Articulus II. Quid sit indiuiduum in com-
muni, seu iadiuiduum vagum. 385

QVÆSTIO DECIMA.

De differentia communiter dicta, & ut tertium prædicabile est.

Articulus I. Vtrum bene diuidatur differentia in communem, propriam, & propriissimam. 397

Articulus II. Vtrum definitiones, differentia tertij prædicabilis sint bonæ. pag. 408

Articulus III. Vtrum differentia dicatur vniuersalis respectu suæ speciei, an respectu inferiorum talis speciei. 418

Articulus IV. Vtrum differentia superiores, & genericæ includantur in differentijs athomis, & de illis prædicentur.

QVÆSTIO VNDECIMA.

De Proprio.

Articulus I. Explicantur natura proprii, eiusque diuisiones expenduntur. 433

Articulus II. Quid sit proprium quantum prædicabile, & respectu quorum sumatur. pag. 447
QVÆ-

QVÆSTIO DVODECIMA.

De accidente quinto predicabili.

Articulus I. Vtrum definitiones, & diuisiones accidentis recte sint traditæ, à Porphyrio.

337

SECUNDA PARS

Artis Logicæ.



EXpeditis in prima parte Logicæ his, quæ ad formam ratiocinandi, & resolutionem prioristicam spectât, restat in hac secunda parte ad complementum totius artis agere de materia illius, quæ pertinet ad resolutionem posterioristicam; quæ tractatio longior est, & prolixior, quia materia artis plura solet habere tractanda, quàm ipsa forma.

Notandum est igitur, quòd omne iudicium mentis est quædam resolutio determinatiua, seu assensus, & si sit vltimum, est quasi definitiua quædam sententia. Tunc autem certò, & firmiter traditur, quando per suas probationes resolvitur in sua principia manifestatiua, cum quibus habet connexionem. Vt autem diximus in prima parte Summularum ex D. Tho. 1. Posterior. lect. 1. firmitas iudicij sumitur, vel ex parte formæ ratiocinandi, vel ex parte materiæ. Ex parte formæ, quatenus innititur conclusio rectæ dispositioni, & colligationi præmissarum ad inferendum, quæ nomine consequentiæ, seu argumentationis appellari solet. Vnde requiritur bonitas, seu firmitas consequentiæ ad rectam resolutionem iudicij. Ex parte materiæ, quatenus per propositiones necessarias & per se connexas fit resolutio vsque ad principia per se nota, ex quibus deducitur demonstratio; & de his agimus in hac secunda parte Logicæ. Quæ enim pertinent ad partem

2 *Secunda pars Artis Logicae.*

topicam, quæ agit de probabilibus, & quæ pertinent ad libros Elenchorum, qui agunt de parte sophistica, omittuntur in præfenti, quia non agunt de certa, & perfecta resolutione iudicij; & ideo solum libri Priorum, & Posteriorum vocantur analitici ab Arist. idest, resolutorij, quia solum in illis docetur firmitas, & certitudo resolutionis tam prioristica ex partæ formæ in libris Priorum, quàm posterioristica ex parte materiæ in libris Posteriorum.

Quia ergo materia requisita ad demonstrationem, seu resolutionem certam sunt propositiones necessariae & per se; illa autem sunt per se, in quibus essentialia prædicata, vel propriæ passionis prædicantur, quia hæc sola habent necessariam connexionem cum subiecto, ut ex 1. Poster. cap. 2. constat, illæ autem sunt propositiones contingentes, in quibus accidentaliter prædicata dicuntur; ideo conueniens modus inueniendi istam materiam necessariam & per se, sumitur explicando coordinationes prædicamentorum, in quibus res omnes ad sua capita, & genera reducuntur, & in vnoquoque illorum ponuntur prædicata superiora, & inferiora, inter quæ inuenitur essentialis connectio, ex his enim definitio rei integratur; & similiter manifestantur proprietates cuiusque prædicamenti, vel saltem ponuntur prædicamenta, in quibus cuiusque naturæ proprietates collocari possunt; unde saltem in generali possumus colligere materiam propositionum, idest connexiones ipsas necessarias & per se, nam in particulari id cognoscere pertinet ad particulares scientias. Rursus quia prædicamenta, quæ sunt coordinationes generum, &

spe.

Secunda pars Artis Logicæ. 3.

specierum, seu prædicatorum essentialium superiorum, & inferiorum, cognosci non possunt, nisi ipsa prædicabilia, quæ sunt modi prædicandi essentialiter, vel accidentaliter in quid, vel in quale, cognoscantur; ideo tota materia Artis Logicæ, de qua in hac secunda parte agimus, in his tribus continetur, scilicet, in Prædicabilibus, quæ sunt modi prædicandi, in quibus distinguitur modus essentialis, & quidditativus à modo accidentali, vel qualificativus; deinde in decem Prædicamentis, ad quæ tanquam ad decem classes, & summa genera reducuntur omnes naturæ rerum, & earum gradus, atque essentialia prædicata; & tandem in libris Posteriorum, in quibus docentur formari propositiones necessariae & per se, & fieri demonstrationes scientificæ ex his prædicatis.

Et licet plura ex his, quæ de prædicamentis tractantur, & de vniuersalibus, & prædicabilibus, ad Metaphysicam spectent, ideoque breuiter, & sobrie à Logico debeant tractari; plura tamen in his disputandis consumit Logica, quàm in ipsis libris Posteriorum enucleandis. Nec mirum, quia plura solent in præparationibus rerum consumi, quàm in vltima perfectione ad quam ordinantur: sicut in intelligibilibus per plures discursus peruenitur ad vltimam sententiam, quæ breuissima est: Et in naturalibus, substantialis generatio in instanti perficitur, & in multo tempore accidentalis alteratio ad eam disponit.

Prius autem quàm ea, quæ pertinent ad obiectum Logicæ iuxta ordinem præfatum explicanda aggrediamur, de ipsa scientia Logicæ,

quasi proœmialem quæstionem præmittemus,
ut cognita scientia, facilius ad obiectum ipsius
cognoscendum deueniamus.

QVÆSTIO I.

*De Logica qualis sit, & ad quæ se
extendat.*



IN hac quæstione ordinem illum se-
quemur, quem seruauit D.Th. in
Proœmiali Quæstione Theologiæ,
ut prius incipiamus à necessitate
ipsius Logicæ, quod pertinet quasi
ad quæstionem an est, deinde de ipsa quiddita-
te scientiæ, eiusque qualitate, & specifico obie-
cto agemus. Quæstiones autem communes, si-
cut de vnitæte, & diuersitate scientiæ, & an sit
vna qualitas, in lib. Poster. qu. 27. inquirentur.
Nec opus est maiorem noticiam præmittere de
ipsa Logica ante istas quæstiones proœmiales,
quam quæ habetur ex notatis in initio Summu-
larum, & quæ in istamet quæstione accipi po-
test; sicut de Theologia in ipsa quæstione proœ-
miali, & non ante traditur eius notitia.

ARTICVLVS I.

*Primum Ars Logicæ sit necessaria simpliciter ad
alias scientias acquirendas.*

FErè tota difficultas huius articuli pendet
ex intelligentiâ terminorum, qui in titulo
po-

ponuntur. *Primò* enim loquimur de *Arte Logicæ*, idest, de Logica artificiosa, non de naturali; naturalis enim non est aliud, quàm ipsum lumen naturale vtens discursu, quod lumen naturale non est pura potentia intellectus, sed etiam intellectus cum habitu principiorum, quæ naturaliter sunt nota. Sed ista principia non sunt ipsa scientia, seu ars, sed sunt habitus valde distincti habitus principiorum, & habitus artis, vel scientiæ. Et quando inquirimus de necessitate Logicæ, non est difficultas de principijs, seu de habitu principiorum Logicæ, quod aliqui abusivè vocant Logicam præceptivam seu actua-lem, cum non sit Logica, sed principium Logicæ.

Secundò nomine scientiæ potest intelligi, vel scientia solum quoad substantiam scientiæ etiã in statu imperfecto, sicut in prima demonstratione generatur scientia quantum ad substantiam, idest lumen convincens intellectum certò, & euidenter quoad aliquam conclusionem: vel potest intelligi scientia in statu perfecto scientiæ, & quæ simpliciter denominat scientem, & est illa, qua non solum convincitur intellectus in aliqua conclusione, sed etiam quæ per se discurrere potest circa eas conclusiones & veritates, quæ ad plenam notitiam obiecti talis scientiæ spectant, & ad oppositis erroribus, seu impugnationibus se defendere. Et potest utroque modo sumi scientia, quando in præsentī inquiritur de necessitate Logicæ ad illam.

Tertiò proponimus in titulo, *An Logica sit necessaria simpliciter*. Et sumitur hic necessarium

nium simpliciter, non pro necessario absoluto, quod sumitur ex parte alicuius causæ intrinsicæ siue materiæ, siue formæ, sicut est necessarium hominem esse rationalem ex parte formæ, & esse mortalem ratione corporis seu materiæ; sed pro necessario respectivè, seu ad aliud, idest ad finem aliquem consequendum; & hoc necessarium ad finem dicitur dupliciter, vel quod est necessarium simpliciter, vel secundum quid, *simpliciter*, quando requiritur ad ipsum esse rei, vel primo acquirendum, vel conservandum; sicut cibus, & respiratio requiruntur ad conservandam vitam hominis, calor autem vitalis etiam ad primo generandum. *Secundum quid*, quando requiritur ad benè esse, idest, vel ad aliquod maius commodum, vel maiorem ornatum, non ad ipsum esse secundum se. De quibus distinctionibus necessarij absoluti, & respectivi, simpliciter, & secundum quid, videatur D. Thom. 5. Metaph. lect. 6.

Quia ergo nemo dubitat Logicam ad minus esse utilem, seu necessariam secundum quid, idest, ad melius, & commodius acquirendas ipsas scientias, tota difficultas reducitur ad hoc ut videamus, an sit simpliciter necessaria.

R E S O L V T I O.

SIt unica conclusio: *Ad scientias speculativas artificialis Logica est simpliciter necessaria quantum ad statum perfectum scientia, & quoad eius conservationem, & quasi nutritionem, non quoad imperfectum esse, & quasi pri-*

primam generationem scientis. Itaque potest dici necessaria simpliciter sine addito, & non simpliciter omnibus modis; sicut respiratio, & cibus dicitur necessarius simpliciter homini, non quia requiratur omnibus modis, & pro omni statu, nam in ventre matris, quando primo generatur animal, nec cibo indiget, nec respiratione: nihilominus tamen dicuntur simpliciter necessaria homini, quia non ad aliquem ornatum, vel utilitatem superadditam, sed ad ipsum esse eius non primò generandum; sed conservandum, vel nutriendum necessaria sunt.

Et dicimus: *Ad scientias speculativas esse necessariam Logicam*, non ad practicas, quia practicae solum respiciunt rectitudinem operis siue interni, siue externi; non autem ipsam indagationem veritatis; unde solum indigebunt prudentia, vel arte, quæ dirigunt ipsam bonitatem, seu rectitudinem agibilium per prudentiam, & factibilium per artem; non verò Logica, quæ solum dirigit rectitudinem discurrendi circa veritatem.

Et per hanc conclusionem componimus oppositas sententias, quæ circa necessitatem Logicæ versantur. Quibusdam existimantibus Logicam solum esse utilem non simpliciter necessariam, ut Conimb. q. 6. proœm. art. 2. & alij. Alijs esse necessariam simpliciter omnibus modis, sicut causa vniuersalis requiritur simpliciter ad omnes actiones causæ particularis, ut Arauxo 2. Met. q. 3. art. 3. & alij.

Nos autem dicimus esse simpliciter necessariam absolutè loquendo, sed non omnibus modis, & pro omni statu cuiuscumque scien-

tia; potest enim aliquid simpliciter dici tale dupliciter, vel quia absolute, & sine addito est tale, vel quia omnibus modis, & secundum omnem considerationem dicitur tale, ut bene observat S. Thom. 3. p. quæst. 50. art. 5. & quod est simpliciter tale primo modo aliquam recipit latitudinem, & potest dici necessarium, vel tale simpliciter, licet non omni modo, & sub omni statu necessarium sit. De hac etiam cōclusionē videatur Cursus Carmel. disp. procem. q. 7.

Prima ergo pars conclusionis scilicet, quod Logica non sit simpliciter necessaria, id est omnibus modis ad alias scientias, probatur, quia Logica non requiritur ad alias scientias nisi tanquam ars, & instrumentum acquirendi illas, sed effectus artis non ita dependet ab arte, ut non possit aliquo modo, saltem imperfecte, fieri sine illa, ergo. Maior est per se nota ex ipsa ratione Logicæ, & sequentibus art. amplius constabit. Minor probatur, quia sicut dicit Philosophus 9. Metaphysic. text. 7. addiscens artem operatur actionem artis sine arte; quod explicat ibi Div. Thom. lect. 7. in fine, quia potest homo aliquo modo exire in scientia, & virtutis actum antequam habeat habitum scientiæ, & virtutis, quo adeptus perfecte operatur. Et ratio est, quia si ita non esset, non possent ipsæ artes, & scientiæ nostris actibus acquiri, nam saltem illi primi actus, quibus acquiruntur, non possunt ab arte procedere, siquidem generant illam, ergo similiter aliquæ demonstrationes non pendent necessario à Logica, saltem quæ generant primam demonstrationem Logicæ, licet enim illæ demonstrationes

non

non sint sine Logica generata per illas, non tamen ad illas requiritur ars Logicæ, sed ex illis procedit; & si demonstratio fiat in materia alterius scientiæ, potest percipi, & convincere intellectum hominis nondum habentis Logicam, & tunc acquireret quidem habitum scientiæ ad quam pertinet illa demonstratio, siquidem convincitur certò, & evidenter in illa materia, sed non habitum Logicæ, quia de eius præceptis tunc non edocetur.

Denique pro hac parte videnda est doctrina D. Thom. 7. Metaph. lect. 8. & 1. par. q. 117. ar. 1. & 2. contra Gent. cap. 75. ubi duplex genus artium distinguit, quædam sunt in quarum materia non est aliquod principium agens ad effectum artis producendum, sicut in lignis, vel lapidibus non est aliqua vis activa mouens ad constitutionem domus, quæ est effectus artis domificatiuæ. Aliquando verò est ars in cuius materia est principium mouens ad producendum effectum artis, sicut patet in Medicina, quia in corpore infirmo est aliquod principium actiuum ad sanitatem, & effectum artis primi generis nunquam producit natura, sed semper fit ab arte, effectus autem secundi generis fit ab arte & aliquando à natura sine arte. Ita D. Thom. Cum ergo ars Logicæ versetur circa opera intellectus dirigenda, in quo inuenitur principium mouens ad scientifice procedendum, sicut in corpore ad sanitatem, scilicet ipsum lumen principiorum & virtus naturalis intellectus, potest utique sine arte fieri aliquando effectus artis Logicæ, & ita non est simpliciter necessaria ad omnem demonstrationem, & scientiam pro quocumque statu, & modo

etiam ut primo generetur.

Si respondeas requiri non ipsam artem, sed principia artis seu scientiæ, etiam ad primum actum talis artis, quod ipse D. Tho. non negat, sed etiam in præfatis locis, tùm alibi sæpe docet quòd in ratione naturaliter præinsunt quædam semina scientiarum & virtutum, in quarum vi exire possumus in actum artis & scientiæ. *Contra est*, quia hæc responsio diuertit à difficultate præsentis, in qua ut in principio art. diximus non inquiritur an habitus principiorum Logicæ sit simpliciter necessarius ad omnem actum scientificum Logicæ, & aliarum scientiarum, sed inquirimus an ipsa ars, seu habitus Logicæ requiratur, & de principiis eius, seu habitu principiorum difficultas non est, & de his loquitur D. Tho. quando dicit quòd præinsunt in ratione ad actus scientiæ seu artis. Sed vocare Logicam id quod non est ars, seu habitus Logicæ, sed habitus principiorum eius, magna est abusio, sicut principia rei naturalis, ut forma, & materia non vocantur ipsum compositum, sed eius principia. Quod ergo dicimus est quòd quidquid præceptorum seu regularum scientificè & artificiosè Logica cognoscit tanquam conclusiones, hoc attingitur habitu artis Logicæ, nec requiritur ad omnes actus artis ut satis clarè probatum est, etiam si tales conclusiones demonstratæ videantur statim primò aspectu cognosci. Quicquid autem se habet ut principium in Logica, ut dici de omni, dici de nullo, quæcumque sunt eadem vnitertio, sunt eadem inter se, hæc prærequiruntur ad omnem actum scientiæ. Sed de hoc nulla vtr-
quam

quam fuit controuersia , nec in præfenti est ; quia hoc non est Logica , sed habitus principiorum Logicæ , nullus autem in dubium vocat an habitus principiorum Logicæ requiratur ad scientias , sed an Logica quæ est scientia , seu habitus artis requiratur .

Secunda verò pars conclusionis , scilicet , quòd requiratur simpliciter ad statum scientiæ , & ad eius conseruationem sumitur ex D. Tho. tùm in opusc. 70. q. vlt. a. 1. ad 3. vbi dicit : *Quòd neccessitas requiritur vt addiscendo incipiamus à Logica , licet non sit facilior alijs scientijs , quia aliæ scientiæ ab ipsa dependent : tùm in 2. Met. lect. vlt. & 1. Poster. lect. 1. vbi dicit : Logicam ordinari ad hoc vt facile , & promptè , & sine errore procedatur ;* constat autem quòd sine errore procedere , non solum est vtile , sed simpliciter necessarium ad ipsum esse aliarum scientiarum . Et ratio est , quia nuda potentia intellectus sine arte adiuta non potest cognoscere omnes defectus consequentiarum , & scientificè attingere bonitatem cuiuscumque consequentiæ , cum multæ non sint notæ ex ipsis terminis solo lumine naturali , sed per discarsum colligantur ; multa etiam quæ pertinent ad cognitionem propositionum per se , & necessariæ connexionis , pendent ex principijs , & præceptis artis Logicæ , sicut ex notitia prædicamentorum , in quibus prædicata essentialia disponuntur , & prædicabilium , in quibus traduntur modi prædicandi essentialiter , vel accidentaliter , & ex notitia modorum per se & de omni & secundum quod ipsum , & alijs quæ traduntur in libris Priorum , & Poster. ex quibus pender

discretio materiæ necessariæ, vel contingentis, consequentiæ legitimæ, vel defectibilis; ergo non potest intellectus peruenire ad statum perfectum scientiæ, in quo omnes errores istos euitet, & ad diuersas conclusiones suas se extendat, nisi sit perfectus per aliquod principium sibi superadditum, quod talem artificiosum modum procedendi demonstret. Itaq; sicut animal in statu perfecto, idest in statu in quo per se nutritur, & augmentatur, indiget cibo tanquam materia nutritionis, & digestionem, & concoctionem alimenti; ita ad extensionem, seu augmentationem, & quasi nutritionem scientiarum, quæ debet fieri per multas conclusiones, & varias consequentias, indiget intellectus cibo, idest speciebus, sed digestis & concoctis, & artificiosè dispositis ad inferendum, alioquin non scientificè colliget, & hoc præstat ars Logicæ.

Dices : hoc non est esse necessarium ad simpliciter esse, sed ad melius, seu perfectius esse, quia iam supponitur ipsum esse scientiarum, sicut cibus supponit esse animalis, & solum requiritur ad aliquid superadditum ipsi esse, ergo non est simpliciter necessarium, idest ad ipsum esse.

Respondetur. Quòd licet supponat esse, non tamen dicitur requiri ad aliquid superadditum ipsi esse, & quasi illi extrinsecum, sed ad continuationem ipsius esse, & conseruationem ne amittatur : sufficit autem ad necessarium simpliciter, quòd requiratur ad esse rei & non ad aliquid superadditum, licet non requiratur pro omni statu, & prima generatione ipsius esse, sicut cibus non requiritur ad esse homi-

nis pro statu generationis, sed pro statu conseruationis.

SOLVVNTVR ORIECTIONES :

Primo arguitur: Multæ demonstrationes fieri possunt sine Logica, ergo non requiritur ad esse scientiæ etiam pro statu conseruationis. Anteced. prob. quia possunt multæ conclusiones in aliqua scientia demonstrari per quatuor modos primæ figuræ, qui ipso lumine naturali sunt noti, & non per discursum artis Logicæ, cum ad illas vt ad principia cæteri modi reducantur; & in ipsa arte Logica addiscenda manifestè constat quòd per lumen naturale sine alia anteriori Logica acquisita est: ergo non requiritur ars Logicæ ad ipsum esse scientiæ, etiam vt extenditur ad plures conclusiones, quod est in esse perfectò.

Respond. neg. anteced. Nam qui demonstrationes format sine Logica semper dicitur habere scientiam in statu imperfectò, quia sine Logica non potest ita ordinare, & disponere plures materias, & conclusiones alicuius scientiæ vt omnes collectiuè sumptas, & coordinatè reducat ad primos modos syllogizandi, imò ad hoc faciendum oportet esse perfectissimè exercitatum in scientia, & maximè callere præcepta Logicæ, esto plures diuisiuè possit in illis primis modis disponere & ordinare. Nec similiter potest ab oppositis se defendere perspicendo defectus, & infirmitatem consequentiarum, quibus impugnatur, aut definitionum, & diuisionum defectus, &c. sine quo quantumuis fiant plures demonstrationes semper

permanent in statu infirmo, & imperfecto. Ipsa autem Logica, quando primò inuenta est, imperfectè fuit inuenta per lumen naturale, sicut omnes aliæ artes; deinde ipsa in statu perfectò sicut iuuat alias, ita etiam iuuat se ipsam, & conseruat, & ita non est necessaria alia Logica, sed ipsa sibi sufficit, imò sibi maximè necessaria est, quia nihil magis sibi necessarium quàm ipsummet.

Secundo arguitur. Nam in ipso lumine naturali est sufficiens virtus ad acquirendam quancumque demonstrationem seorsum sumptam, nec enim assignari potest aliqua vltima, vltra quam non possit: illa vero acquisita, non diminuitur virtus naturalis luminis, sed potius augetur, ergo poterit in secundam, & tertiam, & in alias omnes sine Logica, licet non ita commodè.

Respondetur. In his argumentis, quæ procedunt à numeratione diuisiua eorum, in quæ aliqua potentia potest, ad numerationem completam, & integram, communiter committi fallaciam accidentis, seu defectum appellationis, quia numeratur vnaquæque operatio seorsum, & omittitur modus operandi cum continuatione, & extensione vnius ad aliud, & defensione à contrarijs, &c. quæ præcipuè in hac parte difficultatem inducunt. Et tamen infertur collectio multorum, seu omnium; in qua collectione iste modus continuationis, seu extensionis includitur, nec tamen numeratus fuit. Et hoc in potentijs limitatis stare non potest nisi aliunde adiuuentur, licet enim non diminuatur virtus intellectus ex vna demonstratione facta, & ex qua
libet

libet numerata secundum se, tamen propter limitationem suam non potest omnia illa continuare, & ab oppositis defendere nisi adiuveretur ab aliqua arte: illa ergo numeratio licet videatur fieri copulatiuè per particulam, &, dicendo, potest hoc, & potest illud, &c. tamen quoad sensum, & veritatem fit disiunctiuè, quia posse hoc seorsum, & diuisiue, & aliud seorsum, &c. est idem quod posse hoc, vel illud disiunctiuè, seu diuisiue; ex numeratione autem disiunctiua non colligitur distributiua. Nec propter hoc assignamus aliquem terminum in singulari ultra quem non possit seorsum, & diuisiue, sed in hac numeratione terminus in quem non potest, est tota collectio siue tota sphaera perfectæ potestatis totaliter sumpta cum continuatione, & extensione, &c. in hanc non potest, & in imperfectam, seu diuisiuam potest.

Ultimo arguitur. Logica influit in omnes scientias modum artificiosum procedendi, ut constat ex Philosopho 2. Metaph. & D. Thom. ibi lection. vltima, & 4. Metaphysic. lection. 4. ergo se habet ut causa vniuersalis respectu omnium scientiarum; sed causa vniuersalis requiritur simpliciter ad omnem operationem causæ inferioris, sicut deficiente motu cœli deficerent omnes inferiores motus, ergo Logica ad omnem artificialem demonstrationem simpliciter, idest omnibus modis requiritur; si quæ verò demonstrationes sunt sine Logica, artificiosæ non erunt, nec vsque ad prima principia resolutæ.

Respondetur. Quod Logica non est causa vniuersalis per se primò, sed tanquam instrumentum.

mentum coadiuuans agens principale, quod est intellectus, ipse enim est causa vniuersalis principalis respectu suorum actuum, quod de vniuersali arte docet S. Thom. 1. p. quæst. 117. art. 1. causa autem vniuersalis instrumentalis non est ita simpliciter necessaria, quod sine ipsa nullus effectus artis fieri possit, præsertim quando tale instrumentum virtualiter continetur in ipsa causa principali, & ex eius principijs deducitur, vnde loco illius causa principalis potest supplere defectum artis, & facere effectum artis sine arte. Cælum autem non est causa per modum artis, & instrumenti, sed est causa principalis, & vniuersalis, licet ab alia superiori mota.

Et quod additur de resolutione in prima principia. Respondetur. Aliquam resolutionem in prima principia, & aliquam bonitatem consequentiæ posse ita esse per se notam, vt sine arte possit attingi, licet sub eo statu imperfecto qui declaratus est, sicut omnes aliæ artes, & scientiæ quando primò fuerunt acquisitæ, imperfectum statum habuerunt.

A R T I C V L V S II.

Utrum Logica sit vera scientia, & ars :

Non est quod immoremur in explicando quid intelligatur nomine scientiæ, constat enim intelligi habitum per demonstrationem acquisitum, & ad demonstrationem inclinantem; demonstratio autem, vt latius dicemus infra quæst. 25. certam, & euidentem probationem alicuius veritatis importat, quæ
certi-

certitudo, & euidentiâ, licet requirat resolutionem vsque ad prima principia, quæ forte in paucissimis inuenitur, & circa paucas materias; hoc tamen non est ex defectu scientiæ, sed ex defectu scientium, plures enim solum sciunt scientia imperfecta, & quasi subalternata, quia credunt principia ab alia scientia tradita, potius quàm in illa resoluant.

Si ergo conclusio. Logica est vere, & propriè scientia, & simul est ars, liberalis tamen. De hac conclusione vix est qui dubitet, licet aliqui voluerint Logicam non esse dicendam scientiam, sed modum sciendi: & D. Thom. illam apertè vocat scientiam 4. Metaph. lect. 4. & 1. 2. q. 57. art. 2. ad 3. & art. 6. ad 3. Et similiter vocat artem in lib. 1. Poster. lect. 1. & 2. 2. qu. 47. art. 2. ad 3. Ac denique in opusc. 70. quæst. 5. art. 1. ad 3. inquit: Quod idcirco inter ceteras scientias dicuntur artes, quæ non solum habent cognitionem, sed opus aliquod quod est immediate ipsius rationis sicut syllogismum & orationem formare, numerare, &c.

Prima ergo pars conclusionis probatur: Quia Logica elicit actus demonstratiuos, ergo est habitus scientificus. Consequentia est nota, quia ad scientiam pertinet demonstratio: & antecedens est notius, quia Logica reducit euidenter conclusiones ad prima principia indemonstrabilia, verbi gratia, cum probat contradictorias non posse esse simul veras ex illo principio. Quodlibet est, vel non est, ostendit duas contrarias non posse esse simul veras, quia sequeretur duas contradictorias esse simul veras ostendit syllogismum in Darij: rectè concludere, quia perfectè saluatur in illo

Dicitur

Dici de omni, & sexcenta alia.

Secunda pars eodem modo probatur, quia conuenit illi definitio Artis, quæ dicitur, *Res ratio operum faciendorum*; vnde duo requiruntur ad artem. Primò ex parte materiæ dirigibilis & formabilis, quod non sit omnino determinata, sed habeat aliquam indifferentiam, alioquin non erit capax regulationis & artis, sicut actus videndi, & audiendi non sunt arte dirigibiles. Secundò requiritur ex parte formæ, quæ se habet vt regula dirigens, quòd regulatio fiat per certas, ac determinatas vias, alioquin si non sint certa, & determinata media, sed contingentia, non per artem, sed per prudentiam diriguntur, quæ consilio dirigit, non arte, eo quòd non habeat certas, & determinatas regulas, sed arbitrarias, & prudentiales iuxta circumstantias occurrentes, vt docet Sanctus Thomas secunda secundæ, quaest. 47. art. 2. ad tertium, ideoque pertinent ad consilium, & prudentiam. Cadunt autem sub regulatione artis non solum opera externa, quæ vocantur factibilia, circa quæ occupantur artes, quæ dicuntur Mechanicæ, eo quòd opera externa sunt magis seruilis, & despotica; sed etiam opera interna, quæ sunt magis libera, & minus seruilis, & ideo artes, quæ illa dirigunt, vocantur artes liberales. In vtrisque autem actionibus inuenitur materia dirigibilis per certas, ac determinatas regulas, quia datur indifferentia, vt benè vel malè, cum errore vel sine errore fiant.

Et hinc probatur secunda pars conclusionis posita, quia materia remota seu dirigibilis à
Logi-

Logica sunt cognitiones seu operationes intellectus, quæ ut attingant objecta possunt cum errore, vel sine errore procedere, & sic habent indifferentiam sufficientiam ut dirigantur, & formentur recta dispositione, & ordinatione. Ex parte autem formæ seu regularum, quibus Logica ordinat, habet certas ac determinatas regulas, & immutabiles, ut patet in his quæ tradita sunt in Summulis, & trademus in hoc opere, præsertim in libris Posteriorum. Ergo habet quicquid requiritur ad rationem artis, & simul ut sit scientia propter immutabilem certitudinem regulationis, licet materia remota sit indifferens.

SOLVUNTUR ARGUMENTA.

Contra primam partem conclusionis arguitur. Quia Logica est modus, & instrumentum sciendi, ergo non est scientia: Antecedens est commune proloquium: & sumitur ex Aristot. 2. Metaph. circa finem, & D. Thom. opusc. 70. quæst. 5. art. 1. ad 2. ubi dicit: *Logicam non poni sub Philosophia, quasi principalem partem, sed ut quoddam reductum ad eam, prout ministrat speculationi sua instrumenta.* Consequ. verò prob. Quia instrumentum non est eiusdem principalitatis cum sua causa, vel effectu, ut patet in serra, & in pennicillo, & alijs quæ non sunt eiusdem rationis, cum re quam faciunt, & cum agente à quo mouentur.

Respondetur. Quod Logica dicitur modus, & instrumentum sciendi quasi obiectivè, non formaliter; agit enim tanquam de obiecto de modo sciendi, & de instrumentis necessarijs
ad

ad alias scientias, ut sunt syllogismi, propositiones, &c. & ex parte huius obiecti differt ab alijs scientijs, quia aliæ agunt de rebus, ista de modo sciendi. Et quia prius debet cognosci modus sciendi, quam res, ideò dixit Aristot. *Esse absurdum utrumque simul querere*, & eodem modo Sanctus Thomas dixit non contineri Logicam principaliter sub Philosophia, quia non agit de rebus sicut illa, sed de modo cognoscendi res, quod est aliquod obiectum minus principale. Undè respondetur ad consequentiam argumenti. Quòd in primis Logica non est instrumentum aliarum scientiarum, sed ipsius intellectus, qui utitur Logica ut instrumento ad alias scientias dirigendas. Et ita solum sequitur quòd Logica non adæquatur intellectui, non verò scientijs. Et deinde non repugnat vnum instrumentum esse eiusdem rationis cum re effecta, licèt non semper sit necessarium, sicut per vnum martellum fit aliud.

Secundò arguitur. Quia probabile est Logicam docentem, & utentem esse eundem habitum, ut articulo ultimo dicitur, ergo habitus Logicæ elicit actus opinatiuos, ut patet in Logica utente, quæ topicè & probabiliter procedit, ut ex D. Thom. 4. Metaph. lect. 4. & opus. 70. constat. Sed habitus, qui elicit actus opinatiuos non potest esse scientia, ergo Logica non est scientia.

Confirmat. Quia ens rationis non potest specificare scientiam realem, cum ens rationis non sit per se cognoscibile, & consequenter neque per se scibile, nec habeat veras causas per quas sciatur, aut passiones quæ de illo sciuntur; sed ens rationis est obiectum forma-

le Logicæ, vt sequenti articulo dicemus, ergo Logica non est verè scientia.

Respondetur. De illo argumento esse tractandum infra articulo ultimo: Interim dicimus Logicam, prout vtentem, habere actum opinatiuum, non ratione motiui formalis, quia non innititur principijs fallibilibus, & contingentibus, sed ratione effectus subsequenti, quia dirigit modum procedendi opinatiue in disputatione topica, & tentatiua, quæ non plenè resolutiua est, vnde habet actum opinatiuum directiue potius, quam elicitivè; vel si habet elicitivè, secundariò id habet, & non principaliter. Sic autem non repugnat habitui scientifico habere actum opinatiuum quasi secundariò, & consequentiue ad regulas topicas & opinatiuas, quas scientificè tradit.

Ad confirmationem respondebitur etiam articulo sequenti, vbi ostendemus in ente rationis inueniri sufficientem cognoscibilitatem, & veritatem obiectiuam, & cum fundamento in re, & cum connexionione necessaria, qualis requiritur ad scientiam, non quia subiectiue, & transcendentaliter habeat veritatem, sed quasi obiectiue.

Ultimo arguit. Ratio artis repugnat scientiæ, ergo altera illarum non conuenit Logicæ. Anteced. prob. nam ars agit de singularibus & contingentibus, & est in parte animæ opinatiua, vt dicit S. Thom. 1. 2. quæst. 57. ar. 4. ad secundum; scientia verò est de vniuersalibus, & necessarijs, & est in parte demonstratiua; similiter ars procedit modo compositiuo & practico, scientia modo resolutiuo & speculatiuo; vnde S. Thom. 1. Metaph. lect. 1.

alii.



diuidit artem contra rationem speculatiuam, illamque ponit in parte practica intellectus.

Et confirm. Quia Artes liberales dicuntur artes secundum quandam similitudinem, ut inquit D. Thom. 1. 2. quaest. 57. art. 3. ad 3, ergo Logica non est simpliciter, & proprie ars.

Respondetur. Quod ars dicitur esse de singularibus & contingentibus ex parte applicationis ad opus, vel ex parte materiae remotae, & indifferentiam habentis, non ex parte regularum, quibus dirigit; illae enim sunt certae & determinatae, & in vniuersali, vnde & ars numeratur inter virtutes intellectuales 1. 2. quaest. 57. quae tamen non versantur circa verum contingens, sed circa necessarium, cui non potest subesse falsum, alioquin virtutes non essent, ut docet S. Thom. 6. Ethic. lect. 5. Dicitur autem ars esse in parte animae opinatiua, vel propter artes mechanicas, vel propter applicationem ad opus, aut indifferentiam materiae remotae dirigibilis, non verò ex parte directionis, & regulationis, qua ratione ars est virtus intellectualis, quod non conuenit habitui opinatiuo. Nec denique est de ratione artis quod procedat modo compositiuo & practico, sed quando eius opus est speculatio, dirigit non componendo, sed resoluen-do, ut artic. 4. amplius declarabitur. Et quando Sanctus Thomas diuidit artem contra rationem speculatiuam, non loquitur de arte liberali, sed de illa, quae ita est ars quod non est scientia.

Ad confirmationem dicitur. Quod artes liberales dicuntur artes similitudinariae ex parte materiae dirigibilis, non ex parte rationis
dixi-

dirigentis ; cum enim materia artis liberalis sit optis internum , & rationis , quod minus ser- uile est , consequenter minus subiicitur impe- rio , & directioni artis , quàm opus artis mecha- nicæ , quod totaliter est opus seruire ; ex parte tamen regulæ dirigentis vniuocè conueniunt ars liberalis , & mechanica ; & tamen , quic- quid sit de hoc , cum non dicamus Logicam es- se artem quomodocumque , sed liberalem , ha- bet rationem artis solum eo modo , quo conue- nit liberalibus .

ARTICVLVS III.

*Utrum obiectum formale , & adequatum Logi-
cæ sit enerationis , quod est secunda
intentio .*

DVo præsupponenda sunt , quæ ad alium quidem locum exactius pertinent , sed pro præsentis difficultate breuiter oportet li- bare . *Primum* est dari entia rationis , de quo sequenti quæstione agendum est . Et intelligi- mus nomine entis rationis id quod in se , & re- mota consideratione intellectus non potest exi- stere , potest tamen per intellectum considerari ; multa enim nos considerare , quæ in re non sunt , notius est , quàm vt egeat probatione ; sed quia omnia considerat intellectus ad modum en- tis , ideo ea quæ considerantur & non sunt , dicuntur entia rationis , quasi solo rationis be- neficio , & per considerationem existentia ; & aliquando tale ens rationis est purè fictum , vt quando imaginamur aliquid fingendo illud sine aliquo fundamento in re , vt quando for-
mo

mo chimæram, montem aureum, & similia: aliquando verò non est purè fictum, sed fundamentum habet in aliquo ente reali, quod tali modo potest cognosci, vt ex ipso modo cognoscendi aliquid illi attribuatur, vel consequatur, quod tamen in re non est, vt quando cognosco Deum relatiuè ad creaturas, vel cognosco tenebras ad modum formæ afficientis aeris, cum in re non sit forma, sed carentia formæ; & quæ primo modo finguntur, vocantur entia rationis ratiocinantis, idest nihil fundamenti extra rationem habentia; quæ secundo modo, dicuntur rationis ratiotinatæ, idest, fundata in re cognita.

Secundum, quod præsupponimus est. Quid intelligamus nomine obiecti formalis; & dicitur formale obiectum illa formalitas, seu ratio, vel determinatio, mediante qua aliquid habet attingi ab aliquo habitu, vel potentia; constat enim in his, quæ sunt obiecta alicuius habitus, vel potentiæ dari rem quæ attingitur, & rationem seu determinationem, ratione cuius attingitur; imò & plures formalitates possunt requiri vt aliquid attingatur, quarum vna determinat aliam, & illa, quæ determinat, vocatur formale respectu illius, quod determinatur. Et ratio ista formalis solet vocari ratio, *quæ* attingitur, seu ratio attingendi obiectum materiale, & si sit vltima, à qua cætera determinantur, dicitur etiam ratio *sub qua* obiectiua, quia sub illa reliquæ continentur. Exemplum est in visu, videmus enim lapidem tanquam rem visam, & obiectum materiale, sed ratione coloris, quæ est ratio, *quæ*, seu ob quam lapis potius pertinet ad visum, quam ad tactum,

etiam, vel ad alium sensum. Et rursus color determinatur, & formatur à luce, ratione cuius ultimo constituitur obiectum in ratione visibilis. Est autem alia ratio, *sub qua*, ex parte potentiae se tenens, quæ est ipsa virtus seu lumen determinatum cognoscendi, sed de hoc in præsentia non agimus, sed solum de ratione formali obiectiva. Quare quando inquirimus an ens rationis sit obiectum formale Logicæ, est idem atque inquirere, an omnes res, & materiæ, quæ à Logica tractantur, & diriguntur, pertineant ad Logicam ratione alicuius, quod sit ens reale, vel rationis. Et si est ens rationis, quodnam illud sit.

His positis; duo in hac parte sunt certa, & in uno est totum difficultatis pondus.

Primo est certum, & extra controuersiam, Logicam agere saltem de aliquibus entibus rationis, quæ inveniuntur, & attribuuntur rebus cognitis, & vocibus, quibus Logica utitur tanquam instrumentis, verbi gratia, ratio generis, & speciei, ratio prædicati, & subiecti, & similium aliarum intentionum. *Secundo* est certum non agere Logicam de omni ente rationis in tota sua latitudine, sicut de priua ionibus, & negationibus, & alijs, quæ sunt omnino ficta, sed solum agere de illis relationibus, quæ fundantur in rebus inquantum sunt ordinatæ, & cognitæ per rationem, & vocantur intentiones Logicæ. Vnde istæ intentiones respiciunt conceptus obiectiuos, & conceptus formales, & voces, sed diuersimodè; nam ad res cognitæ, quæ sunt conceptus obiectiui, pertinent ut ad fundamenta in quibus fundantur, & quæ denominant, sicut ani-

mal cognitum denominatur genus, & homo species; ad conceptus vero formales, & actus intellectus tanquam ad operationes, quibus istæ intentiones formantur, & ideò ex talibus intentionibus formatis denominantur etiam operationes rationis rectè, & ordinatè procedere. Ad voces autem pertinent ut ad signa seu instrumenta exterius exprimentia conceptus sic, vel sic ordinatos.

Quidam ergo attendentes ad res cognitās, in quibus fundantur illæ intentiones rationis, simpliciter dicunt obiectum formale Logicæ esse ens rationis, quod est secunda intentio, quia solum ratione illius, tales res spectant ad Logicam. Hæc communis est apud Thomistas, de quo videri potest *Cursus Carmelit. disp. 1. quæst. 2.* Alij attendentes ad voces, & ad conceptus, dicunt Logicam prout respicit voces significatiuas, agere de intentionibus secundis, prout verò respicit operationes intellectus, agere de aliquo reali, ut videri potest apud *Martinez quæst. 4. proœm.* Alij denique attendentes ad solas operationes intellectus, quas primo, & per se dirigit Logica, simpliciter dicunt agere de aliquo reali. Vide *Fons. 2. Metaphysic. cap. 3. quæst. 1. sect. 5.* *Suarez in Metaphysic. disput. 54.* *Magister Cabero tract. 1. disp. 1. dub. 2.* Ergo punctus difficultatis est, quid formalius ex omnibus istis sit respectu Logicæ, an conceptus obiectiui sub ratione intentionum, quas fundant, an conceptus formales; vel voces sub directione, quam habent à Logica, & an hæc sit aliquid reale.

RESOLVTIO IVXTA MENTEM
Sancti Thomæ.

SIt unica conclusio : Materia dirigibilis à Logica tanquam operatio, est aliquid reale : Materia denominabilis ab artificio Logico tanquam obiectum, & res cognita, est quodcumque cognoscibile per illas operationes intellectus siue reale, siue rationis. Forma verò tam respectu operationis dirigibilis, quam respectu rei cognitæ sub qua pertinent ad Logicam, est aliquid rationis, non purè fictum, sed habens fundamentum in rebus tanquam secunda intentio.

Hæc conclusio est de mente Diui Thomæ, & pro ea ponderari possunt inter alia tria loca. Primum est in Proœmio Ethicor. ubi inquit: Quid ordo quadrupliciter ad rationem comparatur, est enim quidam ordo, quem ratio non facit, sed solum considerat, sicut est ordo rerum naturalium. Alius autem est ordo, quem ratio considerando facit in proprio actu, puta cum ordinat conceptus suos ad inuicem, & signa conceptuum, quæ sunt voces significatiuæ. Tertius autem ordo est, quem ratio considerando facit in operationibus voluntatis. Quartus ordo est, quem ratio considerando facit in exterioribus rebus, quarum ipsa est causa, sicut in arca, & domo. Ordo quem ratio considerat sed non facit, pertinet ad Philosophiam naturalem; ordo quem ratio considerando facit in proprio actu, pertinet ad rationalem Philosophiam (illa est Logica) ordo autem actuum voluntatis pertinet ad considerationem moraliæ Philosophiæ; ordo autem, quem ratio considerando facit in rebus exterioribus,

bus, pertinet ad artes mechanicas. Ecce ponit D. Thomas pro obiecto rationalis Philosophiæ, seu Logicæ, ordinem, quem ratio considerando facit in suo actu, qui utique realis non est, quia ordo realis considerari quidem potest per cognitionem, sed non sola consideratione fieri sine alio actu reali externo, cum in hoc consistat relatio rationis, quod sola consideratione fiat seu attingatur.

Secundus locus est 1. Poster. lectio. 20. ubi inquit: Quod quia circa omnia quæ sunt, habet negotiari ratio, Logica autem est de operationibus rationis, Logica etiam erit de his quæ communia sunt omnibus, idest de intentionibus rationis, quæ ad omnes res se habent. Et tertio clarissime in 4. Metaph. lect 4. Ens, inquit, est duplex, scilicet ens rationis, & ens naturæ: ens autem rationis propriè dicitur de illis intentionibus, quas ratio adinuenit in rebus consideratis, sicut intentio generis & speciei, & similium, quæ quidem non inveniuntur in rerum natura, sed considerationem rationis consequuntur; & huiusmodi, scilicet ens rationis est propriè subiectum Logicæ.

Respondent aliqui D. Thom. loqui de obiecto per accidens, vel si loquitur de obiecto per se, sumit ens rationis pro ipso opere rationis quatenus habet artificium dialecticum. Sed contra. Nam dicit S. Doctor, quod tale ens rationis est propriè subiectum Logicæ, ergo non loquitur de obiecto per accidens, seu materiali, de hoc enim statim subdit: Quod est omne ens naturæ, ut subiicitur intelligibilibus intentionibus. Item dicit quod illæ intentiones de quibus agit Logicus non inveniuntur

ent in rerum natura, actus autem intellectus inueniuntur in rerum natura, ergo vel opus rationis vt habet artificium dialecticum, formaliter est ens rationis non inuentum in rerum natura, & sic habemus intentum, quia hoc est obiectum formale Logicæ secundum D. Thom. vel inuenitur prout sic in rerum natura, & sic contradicitur Diu. Thom. qui dicit non inueniri.

Alij respondent loqui S. Tho. de ente rationis, idest de denominatione extrinseca, quæ est obiectum formale Logicæ. *Sed contra est.* Quia dicit D. Thom. Logicam agere de intentionibus, quas ratio adinuenit in rebus consideratis, & quæ non inueniuntur in rerum natura. Illæ autem denominationes extrinsecæ, vel inueniuntur in rerum natura quatenus extrinsecæ sunt, & sic de illis non agit Logica, vel non inueniuntur, sed formantur à ratione, & sic sunt ens rationis, quod nos dicimus.

Denique alij dicunt S. Thom. loqui de vocibus significatiuis, de quibus tanquam de medijs, seu instrumentis agit Logicus, & intentiones istarum sunt aliquid rationis. Sed oppositum manifestè docet San. Thom. Quia loquitur de intentionibus, quæ sequuntur ipsas operationes intellectus, & ratio facit in proprio actu, siue adinuenit in rebus consideratis, vt patet in loco Metaph. & Ethic. supra citatis, & opusc. 42. cap. 4. ergo non loquitur solum de intentionibus vocum, sed etiam de intentionibus rerum cognitarum, vt sunt genus, species, &c. vel quæ attribuantur ipsis operationibus proprijs intellectus. Quare de mente San. Thom. non potest
B 3 dubi.

dubitari quòd pro formali obiecto Logicæ ponitens rationis, sicut etiam pro materiali ponit ipsas res cognitæ, & conceptus ordinatos ut patet in locis citatis, & opuscul. 56. & 70. quæ ult. art. 1. ad 3. & 1. Post. lect. 1.

Fundamentum conclusionis est. Quia omnis realitas, quæ inueniri potest in obiecto Logicæ, vel est actus intellectus, à quo denominantur res cognitæ, vel est res ipsa intellecta, & repræsentata, vel aliquid reale superadditum, & accrescens conceptibus, vel obiectis cognitis ex ordinatione Logicæ. Duo prima secundum suam realitatem solum pertinent ad obiectum materiale Logicæ, quia de rebus cognitis ut res sunt, agunt scientiæ reales, & de conceptibus etiam ut sunt reales perfectiones intellectus, agit Philosophia, solum ergo de illis quatenus ordinatis artificioso modo, formaliter agit Logica: sicut Logica per accidens, & materialiter se habet, quòd intentio generis sit in arbore, vel in lapide, nec Logica agit de natura ipsa lapidis vel arboris, sed de illa intentione seu formalitate generis, quæ in illis omnibus inueniuntur.

Si dicantur duo ultima, inquiri quid est illud quod accrescit conceptibus, vel obiectis ex ordinatione Logicæ, nam si accrescit ipsis obiectis ut cognitis, est secunda intentio, & aliquid rationis, nam id quod conuenit rebus cognitis, non conuenit ut sunt in re, & sic non est aliquid reale, sed rationis. Si autem est sola denominatio extrinseca, qua res ipsæ denominantur cognitæ sic vel sic, non quæ rebus iam cognitis superueniat; contra est, tum quia ista denominatio non est aliquid artificiosum, sed

sed naturaliter, & sine artificio aut collatione aliqua consequutum sicut ad visionem sequitur denominatio visi in obiecto; tàm quia multæ intentiones Logicæ non conveniunt nisi per comparisonem, & collationem unius ad aliud, & supponendo rem iam cognitam, & apprehensam, ut ordo superioris ad inferius, subiecti ad prædicatum, compositionis in propositione & syllogismo, ergo tales non sunt denominatio extrinseca cogniti, sed aliquid rationis rebus cognitis conveniens.

Si verò sit aliquid accrescens ipsis conceptibus, seu actibus ut eliciuntur ab intellectu cum aliquo influxu, & ordinatione Logicæ. *Contræ est*; quia ista ordinatio impressa conceptibus, vel actibus non est aliquid entitativum in ordine ad se, sed repræsentativum, vel ordinem dicens ad obiecta, nec enim de entitate reali conceptuum curat Logica, nec illi ad sui elicentiam indigent Logicæ ordinatione, cum sint aliquid naturale, & naturaliter à potentia egrediens, ad quam egressionem, posita specie, & potentia seu virtute, nullo artificio indigent. Ordo ergo ad obiecta artificiosè ordinata, est quidem aliquid reale in conceptibus seu actibus, idest repræsentatio, qua naturaliter respiciunt obiecta etiam si realia non sint, sed tamen iste ordo non est formale obiectum Logicæ, sed ad summum effectus, quem in alijs scientijs dirigit, ut ex ostensione Logicæ tendant, & ordinentur ad obiectum Logicali modo dispositum: impressio autem superioris potentix vel artis in inferiorem, ut ordinetur ad obiectum seu finem superioris, solum est effectus superioris,

ris, non formale obiectum, vt patet in artibus architectonicis dirigentibus inferiores ad suum finem, & in Angelo superiori illuminante inferiorem, nec enim habent pro obiecto actum inferioris, quem ordinant, aut illuminant, sed obiectum ad quod ordinant. Vnde obiectum formale talis luminis superioris non est actus inferioris, qui illuminatur, sed ipsum obiectum, quo proposito inferior illuminatur. Et ratio est clara, quia cum virtus, vel ars superior imprimit in inferiorem, eamque ordinat ad suum finem, iam superior supponitur habere finem, & obiectum specificatum sui, ad quod attingendum dirigit, & ordinat inferiorem, ergo specificatum proprium superioris non est impressio, & ordinatio inferioris in talem finem, sed ipse finis, qui est obiectum superioris, & cuius ordinem effectiue communicat inferiori. Similiter cum Logica reliquas scientias ordinet, & illuminet quantum ad modum artificiosum discurrendi, non habebit pro obiecto formali ipsos actus aliarum scientiarum vt tendentes, & ordinatos realiter ad obiecta sua ordinata, sed illud quod in obiecto cognito speculatur Logica, & alijs scientijs proponit sequendum, & ordinandum, id erit obiectum formale ipsius, quæ utique ordinatio obiectorum secunda intentio est in obiectis.

Respondent Aliqui Logicam solum respicere per se collocationem, & dispositionem conceptuum, vt vnum sit prædicatum, aliud subiectum, &c. quod verò ex hac collocatione resultet aliquid rationis, non per se attenditur à Logica. *Alij* quod Logica dirigit intellectum,

lectum ut eliciat actus, qui actus habent pro obiecto aliquid ordinatum secundum intentiones Logicas, & ita obiectum immediatum Logicæ sunt isti actus, sed obiecta istorum actuum erit aliquid rationis inquantum sunt ordinata; sed hoc est obiectum remotum. Alij denique quod quia operationes intellectus realiter perficiuntur per Logicam, aliàs non esset perfectior in discurrendo Logicus, quàm rusticus; ideò habet aliquam perfectionem realem pro obiecto.

Sed contra primam solutionem est. Quia collocatio, & dispositio conceptuum non est collocatio aliqua situalis sicut lapides in domo, sed est repræsentatio, & tendentia ad res rectè collocatas, & ordinatas inter se, neque enim conceptus dicuntur ordinati quasi entitatiuè, sed quasi repræsentatiuè, & respectu obiectorum circa quæ versantur, ergo principaliter respicit Logica ordinationem obiectorum; formalem autem tendentiam, & repræsentationem conceptuum, ut medium quo attinguntur ista obiecta ordinata.

Contra secundam autem solutionem est quod Logica non docet actus elicere quantum ad suam entitatem, sed ut artificiosè disponantur, & quia dispositio artificiosa non aliter inuenitur in actus nisi inquantum attingunt obiecta ordinata, & disposita, idem est dirigere Logicam intellectum ut eliciat actus suos artificiosè, quod obiecta ipsa ordinata proponere, circa quæ actus scientiarum eliciantur, atque adeo primo per se Logica attingit intentiones secundas obiectorum, ordinem autem actuum ad illas effectiuè actibus

communicat , seu directiue .

Tertia denique solutio non est ad rem , non enim dubitamus quòd attingentia obiecti inquantum rectè ordinatum est , sit realis perfectio cognitionis & scientiæ , sed non est illa formale obiectum Logicæ , sed est medium quo attinguntur obiecta ordinata à Logica , & hæc ordinatio in ipsis obiectis aliquid rationis est , & secunda intentio ; attingentia verò , & tendentia actuum ad talia obiecta sic ordinata realis tendentia , & perfectio est à Logicæ directione solùm effectiue , seu directiue deriuata , cognitio enim , & attingentia entium rationis realis perfectio in cognitione est .

Sed inquires duo : Primum : Vtrum secunda intentio sit formale obiectum Logicæ tanquam ratio , sub qua , vel tanquam ratio quæ attingitur . Respondetur . Esse rationem formalem quæ attingitur , nam de secundis intentionibus demonstrantur multæ passionēs in Logica , sicut de vniuersali prædicabilitas , ergo est res cognita per scientiam Logicæ , & consequenter pertinet ad rationem , quæ cognoscitur . Vnde D. Thom. appellat istas intentiones subiectum Logicæ in 4. Met. lect. 4. constat autem quòd subiectum est res quæ cognoscitur . Ratio autem , *sub qua* , Logicæ sicut in alijs scientijs , sumitur secundum abstractionem à materia , quæ præstat modum intelligibilitatis , sub qua res diuersimodè potest cognosci secundum quod diuersimodè abstrahitur à materia , vt latius tradetur in vltima quæst. Poster. Obiectum autem Logicæ , quod est ens rationis , habet abstractionem similem abstractioni Metaphysicæ , idest ab omni materia,

teria, non per deputationem actualitatis ab illa, sed per negationem omnis materiæ.

Secundum est. Inter objecta de quibus agit Logica, quod nam est objectum principalitatis? *Respondetur.* Quod syllogismus, qui fit per tertiam operationem, est principale objectum Logicæ, & inter syllogismos, si considerentur ratione materiæ, principalior est demonstratio. Ratio est manifesta. Quia ut docet S. Tho. 1. Perih. lect. 1. & 1. Poster. lect. 1. Omnes tres operationes intellectus ita se habent, quod prima & secunda ordinantur ad tertiam ut ad principalem, in qua perficitur ratiocinatio, & discursus, qui rectè disponitur per syllogismum, & certò ac firmiter resolvitur per demonstrationem. Cum ergo scientia Logicæ propriè, & essentialiter sit directiva rationis, illud est principale objectum, ubi principalius inuenitur ratiocinatio & discursus cum certitudine, & sine errore. Contingit autem error, vel ex defectu formæ, vel ex contingentia materiæ, ergo principale objectum ex parte formæ est syllogismus rectè dispositus; principale autem ex parte materiæ est demonstratio, in qua inuenitur processus rationis sine errore, tam ex parte materiæ, quàm ex parte formæ. De his tamen, quæ pertinent ad alias secundas operationes, etiam per se agit Logica, licet minus principaliter, ut in 1. q. Summ. ar. 1. ostendimus.

SOLVUNTUR OBJECTIONES.

Primò arguitur: Ens rationis non potest esse objectum scientiæ primo & per se, ergo falsa est conclusio. Antecedens prob. tum

Quia ens rationis non est per se, & formaliter cognoscibile, quia non est per se ens, & ita per se non fundat cognoscibilitatem, ergo neque per se est scibile. Tum quia non habet passionem causatas à se de quibus agat, cum nihil causet; neque causas per quas sciatur, cum non causetur; ergo de tali ente rationis directè & per se non datur scientia.

Respondetur. Quòd de ente rationis, quod nullum habet fundamentum, neque ordinem ad ens reale, nulla datur scientia, sicut de chymera, & alijs similibus. De ente autem rationis, quod habet fundamentum in re, vel ordinem ad ens reale, potest dari scientia per se, sicut de multis priuationibus agitur in scientijs; & in Philosophia vnum ex principijs naturalibus est priuatio, & de relationibus, & distinctionibus rationis multa agunt Theologi.

Et ad replicam. Per se non est ens, ergo per se non est scibile? Distin. consequens, per se quasi subiectiuè non est scibile, transeat, per se quasi obiectiuè, nego, idest non est entitas cui tanquam subiecto realiter insit scibilitas, est tamen obiectum aliqua scibilitate attingibile. Vt autem aliquid sit simpliciter, & vniuocè scibile, sufficit quòd per se obiectiuè sit attingibile à potentia secundum quòd obiectum fundat necessariam connexionem; sicut etiam aliquid potest dici possibile dupliciter, vel intrinsecè, & per potentialitatem, quàm subiectiuè & materialiter habet vt in se aliquid recipiat seu in se fiat, vel extrinsecè, quia vt obiectum extrinsecum se habet ad potentiam esse ctium, vt docet S. Thom. I. p. q. 9. art. 2.

& tamen utrumque est simpliciter & uniuocè possibile. Sic potest esse aliquid scibile, vel ratione intrinsecæ entitatis, quæ est subiectum cognoscibilitatis, vel quia obiectiuè potest cognosci, & perficere intellectum obiectiuè, ut est fundatum in ente reali, licet quasi effectiuè ab intellectu habeat esse, quod sufficit ut simpliciter sit scibile; & sic explicat S. Thom. 7. Met. lect. 4. Phil. dicentem, *quod non scibile est scibile secundum quid*, idest inquit D. Thom. *per posterius*, quia de non scibili hoc scire possumus, quod non scitur, sic & de non ente quia non est. Et ad secundam probat, dicitur: Quod ens rationis non habet *passiones* realiter causatas, benè tamen fundatas seu consecutas aut connexas: neque causas reales, & efficientes sui, habet tamen fundamentales, & formales, quæ fundant veram, & necessariam connexionem, & veritatem, quod est habere quasi causas metaphysicè, non physicè.

Secundò arguitur. Logica per se respicit operationes intellectus ut dirigendas, sed in istis operationibus accrescit aliqua perfectio realis ex ordinatione Logicæ, ergò aliquid reale habet quod formaliter respiciat pro obiecto. Mai. manifesta est, & à D. Thom. sæpius asserta in locis suprà citatis min. verò prob. Tum quia perfectior intelligentia, & discursus est in Logico, quàm in rustico nesciente præcepta Logicæ. Tum quia proprium demonstrationis est generare scientiam inquantum demonstratio est rectè disposita, hanc autem dispositionem habet à Logica. Tum denique quia prudentia & reliquæ artes dirigunt actiones suas secundum rectam moralitatem & artium.

tificium, quod totum est aliquid rationis, & tamen quia actiones directæ sunt aliquid reale, dicuntur prudentia, & artes habere pro objecto formali aliquid reale ergò similiter Logica.

Respondetur. Supponendo id quod diximus in conclusione, materiam dirigibilem à Logica esse operationes intellectus, quæ artificiosè disponuntur, non entitatiuè aliquid artificiosè factum in se recipiendo, sed repræsentatiuè, non quia repræsentatio ipsa in se artificiosa sit, conceptus enim naturaliter repræsentant, sed quia attingunt objecta artificiosè ordinata Logicis intentionibus, & sic ab objecto denominantur operationes artificiosæ. Unde dicitur ad min. argumenti. Quod licet ordo & tendentia conceptuum ad objecta rectè ordinata sit aliquid reale; non tamen illa tendentia est objectum formale Logicæ, sed est id quo intellectus attingit objecta ordinata à Logica.

Et ad primam prob. Dicitur. Quod perfectior est actus intelligendi in Logico, quàm in rustico in attingendo, & repræsentando melius objecta ordinata, sicut est perfectior actus intelligens & discernens respectus rationis & priuationes & alia entia rationis, quàm non discernens illa; inde tamen non sequitur quod formale objectum Logicæ sit illa repræsentatio, & tendentia cognitionis, sed illa ordinatio objectorum circa quæ versatur ista cognitio.

Ad secundam probat. Dicitur quod effectiua & physica causalitas, qua actus demonstrationis generat scientiam habitualement non per-

tinet

cinet per se Logicam vt dirigentem , sed ad scientiam directam , & hæc effectiua generatio conuenit in ratione actui realium , quibus demonstratio constat. Per se autem pertinet ad Logicam considerare in demonstratione rectam dispositionem syllogisticam , veritatum , & conuenientiam materiæ ; scilicet quod propositiones sint necessariae per se , & rectè dispositæ , quæ sunt conditiones ex parte obiecti requisitæ vt processus scientificus ordinetur , non autem tales conditiones sunt virtus ipsa effectiua scientiæ .

Ad tertiam prob. Dicitur in primis circa artes , quæ versantur in exteriori materia , & Logicam esse manifestam differentiam , quod artes illæ respiciunt quidem aliquem ordinem ab intellectu efformatum & factum , & exterius producibilem per potentiam executiuam , v.g. quod ligna disponantur in tali figura , & in tali situ & collocatione , quod totum aliquid reale est in se , licet dependens à directione rationis effectiue . Vnde tales effectus artificiosi non dicuntur aliquid rationis obiectiue , sed effectiue , idest procedunt quidem à ratione vt ab efficiente & dirigente eorum productionem , non tamen consistit eorum esse in obiectiua formatione , seu in ipso cognosci obiectiue . Logica autem respicit ea quæ sunt in obiecto , non à ratione mouente ad executionem , sed à ratione vt purè negociante circa obiecta cognita .

Similiter est differentia circa prudentiam & Logicam , licet prudentia versetur circa agibilia quæ sunt actus interiores . Nam in prudentia sunt duæ partes , alia quæ versatur
cir-

circa iudicium de rebus, & consilium; alia quæ versatur circa imperium & præceptum, seu applicationem circa res iudicatas, & consiliatas. Et quidem actus iudicans, vel consilians non est inconueniens quod versetur circa aliquid rationis formaliter, idest circa ipsa obiecta sub moralitate considerata quatenus à regulis legis, aut recti arbitrij ordinata, quæ ordinatio nihil reale ponit in rebus ipsis in se, sed denominationem rationis vel relationem, quæ tamen non vocatur secunda intentio, quia non conuenit rebus vt cognitis, sed vt appetibilibus sub regula moris. Actus verò imperandi & præcipiendi, qui est principalis in prudentia, vt docet Sanct. Thom. 2. 2. quæst. 47. artic. 8. non respicit directè obiecta ordinando illa, id enim ordinat lex, & ratio; sed directè respicit applicationem voluntatis ad eliciendum actus circa obiecta ordinata, eò quòd in ista applicatione est præcipua difficultas practica, & ideò prudentia in suo principali actu formaliter respicit elicentiam actuum, qui sunt aliquid reale, quàm ordinationem obiectorum. At Logica non habet actum imperandi & applicandi voluntatem, vel alias potentias, sed tantum ordinandi obiecta in esse cognito per secundas intentiones, qua ordinatione facta, vel proposita, sine noua difficultate, vel applicatione imperij, ipse intellectus, vel alia scientiæ formant actus suos circa obiecta sic ordinata. Vnde formaliter non versatur circa elicentiam actuum sicut imperium practicum, sed circa ordinationem obiectorum cognitorum.

Ultimò arguitur, Logica habet pro obiecto
mo-

modum sciendi, scilicet definitionem, diuisionem, &c. hoc enim alia scientijs præbet, ista autem formaliter sunt actus cognitionis vt artificiosè dispositi, ergò illi quatenus sic dispositi sunt obiectum Logicæ, nec ad aliam scientiam pertinent; sic autem aliquid reale sunt; idest actus intellectus.

Confirmatur. Quia etiam si nulla entia rationis resultent circa obiecta, vel etiam antequàm resultent, Logica habet dirigere cognitionem, ergò non versatur formaliter circa ens rationis, vt ens rationis.

Respondetur. Non esse dubium quòd actus rationis, quibus formatur definitio, & diuisio, cæteraque Logicæ instrumenta sunt reales entitates, quæ habent ordinem naturalis repræsentationis, & tendentiæ ad obiecta, super quam tendentiam nihil addit actibus. Logica vt ordinati dicantur, sed tota eius difficultas est circa obiecta cognita vt ordinata sint, quæ ordinatio in obiectis est aliquid rationis. Circa elicentiam verò actus erga hæc obiecta non est aliqua difficultas à Logica vincenda, sed tantùm naturalis repræsentatio producenda ab intellectu. Itaque sunt actus reales ex parte tendentiæ ad obiecta, & repræsentationis, concedo, ex parte obiectorum, quæ per intensionem rationis ordinantur, nego, & hoc formaliter pertinet ad Logicam, licet id quo tale obiectum attingitur conceptus, & actus realis esse debeat. *Nec potest dici;* Quòd solùm in connotato respicit Logica illud artificium, formaliter verò & directè actus. Quia formalis ratio, propter quam illi actus pertinent ad Logicam, est illud artificium, cum ratione il-
lius

lius pertineant isti actus ad artem, & non ratione suæ entitatis realis; quæ subijcitur isti artificio quatenus repræsentatiuè respicit illud in obiecto ordinato, vt dictum est.

Ad confirmationem respondetur. Quòd etiam si non resultarent entia rationis formaliter, & secundum existentiam obiectiuam, adhuc daretur Logica, quæ illarum rationes consideraret saltem ex parte sui fundamenti. Si autem nec formaliter, nec fundamentaliter darentur tales in. en. iones, non daretur Logica. Sicut etiam in opposita sententia, si non essent denominationes extrinsecæ, vel dirigibilitas artificiosa, & realis ipsorum actuum, non esset Logica, quæ solum versatur circa illam: de facto tamen, hoc ipso quòd Logica dirigit artificiosè actus suos, resultat in obiectis ordinatis secunda intentio, quia vt seq. quæst. dicemus art. 4. ex D. Thom. ex ipso modo intelligendi vnum in ordine ad aliud resultat relatio rationis.

Quando autem dicit D. Thom. 1. Posterior. lect. 1. versari Logicam circa actus rationis dirigendos sicut ars fabrilis circa actiones manus, sensus manifestus est quòd versatur circa actus rationis sicut circa materiam dirigendam; supponendo tamen formam artificiosam tanquam rationem formalem istius directionis, quæ vt dictum est tenet se ex parte obiecti circa quod versatur actus rationis; sicut obiectum formale artis fabrilis non sunt actiones manus, sed res factæ per manus.

ARTICVLVS IV.

Verum Logica sit scientia speculativa, vel practica.

Multa solent in presenti tradi ab Authoribus circa differentiam practici, & speculativi, & quid sit praxis, & verum inueniatur solum extra intellectum, vel etiam in intellectu, quæ omnia huius loci non sunt; sed solum ut titulus quæstionis intelligatur, sufficit notare communem differentiam inter practicum, & speculativum, quæ sumitur ex Philosoph. in 3. de Anima lect. 15. apud D. Tho. & 2. Met. lect. 2. & 1. p. q. 79. art. 11. & q. 14. art. 16. Et consistit in hoc quod speculativum respicit veritatem ut sciatur, practicum vero ut fiat, & executioni mandetur in opere. Sed cum ipsa veritatis cognitio sit etiam quoddam opus, & rursus quodlibet opus sit etiam aliqua veritas, oportet valde formaliter inter hæc distinguere; non enim practicum dicitur quod efficit quomodocumque opus seu elicit operationem, sed quod dirigit ad opus, & illud per regulas ordinat, & habet pro fine, ita quod non solum sit operatio elicitæ. sed etiam obiectum seu materia, quæ in sui executione, & ut efficiatur, regulis directionis ad faciendum indigeat, & non solum regulis ad sciendum, semper enim sciri, & fieri distinguuntur in speculativo, & practico. Nec speculativum dicitur quod cognoscit quomodocumque veritatem, sed quod tantum intendit cognoscere, non vero alterius facere, nec dirigit ut faciat, sed ut sciat,

sciat, & ut ignorantiam effugiat. Vnde ut sit speculativum requiritur quod vel materia eius operabilis non sit, sicut qui considerat Deum, & Angelum, aut Cælum, &c. vel si sit operabile, non ut operabile, sed ut scibile, & tanquam verum quoddam attingatur. Ut autem sit practicum requiritur ut materia sit operabilis, & ut modo operabili attingatur. Vnde Philosophus cum distinguit practicum & speculativum ex fine, non loquitur de fine solum ex parte intelligentis & operantis actualiter, sed ex fine intento ex vi ipsorum principiorum & regularum quibus utitur aliqua scientia; si enim sunt principia solum manifestantia veritatem, & quasi illuminantia, & fugantia ignorantiam, speculativè procedunt: si autem non solum manifestant veritatem, sed dirigunt ad hoc ut fiat, & constituatur in esse, sunt practica & ordinant praxim, intelligendo nomine, *praxis*, generaliter obiectum practicæ cognitionis. Vnde principia speculativa dicuntur resolutiva, quia solum respiciunt veritatem ut resolvitur in sua principia; principia autem practica dicuntur compositiva, quia respiciunt veritatem seu entitatem ut ponendam in esse. De quo videatur Sanctus Thomas, 2. Metaph. lect. 2.

Igitur in præsentī quando inquirimus An Logica sit practica, vel speculativa; punctus difficultatis ad hoc reducit, An principia formalia, quibus Logica procedit, ita respiciant veritatem, quam tractat, ut purè resolutivè procedant in ordine ad sciendum; an mopo compositivo ita ultimè ordinentur ad aliquod opus exercendum & faciendum
præ-

præter ipsum scire, quod non sit sola speculatio veritatis, sed etiam praxis; vel potius an ipsa ordinatio ad sciendum practica esse possit.

Et in hoc diuiduntur Authores in tres præcipuas opiniones. Quidam simpliciter practicam existimant Logicam, quia licet multa speculetur; omnia tamen ordinat ad opus, scilicet ad rectam constructionem syllogismi, & ita designat hæc sententia pro materia practicabili operationes intellectus, pro principijs autem practicis regulas seu præcepta, quibus non solum docet in vniuersali, quæ sit natura syllogismi, sed in particulari quomodo sit construendus. De qua sententia videatur Fons. 2. Metaph. cap. 3. quæst. 2. sect. 3. Conimb. quæst. 4. proœm. art. 5. Alij simpliciter faciunt speculatiuam è contrario fundamento, vel quia existimant nullum actum intellectus esse praxim, vel quia etsi fateantur aliquem actum intellectus vt subditur voluntati posse esse praxim; non tamen vt purè respicit obiectum sub ratione cognoscibilis; Logica autem non dirigit immediatè ipsos conceptus entitatiuè, sed obiecta, quæ sic ordinat, & disponit sicut requiritur ad debitam speculationem. Est communis Thomistar. Videatur Magister Sotus hic quæst. 4. Sanchez quæst. 16. Cursus Carmel. quæst. proœ. Alij denique existimant simul esse practicam & speculatiuam, quia rationem speculatiui, & practici dicunt esse accidentales differentias in scientijs, vel saltem esse habitum duplicem partialem in Logica, quorum vnus sit speculatiuius, alter practicus. Ita Pater Vasquez 1. par.

1. par. disp. 8. cap. 1. Magister Cabero, disp. 3. dubio 3. Martinez quæst. 2. & alij.

Nihilominus dicendum est primò, non posse vnicam scientiam naturalis ordinis simul esse practicam & speculatiuam, & consequenter neque Logicam. Sumitur hæc conclusio ex D. Thom. 1. p. quæst. 1. art. 4. vbi fatetur practicum & speculatiuum in scientijs philosophicis aliam, atque aliam scientiam constituere, quod est signum diuersitatis essentialis. Et similiter in 6. Ethic. lect. 2. & 3. & 1. 2. quæst. 57. distinguit tanquam virtutes essentialiter diuersas scientiam & sapientiam, ab arte & prudentia, quia illæ sunt speculatiuæ, istæ practicae. Et videri etiam potest in opusc. 70. qu. 5. art. 1. *Et ratio est*. Quia distinctio specifica habituum sumitur ex objecto formali; in scientijs autem formalis diuersitas obiectorum reduci ut ad diuersa principia, ex quibus proceditur circa vnum obiectum, vel circa aliud, vt ex Philosopho ostendit Sanctus Thomas 1. Poster. lection. 41. *Sicut, inquit, formalis ratio visibilis sumitur ex lumine per quod color videtur, ita formalis ratio scibilis sumitur secundum principia ex quibus aliquid scitur*: practicum autem, & speculatiuum exigunt diuersa principia in ipsa formali ratione cognoscendi, siquidem principia speculatiua procedunt modo resolutiuo, & solum tendunt ad manifestandam veritatem secundum connexionem, & dependentiam à principiis formalibus talis veritatis; principia autem practica, neque resoluunt, neque illuminant veritatem quantum ad sua formalia principia, & quidditatem quasi abstrahendo ab

exi-

existentia, sed applicant, & ordinant illam ad ponendum in esse, & ita procedunt modo compositiuo; vnde speculatiuum respicit causas veritatis abstractè & in se, practicum autem concretè & in opere. Nunquam ergò principia sunt speculatiua, nisi quia distinguuntur à practicis illisque opponuntur, quia opposito modo procedunt, quia non sunt applicatiua ad opus. Et sic magis distant in ratione cognoscendi, & illuminandi principia practica, & speculatiua, quàm duo speculatiua, quæ diuersas species scientiæ constituunt; quòd si semel diuersas species constituunt secundum se, non possunt inadæquatè, & vt partes concurrere ad aliam tertiam speciem constituendam quæ simul sit practica, & speculatiua etiam inadæquatè, vt dicunt aliqui, sicut non potest vnica scientia duas species scientiæ diuersas adunare, verbi gratia, quod simul sit Mathematica, & Metaphysica, aut quid simile, quia repugnat differentias specificas, cum sint oppositæ, vniri inadæquatè ad vnum tertium constituendum, nisi earum oppositio, & differentia collatur in aliqua eminentiori forma, vt statim dicam. Nunc autem solùm loquimur de scientijs ordinis inferioris.

Quomodo autem in Theologia, & alijs habitibus supernaturalibus adunetur ratio practici, & speculatiui vt docet D. Thom. 1. par. quæst. 1. art. 4. & 2. quæst. 8. art. 2. & quæst. 45. art. 3. alterius negotij est; *Breuitè dicimus* non vniri in istis habitibus rationem practici, & speculatiui inferioris ordinis, quia hæc semper specie distinguuntur, sicut vegetatiuum prout

prout inuenitur in planta, & in bruto nunquam vniuntur in aliqua forma, neque vlla specificæ differentiæ vniri possunt in illo ordine in quo sunt differentiæ specificæ, id enim implicat, cum hoc ipso quod sunt differentiæ specificæ, sint oppositæ, & si sunt oppositæ, repugnat in vnum adunari, sed in aliquo superioris ordinis in quo forma eminentior vnico modo superiori exercet ea, quæ plures formæ inferiores diuerso, & opposito modo exercent. Aliud est de gradibus, vt sensitiuo, vegetatiuo, &c. qui vniuntur in aliqua forma contracta, sed isti gradus non sunt oppositi sicut species, vel differentiæ specificæ, sed se habent vt superius & inferius prædicatum, quorum vnum contrahit aliud & non ei repugnat. Consistit autem ista ratio superior in eo quod istæ scientiæ supernaturales attingunt Deum secundum quod est in se, in ipso autem Deo idem est principium propriæ speculationis, & præcticæ ordinationis, quia ita est veritas necessaria in se, quod etiam est regula contingentium, & ita in simplici modo vnit principia speculationis & praxis, quod non contingit in alijs luminibus, quæ non possunt vnica manifestatione simul manifestare rem secundum principia necessaria, & secundum contingentia, secundum resolutionem in principia veritatis, & secundum principia factiua & compositiua rei in esse, quia limitatio luminis non potest omnia ista comprehendere, cum fundent oppositas differentias, & modos procedendi.

Dico secundo: Logica essentialiter, & ex vi suorum principiorum simpliciter est speculatiua,

tia, licet aliquem modum practice induat, quatenus regulas & directionem præbet speculationi ipsi. Hanc conclusionem perpetuò docet D. Thom. Primò ponendo omnes artes liberales sub genere speculatio, ut in 1. Metaphys. lect. 2. §. *Hic probat secundum*. Secundo specialiter loquens de Logica 1. 2. qu. 57. art. 3. ad 3. docet quòd etiam in ipsis speculabilibus est aliquid per modum cuiusdam operis, puta constructio syllogismi, aut rationis congruæ, &c. Et quicumque ad huiusmodi opera rationis habitus speculativi ordinantur, dicuntur per quandam similitudinem artes. Vbi non solum actum Logicæ, sed etiam habitum vocat speculativum. Constat autem apud D. Thom. scientiam esse unum habitum tantum, ut docet 1. 2. qu. 54. art. 4. ergo Logica tantum est speculativa. Similiter 2. 2. q. 47. art. 2. ad 3. docet: dari artem speculativam sed non speculativam prudentiam, quia speculativa ratio quedam facit, puta syllogismum propositionem, &c. Et qu. 51. art. 2. ad 3. dicit: *Quòd in speculativis alia rationalis scientia est Dialectica, & alia scientia demonstrativa, quæ est veritas determinativa*. Eandem sententiam docet Scotus qu. 4. prologi, §. *Dico igitur*, & 6. Metaphys. qu. 1. & communiter tota eius schola licet in fundamento à Thomistis non nihil differre quidam putent, sed falsò, nam in hoc ultimo loco ex eodem fundamento procedit cum D. Tho. scilicet quia opus, quod dirigit Logica, est ipsa speculatio.

Nec potest responderi. Quòd loquitur S. Tho. de speculatio secundum quid, quia dicit quòd speculativa ratio aliquid facit per modum

cuiusdam operis, speculatiuum autem operati-
 aliquid videtur speculatiuum secundum quid.
Sed hoc non potest stare, quia in his locis inquir-
 rit S. Doctor An prudentia sit speculatiua es-
 sentialiter, & simpliciter non secundum quid,
 inquit enim de ipso genere cognitionis in
 quo ponitur habitus ipse prudentiæ, ergo in-
 conuenienter resolveret de speculatiuo secun-
 dum quid. Vnde etiam procederet omnino in-
 sapienter si, quando ex professo inquit in quo
 genere cognitionis ponatur prudentia, vel ars
 liberalis, vel Dialectica, omisso genere sim-
 pliciter, diceret quod est in genere specula-
 tiuo secundum quid: sic enim non explicaret
 in quo genere esset absolute, & simpliciter.
 Et D. Tho. quando simpliciter affirmat quod
 aliquid est tale sine alia restrictione, vel ex-
 plicatione, non procedit in sensu diminuto, &
 secundum quid, sed in sensu formali, & sim-
 pliciter loquendo, alias nihil certi haberemus
 in doctrina Diu. Thom. & præsertim quia de
 hoc procedebat argumentum. Et vrgetur, quia
 si dicitur speculatiua secundum quid, maxime
 quia est operans, ratio autem operationis ut
 sic non minuit speculationem, quia in se spe-
 culatio ipsa est operatio quædam, ut iam nota-
 tum est.

*Fundamentum huius conclusionis à priori, &
 à posteriori sumi potest.* A posteriori facio
 in primis illam consequentiam Philos. in 1.
 Metaph. lect. 3. apud D. Tho. Nulla scientia
 in qua quæritur ipsum scire propter seipsum
 est practica, sed qui propter fugiendam igno-
 rantiam philosophatur, causa tantum cogno-
 scendi philosophatur, & tendit ad scire pro-
 pter

pter se ipsum, ergo talis non est practicus, sed speculatiuus. Hæc consequentia est, quam facit Philos. sed eadem prorsus applicatur Logicæ, nam Logica quærit scire propter se ipsum, ergo est speculatiua. Antecedens probatur, Logica solum intendit fugere ignorantiam, ad hoc enim inuenta est, vt ratio non procedat ignoranter, neque erroneè, sed rectè sciat, ergo solum intendit scire, & cognoscere; fugere enim ignorantiam, & scire idem est, ergo si Logica quærit ipsum cognoscere propter fugam ignorantia, & vt purificet ipsum scire ab errore, & modo non sciendi, quærit cognitionem propter scire, ergo non est practica.

Et confirmatur, quia si Logica dirigit speculationes, ergo vis speculatiua est, quæ perficitur per Logicam artificialem, ergo Logica artificialis non potest esse practica, cum perficiat vim speculatiuam, alioquin ratio practica dirigeret speculatiuam, & prius perfecteretur vis practica, quàm rectificaretur speculatiua, quod repugnat, cum practicum sit posterius speculatiuo; vtique rectificato, & ab illo deriuetur, non è contra. *Fundam. autem à priori* sumitur, tum ex parte principiorum, quibus Logica procedit, tum ex parte materiae circa quam versatur. Ex parte quidem principiorum, quia principia Logicæ sunt omninò speculatiua, nec dabitur aliquod practicum etiam in ipsis syllogismis construendis, ergo ipsa Logica non est practica. Conseq. est euidens. Antecedens verò probatur, nam principia quibus vtitur in construendis syllogismis, sunt illa duo: *Quaecumque sunt eadem vni tertio, &c.* Et *quaecumque dicuntur de*

aliqua vniuersali, dicuntur de omni contenta sub illo, quæ principia omninò sunt speculatiua, nam multis scientijs speculatiuis deferuire possunt ad alias veritates comprobandas, & sic attingunt veritatem ipsam secundum se. Et idem obseruari potest in alijs principijs quibus procedit Logica circa naturam generis & vniuersalium, circa rationem oppositionis, circa modum definitionis, & diuisionis, & similia, quæ ita sunt speculatiua, quòd etiam alix scientiæ speculatiuæ vtuntur illis, sicut notauit S. Tho. 1. Poster. lect. 20. & sæpè in alijs scientijs speculatiuis facimus. Si ergò habet Logica principia deferuentia ad conclusiones speculatiuas, ipsa principia speculatiua sunt, ergo non habet principia practica, quia simul practica, & speculatiua habere non potest, vt dictum est.

Ex parte autem materiæ circa quam versatur Logica, idem proportionabiliter probatur. Quia ordinatio Logicæ directè, & per se versatur circa ipsa obiecta cognita & ordinata, ex qua ordinatione habent dirigi conceptus ipsi formales, quatenus versantur circa obiecta sic ordinata, ergò non habet pro materia aliquid practicabile. Consequentia patet. Quia obiectum sub statu cogniti, & secundæ intentionis non est practicabile, & operabile ab aliqua reali operatione, sed si quæ esset materia practicabilis, & operabilis ab intellectu realiter, essent ipsi conceptus vt eliciendi, & operandi, ergò si versatur directio Logicæ circa ipsa obiecta cognita vt cognita sunt, non versatur circa operabile vt operabile. Antecedens autem constat, quia principia qui-

quibus Logica discurret , per se & directè respiciunt objecta cognita sub statu cogniti , & secundæ intentionis , sicut cum dicit : *Quæcumque sunt eadem uni tertio sunt eadem inter se ; Quicquid dicitur de aliquo , dicitur de contento sub illo .* Et similiter in Regulis ampliationis , & restrictionis , suppositionis , &c. Et in ipsa coordinatione Prædicamentorum , & distinctione prædicabilium , omnia ista respiciunt , & versantur circa objecta cognita in quantum cognita sunt , ergò non respiciunt aliquod operabile ut operabile , quia illud est operabile quod est attingibile reali operatione ut sit in executione , non ut extrinsecè tanquam cognitum attingatur . Etenim ut supra diximus , hoc ipso quòd objecta sunt ordinata , & ut talia proponuntur , non est necesse aliquid operari circa ipsos conceptus ut in talia objecta tendant modo aliquo artificiali , quia naturali repræsentatione , & similitudine tendunt ad objecta sua , ergò totum artificium Logicale circa objecta ipsa ut cognita versatur , non circa ipsam tendentiam , & repræsentationem conceptuum , quæ naturalis est , & artificiosa esse non potest , nisi tantum obiectivè , quia ordinatur ad objecta artificiosè disposita .

Ex quibus sequitur . Non repugnare quòd actus intellectus sit praxis , ex eo quòd actus intellectus sit præcise , sed ex eo quòd speculatio est , & tendit ad veritatem , ibique sistit ; quod autem sistit in veritate contemplativum est . Vnde sola exterior actio (idest extra cognitionem inuenta ut præcise sistentem in veritate) pertinet ad intellectum practicum ,

siuè actiuum, vt docet S. Tho. 2. 2. q. 179. ar. 2. Actus autem intellectus vt induunt moralitatem, & liberæ voluntatis motioni sub sunt, possunt practicis regulis prudentiæ regulari, sicut actus aliarum virtutum, quia sic quodammodo actus exteriores sunt respectu cognitionis veritatis, idest extra illam.

SOLVUNTUR ARGVMENTA.

Primò arguitur. Aliquibus authoritatibus S. Thomæ, quibus videtur Logicæ attribueri rationem practicæ, & non speculatiuæ. Nam in 1. Metaph. lect. 2. & n. opusc. 70. q. 5. ar. 1. dicit: *Logicam non contineri sub philosophia speculatiua vt principalem partem, sed vt quoddam reductum ad ipsam, quia res de quibus agit non queruntur propter se ipsas, ergò essentialiter non est speculatiua, sed secundum quid, & reductiuè.* Et ibidem solutione ad 3. subdit, *quod aliæ scientiæ dicuntur Artes, quæ non habent solam cognitionem, sed etiam opus*, ergò cum Logica sit scientia, & ars, non habet solam cognitionem, sed etiam opus, atque adeò aliquod opus habet distinctum contra cognitionem. Item in 6. Metaph. lect. 2. & 11. Metaph. lect. 12. solum tria genera numerat scientiarum speculatiuarum ex Philosopho, scilicet Physicum, Mathematicum, & Metaphysicum, ad nullum autem istorum pertinet Logica, vt de se patet, ergò non est in genere speculatiua. *Denique.* Quòd non repugnet aliquam scientiam esse simul practicam, & speculatiuam constat ex D. Thoma, qui vtrumque attribuit Medicinæ opusc. 70. quaest. 5. art. 1. ad 4.

ad 4. & Theologiae 1. p. q. 1. art. 4.

Respondetur. Ad primum locum, solum probare quod Logica non est principalior inter scientias speculativas, sed inferior, & ministerialis, eo quod res, de quibus agit Logica, deseruiunt alijs scientijs, tanquam dantes modum, & formam sciendi, non ut obiectum in quo ultimatè sistitur. Sed tamen non tollitur quod sit essentialiter speculativa, tum ex modo procedendi, & principijs speculativis quibus utitur, tum quia ipsa res de quibus agit, ita ordinantur ad alias, quod non ad operationem, sed ad speculationem aliarum scientiarum ordinantur, cum instrumenta speculandi ministrent.

Ad secundum locum dicitur. Quod scientiae quae sunt Artes dicuntur non solum habere cognitionem, sed etiam aliquod opus, non opus quod sit distinctum ab ipsa speculatione, sed quod speculationem ipsam ordinat & dirigit, & ita respicit ipsam speculationem modo quodam operis, quatenus regulabilis, & dirigibilis est per certas regulas, & ideo ut diximus supra, habet Logica quemdam modum practici, sed quia omnis ista directio ad speculandum ordinatur, & ad rectificandam speculationis opus, simpliciter speculativa manet.

Ad tertium locum dicitur sicut ad primum. Quod Logica continetur sub speculativa Philosophia reductivè, idest, minus principaliter, quia res, de quibus agit, minus principales sunt, utpotè speculationis instrumenta.

Ad ultimum respond. Quod Medicina expressè ponitur à D. Tho. sub scientia practica.

secundum finem , idest secundum obiectum , quia tota ad operationem ordinatur , sed secundum quid dicitur Theorica , secundum quod aliqua pars Medicinæ aliquid à Philosophia mutuatur , & non ex proprijs , sicut mutuatur Chirurgus à Geometria , vel quia pars aliqua medicinæ minus proximè ordinatur ad operationem . Theologia autem est simul practica & speculatiua , quia participat in suis principijs ea , quæ sunt luminis diuini .

Secundo arguitur . Logica respicit operationes vt practicè dirigibiles , ergo est practica . Antecedens probatur . Quia Logica tradit regulas , & præcepta quibus ordinantur operationis ne errent in speculatione , & si quid speculatur , ad hoc speculatur vt dirigat , non dirigit vt speculetur , ergo respicit operationes vt dirigibiles practicè circa modum speculandi , vt quando docet construere syllogismum in Barbara secundum talem quantitatem , & qualitatem , & alias regulas certas , & determinatas , quibus syllogismus regulabilis est . *Et confirmatur .* Quia Logica non solum dirigit syllogismos speculatiuos , sed etiam practicos , nam incontinens dicitur male syllogizare , quia syllogizat in quatuor terminis , vt dicit Philosophus 7. Ethic. lect. 3. apud D. Thom. ergo sicut ex eo quod dirigit speculationes est speculatiua , ita ex eo quod dirigit practicos syllogismos erit practica .

Respond. neg. antec. Ad probationem dicitur , quod operationes intellectus sunt dirigibiles , & regulabiles regulatione , & artificio tenente se ex parte obiecti cogniti vt cogniti , non regulatione , & artificio tenente se ex parte
 ipsius

Ipsi^{us} actus ut operabilis, aut artificiosè, vel morali modo eliciendi, sed qui modo resolutiuo, & naturali repræsentatione, & tendentia fertur in objecta sic ordinata, & intentionata. Vnde talis directio nullo modo est practica propter rationes dictas. Et ita quando dicitur *speculatur ut dirigat*. Distinguitur, directione tenente se ex parte objecti cogniti, & ad solam fugandam ignorantiam ordinata, concedo, sed hæc directio est speculatiua; directione tenente se ex parte operis, & ad existentiam rei, aut efficientiam ordinata, nego. Et sic præcepta, & regulæ construendi syllogismos, & alia Logicalia instrumenta non introducunt aliquam formam realiter in materiam, sed quæ solùm versatur circa objecta cognita penes principia speculatiua, ut dictum est.

Ad confirmationem respondetur. Quòd in syllogismo practico, licet conclusio immediata non sit operatio, sed ratiocinatio, seu cognitio, vltima tamen conclusio operatio est, ut latè docet D. Thom. in lib. de Motu animal. lect. 5. & quæst. 22. de verit. art. 15. ad 2. Vnde iste syllogismus non infert conclusionem tantùm in ratione veri, & cogniti, sed etiam respicit rationem boni per consilium, & iudicium, vnde dispositio eius inquantùm est syllogismus practicus, idest ut vltimatè ordinatur ad operationem, non pertinet ad Logicam, sed ad prudentiam. Quæ tamen habet aliquam similitudinem cum dispositione Logicæ, quia sicut arguens in quatuor terminis speculatiuè paralogizat, ita imprudens, & incontinens, quia non rectè disponit dictamen vniuersalis, & particularis iudicii, fallitur practicè. Vnde

dè S. Thom. vocat istam dispositionem practi-
cam similitudinariè, & secundùm quid syllo-
gismum in 1. sent. dist. 22. q. 2. ar. 1.

Ultimo arguitur. Nam scientia moralis est
practica, ergo & Logica. Consequentia patet
à paritate rationis, quia ideò moralis est pra-
ctica, quia tradit regulas dirigendi actus vo-
luntatis, ergo similiter Logica, quia tradit re-
gulas dirigendi actus rationis. Antec. probat.
Tùm quia scientia moralis procedit per prin-
cipia practica, vt *Bonum est faciendum, malum
est fugiendum*, nec procedit resoluendo, sed
mouendo. Tùm quia si ipsa non est scientia
practica, nulla erit scientia practica, nam ar-
tes mechanicae sunt artes, non scientiae, artes
vero liberales sunt scientiae, sed non practicae
in nostra sententia.

Et confirmatur. Quia ars pertinet ad partem
practicam, numeratur enim cum prudentia à
Philosoph. in 6. Ethic. vbi assignat pro mate-
ria contingenti artem & prudentiam, pro ne-
cessaria, scientiam & sapientiam. De quo vi-
deri potest D. Thom. ibi lect. 3. & 4. vnde &
aliae artes liberales, vt Arithmetica, Geome-
tria, & Rhetorica non sunt speculativae, sed
practicae, ergo etiam Logica.

Respondetur. Quòd scientia moralis potest
dupliciter considerari: vno modo, vt etiam
includit prudentiam, alio modo, vt eam ex-
cludit, & solùm versatur circa cognitionem
virtutum speculando. Primo modo habet ra-
tionem practici ex parte prudentiae quam in-
cludit, & utitur illo principio practico, *Bonum
est faciendum*, modo practico. Et tunc
est disparitas inter ipsam, & Logicam, quia
pru

prudencia dirigit opera voluntatis per electionem, & imperium; quia opera voluntatis cum sint libera, & non naturaliter tendentia in obiectum, sunt in se capacia realis directionis, & moralis motionis: Logica autem, ut dictum est, versatur circa obiecta cognita ex principiis speculatiuis, & solum motione resolutive procedit, non autem introducit aliquam realem ordinationem in conceptu, quia naturali, & non artificiosa similitudine tendit in obiectum. Si verò scientia moralis secludat prudentiam, & solum tractet de materia virtutum definiendo, diuidendo, &c. est speculatiua, sicut fit in Theologia 1. 2. Nec utitur principiis practicis, aut modo practico, id est ut mouentibus, & inclinantibus affectiue, sed præcisè speculatiuis, quatenus cognoscunt naturam virtutum, & prudentiæ in ratione veri, ut in Ethicis, & in tota 1. 2. videri potest, & ita benè potest aliquis esse insignis Philosophus, Ethicus, & Theologus, & imprudens peccator.

Neque est inconueniens quòd non detur scientia practica, si verè, & propriè scientia est, quia scientia procedit resoluendo, & definiendo, practica mouendo, & componendo.

Ad confirmationem respondetur ex D. Thom. 2. 2. q. 47. art. 2. ad 3. Quòd non omnis ars ponitur à Philosopho in eadem parte animæ in qua prudentia, sed aliqua ars ponitur in parte speculatiua, sicut ars construens syllogismum, quia sufficit ad artem quòd procedatur per certas, & determinatas vias ad aliquid ordinandum, siue materia eius sit speculatio, siue aliquid operabile. Artes autem liberales scienti-

tificæ, vt Aritmethica, & Geometria in speculatiuis scientijs ponuntur à D. Th. 2. Met. lect. 2. & alijs locis, quæ supra citauimus, cum circa numeros, & magnitudines procedant purè speculando, & ostendendo veritatem: Grammatica autem, & Rethorica non videntur esse scientiæ, nec tractant de quidditatibus obiectorum, sed de modo loquendi, & elegantia, nec procedunt definiendo, & resoluendo aliquid in sua principia. *Nec sufficit* ad rationem practicæ scientiæ quod habeat vim ad producendos actus suos in singulari; sic enim omnis scientia esset practica, quia omnis scientia producit actus in singulari, sed oportet videre An tales actus versentur circa veritatem rei contemplando, & circa obiecta cognita vt cognita, an vt operabilia, & ex principijs speculatiuis, vel practicis, vt dictum est.

ARTICVLVS V.

Quomodo distinguantur Logica docens, & vtens.

Variè, & obscurè loquuntur authores de ista distinctione Logicæ docentis, & vtentis. Dicitur autem Logica docens, quatenus scientificè docet regulas dirigendi intellectum: vtens verò quatenus executioni eas tradit in hac, vel illa materia. Et sumpta est hæc diuisio vtentis, & docentis in Logica, quia sicut ea, quæ directiua sunt in practicis, & regulas tradunt, & vsum habent, ita Logica, quæ in speculatiuis est directiua, hæc duo habet. Et ratio controuersię ad duo reducitur.

Pri.

Primum, ex parte materiae, an usus, & doctrina in Logica verientur circa eandem materiā, siue demonstratiuam, siue opinatiuam, an solum in topica? *Secundum* ex parte formae, an pertineat ad eundem habitum, & principium formale doctrinae & usus Logicae.

Ut autem ista obscuritas declaretur, vnum tantum oportet aduertere ex doctrina D. Thomae, nempe quod triplex usus Logicae potest attribui. *Primus est*, quo praebet alijs scientijs modum procedendi artificiosè per formam syllogisticam, siquidem ad ipsam pertinet modum procedendi praebere alijs scientijs ne errent, & opera rationis dirigere instrumenta speculationis praebendo, ut ex Philosopho docet D. Th. 2. Metaph. lect. vlt. & opusc. 70. q. 5. art. 1. & 1. Poster. lect. 1. & alibi saepe.

Secundus usus est ipsius Logicae docentis, quando praebet alijs scientijs principia, & non solum formam syllogisticam ad probationes aliquas deducendas, sicut etiam aliae scientiae ex alijs adiuuantur assumendo illarum principia, praesertim à Metaphysica, & hunc usum conuenire Logicae docet D. Thom. opusc. 70. q. 6. ar. 1. in corpore, ubi inquit: *Quòd aliquando utimur Logica, prout est docens, in alijs scientijs, quia scilicet praebet alijs principia aliqua ad probandum, sicut ex interioribus generis, aut speciei, vel oppositi probamus aliquid in alijs scientijs.* Et in 1. Poster. lect. 20. de hoc ipso ponit exemplum, *sicut probamus, inquit, amorem, & odium pertinere ad concupiscibilem, quia contraria sunt circa idem, quae probatio sumitur ex principio Logico, scilicet ex natura contrarietatis.*

Tertius

Tertius vsus Logica est ipsi specialissimus, quatenus præbet vsum in alijs scientijs, seu materijs probabiliter disputandi sine hoc quòd procedatur demonstratiuè, & resolutiuè vsque ad prima principia, & tunc propriè dicitur Logica vtens vt distinguitur à demonstrante & docente, eò quòd demonstrans non præcisè vtitur discursu sistendo in eo, sed peruenit resoluendo vsque ad prima principia, quæ discursu non probantur, sed sunt terminus discursus. Vtens autem discursu sed non demonstrans, ita vtitur & sistit in discursu, quod non peruenit ad terminum discursus, qui est resolutio vsque ad prima principia, & hoc pertinet ad processum disputatium, seu tentatium, quando inquirendo, non autem resoluendo proceditur, & ita vocatur probabilis processus, quia non cum certitudine ultimæ resolutionis vsque ad principia fit. Hic est actus Logicæ vtentis, & sic explicat illum D. Thom. opusc. 70. quæst. 6. artic. 1. dicens: *Logicam vtentem esse, qua vtitur discursu, sed non termino discursus, qui terminatur in principia per se nota, ubi cessat vsus rationis discurrentis.*

His positis, certum est Logicam vtentem sumpto vsu primo, vel tertio modo (quia secundus pertinet ad docentem, quia ad doctrinæ exercitium spectat commodare alijs sua principia, vt demonstrent) non denominari formaliter scientiam. In tertio quidem modo, quia solum probabiliter, non resolutiuè procedit. In primo autem modo, quia ille vsus Logicæ non est demonstratio, quæ solum denominat scientiam, sed applicatio, & concursus disponens syllogisticam formam, siue in
mate-

materia demonstratiua, siue in topica, vnde non est determinatè vsus scientiæ, & demonstrationis. Circa difficultates verò positas.

Dico primo. Logica vtens, sumptio vsu primo modo, habet dirigere non solum partem topicam, sed etiam demonstratiuam, inò hanc maximè. Et vtimur verbo *dirigere*, licet aliqui in hoc sensu appellent illam non vtentem, sed dirigentem, vt euitemus quæstionem de nomine, quia vsus Logicæ in hac parte directio est, sicut scientiæ superiores, & artes Architectonicæ pro actu, seu vsu proprio habent dirigere alias inferiores. Et ita hæc conclusio docetur à Diu. Thom. tum in 1. Poster. lect. 1. vbi non solum alia opera rationis, sed etiam specialiter partem ipsam iudicatiuam, seu demonstratiuam à Logica dirigi affirmat. Tum etiam, quia omnibus scientijs (quæ vtique demonstratiuè procedunt) ministrare Logicam instrumenta speculationis docet in opus. 70. qu. 5. art. 1. & 2. Metaph. lect. vlt. docet quomodo Logica præbeat modum sciendi omnibus scientijs, ergo in hac parte non est restringendus vsus Logicæ ad solam partem topicam, sed etiam ad demonstratiuam. *Et ratio est constans.* Quia demonstratio non minus exigit structuram syllogismi, & bonitatem consequentiæ regulatam secundum regulas, & principia Logicæ, quam reliqui syllogismi probabiles, ergo talis dispositio, & forma artificiosa in demonstrationibus deriuatur à Logica, siquidem ex principijs, & regulis Logicæ dependet, tam ex parte formæ, quæ regulatur per *Dici de omni*, & *Dici de nullo* alijsque principijs disponentibus syllogismū, quam

ex parte materiæ, quia demonstratio debet vti propositionibus necessarijs & per se, quia maxime Logica considerat in posteriori resolutione.

Nec obstat quod istæ demonstrationes etiam vt rectè dispositæ effectiue procedunt à particularibus scientijs elicentibus, à Logica autem solum pendent directiue. Hoc inquam non obstat, quia non determinamus modo Logicam influere in demonstrationes aliarum scientiarum effectiue eliciendo illas, sed sufficit quod directiue, sicut prudentia influit in virtutes non elicitue, sed imperatiue; aut si effectiue Logica influit, non est influxus causæ principalis demonstrantis, sed coadiuvantis, & ministrantis, sicut virtutes eliciunt actum moralem à prudentia regulatum, siue ille modus regulationis in actibus virtutum effectiue sit à prudentia per impressionem realem in virtutes morales, siue solum directiue, hoc enim non pertinet ad præsens, sed ad illam quæstionem An imperium superioris potentiae, seu virtutis in inferiora, quæ mouet, fiat per effectiuam impressionem. Sed quicquid sit de hoc, constat quod etiam respectu syllogismi opinatiui, & probabilis Logica non magis influit dispositionem syllogisticam effectiue, & elicitue, quam in syllogismum demonstratiuum, sed directiue, & hanc eandem directionem, seu vsum dicimus habere Logicam in syllogismo demonstratiuo.

Dico secundo : Logica vtens tertio modo acceptam solum versatur circa partem topicam, & sophisticam, idest processu non resolutiuo, sed probabili. Et si talis vsum fiat in alijs scientijs ex principijs aliarum scientiarum disputando

de ex illis, & non resoluendo, talis usus pertinet ad Logicam solum directivè; si autem procedat ex principiis ipsius Logicæ, talis disputatio non resolutiva, non solum directivè, sed elicativè erit à Logica, quasi actus secundarius, & imperfectus. Hanc conclusionem intendit S. Thom. in 4. Metaph. lect. 4. dum inquit: *Quod Logica secundum quod est docens habet considerationem de istis intentionibus, insituens modum quo per eas procedi possit probabiliter in singulis scientiis, & sic est scientia. Utens vero est secundum quod modo adiuncto utitur ad concludendum aliquid in singulis scientiis probabiliter, & sic recedit à modo sciendi.* Expressius autem hoc tradit D. Tho. opusc. 70. cit. q. 6. ar. 1. ubi docet: *Quod aliquando dicitur processus rationalis ex termino in quo sistitur producendo. Ultimus autem terminus ad quem rationis inquisitio perducere debet, est intellectus principiorum in quæ resoluendo iudicamus, quod quidem quando fit, dicitur demonstratio. Quando autem inquisitio rationis usque ad ultimum terminum non perducit, sed sistitur in ipsa inquisitione, quando scilicet quærenti adhuc manet via ad utrumlibet, sic rationalis processus distinguitur contra demonstratum. Et hoc modo procedi potest rationabiliter in qualibet scientia, ut ex probabilibus pareatur via ad necessarias conclusiones. Ethic est alius modus, quo Logica utitur in alijs scientiis, non ut est docens, sed ut utens. Sic D. Thom. Et sic accipiendo Logicam utentem clarum est, quod non pertinet ad partem demonstrativam, sed topicam, quia talis usus non est demonstratio, siquidem non est solutio cum plena de-*

recte;

serminatione in principia certa, & euidentia, sed tantum inquisitiuè, & disputatiuè procedit ad vtrumlibet. Etsi hoc faciat præbendo principia propria tali discursui, & disputationi, elicituè totum illum discursum producet Logica, quia non solum præbet modum disputandi, sed etiam materiam seu principia. Pertinet autem ad aliquem habitum elicituè quicquid ex proprijs principijs, & obiecto suo deducit, siuè resolutiue, siuè tantum disputatiue. Si autem principijs aliarum scientiarum, seu habituum formetur discursus, seu disputatio, tunc Logica solum præbet modum disputandi, quod est præbere directionem, non autem elicentiam actus quoad substantiam.

Dico ultimò. Idem est habitus Logicæ docentis, & utentis, siuè dirigat siuè eliciat, siuè probabiliter disputet, siuè demonstratiue procedat, & eadem est specifica ratio formalis vtriusque. Non conueniunt omnes in hac conclusione, sed quidam in vno extremo dicunt non solum Logicam utentem & docentem esse eundem habitum, sed eodem actu uti, & docere, vt Mart. hic q. 2. Alij in alio extremo, non solum distinctos actus, sed etiam distinctos habitus constituunt, quia docentem dicunt esse speculatiuam, utentem verò practicam, vt Vasquez 1. p. disp. 8. cap. 5. vel quia docentem dicunt esse scientiam, utentem verò opinatiuum habitum, vt quidam apud Conimb. quæst. 4. procem. art. 2. Alij dicunt Logicam docentem & utentem in materia, & obiecto ipsius Logicæ, esse eundem habitum, in alijs verò scientijs dicunt utentem non esse habitum

nam Logicæ, sed ipsum habitum aliarum scientiarum producentem suas illationes ordinatè. Ita M. Caber. disp. 2. præfem. dub. 2. à quo in re non recedit P. Merineo hic q. 2. sect. 2. Qui distingdit habitum Logicæ vtentis elicitiuum ab habitu Logicæ docentis, quando in materia aliarum scientiarum versatur, tunc enim illa elicientia tribuitur habitibus aliarum scientiarum.

Nihilominus proposita conclusio absolutè, & sine tot distinctionibus est communior inter Authores, & præsertim apud Thomistas de qua videndus est Eland. 2. Metaph. q. 5. ar. 2. M. Arauxo ibi q. 3. ar. 2. M. Soto, Sanch. Masius, & Curf. Catmel. q. 5. præfem. §. 2. *Ratio est.* Quia aliæ scientiæ non habent in se principia ordinatiua suarum illationum, sed ea mutantur à Logica, quæ illa tradit, & explicat, ergo non eliciunt ordinatas consequentias nisi ex virtute Logicæ, seu lumine sibi communicato saltem directiue, & per propositionem obiecti, & sic D. Thom. perpetuè docet præsertim opusc. 70. Logicam ministrare alijs instrumenta speculationis: ipsa autem Logica eodem habitu docet modum speculandi, & vtitur, quia in quacumque materia eisdem principijs quibus tradit doctrinam, vtitur & applicat ea ad formandum consequentias, nec requirit distinctum dictamen, nec specialem difficultatem habet vincendam, ergo non exigit distinctum habitum, sed extensionem seu applicationem eiusdem. Anteced. probat. nam quòd ex eisdem principijs procedat manifestè constat, quia si alia principia applicaret, quæ non pertinerent ad Logicam docentem,

tem, iam non esset Logica utens tantum, sed esset docens, utpotè tradens alia principia, & essent distinctæ scientiæ utpotè ex distinctis principijs procedentes, & sic dicerentur duæ docentes, non docens & utens. Necessariò ergo usus, & directio Logicæ convenire debent in principijs doctrinæ.

Quid verò non indigeat distincta facilitate, & habitu propter applicationem, constat ex dictis præcedenti articulo. Quia tota difficultas directionis, seu ordinationis Logicæ consistit in cognoscendis ipsis secundis intentionibus prout fundantur in primis, hoc enim cognitio, applicatio ipsa non habet specialem difficultatem, quia applicatio ipsa fit ad res cognitæ per actus naturali repræsentatione, & tendentia respicientes obiecta, non morali seu voluntaria motione, aut artificiosa deductione tendentes, sed totum artificium, & ordinatio tenet se ex parte obiecti ordinati per intentiones secundas, ut dictum est: non ergo est difficultas in dirigendis actibus ut eliciantur, sed in cognoscendis obiectis in quibus secundæ intentiones applicantur. Similiter etiam ex parte ipsorum obiectorum, cognitis regulis, & præceptis Logicæ, quæ demonstratiue traduntur à parte docente, non est vlla difficultas in applicatione & usu earum ad talem, vel talem materiam, sed solum indiget appositione materiæ, ad quam ipsæ regulæ sine nova difficultate vincenda ex parte sui applicantur, & extenduntur. Sicut qui habet artem Musicæ, vel qui cytharizat, ex eisdem præceptis artis potest digitos applicare ad quodcumque instrumentum, quod sibi offeratur, quod
 si di-

si digitos mouere non potest, aut non ita expedire, ad hanc difficultatem vincendam non indiget noua arte, sed exercitatione corporali, aut aliquo, quo tollatur prædictum impedimentum, & ita qui expeditiis mouet digitos non generat nouam artem, sed impedimentum exercitij eius tollit. Sic intellectus quando exercetur in syllogizando circa diuersas materias, vel scientias, non acquirit nouam artem, seu habitum diuersum ab ipsa doctrina Logicæ, sed expeditiorem vsum.

SOLVUNTUR OBJECTIONES.

Primò arguitur Ad probandum quòd solum in parte topica, & non in demonstratiua inuenitur Logica vtens. Nam id videtur expressè dicere S. Thom. in 4. Metaphys. lect. 4. *Quòd in parte Logica, quæ dicitur demonstratiua, sola doctrina pertinet ad Logicam, vsus vero ad Physicam, & ad alias scientias particulares, pars autem Logica tentatiua, & Sophistica habent doctrinam, & vsum.* Ergo secundum D. Th. pars demonstratiua non est vtens.

Si dicatur. D. Tho. loqui de vfu quo ex principijs Logicis proceditur probabiliter in alijs scientijs, quod vtique parti demonstratiuæ non conuenit, vt docet 1. Poster. lect. 20. non autem loqui de vfu, quo ipsam formam syllogisticam, & modum artificialem præbet alijs scientijs, quod etiam conuenit parti demonstratiuæ.

Contra est, quia aliæ scientiæ producant elicituè suas demonstrationes virtute sua, & non virtute Logicæ, & producant illas ordinatas, aliàs non essent demonstrationes, illa

autem secunda intentio formæ syllogisticæ cum sit aliquid rationis, non efficitur, sed resultat ex ipsa cognitione demonstrante, ergo neque ad eliciendam demonstrationem, neque ad modum illum, seu formam rationis requiritur efficiencia, & vsus Logicæ.

Respondetur solutione data inter arguendum. Et ad replicam dicitur, quod demonstratio procedens à particulari scientia, ab illa quidem habet rationem specialis demonstrationis ex speciali ratione talis scientiæ, rationem autem ordinati, & artificiosi processus habet ab ipsa scientia, non ex propria virtute illius, sed ex directione Logicæ quatenus influit in alias scientias, siue influxu effectiuo imprimēte aliquam realitatem in actus, siue directione ex parte obiecti quod proponit vt ordinatum, vt nunc supponimus, & ita particularis scientia vtrumque facit, & veritatem specialem respicit ex propria virtute, & ordinationem obiecti in virtute directionis Logicæ; & licet ille modus, seu forma syllogistica sit ens rationis, quod ex cognitione resultat, tamen non resultat ex cognitione ipsius scientiæ vt particularis scientia est, sed ex cognitione directiua Logicæ, quæ vniuersaliter dirigit omnes scientias, & illam particularem afficit.

Secundò arguitur. Actus Logicæ vtentis non est scientificus, nec demonstratiuus; ergo non procedit ab habitu Logicæ. Consequen. patet, quia habitus Logicæ est euidens, & certus, cum sit scientia, ergo non potest elicitiuè producere actum opinatiuum, qui incertus, & ineuidens est, ergo procedit ab alio habitu, &
fic

sic alius est habitus Logicae docentis, & vten-
tis. Item Logica docens procedit modo resolu-
tiu, & speculatiuo; vtens verò applicatiuo, &
compositiuo, ergo sunt diuersi habitus.

Respondetur disting. consequ. non procedit
ad habitum Logicae actus probabilis quasi pri-
mario & per se, concedo; quasi secundario
& indirectè, vel etiam directiue, nego. Non
est autem inconueniens quòd aliquis habitus
evidens, & certus eliciat actum probabilem,
vel etiam dirigat ad illum, tanquam actum se-
cundarium & imperfectum; & in directione
quidem minor difficultas est, quia Logica per
regulas scientificas, & certas docet quomodo
opinatiuus assensus dirigendus sit, & conse-
quenter licet ex parte materiae sit aliquid opi-
natiuum, ex parte tamen modi dirigendi, &
regularum, quibus procedit, scientificum est.
Quòd verò eliciat ipsemet habitus Logicae actus
opinatiuum, & nò solum dirigat, difficilius est,
sed tamen explicari potest ex dictis. Quòd in
habitu scientifico primarius actus, qui perfe-
ctè procedit, & resolutiue deducendo vsque
ad prima principia, semper est certus, & eui-
dens; non tamen repugnat aliquando ex eisdem
principijs formare aliquem discursum imper-
fectum, & non plenè resolutorium, sed solum
disputatiue, & tentatiue procedentem, & ta-
lis est discursus probabilis: sicut generans non
solum producit perfectum effectum & perfe-
ctè similem, ver. gr. hominem, vel equum;
sed etiam aliquando imperfectum, vt embrio-
nem, vel etiam monstruosum aut degeneran-
tem à sua perfectione, licet virtus perfecta
sit, sed propter aliquod impedimentum, vel
mate-

materiæ incapacitatem , vel in applicationem agentis; sic potest scientia Logicæ vti discursu, & principijs scientificis non plenè resoluendo, sed inquirendo & tentando , qui est actus imperfectus. Et sicut D. Thom. 2. 2. q. 1. art. 4. docet quòd habitus fidei euidenter cognoscit credibilitatem suam , & opinatiùs probabilitatem , obscurè tamen vterque attingit suum obiectum, scilicet rem creditam, & opinatam; vnde euidentia , & ineuidentia non versantur circa idem , sed vnus circa rem creditam , alter circa credibilitatem eius ; & licet videantur esse plures actus specie distincti , sunt tamen specie distincti quasi materialiter , non formaliter, seu ex parte rationis formalis , sicut aliqua virtus potest habere diuersos actus inadæquatos specie distinctos quasi materialiter, & partialiter , vt Religio habet orationem, deuotionem , &c. qui sunt actus diuersi inadæquati & parciales .

Ad confirmationem dicit . Quòd vtens non procedit modo compositionis ex parte regularum, & principiorum, quibus vtitur, hæc enim sunt ipsa principia Logicæ docentis, sed solàm applicat illas regulas determinatæ materiæ , vt speculatio ipsa rectè ordinetur . Quòd autem modus ipse speculationis applicetur diuersis materijs, non induit rationem practici , vt supra diximus , quia quod applicatur , speculatio est .

Vltimò arguitur . Nam Prudentia est distincta virtus , & habitus à Synesi, & Eubulia, vt tradit S. Thom. 2. 2. q. 51. ar. 2. & tamen solùm distinguuntur , quia istæ duæ benè iudicant, & consiliantur , prudentia verò imperat , &

cxv-

Caput XV. 73

Secunda Regula : quando substantium , & adiectivum , ponuntur à parte eiusdem extremi , fit appellatio adiectivi supra formale substantivi , vt Petrus est magnus Logicus . magnus Logicus disputat , &c. Intelligitur regula , dummodo adiectivum non se habeat disparatè ad substantium , sed possint illud determinare , nam in ista , Petrus est niger Logicus , non est appellatio , quia termini sunt disparati . Intelligitur etiam de termino substantivo , qui licet sit absolutus , habet tamen vim connotationis , vt *homo* dictus de Christo , negatur enim hæc propositio , Christus est homo æternus , propter appellationem æternitatis supra humanam naturam . Et eadem appellatio fit inter determinabile , & determinationem , sicut inter substantium , & adiectivum , vt si dicas , equus Regis currit , denotatur quod quando est Regis currit , non autem fit appellatio si dicas , Regis equus currit , quia verificatur de equo qui est , vel fuit Regis , & ideo quando antecedit genitivus , seu determinatio accipitur pluribus , quando sequitur nominativum , accipitur unica acceptione , vt supra diximus , idem est de istis , Papam vidi , vidi Papam , in hac enim secunda denotatur vidisse ipsum , quando erat Papa , in prima id non requiritur , sed sufficit vidisse hominem qui est , vel fuit Papa . Denique vt appellet formale adiectivi supra substantivum requiritur , quod verè conveniat ipsi suppositio substantivi , ratione tamen formalis , sicut cum dico , Petrus est bonus pater , oportet quod bonitas conveniat ipsi supposito patris , ratione tamen paternitatis ,

& cum dico, Christus moritur, conuenit supposito mors ratione humanitatis, seu vt habet vi-ces suppositi humani.

Tertia Regula: Prædicatum secundæ intentionis conueniens rei significatæ per nomen, appellat supra primum significatum, quia facit stare suppositione simplici, & ita non conuenit absolute supposito, sed vt stat sub conceptu abstracto, vt si dicas, homo est species, animal est genus. Prædicatum autem secundæ intentionis, quod ipsi nomini, seu termino conuenit, non rei significatæ, non appellat, vt si dicas *ly homo* est nomen, homo est animal, est propositio, & similia, tunc enim faciunt suppositionem materiale.

Quarta Regula: Terminus significans actum animæ interiore appellat supra obiectum, seu terminum in quem fertur sub propria formalitate talis actus, vt cognosco hominem, idest sub conceptu hominis, cognosco Papam, idest in quantum Papa, volo delectari, idest, sub ratione delectationis, non sub ratione mali. Semper enim actus isti feruntur in obiecta, non absolute, sed sub ea formalitate, & præcisione, qua pertinent ad talem actum, & præsertim hoc contingit, quando terminus significans obiectum ponitur post terminum significantem actum animæ, & non ante, nam si dicas venientem cognosco, non appellat, sed potius ampliat ad obiectum, siue cognoscatur tantum, vt veniens, siue cognoscatur etiam in se; & sic non valet ista consequentia, cognosco venientem, veniens est Petrus, ergo cognosco Petrum, possum enim cognoscere sub conceptu venientis, & non sub conceptu Petri.

Et in hac regula fundantur omnes præcisiones, & proprietates, & diuersa signa intellectus, in quibus ab vno ad aliud non valet argumentum.

Omnes Regulae pro consequentijs appellationum reducuntur ad hanc: quod variata appellatione non valet consequentia, tam in appellatione reali, quam rationis, de quo dicemus in 3. lib. cap. 9. circa defectus appellationis.

C A P U T XVI.

De Oppositione.

Post explicatas proprietates Propositionis ex parte extremorum, & partium, ex quibus componitur, restat videre illas, quæ sunt proprietates totius, & non partium, & ideò conuenire solent vni propositioni comparatiuè ad aliam. Et sunt tres, scilicet *Oppositio*, *Aquipollentia*, *Conuersio*. Cum autem istæ tres proprietates non conueniant alicui propositioni, nisi in habitudine ad aliam, quia oppositio vnus propositionis cum alia propositione exercetur, & equipollentia etiam est æquiualentia duarum propositionum, & conuersio est mutatio vnus in aliam; ideò oportet, quod istæ proprietates exerceantur inter propositiones non disparate, se habentes, sed eisdem terminis constantes, sicut non opponuntur istæ duæ, Petrus currit, Paulus non disputat, nec vna in aliam conuertitur, aut equipollet.

Igitur oppositio in comuni potest definiti,

D 2

quod

quòd sit affirmatio, & negatio eiusdem de eodem. In qua definitione non compræhenditur subalternatio, quæ non ita propriè est oppositio, nisi relatiua, scilicet inter superius, & inferius. Reliquæ autem oppositiones penes affirmationem, & negationem exercentur. Unde ad oppositionem inter propositiones requiritur triplex conditio. *Prima* ex parte extremorum, quòd sint propositiones constantes eisdem partibus, seu extremis, ita quòd non ponatur aliquid in vna, & non in alia, quod possit variare subiectum, vel prædicatum propositionis. *Secunda*, quòd seruetur eadem acceptio terminorum, idest, idem genus suppositionis, eadem ampliatio, eadem restrictio, eadem appellatio. Genus suppositionis, v. g. quòd si in vna propositione terminus supponit simpliciter, aut personaliter, etiam in alia; sed non eadem species personalis suppositionis: hæc enim in aliquibus oppositionibus mutantur, v. g. vniuersalis in particularem, vt seq. cap. dicetur, debet autem seruari ampliatio, & appellatio, & restrictio, quia hoc pertinet, quasi ad identitatem materiæ, & extremorum. *Tertia* quòd ex parte copulæ sit opposita qualitas, scilicet in vna affirmata, in altera negata.

Diuiditur Oppositio dicta in tres species, scilicet in contradictoriam, contrariam, & subcontrariam. *Oppositio contradictoria*, si definiatur secundum suam rationem formalem, est illa quæ repugnat in veritate, & falsitate, ita vt duæ contradictoriæ nunquam possint esse simul veræ, aut falsæ, sed si vna est vera, altera est falsa. Ex parte autem eius quod

quod se habet quasi materialiter, contradiçtoriarum propositiones sunt vniuersalis, & particularis propositio, quorum vna affirmatur, altera negatur, vel duæ propositiones de subiecto singulari, vna affirmata, altera negata: Exemplum primi: *Omnis homo est albus, aliquis homo non est albus*: Exemplum secundi: *Petrus currit, Petrus non currit*.

Oppositio contraria, si definiatur ex parte suæ rationis formalis, est illa, quæ repugnat in veritate non tamen in falsitate, ita vt duæ contrariæ nunquam possint esse simul veræ, benè tamen simul falsæ. Ex parte rationis materialis, contrariæ propositiones sunt vniuersalis affirmatiua, & vniuersalis negatiua eiusdem de eodem, vt *Nullus homo est albus, Omnis homo est albus*, ambæ sunt simul falsæ, nunquam tamen contrariæ possunt esse simul veræ; nec tamen intelligimus, quòd semper sint simul falsæ, sed possunt esse scilicet in materia contingenti. *Oppositio subcontraria* ex parte suæ rationis formalis est illa, quæ repugnat in falsitate, non tamen in veritate, ita vt possint esse simul veræ, nunquam tamen simul falsæ. Ex parte verò rationis materialis, subcontrariæ propositiones sunt particularis affirmatiua, & particularis negatiua eiusdem de eodem, vt *Aliquis homo currit, aliquis homo non currit*.

Et nota, quòd vbi oppositio exercetur penes quantitatem subiecti propositionis, & habent repugnantiam, quæ formaliter requiritur ad talem oppositionem, dicuntur tales propositiones opponi de lege, & de modo: Quando autem habent repugnantiam requisitam ad talem oppositionem, sed non quantitatem,

dicuntur opponi de lege, sed non de modo. Itaque formalis repugnantia vocatur oppositio de lege; oppositio autem ex parte quantitatis subiecti dicitur de modo enunciandi: v. g. istæ sunt contrariæ de modo, & de lege, *Omnis homo disputat. Nullus homo disputat*: istæ autem sunt contrariæ de lege, sed non de modo, *Aliquis homo disputat* (restringendo ly *aliquis* pro solis masculis) *Omnis homo non disputat*, non restringendo ly *omnis* pro solis masculis; tunc enim vtrique est falsa, & non potest esse vera, casu, quo fœmina disputaret, & nullus masculus.

CAPUT XVII.

De conditionibus requisitis ad species Oppositarum, Propositionum, & Reguli cognoscendi ipsas oppositiones speciales.

DVO in præsentia sunt certa. *Primum* quod quæcumque propositio, posita negatione a principio totius propositionis redditur contradictoria eius quia negatio illa negat totum, quod altera affirmat. *Secundum* si propositiones consent termino singulari ex parte subiecti nihil aliud requiritur, ut sint contradictoriæ, nisi ut vna neget, quod altera affirmat, inuariata suppositione, restrictione, ampliatione, & appellatione, ut Petrus loquitur, Petrus non loquitur.

Si autem constet termino communi requiritur ad oppositionem contradictoriam triplex conditio. *Prima*, quod terminus non sit in vtrique propositione vniuersaliter distribui-

Atributus , nec in vtraque particulariter supponens , sed in altera vniuersaliter , in altera particulariter . *Secunda* , quod ille terminus qui in vna propositione est vniuersalis , in altera mutetur in particularem , & è conuerso particularis mutetur in vniuersalem . *Tertia* , quod terminus stans vniuersaliter in ordine ad terminum stantem confusè , mutetur in particularitatem determinatam , & terminus stans vniuersaliter in ordine ad terminum stantem determinatè , mutetur in particularitatem confusam . Exemplum est in istis , *Omnis homo est albus* , *aliquis homo non est albus* vbi homo stat vniuersaliter in prima , particulariter in secunda , & determinatè . Et ly *albus* in secunda stat vniuersaliter in ordine ad ly *homo* determinatè , & in prima stat confusè .

In oppositione contraria , quæ solum versatur circa terminos communes , si est contrarietas de modo , oportet quod in vtraque propositione maneat eadem vniuersalitas , & si quis terminus tenetur particulariter , mutetur in vniuersalem , vt *omnis homo est albus* , *nullus homo est albus* . At verò in propositionibus contrarijs , quæ non sunt contrariæ de modo , sed de lege , non requiritur , nisi quod inueniatur defectus veritatis in illis , idest , quod non possint esse simul veræ , possint autem esse simul falsæ . vide exemplum contrarium de lege tantum , inf. in fine cap. & supra in fine c. præced.

In oppositione subcontraria , quæ etiam versatur inter terminos communes , requiritur ordine inuerso , quàm in contrarijs . Primo quod si

quæ vniuersalitas datur in vna propositione subcontraria, in alia mutetur in particularitatem, si est subcontrarietas de modo. In oppositione autem subcontraria de lege tantum, non requiritur, nisi quod inueniatur defectus falsitatis, idest, quod non possint esse simul falsæ, licet possint esse simul veræ, quidquid sit de vniuersalitate, aut particularitate propositionum.

Et nota, quod in propositionibus potest inueniri vniuersalitas, & particularitas dupliciter; vno modo ratione signi, quod est nota particularitatis, aut vniuersalitatis, vt *Omnis, nullus, quidam, &c.* alio modo ratione modi efficientis propositionem modalem, vt *impossibiliter, necessario, possibiliter*, & similiter ly *Et* copulatiuè sumptum, ly *vel* disiunctiuè, quando tenent se ex parte termini: primum enim est vniuersalitas, secundum particularitas. Quando ergo dicimus, quod vniuersalitas debet mutari in particularitatem, & è conuerso, intelligitur tam de vniuersalitate signorum, quam inodorum; nisi vniuersalitas efficiatur pars extremi, & non exerceat officium distribuendi, aut particularizandi; tunc enim mutari non debet, vt si dicas, id quod est omnis homo est animal, ly *omnis* est pars extremi, nec debet mutari.

Sunt autem alia signa, quæ partim habent vniuersalitatem, partim particularitatem, & vocantur vniuersalia, incompleta, & particularia incompleta; vt ly *omne* pro generibus singulorum non pro singulis illius generis, vt si dicas *Omne animal fuit in arca Noe*, & similiter ly *uterque* facit vniuersalitatem incompletam,

Caput XVII. 81

pletam, & ly *contingenter*, quia resoluitur per ly, Et copulatiuè, & per ly *possibiliter*, quod est modus particularitatis: Si enim dicas, *Homo contingenter currit*, resoluitur sic, *homo possibiliter currit, & possibiliter non currit*. Vnde si isti modi incompleti in vtraque propositione opposita affirmantur, vel in vtraque negentur, etiamsi alias copula ipsa in vna propositione negetur, & in alia affirmetur, nullam legem participant oppositionis, vt si dicas. *Omnis homo contingenter currit, aliquis homo contingenter non currit*, vbi ly *contingenter*, vtroque affirmatur, non sunt contradictoriae, nec legem oppositionis participant, imò sunt æquiuales, quia vtroque ly *contingenter* includit vniuersalitatem, & particularitatem. Si tamen diæ exponibiles includant virtualiter exponentes contrarias, habent oppositionem contrariam, vt istæ, *Tantum homo est animal, Tantum homo non est animal*, sunt contrariae, quia inter suas exponentes habent istas *omne animal est homo, omne animal non est homo*.

Ad cognoscendum propositiones contrarias, & subcontrarias, tam de modo, quàm de lege sunt duæ Regulæ. *Primæ*: Quando dantur duæ propositiones oppositæ qualitatis circa eadem extrema, si affirmatiua infert contradictoriam negatiuæ, & non infertur ex illa, tales propositiones sunt contrariae. *Secundæ*: Quando sunt duæ propositiones oppositæ qualitatis circa eadem extrema, si ex contradictoria negatiuæ inferatur affirmatiua, sed non è conuerso, tales sunt subcontrariae. Itaque semper attendenda est, quasi pro principi-

pio, & regula, contradictoria negatiuæ (quæ semper affirmatiua est) & videndum est, an inferatur ex alia affirmatiua, vel inferat illam, vt inde iudicemus an propôsitio sit contraria vel subcontraria. .

Ratio primæ Regulæ est, quia posita contradictoria propositionis negatiuæ, si illa infertur ex affirmatiua, non stat affirmatiuam esse veram, quin contradictoria negatiuæ sit etiam vera, siquidem infertur ex illa, & in bona consequentia, si antecedens est verum etiam, & consequens. Si autem contradictoria negatiuæ est vera, ipsa negatiua non potest esse vera, sed falsa, quia contradictoria eius est, ac per consequens pugnant in veritate illæ duæ propositiones affirmatiua, scilicet, & negatiua. Rursus non pugnant in falsitate, sed possunt simul esse falsæ, quia ex contradictoria negatiuæ non sequitur affirmatiua, ergo stat contradictoriam negatiuæ esse veram, & affirmatiuam falsam, quia vbi non datur bona consequentia, potest antecedens esse verum, & consequens falsum, sed in eodem casu etiam negatiua est falsa, quia contradictoria eius est vera, stat ergo negatiuam, & affirmatiuam esse falsam. Exemplum huius practicari potest in his propositionibus. *Omnis homo currit, Nullus homo currit*, contradictoria enim negatiuæ est, *Aliquis homo currit* & illa infertur ex affirmatiua, non verò infert illam.

Ratio secundæ est ordine inuerso, quia data duplici propositione affirmatiua, & negatiua circa eadem extrema, & contradictoria negatiuæ infert affirmatiuam, nunquam possunt

Caput XVII. 83

possunt simul falsæ esse, nam si est verà contradictoria negatiuæ, & infert affirmatiua, iam illa affirmatiua est vera : si autem dicitur quòd affirmatiua est falsa, infertur autem ex contradictoria negatiuæ, talis contradictoria erit falsa, quia in bona consequentia, si consequens illarum est falsum, etiam, & antecedens, sed tunc negatiua erit vera, quia contradictoria eius falsa est, & sic nunquam possunt esse falsæ. Rursus possuat esse simul veræ, quia ex affirmatiua non infertur contradictoria negatiuæ, ergo potest affirmatiua esse vera contradictoria negatiuæ existente falsa, per regulam malæ consequentiæ, in qua potest antecedens esse verum, & consequens falsum, stante autem contradictoria negatiuæ falsa, negatiua est vera, quæ est eius contradictoria, ergo possunt simul esse veræ. Exemplum poni potest in istis, *Homo est albus*, *Aliquis homo non est albus*, data contradictoria negatiuæ, quæ est ista. *Omnis homo est albus*.

Ex quo sequitur quòd si contradictoria negatiuæ nec inferat affirmatiuam, nec inferatur ex illa, nullam legem participant, vt homo omnis albus est, homo non est albus. Et istæ sunt contrariæ, Petrus currit, Nullus homo currit, quia illa affirmatiua infert hanc, ergo aliquis homo currit, quæ est contradictoria illius, Nullus homo currit, sed non infertur ex illa, & sunt ambæ falsæ, casu quo Petrus sit mortuus, & Ioannes currat, sunt autem contrariæ de lege, sed non de modo enunciandi.

CAPVT XVIII.

De Equipollentia Propositionum.

A Equipollentia nihil aliud est, quàm propositionum oppositarum penes variationem negationis æquivalentia, & eiusdem sensus significatio. Ad hoc autem sunt tres Regulæ. Prima: Propositis duabus contradictorijs, si vni illarum præponatur negatio, redduntur æquipollentes. Intelligitur dummodo negatio teneatur neganter, & non infinitanter. v. g. si dicas. Omnis homo disputat, Aliquis homo non disputat, si vni præponas negationem, vt dicendo, Non omnis homo disputat, est idem ac dicere, Aliquis homo non disputat, Et si dicas, Non aliquis homo non disputat, Est idem ac dicere, Omnis homo disputat. Et hinc etiam colliges quomodo quacunque propositione data, per solam præpositionem negationis, fiat contradictio, quia negatio est malignantis naturæ destruens quid quid inuenit post se, vnde sicut præposita contradictoriæ facit illam æquipollentem, ita præposita eidemmet propositioni efficit contradictoriam sui.

Secunda Regula: Positis duabus Propositionibus contrarijs fiunt æquipollentes postponendo negationem subiecto propositionis ante copulam, vt Omnis homo currit, Nullus homo currit, fiunt æquipollentes dicendo, Omnis homo non currit, vel nullus homo non currit; quæ regula intelligitur vbi distributio est completa, alioquin potest habere

Caput XVIII. 85

berē instantiam, vt in his. Vterque homo disputat, Nullus homo disputat, non fient æquipollentes per solam postpositionem negationis, & tamen sunt contrariæ de lege, quia possunt esse simul falsæ, casu quo tantum vnus homo disputet, & non duo, nunquam tamen est casus, quo possint simul esse veræ.

Tertia Regula est pro subalternis, vt Omnis homo disputat, Aliquis homo disputat, fiunt æquipollentes per præpositionem, & postpositionem, vt si dicas, Non omnis homo non disputat, æquipollet huic, Aliquis homo disputat, & non aliquis homo non disputat, æquipollet illi, Omnis homo disputat, Vnde versus.

Præ contradic, Post contra, Præ postque, subalter,

De subcontrarijs non dantur æquipollentiæ, quia non sunt capaces: si enim præponas negationem, redditur vniuersalis propositio, & consequenter non æquipollens particulari, vt Quidam homo est albus, quidam homo non est albus, si dicas non quidam homo est albus, est idem quod Nullus: si postponas negationem subiecto in affirmatiua, fiet non æquipollens, sed formaliter negatiua, vt quidam homo est albus, si postponas negationem fiet negatiua, Quidam homo non est albus, non autem æquipollens negatiuæ; si verò ipsi negatiuè postponatur, fiet repetitio inutilis,

Quidam homo non,
non est al-
bus,

22

CA.

CAPVT XIX.

De Conuersione Propositionum .

Conuersionis est mutatio extremorum propositionis de subiecto in prædicatum , & de prædicato in subiectum seruata qualitate , & veritate , idest , quòd maneat copula affirmatiua , aut negatiua , utrobique , & vtraque sit vera . Vbi semper oportet diligenter attendere quid sit verè subiectum , & verè prædicatum in propositionibus , vt illa transmutentur , & non alia , vt si dicas , Caput habet homo , ly *caput* non est subiectum , sed ly *homo* , quia reddit suppositum verbo , vnde debet conuerti sic , ergo habens caput est homo , Et si dicas ad equitandum requiritur equus ; conuertitur in hanc , Requisitum ad equitandum est æquus , quia ly *requiritur* est prædicatum .

Triplex est conuersionis , scilicet *simplex* , seu mutua , *Per accidens* , seu non mutua , *Per contrapositionem* , quæ etiam mutua est , sed penes extrema finita , & infinita . *Conuersionis simplex* dicitur illa , in quæ transmutatur prædicatum in subiectum , manente eadem quantitate , vt nullus homo est lapis , ergo nullus lapis est homo , quidam homo est albus , ergo quoddam album est homo . *Conuersionis per accidens* , seu in partem est , quando transmutatur prædicatum in subiectum , non manente eadem quantitate , vt omnis homo est animal , non potest conuerti , ergo omne animal est homo , sed in hanc , ergo aliquod animal est homo . Et

NOTA

nota quòd propositiones , quæ conuertuntur simpliciter , si sint vniuersales , à fortiori possunt conuerti per accidens , quia particularis continetur sub vniuersali . *Conuersio per contrapositionem est mutatio prædicati in subiectum variatis terminis penes finitum , & infinitum* , vt si dicas , Omnis homo est animal , sequitur benè , ergo omne non animal est non homo ; quidam homo non est albus , ergo non album non est non homo , quæ conuersio inuenta est , vt suppleret conuersionem mutuam in his quæ mutuo conuerti non possunt secundum se . Et propriè non est conuersio terminorum , quia non manent idem termini , seu extrema , sed est conuersio secundum sensum , mutatis terminis de finitis in infinitos .

Regulæ conuersionum sunt . Prima : Propositio vniuersalis negatiua conuertitur simpliciter . Secunda *Propositio particularis affirmatiua conuertitur simpliciter* . Tertia : *Propositio vniuersalis affirmatiua conuertitur per accidens* , potest etiam conuerti per accidens vniuersalis negatiua . Quarta : *Vniuersalis affirmatiua , & particularis negatiua conuertuntur per contrapositionem* . Fundamenta , & probationes istarum conuersionum tractabimus in disput. 7. art. 3.

Ad retinendum has regulas memoriter , quatuor vocales A. E. I. O. designatæ sunt , ad significandum istas quatuor propositiones . A significat vniuersalem affirmatiuam . E. significat vniuersalem negatiuam . I. significat particularem affirmatiuam , O significat particularem negatiuam , & sit verius comprehendens

dens omnes conuersiones ,

FECI simpliciter conuertitur EVA per acci.

ASTO per contra , sic fit conuersio tota.

Vbi *ly feci* designat , quòd vniuersalis negatiua , & particularis affirmatiua , simpliciter conuertuntur . *Eua* significat quòd vniuersalis negatiua potest conuerti etiam per accidens , vniuersalis autem affirmatiua semper per accidens . *Asto* significat quòd vniuersalis affirmatiua , & particularis negatiua per contrapositionem conuerti possunt . Vnde pro literis est versus .

Afferit . A . negat . E . sunt vniuersaliter ambæ .

Afferit . I . negat . O . sunt particulariter ambæ .

C A P V T XX.

De Modalibus.

Specialis consideratio est in oppositione , & equipollentia circa propositiones modales . Et accipitur modalis propositio prout contraponitur propositioni de in esse . *Propositio de inesse est illa , in quam simpliciter denotatur predicatum conuenire , & inesse subiecto .* Propositio modalis est in qua denotatur predicatum inesse subiecto cum modo quo illi , inest , & conuenit . Cum autem modus nihil aliud sit quam adiacens rei determinatio , vt dicit D. Thom. in Opusc. de Logica , tractatus de Modalibus , multiplex est modus qui afficere potest propositionem , sed non omnis modus constituit propositionem modalem de qua
hic

hic agimus : aliqui enim modi dantur , qui solum modificant prædicatum , aut subiectum , vt si dicas , Petrus currit velociter , operatur delectabiliter , ille modus velocitatis , & delectabiliter solum afficit prædicatum . Et si dicas , Homo iustus est sapiens , aut equus hominis currit , ly *iustus* , & ly *hominis* modificant , idest , restringunt subiectum , sed non extrahunt propositionem à ratione propositionis de inesse , ita vt alias regulas oppositionis , vel æquipollentiæ habeant . Alij modi sunt , qui afficiunt ipsam copulam , & conuenientiam prædicati ad subiectum modificant , & modificando addunt aliquid pertinens ad vniuersalitatem , aut particularitatem , vel ad affirmationem , & negationem , & isti modi faciunt propositiones modales , de quibus agimus in præsentis ; & sunt quatuor , scilicet , *Impossibile* , *Possibile* , *Necessarium* , *Contingens* . Alij addunt alios duos , scilicet *verum* , & *falsum* , sed isti propriè non sunt modi de quibus agimus in præsentis , quia veritas , & falsitas ita sequitur ad omnem propositionem , quod non mutat ordinem , & modum oppositionis , & æquipollentiæ , &c. quæ sunt in propositionibus de inesse .

Quare propositio modalis definitur , *Illæ* , quæ uno ex his quatuor modis afficitur . Et est duplex , quia duplici modo potest affici , alia est modalis diuisa , alia composita . *Modalis composita est in quomodo se habet , vt prædicatum , & ipsum dictum vt subiectum* , vt si dicas Petrum disputare est possibile . vt *Modalis diuisa est in qua modus aduerbialiter sumptus fertur in copulam* , vt Petrus possibiliter disputat .

Et

Et nota, quòd hinc ortum habet sensus compositus, & diuisus in propositionibus, nam sensus compositus sumitur ex modalis composita, & diuisus ex diuisa. Et isti sensus consistunt in hoc, quòd in sensu composito significatur ipsa simultas, & vnio duplicis formæ in vno subiecto: in sensu autem diuiso significatur vnio, seu conuenientia duplicis formæ in subiecto non simul, sed successiuè, seu vna excludente aliam, hoc enim est diuisiuè. Vnde nunquam valet à modalis diuisa ad compositam, seu à sensu diuiso ad compositum, sicut non valet à conuenientia successiua ad simultaneam.

Et ideo *sensus compositus* significatur bene per modalem compositam, in qua modus prædicatur de toto dicto, significatur enim vniri, & conuenire simul formam prædicati, & subiecti sub illo modo. *Sensus autem diuisus* significatur per modalem diuisam, in qua modus solum afficit copulam, & ita denotat subiecto conuenire illum modum, non autem ipsis formis prædicati, & subiecti simul conuenire. Exemplum est si dicas, nigrum esse album est possibile, sedentem stare est possibile, in sensu composito significat quòd coniunctio sedendi, & standi possibilis est. Si autem dicas sedens possibiliter stat, seu potest stare, in sensu diuiso significat quòd subiecto sedenti conuenit potentia ad standum, non tamen ad standum simul cum sessione. Vnde quando in subiecto, & prædicato importantur formæ oppositæ, vt quia vna forma non excludit potentiam subiecti ad recipiendum aliam, sed solum coexistentiam, &
simul-

Capit. XX. 91

simultatem, tunc adhuc in sensu diuiso manet illa potentia, stante illa forma in subiecto, nec enim illa forma tollit potentiam, aut ponit. Et sic cum dico, voluntas efficaciter mota potest non operari in sensu diuiso, non significo, quòd diuidendo efficacem motionem potest non operari, sed adhuc stante in subiecto efficaci motione, manet potentia ad oppositum, sed non ad coniungendum oppositum cum forma efficacis motionis. Itaque sensus diuisus ponit potentiam in subiecto ad opposita successiuè; compositus denotat potentiam ad opposita simul coniungenda.

C A P V T XXI.

*De Quantitate, Qualitate, Oppositione,
& Aequipollentia Modalium.*

Quia omnis oppositio, & aequipollentia propositionum resultet ex qualitate, & quantitate earum, vbi specialis difficultas inuenitur circa quantitatem, & qualitatem, inuenitur etiam circa oppositionem, & aequipollentiam; & ideò ad explicandam difficultatem circa oppositionem, & aequipollentiam modalium oportet explicare prius quantitatem, & qualitatem earum, vt modales sunt.

Igitur isti quatuor modi *Impossibile*, *Necessse*, *Possibile*, *Contingens*, secundum se important quantitatem similem illis signis: *Omnis*, *nul-
lus*, *quidam* &c. *Necessarium* enim, & *impos-
sibile* dicunt vniuersalitatem, eo quòd, id quam
conuenit necessario, semper, & omnibus con-
uenit,

uenit, quòd verò impossibiliter, nulli, & nūquam conuenit. *Possibile* autem, & *Contingens* dicunt particularitatem, quia ad saluandum quòd aliquid sit possibile, sufficit quòd pro aliquo tempore, aut subiecto sit possibile, & *contingens* sumitur hic pro eodem, atque *possibile*, non autem pro defectibili, sic enim opponitur necessario, sed pro eo quod potest esse aliquando præscindendo à defectibilitate.

Ex quo constat, quòd cum propositio modalis constet ex dicto, & ex modo, & modus ipse quantitatem habeat, dictum autem etiam quantitatem habere possit, concurrunt aliquando duæ quantitates in eadem propositione, vna de dicto, alia de modo, quas oportet mutare ad propositiones, & æquipollentias faciendas. Et hæc duplex quantitas manifestius cernitur in modalibus diuisis, in quibus quantitas dicti eodem modo operatur atque in propositionibus de inesse, vt si dicas: Omnis homo possibiliter currit, *ly omnis* distribuit simpliciter: in modalibus autem compositis, quia totum dictum fit quasi vnum extremum, & modus prædicatur de illo, ideo quantitas dicti minus videtur operari, & magis relucet quantitas modi; sed nihilominus etiam quantitas dicti mutanda est in oppositione propter sensum propositionis, modalis enim composita reducitur ad diuisam, & consequenter veritas vnius debet regulari sicut veritas alterius. Ad euitandum autem hoc, & videndum propriam oppositionem, & æquipollentiam modalium, vt modales sunt, solent poni exempla in propositionibus.

bus, quarum dictum sit de termino singulari, ut Petrum currere est possibile, in quibus sola quantitas modi attenditur. Si autem ponatur dictum de termino communi, infra afferemus exempla in rotulis modalium diuisarum.

Similiter quod attinet ad qualitatem, cum inueniatur in modali composita duplex copula, scilicet dicti, & modi, potest vel utraque affirmari, vel utraque negari, aut affirmari dictum, & negari modus, vel affirmari modus, & negari dictum. Quod ut facilius memorie mandaretur, & exerceatur, pro istis quatuor combinationibus affirmationis, & negationis Dialectici statuerant quatuor literas vocales. A. E. I. V. quarum A. significat propositionem affirmatiuam in modo, & in dicto: E propositionem de dicto negato, & modo affirmato. I. propositionem de modo dicato, & de dicto affirmato, V. propositionem de dicto, & de modo negato unde versus.

E dictum negat, I que modum, nihil A, sed V totum.

Quare ut oppositio fiat in his modalibus aduerte semper, ut sicut in propositionibus de inesse attenditur quantitas, ita attendatur in modalibus quantitas modorum, & supponimus quod ly *Necesse*, & ly *Impossibile* sunt vniuersales, sicut ly *Omnis*, & ly *Nullus*, & ly *Possibile*, & ly *Contingens* sunt particulares, sicut *quidam*, *aliquis* &c. Vnde sicut contrariantur, *Omnis*, & *Nullus*, ita *Necesse*, & *Impossibile*; & sicut subcontrariantur *quidam* & *quidam non*, ita subcontrariantur *possibile*, & *impossibile non*, & sicut contradicunt *nullus*, & *quidam*

quidam omnis, & quidam non, ita contradicunt *impossibile, & possibile, necesse, & possibile non*. Et sicut æquipollentiæ fiunt per negationem præpositam, aut postpositam, &c. Ita, & æquipollentiæ fiunt in modalibus per eandem negationem præpositam, aut postpositam.

Deinde necesse est, ut attendatur ad mutationem negationis, & affirmationis, ut videlicet semper in oppositionibus detur affirmatio, & negatio de dicto, de modo vero intantum requiritur negatio, aut affirmatio, in quantum necesse est mutare quantitatem eius, vel eandem servare, aliquando enim mutatur quantitas modi, negando ipsum modum, sicut in ly *Omnis* mutatur quantitas eius dicendo non omnis. Exemplum horum potest accipi in hac propositione, Petrum currere, est impossibile, si vis contrariam eius facere dic, Petrum currere est necesse; si vis contradictoriam, dic, Petrum currere est possibile, eo quod ly *impossibile* negat dictum, si vis facere subcontrarias dic, Petrum currere est possibile, Petrum non currere est possibile; si vis facere æquipollentes; Petrum currere est impossibile, non est possibile Petrum currere, vel necesse est Petrum non currere, prout videlicet volueris facere æquipollentias, si ex contrariis; ut necesse, & impossibile postponendo negationem, si ex contradictoriis anteponendo, &c.

Ut autem hæc omnia melius memoriæ inhaererent, inuenerunt Dialectici quatuor distinctiones, seu rotulos compositos ex quatuor illis vocalibus A. E. I. V. in quorum singulis distin-

distinctè appareret æquipollentia, & opposi-
tio iuxta omnes combinationes possibiles, si-
uè negando modum, siuè dictum, siuè vtrum-
que, & sunt istæ, *Amabimus, Edentuli, Illia-
ce, Purpurea*, incipiendo à litera A, in *Ama-
bimus*, à litera E in *Edentuli*, &c. Et ita debet
procedi, vt in qualibet dictione ponas in pri-
ma litera modum de ly *Possibile*, in secunda
modum de ly *Contingens*, in tertia mo-
dum de ly *Impossibile*, in quarta mo-
dum de ly *Neccessario*. Et exem-
pla ponenda sunt in di-
ctis de termino sin-
gulari pro mo-
dalibus
compositio de termino com-
muni pro diuisione, sic enim
facile poterit vtrum-
que intellige-
re, & de
vno
ad aliud tran-
sire.



ROTVLI COMPOSITARVM MODALIVM.

pur. Non Possibile est Petrum non currere.

Pu. Non contingens est Petrum non currere.

Rc. Impossibile est Petrum non currere.

A. Necessè est Petrum currere.

Aquipollent.

Contraria.

Contradictoria.

Contradictoria.

Subcontrariae

Non est possibile Petrum I. currere.
Non est contingens Petrum currere,
Impossibile est Petrum currere,
Necessè est Petrum non currere.

Cc.

Possibile est Petrum non currere.
Contingens est Petrum non currere.
Non impossibile est Petrum non currere.
Non necessè est Petrum currere.

E

Incepimus rotulum à *Purpurea*, & non à *Amabimus*, vt in superiori loco poneretur oppositio contraria, in inferiori subcontraria, in transuersali autem contradictoria; contrarietas autem versatur inter *Purpurea*, & *Illiace*; subcontrarietas inter *Amabimus*, & *Edentuli*; contradictio inter *Purpurea*, & *Edentuli*, inter *Amabimus*, & *Illiace*. Acquipollentiæ inter quatuor, quæ sunt in vnoquoque rotulo inter se.

Rotuli diuisarum constantium dicto de termino communi.

Simpliciter vniuersales ratione dicti, & ratione modi.

Omnis homo necessa- rio disputat.		Omnis homo impossi- biliter disputat.
--------------------------------------	--	--

Simpliciter particulares ratione dicti, & ratione modi.

Aliquis homo possibi- liter disputat.		Aliquis homo possibi- liter nõ disputat.
--	--	---

Duæ primæ superioris loci sunt contrariæ simpliciter; & duæ inferioris loci sunt subalternæ simpliciter illis primis, & inter se subcontrariæ simpliciter, transuersaliter autem sunt contradictoriæ simpliciter, & præposita, vel postposita negatione fient æquipollentes iuxta regulas supra positas de æquipollentibus.

Vniuersales ratione dicti, & non ratione modi.

Omnis homo possibi- liter disputat.		Omnis homo possibi- liter nõ disputat.
--	--	---

Particulares ratione dicti, & ratione modi.

Logica Pars I.

E Ali-

Aliquis homo possibili- ter disputat.		Aliquis homo possibili- ter non disputat.
--	--	--

Istæ sunt subalternatæ ratione subiecti tantum, sed non ratione modi. Et ideo ratione subalternationis hic illas posuimus, particulares autem ratione dicti, & vniuersales ratione modi, quæ hic videbantur ponendæ, in sequenti rotulo melius collocabuntur. Duæ autem primæ inter se non sunt contrariæ, quia licet ratione subiecti contrarietatem possulent, ratione tamen modi particularis de ly *possibilis* impeditur contrarietas, quia manet eadem vniuersalitas, & particularitas, & duæ inferiores sunt simpliciter subcontrariæ, transuersaliter autem non sunt contradictoriæ, quia manet eadem particularitas ratione de ly *possibiliter*; sed sunt subcontrariæ ratione modi, habent tamen contradictionem illæ duæ primæ cum modalibus de dicto particulari, & modo communi, quas statim referemus.

*Vniuersales ratione modi, & particulares
ratione dicti.*

Aliquis homo necessa- rio disputat.		Aliquis homo impossi- biliter disputat.
--	--	--

*Particulares ratione modi, & non ratione
dicti.*

Omnis homo possibili- ter disputat.		Omnis homo possibili- ter non disputat.
--	--	--

Istæ duæ superiores inter se disparatè se habent, & duæ inferiores inter se, quia manet eadem particularitas, & vniuersalitas in illis, sed tamen transuersaliter consideratæ habent contradictionem simpliciter. Vt autem facias contrarias ratione subiecti tantum, aut

ratio-

ratione modi tantum, hoc observa, vt semper in altera propositione ponas dictum, & modum vniuersalem, alias si vtroque sit vnum vniuersale, & alterum particulare, disputare se habebunt, vt istæ sunt contrariæ ratione modi, *Omnis homo necessario disputat, Aliquis homo impossibiliter disputat*, & istæ ratione dicti, *Omnis homo possibiliter disputat, Omnis homo impossibiliter disputat*. In subcontrarijs similiter ratione subiecti tantum, aut modi tantum, obseruetur vt semper in altera propositione sit particularitas dicti, & modi.

C A P V T XXII.

*De Reductione Modalium ad suas
de inesse.*

Reductio Modalium ad propositiones de inesse nihil aliud est, quàm probare, seu regulare veritatem modalis per veritatem propositionis de inesse; si enim est verum quòd Petrus possibiliter disputat, idè est, quia hæc de inesse, Petrus disputat, habet possibilitatem. Et nota quòd omnis modalis, si est vera, est propositio necessaria, & æternæ veritatis, quia applicat modum conuenientem veritati propositionis ex intrinseca connexionem, vt si dicas, Petrum currere est contingens, hoc ipsum est propositio necessaria, quia cursui Petri necessario conuenit contingentia. Et hinc dices, quomodo prima causa potest causare in nobis libertatem, & contingentiam operando infallibiliter, quia non solum causat res ipsas, sed etiam modos earum, & unicuique dat modum suum, & ita ex causa-

tionē diuina non sequitur, v. g. quòd ambulatio Petri sit necessaria, sed quòd ambulationem Petri fieri libere, & contingenter sit infallibile, & necessarium, quia illi ambulationi ab intrinseco, & necessario conuenit libertas, & contingentia. Et quia in modali composita dictum supponit quasi immobiliter, & facit vnum extremum respectu modi, ideo ad resoluendum modalem compositam descendendo sub dicto, oportet quòd reducetur ad suam diuisam, cui æquipollet, vt necesse est hominem currere, Necessario homo currit, & tunc descendatur sub *ly homo*.

Vt autem videamus quomodo reducendæ sunt propositiones modales ad suas de inesse, nota quod propositio de inesse dicitur dupliciter. Vno modo quia caret modis efficientibus eam, & vt opponitur modali, alio modo quia est de præsentī, & opponitur propositioni de præterito aut futuro, quæ dicitur de extrinseco tempore.

Reducitur ergo modalis ad suam de inesse, formando propositionem de inesse, & ostendendo quòd illi conuenit modus in propositione modali positus, vt si dicas, Petrus contingenter currit, reducitur ad suam de inesse sic, Hæc propositio, Petrus currit est contingens, & ista vocatur *officians* illius modalis, diciturque probari, seu reduci modalis per officiantem de inesse, idest ostendendo illam per vnā propositionem, quæ probet aut significet, suæ de inesse conuenire talem modum possibilitatis, aut contingentiae, &c.

Quo supposito, plures regulæ, quæ traduntur ad regulandum, & reducendum modales,

vel

vel de extrinseco tempore ad suas de inesse
 reducuntur ad hanc. *Ad veritatem propositionis
 modalis, vel de extrinseco tempore, quæ im-
 mediate reducibilis est ad suam de inesse, sufficit
 & requiritur, quòd suæ de inesse conveniat, &
 verificetur de illa talis modus, aut talis differen-
 tia temporis, v. g. ad veritatem huius, Petrus
 possibiliter disputat, sufficit vt hæc proposi-
 tio, Petrus disputat, sit possibilis, & ad verita-
 tem huius, Petrus necessario est homo, requi-
 ritur quòd hæc, Petrus est homo, sit necessaria,
 & ad veritatem huius, Adam fuit, sufficit quòd
 aliquo tempore fuerit vera, Adam est, quæ est
 sua de inesse, & sic de alijs omnibus. Dixi
 autem *propositionis immediate reducibilis*, quia
 aliquando requiritur aliqua prior resolutio,
 vel explicatio termini, quàm ieducatur ad
 suam de inesse, vt si dicas, Album fuit nigrum,
 non immediate verificatur, quòd aliquando
 fuit verum, Album est nigrum, sed verifica-
 tur resoluendo subiectum ampliatum hoc mo-
 do, hoc est, vel fuit album, & hoc (scilicet
 quod est album) fuit nigrum aliquando. Et
 similiter vbi est duplex copula, vt Petrus
 fuit, & erit albus resoluitur prius
 vtraque copula in suam copula-
 tiuam, & tunc quelibet ca-
 thegorica reducatur,
 seu reguletur
 per suam
 de in-
 esse.*

CAPVT XXIII.

De Hypotheticis Propositionibus.

HOc est vltimum, quod considerandum restat in secunda operatione intellectus, scilicet agere de altera specie enunciationis, quæ est hypothetica, hucusque cum egimus de categorica, eiusque proprietatibus. Hypothetica autem magis accedit ad tertiam operationem intellectus, quia plures categoricas coniungit. Vnde definitur *Hypothetica, quod est illa, quæ habet duas categoricas coniunctas, tanquam partes principales sui*, vt si homo volat, habet alas. Vnde fit quod copula hypothetica non est verbum, sed aliquod aduerbium, seu nota coniungens propositiones, v. g. *ly Et, ly si &c.* atque adeo in coniunctione hypothetica vna pars coniuncta non prædicatur de altera, sicut in categorica; solum enim verbum est nota eorum, quæ prædicantur.

Diuiditur hypothetica propositio in tres species, quæ formaliter sunt hypotheticæ, penes tres diuersas copulas coniungentes propositiones, *si, Et, vel*, & diuidi potest in alias tres, quæ virtualiter sunt hypotheticæ vocanturque proprio nomine *Exponibiles*, quia cum in se sint categoricæ, continent tamen aliquem terminum resoluendum, & exponendum per plures categoricas, quæ hypotheticam faciunt, & ideo virtualiter dici possunt hypotheticæ.

Species ergo hypotheticæ sunt, *Conditionalis Copulatiua, Disiunctiua*, *Conditionalis est quæ coniungit propositiones per illam particulam, Si, vt si homo*

homo currit, homo mouetur, & ad illam redu-
citur rationalis, *quæ coniungit propositiones per
particulam, Ergo*, nam omnis conditionalis con-
sequentiam virtualiter includit, proprie tamen
ly *Ergo* facit consequentiam, & discursum, non
propositionem hypoteticam. *Copulatiua est quæ
coniungit propositiones per particulam, Et*, vt Pe-
trus est albus, & Paulus est niger. Et particula
illa, *Et*, quando coniungit terminos, facit pro-
positiones de extremo copulato; habetque vim
vniuersalitatis, si diuisiuè, non collectiuè acci-
piatur confunditque terminum post se positum,
vt Petrus, & Paulus currit; Parisiis, & Romæ
venditur piper, ly *piper* stat confusè, nec licet
sub illo immediatè descendere. *Disiunctiua est,
quæ coniungit propositiones per particulam, Vel*,
vt Petrus currit, vel Paulus loquitur. Et quan-
do illa particula coniungit terminos, facit pro-
positionem de extremo disiuncto, & habet vim
particularitatis, vt Petrus, vel Paulus loquitur;
homo, vel equus est albus.

In his speciebus hypoteticarum duo solum
veniunt aduertenda. Primum est, quid requira-
tur ad veritatem cuiuslibet hypotheticæ; Secun-
dum, qui sunt loci, seu Regulæ arguendi in ta-
libus hypotheticis.

Quoad primum: *In conditionalibus est hæc
Regula*. Ad veritatem conditionalis non
requiritur quòd aliqua pars sit vera, sed suffi-
ciet bonitas consequentiæ; & ad falsitatem
sufficit quòd consequentia sit mala. Et sumi-
mus conditionalem in rigore, pro conditio-
nali illatiua, nam si solum sumatur particu-
la *si*, ad denotandum concomitantiam vnius
cum alio, vt *si Petrus loquitur, Paulus an-*

bulas, non ita propriè est conditionalis, de qua in præsentì agimus. Cum ergo ad conditionalem illatitiam, ut sit vera, solum requiratur bonitas consequentiæ, sequitur quòd omnis conditionalis vera, est necessaria, & omnis falsa, impossibilis, quia bona consequentia semper, & necessario est bona, alioquin si deficere potest, est mala; fundatur enim bonitas consequentiæ in connexionè extremorum. Et ita docet S. Thomas opusc. de Logica tract. de Enunciatione, capit. 14. Unde discernens, quòd cognitio rerum sub conditione, si sumatur in vi conditionalis illatiuæ, pertinet ad cognitionem necessariam, quia vel talis conditionalis est necessaria, vel impossibilis. Si autem non sumatur in vi conditionalis illatiuæ, sed concomitantia, aut ordinis vnius cum alio, tunc talis cognitio conditionatorum est cognitio coexistentiæ, & proportionis vnius cum alio, seu positionis vnius cum positione alterius, debetque reduci ad aliquem causam coniungentem, aut proportionantem vnum cum alio, & de facto fundantem veritatem illam, quam de facto habet propositio, licet extrema de facto non existant.

In copulatiuis est hæc Regula. Ad veritatem copulatiuæ requiritur, quòd vtrique pars sit vera; ad falsitatem sufficit, quòd altera pars sit falsa, ut homo est rationalis, & equus est hinnibilis, est vera, quia vtrique pars est vera, consistit enim veritas illius in copulatione veritatum. Si autem dicas, Petrus disputat, & lapis currit, tota est falsa, quia pars eius est falsa. Idem quod dicimus de veritate, dicendum

dum est de possibilitate, & necessitate ut enim sit possibilis, aut necessaria copulatiua, requiritur quamlibet partem esse possibilem, & necessariam: ut autem sit impossibilis, vel contingens, sufficit alteram partem esse impossibilem, aut contingentem. Inter impossibile autem, & contingens, si una pars est contingens altera impossibilis, tota est impossibilis, ut si dicas, *Petrus est lapis, & Paulus currit*. Itaque in defectu sequitur debiliorem partem; in effectum, & bono requiritur integram causam.

In disiunctiua est hæc Regula, Ad veritatem disiunctiue sufficit alteram partem esse veram, consistit enim veritas eius in separatione veritatis, & falsitatis in opposito; & idem est de necessitate, & possibilitate, quod sufficit alteram partem esse necessariam, aut possibilem ut homo est animal, vel Sol est niger, est vera, & necessaria ratione vnius partis tantum. At vero ad falsitatem disiunctiue requiritur, ut utraque pars sit falsa, & similiter ad impossibilitatem, ut si dicas, *Homo est hinnibilis, vel Equus est risibilis*. In summa; Copulatiua sequitur semper debiliorem partem, disiunctiua fortior; fortior pars dicitur vera, necessaria, possibilis; debilior dicitur falsa, contingens, impossibilis. Ad vnius enim partis fortioris positionem, tota disiunctiua redditur vera, vel necessaria, vel possibilis, ad vnius vero debilioris positionem, tota copulatiua redditur falsa, vel impossibilis. Denique ad contingentiam disiunctiue sufficit alteram partem esse contingentem, dummodo nulla sit necessaria, nec omnes in falsitate

repugnant, ut si dicas. *Petrus disputat, vel homo est lapis.*

Quantum ad secundum. In conditionalibus sunt hi loci arguendi: *Primus*: A tota conditionalis cum destructione consequentis ad destructionem antecedentis, est bona consequentia, ut si dicas, si Sol lucet, dies est, ergo si non est dies, Sol non lucet. *Secundus*: A tota conditionalis cum positione antecedentis ad positionem consequentis, est bona consequentia, ut si Sol lucet, dies est, sed Sol lucet, ergo dies est. *Tertius*: A conditionalis ad disiunctivam constantem consequenter, & contradietorio antecedentis valet, ut si Sol lucet & dies est, ergo vel est dies, vel Sol non lucet.

In copulativis: A copulativa affirmativa ad quamlibet eius partem est formalis consequentia; & conuersotamen non est formalis consequentia, ut benè sequitur, Petrus currit, & disputat, ergo Petrus disputat. E conuerso autem non valet, Petrus disputat, ergo currit, & disputat. *In negatiuis autem copulatiuis*, non sequitur à toto ad partem, ut non valet, non aliquis homo est equus, & homo est lapis; ergo homo est lapis: nec etiam sequitur negatiuè per formalem consequentiam; non enim valet, Petrus non disputat, & currit, ergo Petrus non currit, casu quo currit, & non disputet, antecedens est verum, quòd non simul disputat, & currit, & falsum est, quòd non currit.

Indisunctis: *Primus locus est*: A parte disiunctiva ad totam, bona est consequentia, ut Petrus est iustus, ergo vel est iustus, vel diuers, non enim requiritur ad verificationem consequen-

quentis plusquam ad veritatem antecedentis.
Secundus : A tota disiunctiva cum destructione
 unius partis ad positionem alterius, valet conse-
 quentia, vt Petrus disputat, vel currit, & non
 disputat, ergo currit.

Quæ dicuntur de Propositionibus de extre-
 mo disiuncto, vel copulato, vel conditiona-
 to, vt quando dico, Petrus est albus, & frigi-
 dus, &c. vbi prædicatum, vel subiectum sunt
 vnum copulatum, aut disiunctum, non per-
 tinent ad præsens, quia tales propositiones non
 sunt formaliter hypotheticæ, sed virtualiter, &
 debemus illas resolvere, seu reducere ad copu-
 lativas, disiunctivas, vel conditionales, quibus
 correspondent, & sic de illis iudicare, sicut de
 præfatis hypotheticis.

C A P V T XXIV,

De Exponibilibus.

EXponibiles Propositiones sunt, quæ ratio-
 ne alicuius termini importantis sensum ex-
 plicabilem, pluribus propositionibus necesse habent
 exponi, seu declarari, & quia pluribus propo-
 sitionibus declarantur, dicuntur virtualiter
 hypotheticæ. Et aliquæ sunt exponibiles ratio-
 ne rei significatæ, vt verbum *Incipit*, *Desinit*,
Differt, & similia; exponitur enim *ly incipit*
 dicendo. Nunc est, & ante non era. Et hæc
 omittimus in præsentia, explicanda vbi eorum
 tractatur materia, sicut de Inceptione, &
 Desitione in libro 6. *Physicor.* de Differentia
 in *Prædicabilibus*. Alia ex ipso modo si-
 gnificandi indigent exponi, & hæc proprie

pertinent ad Dialecticum.

Sunt autem tres species, scilicet *Exclusiua*, *Exceptiua*, *Reduplicatiua*. Propositio Exclusiua dicitur illa, *quæ modificatur termino significante exclusionem*, vt *Tantum*, *Solum*, & similia, & potest constituere, vel propositionem de excluso extremo, scilicet quando se tenet ex parte prædicati; vt *Petrus est solum Dialecticus*, vel totam propositionem exclusiuam reddere, scilicet quando se tenet ex parte subiecti, vt *Tantum homo est risibilis*: vel potest excludere gratia arietatis, idest significare quod alijs subiectis non conuenit prædicatum, vt *Tantum homo est risibilis*, idest, non alius quam homo est risibilis, vel potest excludere gratia pluralitatis, vt *Prædicamenta sunt tantum decem*, idest, non plura, quam decem.

Et licet possit fieri exclusiua, vel affirmatiua, vel negatiua, & negatiua, vel solum de modo, vel solum de dicto, vel de utroque, tamen in præsentī sufficit expositionem tradere pro affirmatiua, ex ea enim constabit, quod in negatiua opposito modo debet exponi. Exponitur ergo exclusiua propositio per duas categoricas copulatiuè acceptas, quarum vna affirmet prædicatum conuenire subiecto, & vocatur propositio præiacens, idest, simplex, seu simpliciter prædicans vnum de alio: alia negat prædicatum conuenire alij subiecto, & sic est vniuersalis negatiua respectu omnis alterius subiecti. v.g. *Tantum homo est risibilis*, exponitur sic: *Homo est risibilis, & nihil aliud ab homine est risibile*. Prædicamenta sunt tantum decem, exponitur sic: *Prædicamenta sunt decem, & non sunt plura quam decem*. Vnde sequitur quod propositio affirmatiua exclusiua conuertitur in vniuersalem affir-

ma-

mativam transmutatis terminis, ut bene valet: *Tantum homo est risibilis, ergo omne risibile est homo*, & consequenter, ly *Tantum* est signum confusionis respectu termini, quem immediate afficit, quia in sua conuergente ille terminus affectus à ly *tantum* afficitur mediatè à signo vniuersali affirmatiuo, quod est confundi.

Loci arguendi in exclusiuis sunt tres. *Primus*: Ab exponibili ad exponentes, & è conuerso, bona est consequentia, *Secundus*: Ab exponibili exposita copulatiuè, ad quamlibet exponentium, bona est consequentia, *Tertius*: A quolibet exponentium ad exponibilem disiunctiue, valet consequentia.

Et bene obserua, quòd licet particula, *Tantum*, posita à parte subiecti faciat totam propositionem exclusiuam; posita autem à parte predicati, faciat de excluso extremo; tamen quia exclusio ita afficit suum terminum, quòd quasi appellat super eum, nò licet arguere à propositione de excluso extremo, ad exclusiuam, vel è contra; sicut non valet, *Tantum Adam est albus, ergo Adam est tantum albus*; prima enim erat vera casu, quo solus Adam esset albus in mundo, & secunda est falsa: & similiter non valet, *Tantum Sol lucet, ergo Sol tantum lucet*. Prædicabilia sunt tantum quinque, ergo tantum Prædicabilia sunt quinque.

Secunda exponibilis est *Exceptiua*, ut si dicas, *Omne animal præter hominem est irrationale*, In hac nota quòd talis exceptiua, si sit affirmatiua, habet tres exponētes copulatiuas, scilicet suam præiacentem, & vniuersalem affirmatiuam, in qua terminus à quo fit exceptio prædicatur de parte excepta, & negatiuam in qua prædicatur

um negatur de parte excepta . Vt exponentes illius positæ propositionis sunt : Omne animal quod est non homo, seu aliud ab homine, est irrationale, & omnis homo est animal, & nullus homo est irrationalis . Contradictoria autem huius exponitur disiunctiue per contradictorias exponentes . Aliqui breuius exponunt particulam *Præter*, per particulam *Excepto*, dicendo Omne animal excepto homine est irrationale, vel per copulam implicationis, dicendo, Omne animal quod non est homo est irrationale : sed hoc non est ponere exponentes, sed æquiuales in vno termino, qui etiam indiget expositione, nam ly *excepto*, æquè indiget expositione, ac ly *præter* .

Loci arguendi in Exceptiuis sunt . *Primus*, Ab exceptiua ad omnes suas exponentes, & è conuerso, est formalis consequentia . *Secundus*. Ab exceptiua copulatiue exposita, ad quamlibet exponentem, est formalis consequentia, sicut in quacumque copulatiua, à tota ad partem . *Tertius* ; In exceptiuis, quæ exponuntur disiunctiue, & contradictoriè respectu copulatiuarum, valet à qualibet exponente ad totam, per regulam disiunctiuarum .

Tertia exponibilis est *Reduplicatiua* per illum terminum *inquantum*, quæ vocantur Reduplicatiuæ, quia quasi duplicant subiectum aut prædicatum, vt dicendo, Petrus inquantum homo est risibilis ; & idem est de his terminis, *Quatenus*, *qua ratione*, *Secundum quod*, *vsic &c.*

Et sumuntur dupliciter isti termini reduplicantes, primo *specificatiue*, secundo *reduplicatiue*; specificatiue reduplicant, scilicet applicant subiecto formalem, & specificatiuum conceptum: red-

Caput XXIV. III

duplicatiuè applicant rationem causæ, propter quam aliquid est tale, & sic faciunt propositionem causalem. Exemplum primi: Coloratum inquantum coloratum est obiectum visus, specificatiue tenetur, quia reduplicat solum rationem formalem: si autem dicam: Homo inquantum albus disgregat visum, denotat causam propter quam disgregat.

Exponitur Reduplicatiua per quatuor exponentes, quando tenetur reduplicatiue, & non specificatiue tantum, scilicet per præiacentem, & per affirmatiuam, vbi terminus reduplicatus affirmatur de subiecto illius exponibilis, & aliam affirmatiuam, in qua prædicatam affirmatu de termino reduplicato, & per causalem vbi explicatur ratio connexionis inter prædicatum, & subiectum, vt si dicas: Omnis homo inquantum rationalis, est risibilis: exponitur sic: Omnis homo est risibilis, & omnis homo est rationalis, & omne rationale est risibile, & quia est rationale, est risibile. *Sic antiqui.*

Sed Bettera sola quarta propositio est legitima, & sufficiens exponens scilicet causalis, & ad summum potest addi illa tertia, quia implicite continetur in causali, sufficit enim dicere, quia aliquid est rationale, est risibile, & per consequens, Omne rationale est risibile, ergo inquantum rationale est risibile, Nam prima, & secunda exponens, quod necessariae non sunt, imò aliquando falsificantur, constat, quando reduplicatiua verificatur mediante aliqua restrictione, aut diminutione, & non absolute, vt si dicas: Christus inquantum homo est creatura, Omne animal inquantum rationale est risibile, falsa est prima, & secunda exponens, in qua simpliciter

dicatur Christus est creatura, Omne animal est risibile, Omne animal est rationale: illæ enim absolutæ prolatæ sunt falsæ. Quare sufficit causalem ponere pro exponente, & quia ad veritatem causalis requiritur illa tertia exponens, addi potest, si enim est verum quod quia est rationale est risibile, etiam est verum, quod omne rationale est risibile: causalis enim si est semel vera, in omnibus est vera.

Et aduerte quod aliquando ly *inquantum*, ly *secundum quod*, sumuntur non tam specificatiuè, & reduplicatiuè, quam diminutiue, & restrictiue, quia verificantur solum secundum quid de subiecto, & ratione partis, & non absolute, vt si dicas, Aethiops est albus secundum dentes, seu inquantum habet dentes, Christus inquantum homo est creatura, non autem absolute est creatura; & tunc vtire illa regula S. Thom. 3. p. q. 26. art. 8. quod quando aliqua indifferenter possunt conuenire toti, & parti, si solum conueniunt parti, non absolute denominant; sed secundum quid, & per ly *inquantum*, vt quia albedo potest conuenire toti corpori, & parti, si solum conuenitur parti, v. g. dentibus, non dicitur absolute de toto: quando verò solum potest conuenire parti, & ratione eius toti, absolute dicitur de toto, licet conueniat soli parti, vt absolute dicitur, homo crispus. licet crispitudo sit solum in capillis. Et quia esse creaturam propter sui transcendentiam conuenire natum est supposito, & naturæ, non dicitur absolute de Christo, nisi explicando quod ratione naturæ humanæ conuenit.

Secundo aduerte quod reduplicatiua aliquando non reduplicat causam, sed conditionem,

aut

Caput XXIV. 113

aut concomitantiam , vt si dicas : Ignis in-
quantum applicatus, comburit, Assensus in-
quantum obscurus, est fidei, ibi non redupli-
catur causa, sed conditio aut modus, Homo
inquantum existit, operatur ly *existit* dicit con-
comitantiam conditionis requisitæ, & tunc
illæ reduplicatiuæ non exponuntur per causa-
lem, sed per conditionalem in qua prædi-
catum reduplicatiuè ponitur ex par-
te subiecti, vt si homo opera-
tur, existit, si assensus est
fidei, est obscurus, si
ignis comburit,
est appli-
catus,
&c.

3



LIBER

LIBER TERTIVS.

De Tertia Operatione Intellectus.

CAPVT PRIMVM.

De Consequentia, & Diuisione eius:



TERTIA intellectus operatio agitur discursu, qui necessario exigit illationem, & consequentiam qua deducitur vnum ex alio. Consequentia autem *in communi* definitur sicut argumentatio, quod est *Oratio in qua uno dato, aliud sequitur*. Et cum omnis illatio fundetur in conexione vnus veritatis, cum alia, quando dicitur in definitione consequentiae *ly sequitur*, non est idem, quod conecititur, sic enim solum definiretur bona consequentia, quia sola illa habet connexionem, & illationem vnus ex alio, sed *ly sequitur* si sumatur, vt commune ad bonam, & malam consequentiam, est idem, ac *designatur consequi*, ita quod vbicumque orationes, nota, illationis coniunguntur, consequentia est, licet in re non sit bona, & conueniens illatio. Quid sit autem consequentia bona, & mala in quam primo diuiditur consequentia in communi, diximus praeced. libro cap. 5. Et si quaeratur, cur diuiditur consequentia in bonam,

& malam, non in veram, & falsam? Resp. quia consequentia non est propositio ad quam solum pertinet verum, & falsum, quia affirmat, aut negat, sed est connexio illatiua propositionum, ad quam pertinet debita dispositio, & conuenientia connexionis, conueniens autem, & inconueniens faciunt bonum, vel malum, non verum, aut falsum.

Diuiditur secundo consequentia in materialem & formalem, Materialis dicitur, quæ solum ratione alicuius materiæ est bona. Formalis quæ in quacumque materia, & terminis eiusdem formæ bona est. Et ideo consequentia formalis, quæ semel est bona, semper est bona, v.g. si dicas: Aliquis homo est rationalis, ergo omnis homo est rationalis, ista consequentia valet in illa materia, quia est in materia necessaria, in qua ex vna particulari potest inferri vniuersalis, sed non valet ex vi formæ, quia in alia materia, & similis formæ non tenet, vt si dicas, Aliquis homo est albus, ergo omnis homo est albus. Et hinc cognosces, quæ sit forma consequentiæ, ratione cuius dicitur consequentia esse bona formaliter, est enim forma dispositio propositionum, & terminorum secundum quantitatem, & qualitatem, & alias proprietates logicales in ordine ad inferendum vnum ex alio, & quando non ratione materiæ dispositæ, sed ratione ipsius dispositionis in quacumque materia, sequitur vnum ex alio, dicitur consequentia formalis. Et similiter similitudo formæ: *Est conuenientia dispositionis propositionum in eadem quantitate, qualitate, & proprietatibus logicis.* Proprietates logicales iam supra diximus esse

esse *suppositionem*, *ampliationem*, & similia, quæ melius dignoscantur ex designatione defectuum in consequentijs, quos infra ponemus.

CAPUT II.

De Inductione.

Superiori libro cap. 5. de Argumentatione diximus, quod omnes species argumentationis ad duas reduci poterant, scilicet ad *Inductionem*, & *Sylogismum*, nam Enthymema est quidam syllogismus truncatus, & Exemplum quædam inductio imperfecta, ut inquit S. Thom. 1. Poster. lect. 1. in fine. Vnde tandem in lect. 30. eiusdem libri, solum ponit D. Thom. duos modos acquirendi scientiam scilicet per demonstrationem, & inductionem, & demonstratio quidem est syllogismus, qui procedit ex vniuersalibus, inductio autem ex singularibus. eo quod omnis nostra cognitio ex singularibus originatur, quæ per sensus percipiuntur.

Definitur ergo *Inductio* quod sit à singularibus sufficienter enumeratis ad vniuersale progressio, ut si dicas, iste ignis calefacit, & ille, & ille, &c. Ergo omnis ignis calefacit. Et quia oppositorum eadem est ratio, sub hac definitione inductionis, quæ est per ascensum intelligitur oppositum eius, quod est descensus, idest, ab vniuersali ad singularia progressio. Et inductio quantum ad ascensum ordinatur ad inueniendas, & probandas veritates vniuersales, ut vniuersales sunt, idest, in quantum

constant ex singularibus sub eis contentis, nec enim potest probari, quod aliquid vniuersaliter sit tale, nisi quia eius singularia sunt talia. Descensus autem ab vniuersali ad singularia præcipuè ordinatur ad demonstrandam falsitatem vniuersalis, vt vniuersale est, optime enim ostenditur falsitas vniuersalis descendendo sub illo, & ostendendo aliquod singulare non esse tale. Sed tamen supposita veritate vniuersalis comprobata, & inuenta per ascensum, etiam descensus deseruit ad ostendendam correspondentiam vniuersalis ab ipsa singularia sub ea contenta. Præcipuum tamen Inductionis munus est reducere ad sensus probationem vniuersalis à singularibus ascendendo.

Vnde manifestum est rectè tradidisse Arist. 2. lib. Prior. cap. 23. differentiam inter syllogismum, & inductionem, quòd syllogismus vritur medio ad ostendendum extrema vniri inter se; at verò inductio, per tertium probat extremum de medio. Quod est dicere, syllogismum, vti p.æmissis in quibus assumitur medium unitum extremis, vt per illud probetur vniri extrema inter se. Inductio autem non assumit medium vnus extrema ad probandum extrema vniri inter se, sed probat extremum, seu prædicatum aliquod conuenire alicui subiecto communi, quia conuenit singularibus, aut singularibus conuenire, quia conuenit communi.

Inquires quotuplex, & qualis sit ascensus, & descensus. Et dico quòd est quadruplex, copulatiuus, disiunctiuus, copulatus, & disiunctus. Copulatiuus ascensus, & descensus est, quando singularia numerantur per propositiones

copulativas, vt omnis homo est animal, ergo hic homo est animal, & ille homo est animal, &c. *Disiunctiuus*, quando numeratur per *propositiones disiunctas*, vt aliquis homo est albus, ergo vel ille homo est albus, vel ille homo est albus, &c. *Copulatus ascensus*, & descensus est, quando terminus aliquis per *singulares resoluitur complexiue numeratos*, vt omnes Apostoli Dei sunt duodecim, resoluitur sic; ille, & ille, &c. sunt duodecim, omnes in vna propositione numerando. *Disiunctus* est, quando aliquis terminus resoluitur per *suas singulares diuise numeratas in unica propositione*, vt si dicas, omnis homo est animal, illud pradicatum *animal* resoluitur disiunctim sic: Omnis homo est hoc vel illud, vel illud animal, ita vt totum disiunctum sit pradicatum. An verò inductio ex sua formali ratione, & proprijs meritis sit consequentia formalis, dicemus inf. q. 8. art. 2.

CAPVT III.

De Ordine, & modo soluendi terminos per ascensum, & descensum.

CUm omnis ascensus, & descensus versetur à singularibus ad communia, & è conuerso, secundum diuersam quantitatem, & suppositionem termini, puta quòd sit vniuersalis, vel particularis, determinatè, vel confusè supponens, diuersimodè applicantur ascensus, & descensus. Vnde duo sunt obseruanda. Primum, quis ascensus, & descensus debeat, isti, vel illi suppositioni. Alterum, quis

quis ordo sit immediatè, vel mediatè descendendi, vel ascendendi sub aliquo termino, quod est resolvere illum.

Quantum ad primum est triplex Regula.

Prima : Terminò supponenti distributiue, debetur ascensus, & descensus copulatiuus. *Secunda* : Terminò supponenti determinatè, debetur ascensus, descensusque disiunctiuus. *Tertia* : Terminò supponenti, confuse tantum copulatiuè, debetur ascensus, descensusque copulatus : supponenti uero confuse disiunctiuè, debetur ascensus, descensusque disiunctus. Sed tamen iste ascensus copulatus, aut disiunctus non est resolutorius, seu manifestatiuus veritatis, æquè enim manet ignotum ponere terminum confuse supponentem, vel disiunctiuè numeratum, ideò talis terminus simpliciter manet irresolubilis, & immobilitatus, idest, quia non potest moueri, & progredi in illo per resolutionem à singularibus, vel è contra.

Quantum ad secundum. Quando in propositione sunt plures termini diuersimodè supponentes, non potest æquè immediatè descendendi, & ascendendi sub quolibet illorum. Et ideò ad hoc cognoscendum sunt tres Regulæ. *Prima* ; Sub terminò supponente determinatè in ordine ad distributiuum, prius debet ascendendi, quàm sub terminò distributo ; potest tamen immediatè descendendi sub distributo ; & oppositum est defectus, qui vocatur à pluribus determinatis ad unicam determinatam. Itaque ad ascendendum semper est aptior terminus determinatè supponens ; ad descendendum terminus distributus ; ut si dicas : Aliquis homo

mo non est albus, non bene ascendes immediate sub termino distributo, bene tamen sub termino particulari supponente determinate; poteris tamen immediate descendere sub distributo, & ita quoad ascensum est dependens à priori illa resolutione, non quoad descensum.

Secunda Regula : Sub termino supponente confuse disiunctim in ordine ad vniuersalitatem antecedentem, non licet descensus disiunctiuus antequam descendatur sub termino vniuersali; bene tamen valet ascensus, vt si dicas: Omnis homo est animal non valet, ergo Omnis homo est hoc animal, vel illud animal, &c. valet tamen ascensus, Omnis homo est hoc animal, vel Omnis homo est illud animal, ergo Omnis homo est animal. Itaque in descendendo dependet resolutio confusi à resolutione distributi antecedentis. Et oppositum est defectus ab vnica distributione ad plures: de quo infra cap. 13.

Tertia Regula : Si omnes termini supponent distributiue, vel omnes determinate, potest immediate resolutio incipere à quolibet termino in ascensu, & descensu, quantum est ex vi suppositionis, nisi aliunde adsit impedimentum, vt si dicas distributiue, Nullus homo est lapis, vel determinate, Aliquis homo est albus, à quocumque incipere potes. Atque ita resolutio terminorum quoad ascensum, qui deseruit probationi veritatis, hunc habet ordinem, vt prius resoluatur terminus stans determinate, secundo distributus; quo ad descensum autem, immediate possumus incipere à distributo, à confuso autem non nisi post descensum sub distributo. Et semper intel-

Caput III. 121

intelligitur descensus, & ascensus fieri inuariatis proprietatibus logicalibus, scilicet suppositione, restrictione, ampliatione, appellatione, &c. Quod maximè observandum est in terminis complexis, præsertim qui constant ex determinatione, & determinabili, in quibus diuersitas restrictionis maximè obstat resolutioni immediatè, vel mediante faciendæ, vt postea attingemus agendo de defectibus consequentiarum, & inf. q. 7. art. 2.

Denique in relatiuis sunt duæ Regulæ. *Prima*: In relatiuo reciproco non licet facere resolutionem ascensus, vel descensus priusquam sub antecedente, quia supponit eadem suppositione, qua sum antecedens, vocaturque sigillata suppositio. *Secunda*: Relatiuum non reciprocum non habet necessariam dependentiam in sua resolutione ab antecedenti, vt si dicas, Omnis homo est animal, & illud est rationale, potest sub *ly illud*, descendi, vel ascendi, antequam sub *ly Omnis homo*, vel sub *ly animal*, sicut in termino posito in propositione distincta.

CAPUT IV.

*De Syllogismo, eiusque materia,
& forma.*

SYllogismus definitur quod est, *Oratio in qua quibusdam positis, & concessis, necesse est aliud euenire, eo quod hæc posita sunt.* Sciendum est, quod syllogismus ad hoc tendit, vt ordinet discursum, secundum connexionem terminorum inter se, non verò sicut inductio per resolutionem, & reductionem ad singula-

ria, unde oportet, quòd respiciat extrema
 vnibilia inter se, & rationem, seu medium
 propter quod vniuntur, unde ex medio applica-
 to, seu vnito cum extremis, vnit, & infert ex-
 trema esse vnita inter se, & hic est totus or-
 do, & progressus syllogismi, inferre, & de-
 ducere aliquam propositionem, in qua duo ter-
 mini, seu extrema sint vnita ex alia propo-
 sitione, vel propositionibus, in quibus expli-
 catur medium, seu ratio, ob quam possunt, &
 debent inter se vni, & propterea dicitur in
 definitione, quòd est *Oratio in qua quibusdam*
positis; scilicet præmissis, in quibus medium
 applicatur extremis, *necesse est aliud accidere*,
 idest, inferre conclusionem, in qua extrema
 coniungantur inter se, *eo quòd illa posita sunt*,
 idest, ex vi, & positione præmissarum. Exem-
 plum huius est in hoc syllogismo, omne cor-
 pus est substantia, omnis homo est corpus,
 ergo omnis homo est substantia, vbi vides tres
 propositiones; duas, quæ sunt præmissæ in-
 ferentes tertiam, quæ est conclusio, & in
 tertia vniuntur illa duo extrema, homo, &
 substantia, in præmissis verò medium, ra-
 tione cuius vniuntur illa extrema, applicatur
 extremis, medium autem est *ly corpus*, quod
 quia conuenit homini, & substantiæ, facit
 quòd homo, & substantia conueniant inter
 se.

Ex his ergo fit, syllogismum constare ma-
 teria, & forma, sicut quodlibet artificiale.
 Forma est ipsa dispositio, & artificium ordi-
 nans, ac disponens materiam, vt debitè pos-
 sit inferre, & concludere. Materia est du-
 plex, alia proxima, alia remota. Proxima,
 sunt

Caput IV. 123

sunt propositiones, ex quibus syllogismus constituitur. Remota sunt termini, seu extrema, qui componunt propositionem, & in illa ultimitate resolvitur syllogismus. Et ideo terminus in hac parte syllogistica definitur ab Aristotele quod est *id in quod resolvitur propositio tanquam in subiectum, & predicatum*; Et definitur per resolutionem, ut D. Thomas inquit opus. 48. tract. de syllogismo c. 1. quia scientia nostra, & iudicium, procedit resoluendo rem in suas causas, unde terminus, ut deseruit parti iudicatiuæ, seu resolutoria, definitur per resolutionem, non per compositionem. Et dicitur *tanquam in predicatum, & subiectum* quia *verbum* non est terminus respectu syllogismi, sed unio; terminus autem solum dicitur illud, quod se habet, ut extremum inferens, vel illatum, & sic per unionem verbi componitur, non solum id, quod enunciationis est ad veritatem, sed id quod connexionis quoad illationem: quare unio, seu copula verbi non est id in quod resolvitur, sed id quod dissolvitur resolutio syllogismo.

Quare propositiones in syllogismo sunt solum tres, duæ pro præmissis, quæ sunt inferentes, una pro conclusione, cuæ est illata. Et prima præmissarum vocatur Maior propositio, secunda vocatur Minor, tertia Conclusio, seu Consequentia. Similiter termini non possunt esse, nisi tres, licet multiplicentur in tribus propositionibus; duo ex illis sunt extremitates, quæ in conclusione uniendæ sunt, alter est medium, quod in præmissis unitur cum extremitatibus, sed non intrat conclusionem: *infert enim illam*. Et una extremitas

tas vocatur maior, altera minor. Maior extremitas est illa quæ sumitur in maiori, & ponitur in conclusione, Minor extremitas est, quæ sumitur in minori, & ponitur in conclusione. Medium est terminus his positus in præmissis, non verò in conclusione. Et nomine termini non intelligimus solum aliquid simplex, seu incomplexum, sed etiam complexum, dummodo vnus extremi, vel medij vice fungatur.

Forma autem syllogismi potest etiam dici duplex, correspondens huic duplici materiæ proximæ, & remotæ, & quidam cum forma syllogismi sit ordinatio, seu dispositio materiæ eius, illa dispositio, qua ordinatur materia remota, seu termini, dicitur *Figura*; illa autem qua ordinatur materia proxima, scilicet propositiones, dicitur *Modus*. *Figura* ergo in syllogismo est dispositio terminorum secundum subiectionem, & prædicationem. *Modus* est ordinatio præmissarum, seu propositionum in debita quantitate, & qualitate. Debita qualitas est, vt saltem aliqua præmissarum sit affirmatiua, & non omnes negatiuæ. Debita quantitas, vt saltem aliqua sit vniuersalis, & non omnes particulares. *Figuræ* sumuntur secundum prædicationem, & subiectionem termini medij cum extremitatibus, & iuxta combinationem diuersæ prædicationis, & subiectionis resultant diuersæ figuræ, vt sequenti cap. dicemus.



De Diuisione Syllogismi penes materiam,
& formam.

Diuisio syllogismi potest sumi, vel ex parte materię, vel ex parte formę. Ex parte materię, primo est illa diuisio, quę ad libros Posterior. pertinet, scilicet quod syllogismus est quadruplex *demonstratiuus, probabilis, sophisticus, erroneus*. *Demonstratiuus* generat scientiam constatq; materia necessaria; *Probabilis* constat materia contingenti, & generat opinionem. *Erroneus* constat materia remota, & generat errorem; *Sophisticus* non seruat regulas rectas, sed fallaces, & generat deceptionem. *Secundò* diuiditur syllogismus in communem, & expositorium. Communis est *in quo ponitur pro medio terminus communis*. Expositorius est *in quo ponitur pro medio terminus singularis*. Vnde ista diuisio tenet se ex parte materię, quia ex parte terminorum. Potest etiam diuidi in hypotheticum, & categoricum, affirmatiuum, & negatiuum ratione propositionum ex quibus constat.

Ex parte formę diuiditur syllogismus, primo per tres figuras. Et in qualibet figura sunt plures modi, scilicet, sexdecim, tam utiles, quàm inutiles, perfecti, & imperfecti: sed reducuntur omnes ad nouendecim utiles, qui istis versibus continentur.

Prima. *Barbara, Celarent, Darij, Ferio;
Baralipon.*

Figura. *Celantes, Dabitis, Fapesmo, Frisefo-
morum.*

Secunda. Cesare, Camestres, Festino, Baroco, Darapti.

Tertia. Felapton, Disamis, Datisi, Bocardo, Ferison.

Modus perfectus est, in quo saluantur perfectè principia regulatiua syllogismorum, quæ sunt *dici de omni*, & *dici de nullo*, vt postea explicabitur. Modus imperfectus, in quo ista principia non perfectè saluantur, ideoque reduci potest ad perfectum. Modus utilis est, in quo saluantur regulæ necessariae ad bonam consequentiam. Modus inutilis, in quo tales regulæ non saluantur. Modus directus, in quo directè concluditur, prædicando maiorem extremitatem de minori in conclusione. Modus directus, in quo è conuerso minor extremitas prædicatur de maiori extremitate in conclusione.

Dari autem tres figuras, & non plures constat, quia solum possunt esse quatuor combinationes, nam vel medium prædicatur in vtraque præmissa, vel in vtraque subiicitur, vel subiicitur in maiori, & prædicatur in minori, aut denique è conuerso prædicatur in maiori, & subiicitur in minori. Sed tamen est aduertendum, quòd ex istis quatuor combinationibus, hæc vltima est concludens indirectè, & quia syllogismi concludentes indirectè reducuntur ad directos, ideo quarta figura, quæ semper concludit indirectè; semper transpositis præmissis reducitur ad primam, & ideo tanquam non distincta ab illa non numeratur seorsum. Dicitur autem syllogismus concludere directè, quando in conclusione prædicatur maior extremitas de minori extremitate: indire-

de

Atque verò, quando è conuerso, quia maior extremitas est superius extremum, & superiori indirectè conuenit prædicari, inferiori verò subijci. Vnde oportet ad hoc, vt prædicetur in conclusione de minori extremitate, quòd prædicetur etiam in maiori de medio tanquam quid superius. Et ideò directà figura est. in qua medium subijcitur in maiori, & de illo maior extremitas prædicatur, & hæc est prima figura. Si verò medium prædicetur in maiori, & maior extremitas subijciatur, concludetur indirectè; & ideò per transmutationem præmissarum debet reduci ad primam figuram, ideoque quarta figura non admittitur tanquam distincta, sed reducitur ad primam, quia figuræ non diuiduntur, nisi per diuersum modum directum, & naturalem concludendi, non per indirectum, cum hic ad directum pertineat, & reducatur, & sic restant tres figuræ distinctæ. *Primæ*: In qua medium subijcitur in maiori, & prædicatur in minori. *Secunda*: In qua medium prædicatur in vtraque præmissa. *Tertia*: In qua medium in vtraque subijcitur. Exempla inferius apponemus numerando omnes modos figurarum.

C A P U T V I.

*Explicantur omnes tres figuræ, & modi
Syllogysmorum.*

Quia figuræ, vt dictum est, nihil aliud sunt quàm combinationes diuersæ secundum prædicationem, & subiectionem mediij, &

modi sunt combinationes secundum quantitatem, & qualitatem propositionum, in vnaquaque figura possunt fieri sexdecim combinationes modorum penes quantitatem, & qualitatem. Nam quantitas propositionum potest variari quatuor modis, aut enim vtraque præmissa est vniuersalis, aut vtraque particularis, aut prima vniuersalis, & secunda particularis, vel è conuerso prima particularis, & secunda vniuersalis. Similiter dico de qualitate, quòd vel vtraque præmissa est affirmatiua, vel vtraque negatiua, vel prima affirmatiua, & secunda negatiua, aut è conuerso prima negatiua, & secunda affirmatiua.

Existente ergo quadruplici combinatione ex parte qualitatis, & ex parte quantitatis, possunt inter se quantitas, & qualitas misceri sexdecim modis, quia vnusquisque modus, & combinatio quantitatis admittit quatuor modos qualitatis, & è conuerso, v. g. si vtraque præmissa est vniuersalis, quæ est prima combinatio ex parte quantitatis, in illa potest dari quadruplex modus qualitatis, quia illa vtraque vniuersalis, vel habet vtramque affirmatiuam, vel vtramque negatiuam, vel primam affirmatiuam, & secundam negatiuam, aut è conuerso. Et idem in qualibet alia combinatione fieri potest. Vnde cum sint quatuor ex parte quantitatis, & quatuor ex parte qualitatis, & quælibet ex illis quatuor modis ex alijs affici possit, resultant in vnaquaque figura sexdecim modi penes diuersam quantitatem, & qualitatem.

Sed quia non omnes modi sunt vtilis, idest, bonæ, & legitimæ consequentiæ, ad discernenda

dum in vnaquaque figura qui sunt utiles, & qui inutiles, oportet videre regulas, quæ requiruntur ad bonitatem consequentiæ in his syllogismis, & qui seruauerit omnes illas, erit modus utilis, qui non seruauerit, inutilis.

Regulæ igitur ad bonum syllogismum requiritæ, quædam sunt generales pro omnibus figuris, quædam speciales pro singulis. *Regulæ* communes sunt quatuor. *Prima*: Ex puris particularibus, aut indefinitis nihil sequitur. *Secunda*: Ex puris negatiuis nihil sequitur. Ratio vtriusque conditionis sumitur ex illo generali principio, cui tota fabrica syllogistica innititur, vt infra explicabitur: *Quæcumque sunt eadem vni tertio, sunt eadem inter se*, idest; ex eo quod extrema vniuntur in aliquo, vniuntur inter se; ergo oportet quod saltem in aliqua præmissarum vniantur, & sic non in vtraque diuidantur, vel negentur, & similiter, quod illud tertium in quo vniuntur, complectatur extrema, & distribuatur in illis; alias non dicentur de omni, vel de nullo; ergo oportet quod saltem aliqua præmissarum habeat distributionem, & affirmationem. *Tertia regula est*. Quod nullus terminus debet esse distributus in conclusionem, qui non sit distributus in præmissis: alioquin argueretur à non distributo ad distributum. *Quarta*: Quod medium non debet intrare in conclusionem, vt dictum est. Et sic omnis syllogismus, qui infert conclusionem negatiuam, est negatiuus, qui particularem, est particularis.

Ex his *Regulis* generalibus inferantur aliæ quatuor particulares pro singulis figuris. *Prima est*:

ma est : In prima figura in modis concludentibus directe, maior non potest esse particularis, & minor non potest esse negatiua. Ratio est : quia si maior est particularis, medium non distribuitur, quod debet subijci in maiori, & prædicari in minori affirmatiua : Si autem minor est negatiua, inferet conclusionem negatiuam, in qua terminus aliquis distribueretur, qui in præmissa affirmatiua non distribueretur, vt si dicas, omnis homo est animal, nullus equus est homo, ergo nullus equus est animal, *ly animal* distribuitur in conclusione, & non in præmissis. In modis tamen indirecte concludentibus potest maior esse particularis, quia in illis non subijcitur medium : & minor potest esse negatiua, vt in *Fapesmo*, & *Frisefomorum*.

Secunda Regula pro secunda Figura : Si vtraque præmissa sit affirmatiua nihil concluditur. Ratio est, quia cum medium in secunda figura prædicetur in vtraque præmissa, si vtraque est affirmatiua, non distribuitur.

Tertia est pro eadem figura : Si maior est particularis, nihil sequitur. Ratio est, quia distribueretur tunc aliquis terminus in conclusione, qui non distribueretur in præmissis : vt si dicas ; Aliquod animal est homo, nullus equus est homo, ergo nullus equus est animal, *ly animal* distribuitur in conclusione non in præmissis.

Quarta Regula pro tertia Figura : Si minor sit negatiua, nihil concluditur. Ratio est, quia tunc maior debet esse affirmatiua, ac proinde prædicatum illius non distribuitur : distribuetur autem in conclusione, vt si dicas,
Omnis

Omnis homo est animal, nullus homo est equus, ergo nullus equus est animal, *ly animal* distribuitur in conclusione, & non in præmissis.

His Regulis visis, facile poteris rejicere omnes modos inutiles in quacumque figura. Nam in prima figura ex sexdecim combinationibus debent rejici omnes quatuor pure particulares, & omnes quatuor pure negatiuæ, ex duabus primis regulis generalibus. Debent secundo rejici omnes, qui habent maiorem particularem, & qui habent minorem negatiuam. Vnde tantum restant quatuor modi, in quibus inuenitur, quod utraque præmissa sit affirmatiua cum maiori vniuersali, vel quod altera sit negatiua cum minore affirmatiua; & hi sunt *Barbara*, *Celarent*, *Darii*, *Terio*; nam literæ illæ vocales; ut diximus libro præcedenti, capite de conuersione, significant, A. vniuersalem affirmatiuam, E. vniuersalem negatiuam, I. particularem affirmatiuam, O. particularem negatiuam.

Nihilominus, quia ut diximus, illæ duæ regulæ particulares primæ figure solum requiruntur ad concludendum directe, non indirectè, poterunt admitti in prima figura alij modi indirectè concludentes, in quibus aut maior sit particularis, aut minor negatiua, dummodo concludant indirectè, ita quod maior extremitas in conclusione non prædicetur de minori, sed subiiciatur, & isti sunt quinque modi designati istis quinque dictionibus: *Baralipon*, *Celantes*, *Dabitis*, *Fapesmo*, *Frisesomorum*. In quibus omnis seruatur indirecta conclusio, scilicet quod minor ex-

tremitas prædicetur de maiori, sed non in omnibus inuenitur, aut maior particularis, aut maior negatiua, sed potest inueniri. Exemplum syllogismi directè concludentis in prima figura. Omne animal est viuens, omnis homo est animal, ergo omnis homo est viuens. Exemplum indirectè concludentis in *Celantes*, v. g. nullus lapis est animal, omne animal est sensitius, ergo nullus lapis est sensitius.

Similiter in secunda figura excluduntur duodecim combinationes ex sexdecim, quæ fieri possunt: excluduntur enim octo per duas primas regulas generales, scilicet ex puris particularibus, & ex puris negatiuis. Item per secundam, & tertiam regulam excluditur combinatio ex vtraque præmissa affirmatiua, vel si maior sit particularis, & vtraque ista combinatio fieri potest bis, scilicet vtraque affirmatiua cum prima præmissa particulari, & secunda vniuersali vel è contra, & vtraque maior particularis, existente prima præmissa affirmatiua: & secunda negatiua, vel è contra, Et sic remanent solum quatuor modi vtilis, scilicet, *Cesare*, *Camestres*, *Festino*, *Baroco*. Exemplum est in *Cesare*, Nullum animal est lapis, omnis marmor est lapis, ergo nullus marmor est animal.

Denique in tertia figura excluduntur decem combinationes, scilicet octo ex regulis generalibus. Ex quarta autem regula, si minor sit negatiua, nihil concluditur, siue prima præmissarum sit particularis, & secunda vniuersalis, siue è conuerso, quod est excludere duas alias combinationes, & sic manent sex modi.

Caput VII. 133

modi viles, scilicet, *Darapti*, *Felapton*, *Disamis*, *Datifi*, *Bocardo*, *Perison*, si omnes modi viles sunt nouendecim, qui in versibus supradictis continentur.

Et observa, quod in hac tertia figura primi duo modi, scilicet, *Darapti*, & *Felapton*, cum habeant vtramque præmissam vniuersalem, concludunt particularem, & non vniuersalem, quia si concluderent vniuersalem, argueretur à non distributo ad distributum contra tertiam regulam, vt patet in hoc syllogismo in *Darapti*, Omne animal est sensibile, omne animal est substantia, ergo omnis substantia est sensibilis, vbi ly *substantia* distribuitur in conclusione, & non in præmissis.

C A P V T XII.

De Reductione Syllogismorum imperfectorum ad perfectos.

Communiter assignatur duplex potestas syllogismorum, licet Arist. in 2. Prior. sex assignauerit, sed nobis in præsentibus sufficit duas præcipuas explicare. *Prima* est potestas concludendi plura. *Secunda* est potestas reducendi syllogismos imperfectos ad perfectos. *Potestas* concludendi plura, nihil aliud est, quàm hoc ipso, quod concluditur aliquod consequens, seu conclusio, posse etiam concludi id, quod sequitur ad tale consequens; vt si concluditur vniuersalis affirmatiua, vel negatiua, potest etiam concludi particularis sub illa contenta. Et similiter potest concludere conuertentem suæ conclusionis.

clusionis, & æquipollentem, & vniuersalitẽ, quidquid sequitur ad talem conclusionem. Et hoc totum prærequiritur ad reductionem ostensiuam, vt statim dicemus.

Potestas reducendi syllogismos imperfectos ad perfectos consistit in hoc. quod illi syllogismi, in quibus non ita euidenter, & perfectè apparet *Dici de omni*, & *dici de nullo*, quæ sunt principia regulatina syllogismi, vt infra dicemus cap. 10. reducantur, & probentur per illos, in quibus perfectè, & euidenter talia principia saluantur. Perfectissimi autem modi concludendi sunt illi primi quatuor primæ figuræ, scilicet, *Barbara*, *Celarent*, *Darij*, *Ferio*; omnes enim conclusiones inferibiles, aut sunt vniuersales affirmatiuæ, aut vniuersales negatiuæ, aut particulares affirmatiuæ, aut particulares negatiuæ. Et vniuersalis affirmatiua perfectissimè infertur in *Barbara*, vniuersalis negatiua in *Celarent*, particularis affirmatiua in *Darij*, particularis negatiua in *Ferio*, vt infra ostendemus cap. 10.

Omnes ergo alij modi indirectè, aut directè concludentes possunt ad istos quatuor reduci, & per illos probari. Et est duplex reductio, altera *ostensiuæ*, altera *per impossibile*: *Ostensiuæ* utitur duplici principio, scilicet conuersione alicuius propositionis, & transmutatione, vt scilicet, maior mutetur in minorem, vel è contra, quia hæc reductio solum ostendit clariori modo posse disponi præmissas, vt sic euidentibus ibi innotescat regulatio *dici de omni*, & *de nullo*, & totum hoc fundatur in illo supraposito principio, *Quid quid sequitur ad consequens, sequitur ad eius antecedens*.

Reductio per impossibile probat deducendo ad duas contradictorias simul veras, quod est impossibile, & ad hoc assumit contradictoriam propositionis negatae, & adiuncta vna propositione concessa, infert contradictoriam alterius concessae, & consequenter infert duo contradictoria simul vera. Et fundatur in illo principio, *In bona consequentia ex contradictorio consequentis sequitur contradictorium antecedentis.*

Et ista reductio per impossibile possunt reduci omnes modi imperfecti ad perfectos, quia in omni modo utili, in quo negatur consequentia, debet concedi contradictorium eius quod negatur, ex qua contradictoria concessa, & altera praemissa concessa, sequitur contradictorium alterius: specialiter tamen duo modi dicuntur reduci per impossibile, scilicet *Baroco*, & *Bocardo*, quia alio modo reducibiles non sunt.

Utriusque modi reducendi exempla subiiciemus; verb. gra. volo reducere ad modum perfectum *Ferio*, modum imperfectum eiusdem primae figurae *Fapesmo*, facio syllogismum in *Fapesmo*, hoc modo: Omne corpus est quantum, nulla anima est corpus, ergo aliquod quantum non est anima: Reduco ad *Ferio*, transmutando praemissas, idest, ponendo maiorem pro minori, & minorem pro maiori, & conuerto per accidens propositionem affirmatiuam; & negatiuam simpliciter, & formo sic syllogismum, Nullum corpus est anima, aliquod quantum est corpus, ergo aliquod quantum non est anima. Volo reducere

Darap-

Darapti, qui est primus modus tertiæ figuræ ad *Darj*, formo syllogismum in *Darapti*, sic: Omne animal est substantia, omne animal est sensibile, ergo aliquod sensibile est substantia: Reduco ad *Darj*, convertendo per accidentia minorem, & dico, Omne animal est substantia, aliquod sensibile est animal, ergo aliquod sensibile est substantia.

Similiter in reductione per impossibile pono exemplum in *Baroco*, quid est quartus modus secundæ figuræ, quem per impossibile reduco ad *Barbara*: & formo syllogismum in *Baroco* sic: omne animal est sensibile, aliquis lapis non est sensibilis, ergo aliquis lapis non est animal: Si negas consequentiam, assumo contradictorium, & dico ergo contradictoria est vera, scilicet, Omnis lapis est animal, quæ concessa, assumo maiorem prioris syllogismi, quæ concessa fuerat, & hanc contradictoriam pro minori, & infero contradictoriam minoris concessæ, atque adeo cego te concedere duas contradictorias in *Barbara* sic: Omne animal est sensibile, omnis lapis est animal ergo omnis lapis est sensibilis, sed concesseras quod aliquis lapis non est sensibilis, ergo duas contradictorias concedis.

Item volo per impossibile reducere *Bocardo*, qui est quintus modus tertiæ figuræ ad *Barbara*, formo syllogismum in *Bocardo*: Aliqua virtus non est naturalis, omnis virtus est habitus, ergo aliquis habitus non est naturalis: si concessa majori, & minori, negas consequentiam, sumo contradictorium negativæ, & dico

dicō , ergo contradictoria est vera , scilicet , Omnis habitus est naturalis , & sumo pro maiori hanc propositionem , retenta minori concessa , & formo in *Barbara* syllogismum inferentem contradictorium maioris sic . Omnis habitus est naturalis , omnis virtus est habitus , ergo omnis virtus est naturalis , quo est contradictoria illius maioris , Aliqua virtus non est naturalis .

Ut autem facile possis memorie mandare , qui modi reducuntur ad alios , & quomodo , aduerte artificium quo facti sunt illi versus suprapositis , *Barbara* , *Celarent* , &c. nam primi quatuor incipiunt ab illis primis litteris consonantibus *B. C. D. F.* & omnes alij modi siue in prima , siue in secunda , siue in tertia figura incipiunt ab aliqua ex dictis literis ad hoc significandum , vt quilibet modus ostensiuè reducatur ad illum , qui incipit simili litera , & ita ad *Barbara* ostensiuè reducitur *Baralipson* ; *Bocardo* autem , & *Baroco* non reducuntur ostensiuè ad *Barbara* , sed per impossibile , eo quod oportet assumere contradictorium conclusionis , quæ est vniuersalis affirmatiua , vt ponatur in *Barbara* & , hoc est reducere per impossibile , scilicet assumendo contradictorium conclusionis : Ad *Celarent* reducitur ostensiuè *Celantes* , *Cesare* , *Camestres* , Ad *Darii* reducuntur ostensiuè *Dabitis* , *Darapti* *Disamis* *Datissi* . Ad *Ferio* reducitur *Fapesmo* , *Fisefomorum* , *Festino* , *Relapton* , *Ferison* . Atque ita ab illa litera , à qua incipit vnaquæque dictio , ad similem dictionem incipientem à simili litera , in vnam ex quatuor pri-

primis modis reducenda est ostensiuè

Inuenies etiam in istis dictionibus alias consonantes, quæ consul:ò possint sunt, quia indicant, vel conuersionem propositionis, quæ faciendâ est, vel transmutationem præmissarum, & sunt istæ tres literæ P. S. M. vbi inueneris literam S. significat, quod illa propositio est conuertenda simpliciter: vbi inueneris literam P. quod est conuertenda per accidens: vbi inueneris literam M. quod sunt transmutandæ præmissæ, v. g. in *Fapesmo* inueniens post primum A. literam P. & significat, quod affirmatiua vniuersalis est conuertenda per accidens. Post E. inuenies literam S. & significat, quod vniuersalis negatiua est conuertenda simpliciter, & litera M. significat transmutandas esse præmissas, scilicet maior in minorem, & sic reducitur ostensiuè ad *Ferio*, quod facile etiam in reliquis poteris aduertere. Quando autem inueneris literam C. in medio dictionis, significat illum modum non posse reduci ostensiuè, sed solum per impossibile, quod tantum inuenitur in *Baroco*, & *Bocardo*.

Specialiter autem in conuersione ostensiuâ de *Baralipson*, aduerte quod in illa inserta particularis affirmatiua indirecta, & habet literam P. non circa aliquam præmissam, sed circa conclusionem, ad denotandum, quod reducitur ad *Barbara*, retinendo easdem præmissas de *Baralipson*, & inferendo immediatè, & directè conclusionem de *Barbara*, quæ est vniuersalis-affirmatiua, & quia hæc conuertitur per accidens, per bonam consequentiam, qui infert immediatè vniuers-

uerſalem affirmatiuam in *Barbara*, inferre etiam poteſt, addita conuerſione per accidens, particularem affirmatiuam indirectam, quæ erat conſuſio in *Baralipſon*, & ſic *Baralipſon* non reduci-
tur conuertendo, aut tranſmutando ipſum in *Barbara*, ſed ex *Barbara* per conuerſionem per accidens conſuſionis, quæ eſt vniuerſalis affirmatiua, deducendo *Baralipſon*, verbi gratia, hic ſyllogiſmus eſt in *Baralipſon*, Omne animal eſt ſubſtantia, omnis homo eſt animal, ergo aliqua ſubſtantia eſt homo; reduco illud ad *Barbara*, probando quòd talis conſuſio inferatur mediatè ex *Barbara*, hoc modo, Omne animal eſt ſubſtantia, omnis homo eſt animal, ergo omnis homo eſt ſubſtantia, & per conuerſionem per accidens, ergo aliqua ſubſtantia eſt homo, quæ erat conſuſio de *Baralipſon*.

In reductione autem ſyllogiſmorum per impoſſibile certum eſt omnes imperfectos, ſiue primæ, ſiue ſecundæ, ſiue tertiæ figuræ reduci poſſe per impoſſibile ad quatuor primos, ſed non ſimiliter, ſicut in reductione oſtenſiua reduci-
tur quælibet dictio ad ſimilem litteram initialem, ex primis quatuor modis, excepto in *Baroco*, & *Bocardo*, qui reducuntur ad *Barbara*, ſumendo contradictorium conſuſionis illatæ, quæ eſt vniuerſalis affirmatiua. Reliqui omnes modi, vt reducuntur per impoſſibile, ſemper attende ad conſuſionem illatam, & ſume contradictorium illius, & pone illam pro vna ex præmiſſis cum altera, & iſert contradictorium, vel contrarium alterius præmiſſæ conſeſſæ, ſicque deduces ad vnum impoſſibile, quod eſt duas

con-

contradictoria, vel contrarias concedere.

Ne verò expeditè, & promptè id facias, nota quòd in quinque modis imperfectis primæ figuræ, scilicet *Baralipson*, *Celantes*, *Dabitis*, *Japefino*, *Frisefumorum*, sumi debet contradictorium conclusionis, & poni loco maioris, & maius concessa poni loco maioris, & inferre contrariam minoris concessæ. Excipe tamen *Celantes*, in quo contradictorium conclusionis, quia est particularis, debet poni pro minori, & minor de *Celantes* poni pro maiori, & sic in *Darij*, inferre contradictorium maioris concessæ. In modis verò secundæ figuræ, si fiat aliquis syllogismus, & velis reducere per impossibile, sume contradictorium conclusionis, & pone illam pro minori, & simul cum maiori syllogismi, inferes contrariam, vel contradictoriam minoris concessæ. In modis verò tertiæ figuræ, assume contradictorium conclusionis, & pone loco maioris, & cum eadem minori, inferes contradictorium, vel contrarium maioris concessæ.

Et licet solæ istæ regulæ in ipso exercitio deducant ipsam reductionem eiusque syllogismi, per impossibile ad modum sibi correspondentem ex quatuor perfectis; tamen inuentus est versus correspondens omnibus modis imperfectis, & habens quatuor illas vocales A. E. I. O. quarum A. denotat reduci per impossibile ad *Barbara*, E. ad *Celarent*, I. ad *Darij*, O ad *Ferio*. Versus est istæ:

Febise raxis obit terras, ethramque quotannis.
Alij ponunt has literas hoc ordine. *Nesciebaris, Odiebam, Latere, Romanis*, quæ ad idem reducuntur.

Febi-

Caput VIII. 141

Febifer fani habet quinque vocales, correspondente quinque modis primæ figuræ imperfectis, & prima vocalis E. denotat quod primus modus imperfectus, scilicet *Baralipson* reducitur ad *Celarent*. Secunda vocalis I. quod secundus modus *Celantes*, ad *Darj*, Tertia vocalis E. quod tertius modus *Dabitis*, ad *Celarent*: Quarta vocalis A. quod quartus modus *Fapesmo* ad *Barbara*, & sic de alijs. *Ob tere ras*: Correspondet quatuor modis secundæ figuræ. *Estranque quotanis*, sex modis tertiæ figuræ. Et prima vocalis O. dicit quod primus modus secundæ figuræ reducit ad *Ferio*, secunda I. quod secundus reducitur ad *Darj*, & sic de alijs.

C A P V T V I I I.

De Syllogismo Expositorio.

Syllogismus Expositorius dicitur ille, qui habet pro medio terminum singularem: & dicitur expositorius, ut inquit D. Thomas opus. 47. quia est quædam sensibilis resolutio, quæ quasi rem sensibus exponit, ut si dicas, Petrus est albus, Petrus est currens, ergo currens est album. Et idè fere omnes syllogismi expositorii fiunt in tertia figura, quia in ea medium subijcitur in utraque præmissa, & terminus singularis convenientius subijcitur, quàm prædicetur: Potest tamen etiam fieri in alijs figuris. Quia verò aliæ extremitates sunt termini communes, & non singulares, in illis seruari debent omnes conditiones, quæ seruantur in alijs syllogismis, & evitare defectus, qui-

qui possunt inueniri, Cæterum cum ipsum medium non sit terminus communis, sed singularis, nec distribui potest, nec vniuersalizari, sed potius perfecte debet singularizari. Vnde si perfecte, & complete non sit singularizatus, erit vitiosus syllogismus, Quod maxime obseruandum est pro terminis diuinis, in quibus ille terminus *Dens*, & *essentia diuina*, & alij qui pertinent ad absoluta, ita sunt singulares, quod æquiuolenter sunt communes, quia re ipsa communicantur pluribus personis, vnde non sunt apti ad syllogismum expositorium, sicut non valet, Hic Deus est Pater, hic Deus est Filius: Ergo Filius est Pater, quia medium non perfecte singularizatur. Vnde vtendum est illo tanquam termino communi, & consequenter si ponitur pro medio, debet perfecte distribui dicendo. Omne quod est Deus est Pater, omne quod est Deus est filius; &c. sed sunt falsæ præmissæ.

Secundo requiritur quod medium, quod est terminus singularis, accipiat pro eodem individuo, alioquin committitur æquiuocatione mediij, siue diuersa acceptio, aut arguitur in quatuor terminis, & sic non valet. Hoc animal est equus, demonstrando equum, hoc animal est homo, demonstrando Petrum, ergo homo est equus, quia medium non accipitur pro eodem. *Tertio* cum fiunt syllogismi expositorii in tertia figura, cauendum est ne minor sit negatiua, iuxta Regulas tertiæ figuræ, ratione cuius non valet, Petrus est homo, Petrus non est Paulus, ergo Paulus non est homo; sed è conuerso valet; Pe-

trus

Caput IX. 143

trus non est Paulus, Petrus est homo, ergo
aliquis homo non est Paulus, & est in *Ferison*.

C A P V T IX.

De modo inueniendi Medium.

OLim valde difficile iudicabatur inuentio-
nem medij perfectè, & clarè cognosce-
re. Nunc facili negotio res ista deducitur,
non vt quidam putant solum assignantes pro
medio id, quod est causa, & ratio cur præ-
dicatum conueniat subiecto; vel vt alij lo-
quuntur, pro concludenda affirmatiua con-
clusionè assumere pro medio id, cum quo
res illæ identificantur, & pro concludenda
negatiua id, cum quo vnum extremum iden-
tificatur, & aliud fecernitur. Nam hoc est,
quod inquirimus, quid sit illud, in quo extre-
ma identificantur, vel vnum eorum fecernitur,
& quid est illud, quod est ratio, & causa, vt
prædicatum conueniant subiecto. De hoc potest
videri breue opusculum S. Thom. quod est 50.
inter eius Opuscula.

Est ergo aduertendum, quod omnis con-
clusio interenda, vel est vniuersalis affirma-
tiua, vel vniuersalis negatiua, aut particularis
affirmatiua, aut particularis negatiua. Cum
autem terminus, qui assumitur pro medio,
debeat communicari, & vni extremis, vel
ab aliquo illorum disiungi, ad hoc vt ipsa ex-
trema vniantur, vel disiungantur; extrema
autem vnibilia inter se sunt subiectum, & præ-
dicatum in conclusionè, oportet pro medio
vniuo, aut diuisiua vtriusque sumere, vel
ali-

aliquid, quod sit prædicatum superius, vel inferius, vel æquale, vel repugnans, seu extraneum. Et Antiqui vocabant prædicatum superius, vel æquale, *terminum consequentem*, eo quod consequitur ad aliud, sicut ex Homine inferitur Animal, quod est superius, & Risibile quod est æquale, vtrumque enim in illo continetur. Prædicatum autem inferius vocabant *terminum antecedentem*, eo quod inferat, sed non inferatur ex superiori, ex Animali enim non sequitur Homo, sed è conuerso. Prædicatum autem repugnans vocabant *terminum extraneum*.

Igitur ad inferendam vniuersalem affirmatiuam, quæ solum concluditur in *Barbara* assumitur pro medio aliquis terminus consequens ad subiectum, siue superius prædicatum sit, siue æquale, antecedens autem, siue inferius ad prædicatum: Sicut si vis probare omnem hominem esse animal, sumens pro medio Risibile, quod sequitur ad hominem, & ex eo sequitur ad animal, seu antecedit animal, dicendo Omne Risibile est animal, omnis homo est Risibilis, ergo omnis homo est animal. Ad inferendam verò vniuersalem negatiuam sumes pro medio illum terminum, qui sequitur ad subiectum, & repugnat prædicato, idque in *Celarent*, qui est secundus modus primæ figuræ, & in *Cesare*, qui est primus modus secundæ. In *Canesfres* autem, vbi minor est negatiua, debet è conuerso quærì medium, quod repugnet subiecto, & sequatur ad prædicatum, eo quod debet remoueri à minori extremitate, & consequi ad maiorem: Sicut ad concludendum, quod pullus homo

est lapis in *Celarent*, & in *Cesare*, est bonum medium Rationale, seu Risibile, quod sequitur ad hominem, & repugnat lapidis in *Camestres* autem, Insensibile, quod conuenit lapidi, & repugnat homini.

Ad inferendam particularem affirmatiuam, si inferatur in prima figura, vt in *Darij*, conueniens medium erit terminus, qui sequitur ad subiectum, & antecedit prædicatum, vt ad inferendum quòd aliquod animal est substantia, conueniens medium est sensibile, quod infertur ex animali, & infert substantiam. Si verò inferatur in tertia figura, nam in secunda non infertur particularis affirmatiua, vt in *Darapti*, aut *Disamis*, conueniens medium erit ille terminus, qui antecedit, id est, quod est inferius ad prædicatum, & subiectum, ad quod debet subijci in vtraque præmissa, vt ly *homo* ad inferendum quòd aliquod animal est substantia, eo quòd homo est animal, & est substantia.

Denique ad inferendam particularem negatiuam, quæ in omnibus tribus figuris concludi potest, inferatur in prima figura, assumitur pro medio ille terminus, qui sequitur ad subiectum, & repugnat prædicato, vt ad concludendum, quod aliquod animal non est lapis, sumo pro medio ly *homo* dicendo, Nullus homo est lapis, aliquod animal est homo; vel si volo concludere aliquod animal non est equus, sumo Rationale, quod est consequens ad aliquod animal, & repugnans equo, & dico, Nullum rationale est equus, aliquod animal est rationale, &c. Si vero inferatur particularis negatiua in secunda

figura, in tertio quidem modo, qui est *Festino*, idem medium assumetur, quod in prima figura: In *Baroco* autem assumetur medium, quod sit extraneum à subiecto, & consequens ad prædicatum, ut in prædicta conclusione, Aliquod animal non est lapis, sumetur pro medio, in sensibile, quod repugnat animali, & sequitur ad lapidem. Denique si inferitur in tertia figura, assumetur pro medio ille terminus, qui sit antecedens, idest inferius ad subiectum, & extraneus seu repugnans prædicato, ut in prædicta conclusione Rationale, quod est inferius ad animal, & repugnat lapidi.

CAPUT X.

*De principijs quibus innititur tota
ars syllogizanti.*

TOta ratio artis syllogisticæ innititur tribus Principijs per se notis. Primum est: *Quæcumque sunt eadem uni tertio, sunt eadem inter se.* In hoc innititur vis probationis discursivæ; cum enim discursus ad hoc ordinetur, ut inferat conclusionem, in qua coniungantur duo extrema in vi alicuius medijs, per quod ostenditur illa coniunctio, oportet, quod uniat aliqua inter se, eo quod uniantur in aliquo medio. Et opposito modo, si inferit conclusionem negativam, in qua unum negatur, & separatur ab alio, necesse est, quod aliquod illorum negetur, & separetur ab uno tertio; quæ enim sunt eadem inter se, si unum eorum di-

distinguitur ab aliquo tertio, etiam, & aliud ab illo tertio distinguitur, & separatur. Et ideo ex negatione vnius cum aliquo tertio sequitur negatio eius, quod sibi identificatur cum eodem tertio.

Et nota, quod D. Thomas 1. p. q. 28. articulus 3. explicat illud principium: *Quae sunt eadem uni tertio, sunt eadem inter se, si sint eadem uni tertio re, & ratione*, quod non intelligitur, quasi nec re, nec ratione distinguantur, sed illud *Re, & Ratione*, debet constitui cum *ly uni tertio*, ita quod sint eadem uni tertio, quod est vnum re, & ratione, id est, non virtualiter, aut formaliter multiplex, quia sic potest esse idem cum vno extremo sub vna formalitate, & cum alio sub alia, atque adeo non sequetur quod illa extrema sint idem inter se. Imò hinc multi paralogysmi eueniunt quia medium non est perfecte, & simpliciter vnum, sed multiplex saltem virtualiter, aut formaliter, vnde ex vnione talis medium cum extremis, nisi sit sub eadem ratione formali, non inferitur vnio extremorum inter se, sicut non sequitur, Albedo est relatio, Albedo est intensio, ergo relatio est intensio, quia alio modo identificatur cum albedine relatio, alio modo intensio, vnde non sequitur quod identificentur inter se. Et in terminis diuinis non valet, Pater est essentia diuina, Filius est essentia diuina: ergo Filius est Pater, quia essentia diuina, in qua vniuntur propter infinitam perfectionem, & est vna simplicissima res, & ratione multiplex, & sub diuerso conceptu modificatur à personis, à qualibet inadæquate.

Secundum principium est, *Dici de omni* ; id est quicquid vniuersaliter dici ut de subiecto dicitur de omni quod sub tali subiecto continetur ; sicut si affirmatur de homine vniuersaliter quod sit risibilis , debet affirmari de quocumque individuo hominis. *Tertium* Principium est, *Dici de nullo*, id est quicquid vniuersaliter negatur de aliquo subiecto , negatur , & de omni contento sub tali subiecto , ut si negas de homine vniuersaliter quod sit lapis, debes id negare de omni individuo contento sub homine .

Et hæc principia sunt per se nota , quia natura vniuersalis in hoc consistit , quod dicatur de omnibus , respectu quorum vniuersalis est . Et hæc principia non deseruiunt ad syllogismum expository , qui constat medio communi , in quo oportet , quod discursus procedat in vi alicuius termini distributi , quia si nullus distribuitur , arguitur ex puris particularibus , quæ est forma male consequentiæ , quia per particulares non redditur medium continens perfectè ea , quæ inferenda , & veniunda sunt in conclusione. Posita autem distributione termini , cum omne , quod de illo dicitur , vel negatur de contento sub illo per talem distributionem , rectè concluditur de contento sub illo id , quod negabatur , vel affirmabatur de termino distributo in antecedenti . Et ideo ista duo principia deseruiunt ad constituendam necessitatem illationis , non arguendo ex puris particularibus , sed ex distributione .

Hinc autem fit quod illi syllogismi dicuntur perfecti , qui immediatè regulantur per ista duo principia , eo quod euidenter ibi fit applicatio eorum , quæ dicuntur , vel negantur
vni-,

vniversaliter, ad ea quæ sub ipsis vniversalibus continentur. At verò alij modi dicuntur imperfecti, qui non immediate regulantur per ista principia, nec ibi ita euidenter fit dicta applicatio, sed regulantur mediâtè, & ideo reducuntur ad illos modos perfectos, qui immediate, & euidenter per se talibus principijs regulantur. Immediate regulantur per ista principia quatuor modi primæ figuræ, quia in eis perfecte distribuitur medium in maiori, in qua stat vniversalitèr ex parte subiecti, & cum postea in minori prædicetur, hoc ipso euidenter ostenditur illud, de quo prædicatur, contineri sub sua vniversalitate, & consequenter conueniri illi id, quod de tali medio vniversaliter posito prædicabatur in maiori, vel negabatur, quod est immediate manifestari dici de omni, & de nullo, quia immediate, & per se ostenditur contineri, vel negari aliquid de tali subiecto vniversaliter tento; & hoc subiectum est medium. Vide infra q. 8. art. ultimo. Sed vt hæc omnia perspicacius intelligantur, & simul possint cognosci omnes defectus malæ consequentiæ, & syllogismorum, oportet agere de bonitate, & defectibus consequentiarum tam in communi, quàm in particulari.

C A P V T XI.

Quibus principijs vniversaliter innitatur bonitas consequentia.

IN Bonitate cuiuscunque consequentiæ regulanda, datur vnum vniversalissimum

G 3

prim-

principium à quo cætera deriuantur , & ad quod reducuntur , scilicet : *Non potest in bona consequentia dari antecedens verum , & consequens falsum , sed si antecedens est verum , etiam & consequens .* Quod principium reducitur immediatè ad illum supremum omnium principiorum : *Quodlibet est vel non est ; seu, impossibile est idem simul esse , & non esse* nam si antecedens est verum , iam ità est sicut per illud significatur ; si autem consequens est falsum , trahit post se antecedens , ratione connexionis , quam habet veritas consequentis cum veritate antecedentis ; idem est ergo ponere antecedens verum , & consequens falsum , ac ponere antecedens verum , & ex parte falsum , quia consequens est quasi pars quædam , & aliquid connexum cum illo , & consequentia ipsa connexio quædam est ; quod autem ex parte est falsum , absolutè non est verum , ergo si datur antecedens verum , & consequens falsum , datur antecedens verum , & non verum , quæ sunt contradictoria .

In his ergo Principiis fundatur bonitas consequentiæ , & ideo totus labor in assignandis consequentiarum defectibus consistit in hoc , quod detur antecedens verum , & consequens falsum , & sic ea quæ magis conducunt ad falsificandum consequens , quàm antecedens , conducunt ad malam consequentiam , quæ autem facilius conducunt ad veritatem consequentis , quàm antecedentis , ædificant bonitatem consequentiæ . Cuius ratio est , quia antecedens debet continere in se veritatem consequentis , siquidem ex illo infertur : unde , & Aristoteles dixit 1. Posterior. Quod

præ-

premissæ lebent esse magis veræ, quàm conclusio, idest magis certæ; ergo magis debet requiri ad veri atem antecedentis, quàm consequentis, siquidem verius est antecedens, quàm consequens, ergo semper antecedens difficilius debet reddi verum, quàm consequens; illud enim difficilius habetur, ad quod plura requiruntur.

Quare cum consequentia nihil aliud sit, quàm connexio illativa ex aliquo in aliquid, & non benè connectatur veritas antecedentis cum falsitate illati, seu consequentis, redditur ipsa connexio, seu consequentia mala quotiescumque antecedens est verum, & consequens falsum.

Ex hoc principio manifestantur plures regulæ, quas tradunt Dialectici circa bonitatem consequentiæ, & solent esse sex, quas ad tres reducimus. *Prima*: Si antecedens est verum, etiam, & consequens: & è conuerso, si consequens est falsum, etiam antecedens. Hæc est ipsummet principium, quod posuimus, *Secunda*: Si antecedens est possibile, etiam consequens est impossibile, & è contra, si consequens est impossibile, etiam antecedens. Deducitur hæc ex prima, quia si antecedens est possibile, ergo potest esse verum: ergo etiam suum consequens poterit esse verum, nam si est impossibile quod sit verum, in nullo casu verum esse poterit, cum autem antecedens sit possibile in aliquo casu potest esse verum, ergo in aliquo casu daretur antecedens verum, & consequens falsum. *Tertia*, Si antecedens est necessarium, etiam consequens.

quens est necessarium, & è contra, si consequens est contingens, etiam, & antecedens. Quod ex eodem principio deducitur, quia si antecedens est necessarium semper est verum, atque adeo, & consequens semper debet esse verum, aliàs posset dari antecedens verum, & consequens falsum pro aliquo casu. Vndè si consequens est contingens, quod potest esse falsum, antecedens non potest esse necessarium, quia necessarium semper est verum.

Intellige tamen ex necessario antecedenti inferri semper necessarium consequens, non tamen requiri quod omnibus modis necessarium sit, sed sufficit, quod sub eo respectu, & ratione, qua antecedenti subest, consequens necessarium sit, & inquantum inferitur ex antecedenti, non tamen sub alia ratione, ut in illa consequentia, Deus scit Petrum peccaturum, ergo peccabit, consequens est contingens secundum se, & per ordinem ad causam proximam, infallibile tamen, ut scitum a Deo, & consequenter, ut illarum ex antecedente, & hoc ideo, quia Deus non solum scit Petrum peccaturum, sed peccaturum liberè, & contingentè, unde ex illo antecedente, & inferitur quod contingentè peccabit, & quod est infallibile totum hoc, scilicet quod peccabit contingentè.

Denique sequuntur ex illo principio aliæ duæ Regulæ, quæ etiam ad bonitatem consequentiæ deseruiunt. *Prima*. Quicquid sequitur ad consequens bonæ consequentiæ, sequitur ad antecedens illius, quod alijs verbis dici solet, quod valet consequentia de

pri-

primo ad vltimum , quod de se manifestum est .

Secunda : Quicquid repugnat consequenti in bona consequentia , repugnant , & antecedenti , quod alijs verbis dici solet , si ex antecedente sequitur consequens , ex opposito consequentis sequitur oppositum antecedentis . *Ratio est* , quia si ex opposito consequentis non sequitur oppositum antecedentis , ergo poterit stare oppositum consequentis cum isto antecedente , siquidem non infert antecedentis , ergo poterit stare oppositum consequentis est falsum , supposito , quod ipsum consequens erat verum , idest , illatum ex antecedente vero , ergo poterit stare falsitas consequentis cum ipso antecedente , & sic dabitur antecedens verum , & consequens falsum . Et per hanc Regulam sæpissimè regulamur in ostendenda bonitate consequentiæ , procedendo à contradictorio consequentis ad contradictorium antecedentis . Et in reductione syllogismorum per impossibile hac regula utimur : & instantiæ , quæ deseruiunt ad ostendendum defectum vnius consequentiæ , deseruiunt , & illi , in qua procedimus ab opposito ad oppositum .

C A P V T XII.

De Principijs defectuum male consequentiæ .

EX præcedenti Capitulo Colligitur vnicum esse principium , & radicem , vnde defectus , & malitia consequentiarum oritur ,

scilicet : *Quotiescumque potest reddi antecedens verum, & consequens falsum, consequentia est mala.* Cum enim consequentia sit connexio illatiua duarum propositionum, quotiescumque datur antecedens verum sine consequente vero connexio non est bona, nec formalis, quia potest vnum stare sine altero, seu veritas vnius, sine veritate alterius; si autem stat vnum sine altero, soluitur connexio, ergo illa mala connexio, & consequentia est, quia dissolubilis. Vnde sequitur quod quicquid faciliat magis veritatem antecedentis, quam consequentis, conducit ad malam consequentiam quia efficit, vt possit stare antecedens verum sine consequenti. Et è conuerso quod difficilius reddit consequens falsum, quam antecedens conducit: seu edificat bonitatem consequentiæ.

Ex his Principijs elici possunt omnes defectus consequentiarum, vt vnicuique consequentiæ possit assignari, quo defectu laboret. Et quidem Magister Soto in 5. lib. Summularum, assignat septem defectus intrinsecos, & totidem extrinsecos in syllogismis. Vocat intrinsecos defectus illos, qui tenent se ex parte mediij, qui defectus dicuntur intrinseci, quia redunt præmissas inhabiles; extrinsecos autem, qui tenent se ex parte extremitatum in modo inferendi conclusiones, quia non seruant proprietates logicales, vel debitam dispositionem in quantitate, & qualitate, distributione, &c. Et fere omnes defectus intrinseci reducuntur ad hoc, quod medium vel teneatur æquiuocè, vel non distribuatur completè, seu perfectè, vel non seruentur

conditiones, & regulæ supra positæ, ut medium non stet magis amplè, vbi non distribuitur, quàm vbi distribuitur, ac denique, quod feruentur omnes proprietates logicales. Qui defectus in particulari ostenduntur cap. sequent.

C A P V T XIII.

De Defectibus in particulari.

VT ergo assignari possint defectus in consequentijs; Nota quòd cum consequentia sit solum duplex, scilicet inductio & syllogismus, vel possunt assignari defectus proprii unicuique eorum, vel communes. Proprii sunt, quando omittitur aliqua regula ex traditis, & requisitis ad bonam inductionem, vel bonum syllogismum. Communes sunt, quando est aliquis defectus in aliqua proprietate Logicali, sicut est *suppositio*, *restrictio*, *ampliatio*, *appellatio*, *oppositio*, *conuersio*; sunt enim istæ proprietates communes inductioni, & syllogismo. Breuiter ergo subiiciemus hic defectus omnes, siue proprios, siue communes, licet sparsim ferè omnes tradiderimus in præcedentibus.

CIRCA INDUCTIONEM.

In Inductione committitur defectus: *Primo*: Si ascensus copulatiuus affirmatiuus fiat non numeratis sufficienter singularibus, non est consequentia formalis, quia potest instari in his quæ numerata non sunt, nisi sit mate-

ria necessaria, quod est materialiter solum esse bonam consequentiam, de quo vide inf. q. 8. art. 2.

Secundo : Descensus copulatiuus affirmatiuus sine constantia demonstrante indiuidua, sub quibus descendere non est formalis consequentia, vt si dicas, Omnis homo fuit peccator, ergo iste homo fuit peccator, v. g. Petrus, & ille homo fuit peccator &c. Sed debes addere, & iste homo v. g. Petrus est, vel fuit, quod est ponere constantiam, ergo Petrus fuit peccator, alioquin si designes indiuiduum nondum existens, sed futurum, instatur consequentia.

Tertio : Defectus possunt contingere, si omittantur regulæ suprapositæ de Ascensu, & Descensu in Cap. 3. huius libri, scilicet si termino supponenti determinatè non detur ascensus, descensusque disiunctiuus : termino verò supponenti distributiue, copulatiuus; supponenti confusè tantum, disiunctus, aut copulatus. Item si termino non supponenti distributiue completè, detur descensus, & ascensus copulatiuus completè, si enim incompletè distribuit, incompletè etiam debet descendere, vt omne animal fuit in arca Noe, non valet, ergo hoc animal, & illud, demonstrando indiuidua, sed demonstrando species.

Quarto : est defectus circa ipsum ordinem resoluendi terminos, quando plures concurrunt in eadem propositione, si non resoluantur iuxta ordinem suum, & non omnes æquè immediatè. Ordo ergo resolutionis, seu ascendendi per viam inductionis, vt diximus

in

In Cap. de Inductione, talis est, ut primo ascendatur sub termino supponente determinate; secundo sub termino supponente distributivè, tertio sub termino supponente confusè. Quod si prius ascendatur sub termino supponente distributivè, quam supponente determinatè, & defectus, qui vocatur à pluribus determinatis ad unicam: verbi gratia si facias hunc ascensum, homo non est hoc rationale, & homo non est hoc rationale, &c. ergo homo non est rationalis, consequentia non valet, quia terminus ille, *homo*, determinate supponit respectu plurium singularium, quæ sunt plura determinata, omnia quippe singularia determinata sunt; in consequenti autem non supponit in ordine ad plura determinata, sed ad unicam in communi, qui defectus in Theologia aliquando contingit, ut cum dicitur, homo potest facere hoc opus bonum, & potest facere illud, &c. Ergo potest facere omne opus bonum. Cæterum si omnes termini in aliqua propositione supponant determinatè, vel distributivè, poterit æquè immediatè quilibet eorum resolui.

Quinto est defectus in descensu: Si prius descenditur disiunctivè sub termino supponente confusè tantum, quam sub termino supponente distributivè, ut non valet: Omnis homo est animal; ergo omnis homo est hoc animal, vel omnis homo est hoc animal. Et vocatur ille defectus arguere ab unica distributione ad plures, eo quod descenditur sub termino non distributo, perinde ac si esset distributus.

Hic

Hic verò insinuabat se difficultas illarum propositionum, quæ constant ex complexo recti, & obliqui, ut equus hominis currit, vel hominis equus non currit, & genitiuus se habet, ut determinatio, rectus ut determinabile, eo quòd genitiuus, quasi restringit rectum ad standum pro equo possesso, & multa sophismata fiunt circa ordinem resoluendi istos terminos, minusque vilia, de quibus aliquid attingemus inf. q. 7. art. 2. argum. 5. hoc solum interim breuiter aduertentes, faciliorem resolutionem esse, quam Magister Bannes ponit lib. 4. Summul. tract. 1. cap. 3. Quod quando totum complexum accipitur vnica acceptione, scilicet, quando genitiuus, qui est determinatio sequitur post determinabile, vtriusque termino debetur eadem resolutio, & suppositio, quia illud genitiuum æquiualeat adiectiuo, idem enim est dicere, equus hominis, ac dicere, equus possessus ab homine, & ideo supponit, ac resoluitur sicut complexum ex substantiuo, & adiectiuo, quia eadem suppositione tenetur, sicut enim si dicatur equus albus currit, ly albus supponit sicut ly equus, ita si dicatur equus possessus, vel equus hominis, li possessus, & ly hominis supponit sicut ly equus. Vnde si dicas quilibet equus hominis currit, immediatè potest descendendi sub ly hominis dicendo quilibet equus istius hominis currit, dummodo apponatur, vel intelligatur constantia, & iste homo possidet equum, quia non distribuit pro omni absolute, sed pro omni possidente equum, sicut neque quilibet equus ibidem distribuit absolute, sed pro omni possesso. Quare ly ho-

minis

minis non supponit ibi confusè , sed distributivè pro possidentibus .

Si vero totum complexum accipiat pluribus acceptionibus , quia genitium præcedit , tunc cuilibet termino debetur seorsum sua resolutio , iuxta suam suppositionem , & signa , quibus afficitur , ut suppositioni determinatæ detur prior locus , deinde distributivæ , deinde confusæ . Quis verò terminus supponat determinatè , quis distributivè ex Regulis in cap. de Suppositiones dignoscens .

CIRCA SYLLOGISMVM.

Primus defectus in syllogismis est , si arguatur in quatuor terminis , eò quòd tota ars syllogistica consistit in connexionè duorum terminorum inter se illata ex connexionè cum vno tertio , unde nec debent esse plura extrema , quam duo , nec plura media , quam vnum : & sic non valet , Omnis homo possibiliter est albus , Aetiops est homo , ergo Aetiops est albus . Et ad hoc reducit quod extremitates debent esse totalia extrema , nam si totalia non sunt , arguitur in pluribus terminis , quam tribus .

Secundus defectus : Medium non debet teneri æquivoce , sed eodem modo in præmissis , alioquin non posset vnire extrema inter se , ut non valet , omnis canis est latrans , aliquod sydus est canis , ergo aliquod sydus est latrans .

Tertius defectus : ex puris particularibus nihil sequitur . Exposuimus id supra .

Quartus : Ex puris negatiuis nihil sequitur .

tur . Etiam supra expositum est .

Quintus : Si medium non completè distribuitur in aliqua præmissarum, unde non valet, omne animal fuit in arca Noe, Socrates est animal, ergo Socrates fuit in arca Noe .

Sextus : Nullus terminus debet distribui in conclusione, qui non fuerit distributus in aliqua præmissarum . Supra hoc expositum est, & coincidit cum defectus arguendi à non distributo ad distributum . Et ad hoc pertinent etiam defectus ex parte ampliationis, aut restrictionis, ut medium non accipiatur magis ample, ubi non distribuitur, quam ubi distribuitur .

Septimus defectus . Si Medium intret conclusionem . Alioquin valerent syllogismi omnes, in quibus variatur appellatio, v. g. si dicas : Omnis homo est creatura, Christus est homo, ergo Christus est creatura, in quantum homo : Omnis similitudo est qualitas, hæc qualitas est intensa, ergo hæc similitudo est intensa, in quantum qualitas .

Octavus defectus, si non seruentur particulares Regulæ pro figuris syllogismorum supra posita, ut quod in prima figura maior propositio non possit esse in particularis, & alia quæ ibi explicata sunt .

DEFECTVS COMMVNES.

Defectus omnis consequentiæ, siue syllogisticæ, siue inductivæ communes, dicuntur illi, qui oriuntur ex defectu alicuius proprietatis logicalis puta suppositicnis, ampliationis, &c.

In suppositione, *Primus defectus est* : Si va-

ric-

rietur in aliqua consequentia genus suppositionis . Et dico *genus* , quia species variari potest , vt si ex distributiva suppositione inferatur determinata , seu particularis . Sed genus suppositionis non potest variari , v. g. quod mutetur suppositio simplex in personalem , vel materialis in personalem , &c. Et propter hunc defectum non valet ista consequentia , Homo est species , Petrus est homo , ergo Petrus est species . Homo est vox , omnis homo est animal , ergo aliquod animal est vox .

Secundus defectus est : A suppositione non distributa ad distributam non valet consequentia : benè tamen è contra , sicut non valet , Aliquis homo currit , ergo omnis homo currit .

Tertius defectus est : A suppositione confusa tantum , non distributa ad determinatam , non valet consequentia : benè tamen è contra , à determinata ad confusam , sicut non valet , Omnis homo est animal , ergo aliquod animal omnis homo est , benè tamen , è contra .

In ampliacione , & Restrictione , quæ est secunda proprietas logicalis , inueniuntur regulæ ampliacionis , ex quibus constant , & defectus consequentiarum . Igitur , quando procedimus ab amplo ad non amplum , si procedatur sine distributione ampli , non valet consequentia . *Secundo est defectus* , si procedimus ab amplo ad non amplum affirmatiuè , etiam si procedatur cum distributione ampli , si proceditur sine constantia , vt si dicas , Omnis homo est albus , non poterit immediatè infer-

inferri, ergo Petrus est albus, nisi addas constantiam, & Petrus est, alioquin Petro non existente, falso inferitur. Et aduertenter dicimus, *cum distributione ampli*, quia si amplum non distribuitur, etiam posita constantia, non valebit, vt homo possibiliter est albus, seu omnis homo possibiliter est albus, & Petrus est, ergo Petrus est albus, quia *ly possibiliter* ampliat quidem, sed non distribuit ad minus, ampla, nisi sub ipsa ratione possibilitatis, & ita deberet inferri; ergo Petrus possibiliter est albus alioquin arguitur affirmatiuè à potentia ad actum. Cuius signum est, quia si ponatur, *ly impossibiliter*, aut *necessario*, quia sunt modi distribuentes benè valet, *homo impossibiliter est albus*, ergo Petrus non est albus.

Tertio est defectus. Si procedimus à non amplo ad amplum cum distributione ampli: est enim arguere à non distributo ad distributum, qui semper est defectus. Ad quem defectum etiam reducitur defectus procedendi ab vniuersalitate incompleta ad completam, vel à particularitate completa ad incompletam, vbi semper arguitur à non distributio ad distributum, saltem æquiualeuter. Vocamus vniuersalitatem incompletam, quando non distribuitur perfectè; completam, quando perfectè. E conuerso autem particularitatem completam, quando perfectè particularizatur, ita quod nihil manet de vniuersalitate incompletam, quando non perfectè particularizatur, sed retinet aliquam vniuersalitatem v. g. aliquod animal non fuit in Arca Noe, est particularitas incompleta, idest alicuius speciei

ciei nullum animal fuit, neuter homo cutrit, ideft alicuius binarij nullus, vbi femper iungitur particularitati aliqua vniuerfalitas.

In appellatione, quæ eft alia proprietas logicalis, omnes defectus reducuntur ad vnum. Quoties variatur appellatio, conſequentia non valet, ſiue fit appellatio realis, ſiue rationis, ſiue circa terminos ſignificantes actum animæ, vt non valet, Petrus eft magnus logicus, ergo eft magnus: homo eft ſpecies, ergo Petrus, qui eft homo, eft ſpecies: albedo eft intenſa, ergo ſimilitudo, quæ eft albedo; eft intenſa: cognoſco venientem, ergo cognoſco Petrum, qui eft veniens, quia actus animæ ſemper feruntur in ſua obiecta ſub præciſa formalitate, quia tales actus ſunt. Vnde non valet, venientem video, ergo video venientem, Papam vidi, ergo vidi Papam, nec è contra niſi vtrobique ſumatur ſub eadem appellatione ideſt, ſub eadem ratione cognoſcendi inquantum veniens, & inquantum Papa, non ſub alia, alioquin multis deceptionibus datur locus; variando rationes formales cognoſcendi. Et qui dicunt valere ab appellante ad non appellantem in his terminis ſignificantibus actus animæ, non propterea dicunt valere inmutata appellatione, ſed valere à formali ad materiale, vt tamen ſtat ſub formali, & ſic eſt verum.

In oppoſitionibus eſt *Prima Regula*. In contradictorijs præſuppoſita veritate vnius ſequitur falſitas alterius, & è contra.

Secunda Regula in contrarijs: A veritate vnius ſequitur falſitas alterius, ſed è contra eſt mala conſequentia, à falſitate vnius
ad

ad veritatem alterius , quia possunt ambæ esse falsæ , non simul veræ.

Tertia Regula in subcontrarijs . A falsitate unius sequitur veritas alterius , sed è contra est mala consequentia , quia possunt esse simul veræ .

In *Æquipollentijs* non est defectus , sed semper est bona consequentia ab æquipollente ad æquipollentem .

In *conuersione* est *Prima Regula* : A conuersa ad conuertentem semper est bona consequentia , vt Omnis homo est animal , ergo Aliquod animal est homo .

Secunda Regula : Non est bona mutua consequentia conuersionis , nisi in conuersionibus simplicibus ; non autem in conuersionibus per accidens . Dicitur mutua consequentia , quando valet non solum à conuersa , ad conuertentem , sed etiam è contra , à conuertente ad conuersam , sicut non valet , aliquod album est homo , ergo Omnis homo est albus , quæ est à conuertente ad conuersam in conuersione per accidens , sed è contra valet .

In *exponibilibus* , seu *Resolubilibus* est *Prima Regula* : Ab exponibili ad omnes exponentes , vel à resolubili ad omnes resoluentes , & è contra bona est consequentia , quia est ab æquipollentibus .

Secunda : Ab Exponibili , vel Resolubili , ad quamlibet exponentem copulatiuè est bona consequentia , sed è contra est defectus , à quolibet exponente ad resolubilem , quia prima est à copulatiua ad partem , secunda a parte ad copulatiuam .

Tertia

Tertia est : A qualibet exponente disiunctiue ad suam. exponibilem est bona consequentia, sed e contra non valet. Constat ex Regula disiunctiuarum. Vide quæ diximus Cap. de Exponibilibus : & hypoteticis de singulis locis arguendi.

C A P V T XIV.

De Fallacijs.

S Thom. opusculum edidit de Fallacijs, quod est 39. & ferè omnia quæ ad Fallacias pertinent, explicatæ sunt tangendo defectus syllogismorum, Fallaciæ enim defectus sunt consequentiæ.

Quare solum indicabimus hic quomodo Fallaciæ reducantur ad illos defectus. Quædam ergo Fallaciæ pertinent ad vocem, quædam ad rem significatam. Fallaciæ ex parte vocis reducuntur ad æquiocationem, quia ista fallacia generatur ex apparentia eiusdem vocis, vel quia eadem vox plura significat, vel quia vna vox est similis alteri, siue in prolatione, siue in significatione, vel denique, quia ipsa orationis compositio est cum æquiocatione, & amphybologia, sicut accidit in his, quæ applicantur secundum sensum compositum, & diuisum, quæ est vna ex fallacijs dictionis.

Omnes fallacias, quæ ex parte dictionis se tenent, ad æquiocationem reducimus, & sunt sex modi fallaciarum, quorum tres inveniuntur in terminis simplicibus, scilicet *æquiocatio, diuersitas accentus, figura dictionis* : *Æquiocatio,*

uocatio, ut si ex hoc termino canis, inferam, quod id quod conuenit animali, conuenit syderi. *Diuersitas accentus*, ut si sumatur pro eodem *pendere*, breuiter dictum, *pendere*, longum, *populus* pro arbore, producta prima vocali, vel pro gente, vocali illa correpta. *Figura dictionis* est similitudo vocis, vel significationis cum alia voce, ut si vox quæ significat masculinum, videatur significare femininam, ut si dicas, substantia colorata albedine est alba, ergo vir qui est substantia colorata albedine est alba; vel si vox significans quale v. g. differentiam mutetur in quid hoc est in speciem, aut quale quid significans essentiam in hoc aliquid, totum hoc pertinet ad figuram dictionis. Ex parte verò orationis inuenitur etiam æquiuocatio in tribus modis, scilicet in Amphibologia, quæ dubiam reddit acceptionem rationis, in compositione, & in diuisione, quando scilicet mutatur sensus compositus in diuisum, vel è contra, & quando oratio est falsa in sensu composito, dicitur fallacia compositionis, quando verò in sensu diuiso est falsa, dicitur fallacia diuisionis.

At verò fallacia, non ex parte dictionis, sed ex parte rei significatæ, reducuntur ad alios defectus supra assignatos, & sunt septem fallaciæ huius generis, scilicet fallacia accidentis: fallacia à secundum quid ad simpliciter: fallacia secundum ignorantiam elenchi: fallacia petitionis principij: fallacia consequentis: fallacia secundum non causam, ut causam: fallacia secundum plures interrogationis, ut unam.

Fallacia accidentis, est fere eadem atque
muta-

mutatio appellationis, prouenit enim fallacia accidentis ex eo, quod aliquid significatur ut conueniens duobus, quæ sunt per accidens vnum, & sic vnitas per accidens cum diuersitate in re est causa huius fallaciæ: quod totum est diuersitas appellationis, vel ad illam reducitur, siue ad diuersam acceptionem medij, ut cognosco venientem, Petrus est veniens, ergo cognosco Petrum.

Fallacia ad secundum quid ad simpliciter reducitur ad illam quæ est à non distributo ad distributum, siue à non amplo ad amplum sine constantia, cum distributione ampli, ut si dicas, Æthiops est albus secundum dentes, ergo est albus simpliciter.

Fallacia secundum ignorantiam elenchi, reducitur ad defectum oppositionis, quia apparent aliqua opposita, & non sunt, quia non seruantur leges oppositionis ut si dicas, domus est clausa in nocte, & non est clausa in die, ergo est clausa, & non clausa.

Fallacia petitione principij est, quando id supponitur vel assumitur quod debebat probari, ut si velis probare quod Socrates est Pater Platonis, assumes pro medio quod Plato est filius Socratis.

Fallacia consequentis oritur ex defectu illius regulæ quicquid sequitur ad consequens aliquius bonæ consequentiæ, sequitur ad eius antecedens: ex eo enim quod existimamus aliquid esse consequens, & habere connexionem cum alio, inferimus ex illo antecedente, cum tamen, in re non habeat conuenientiam, & propterea fallacia consequentis habet magnam affinitatem cum fallacia accidentis

ris, vt si dicas, si aliquis est fur errat de nocte, sed tu erras de nocte ergo tu es fur; vel ab opposito consequentis, Omne quod generatur habet principium; sed anima non generatur, ergo non habet principium.

Fallacia à secundum non causam, vt causam est quando accipitur pro medio id, quod verè non est medium, nec causa vniendi prædicatum subiecto; & tam videtur esse causa, vt si dicas, mors est corruptio, ergo vita est generatio, ergo viuere est generari, quia mors, & vita sunt contraria, non enim hæc est bona causa, quia non sunt contraria, sed priuatiua.

Fallacia secundum plures interrogationes, vt vnā, est deceptio proueniens ex eo quod vnica interrogatione plura interrogantur, quæ diuersam exigunt responsionem, & ideo vnica responsione non potest satisfieri, sed est distinguendum, vt si dicas, Aethiops est ne homo albus? Mel, & fel sunt dulcia? Homo, & equus sunt animal rationale? si enim vnica responsione affirmes, vel respondeas, infertur contra te, dicendo, Aethiops est homo albus, ergo est albus, si vero negatiuè respondeas, infertur, ergo non est homo, & ideo debet distinguī interrogatio, quòd est homo, sed non albus.

FINIS TEXTVS.

SEQVNTVR
QVÆSTIONES
 DISPV TANDÆ

Ad Illustrandum difficultates aliquas
 huius Textus.

*Et diuiditur iste Tractatus
 in octo precipuas
 Quaestiones,*

QVÆSTIO PRIMA.

De Termino.

ARTICVLVS PRIMVS.

*Vtrum Recto Ordine doctrinæ incipias
 Dialecticæ à Termino.*



Supponit titulus in omni doctrina dari ordinem, id est, in omni scientia tractante materias suas scientifice; nec à casu, nec pro libito incipere debet ab ista, vel ab illa, sic enim pariet confusionem, non claritatem, quæ maximè pendet ab ordine tractandi, & ideo sapientis proprium est ordinare, ut dicitur primo Metaph. Secundò suppono ex proæmio Physic. in procedendo eundem esse ordinem naturæ, & artis seu scientiæ, incipiunt enim ab imperfectiori, & faciliiori, & consumman-

Logicæ Pars I.

H

tur

170 *Quæst. I. de Term.*

tur, seu terminantur in perfectiori. Et ideo secundum intentionem perfectiora sunt priora, idest prius intenta, in executione verò sunt ultima. E conuerso verò se habent in perfectione. Cognitio ergo facilius tangit, quæ sunt magis communia, & tunc est imperfectio, perficitur autem cum magis in particulari cognoscit. Et ideo à communioribus, idest quæ ad plures pertinent, & à simplicioribus, & notioribus, quo ad nos incipit doctrina, sicut, & natura. Quæ verò sunt notiora non quo ad nos, sed secundum se propter magnam perfectionem, & dicuntur notiora naturæ, idest, nobilioris, & cognoscibilioris naturæ, licet non facilioris, ab his non incipit cognitio in executione. De quo vide in *Physic. quæst. 1.*

Dico ergo primo. Ad Logicam per se pertinet dirigere omnes tres operationes intellectus: quæ sunt simplex apprehensio, compositio, & discursus. De secunda, & tertia operatione nullus dubitat, de prima aliqui. Sed deducitur clare ex Arist. & D. Thom. qui 1. Poster. lect. 1. inquit: *Vna actio intellectus est intelligentia indiuisibilem, quæ incomplexorum, secundum quod concipit quid est res, & ad hanc operationem ordinatur doctrina, quam tradit Arist. in lib. Prædic.* Nec minus apertè idem affirmat S. D. in 1. Periherm. lect. 1. ubi ordinem librorum Arist. in Logica penes istas tres operationes intellectus distribuit.

Dices S. Thomas non docere, quòd prima apprehensio absolutè, & per se pertinet ad Logicam, sed per accidens, & ratione alterius, scilicet iudicii; sic enim id quod est primum in

in apprehensione simplici, postea est partiale obiectum iudicii, & sub illo primo statu non pertinet ad Logicam, sed sub secundo. *Sed contra est*, Primo quia D. Thomas eodem tenore, & modo loquitur de vna operatione, quàm de alia, nec magis facit tractatum dirigentem per accidens primam operationem, quàm secundam. Deindè quia per se est dirigibilis etiam prima operatio, & fundat suas intentiones, scilicet relationes superioris, & inferioris, vniuersalis, & particularis in prædicabilibus; & coordinationes prædicamentorum, in quibus distinguimus confusionem rerum in suas classes, quod totum indiget aliqua arte, & directione, inquantum ista omnia ordinatè, & distinctè disponuntur, & tollitur confusio, sub qua primum res apprehenduntur: & hoc spectat ad primam operationem non ad complexionem, & orationem, cum potius complexa excludantur à prædicamentis, & tantum simplicia ibi ponantur, vt in Logica in Antepredicam. dicetur, nec potest hoc ab alia arte dirigi, quàm à logica, ergo &c.

Dico secundo: Inter ipsas operationes, recto ordine doctrinæ incipit Logica à directione primæ operationis. Constat ex dictis: Et secundo; Quia ordo artis debet proportionari, & conformari ordini naturæ; ars enim imitatur naturam; naturaliter autem intellectus procedit de prima operatione in secundam, in cognoscendo, ergo etiam ars Logicæ procedere debet à prima operatione in secundam dirigendo.

Dico ultimò: Intra ipsam primam operationem

tionem, conuenientissimè incipitur in linea, & ordine tractandi prioristicam resolutionem Logicæ, à termino, seu simplici dictione, non absolutè, sed vt est pars enuntiationis, & vt ad illam componendam dicit habitudinem.

Hæc conclusio pendet ex dicendis articulo sequenti. Interim colligitur aperte ex D. Thom. 1. Periherm. l. c. 1. vbi sic inquit: Si quis quærat cum in libro *Prædicamentorum de simplicibus dictum sit quæ sit necessitas, vt hic rursus de nomine, & verbo determinaretur?* Ad hoc dicendum, quod simplicium dictionum triplex potest esse consideratio: una quidem secundum quod absolute significant simplices intellectus, & sic earum consideratio pertinet ad librum *Prædicamentorum*. Alio modo secundum rationem, prout sunt partes enuntiationis, & sic determinatur de eis in hoc libro, & ideo traduntur sub ratione nominis, & verbi, de quorum ratione est, quod significant aliquid cum tempore, vel sine tempore, & alia huiusmodi, quæ pertinent ad rationem dictionum, secundum quod constituunt enuntiationem: Tertio considerantur secundum quod ex eis constituitur sylogisticus, & sic determinatur de eis sub ratione terminorum in lib. *Priorum*. Hæc D. Thom.

Ratio est, quia licet absoluta consideratio alicuius rei, soleat præcedere respectiuam, tamen in ordine ad aliquem specialem tractatum, vel finem potest respectiua consideratio præcedere: Tractamus enim in præsentibus de his, quæ spectant ad formam logicalem, seu resolutionem prioristicam; de his verò, quæ pertinent ad materiam, & resolutionem posterioristicam, in Logica; Considerationes

nēs autem Prædicamentorum, in quibus simplices dictiones absolute considerantur, pertinent ad materiam, seu partem posterioristicam Logicæ, eo quod Prædicamenta sunt series prædicatorum, seu graduum superiorum & inferiorum, generum, & specierum, &c. Quod totum tenet se ex parte ipsarum rerum, ex quarum connexionē, tanquam ex materia conficitur demonstratio, vel opinio. At verò consideratio termini, vel simplicis dictionis, ut pertinet ad partem prioristicam, respicit fabricam, & constructionem enunciationis, & syllogismi, unde oportet, quod consideretur sub respectu ad ea, quæ construit, vel in quæ constructum resolvitur, & in hac consideratione respectiva prius considerare debuimus respectum ad enunciationem, quam ad syllogismum, quia enunciatio syllogismum præcedit; conuenienter ergo incipimus a termino secundum officium, seu respectum conficiendi enunciationem, acturi deinceps de illo sub respectu extremi syllogistici.

SOLVUNTUR OBJECTIONES.

A *Duersus* primam conclusionem opponēs: Obiectum Logicæ adequatum est artificiosus modus sciendi, ergo in illa cognitione, ubi nullum est artificium, nec modus artificiosus, nullum ius habet Logicæ, nec directionem, sicut non potest dirigere visum, vel auditum; at simplex apprehensio est expers omnis artifici, & modi sciendi, quia tam naturaliter fertur in obiectum, sicut sensus externi; ideo enim vocatur simplex

plex apprehensio, quia nihil habet de artificio : ergo nullo modo pertinet ad Dialecticum illam dirigere.

Respondetur negando quod simplex apprehensio sit expertus omnis artificij logicalis, licet enim sit expertus artificij compositionis, & diuisionis; non tamen distinctionis, & coordinationis, sicut distinguimus inter gradus superiores, & inferiores; inter intentionem generis, & speciei, inter commune, & particulare, concretum, & abstractum, & similia; cum enim in ipsa prima apprehensione soleant multa confuse, & inuoluted apprehenderi, illa euoluere, & coordinare, artificium est ad modum sciendi requisitum, ut puta ad definitionem, & diuisionem, que penes intentionem generis, & differentie solent fieri. Emendare autem errores simplicis apprehensionis ex parte nature, seu rei apprehensae, pertinebit ad Metaphysicum; ex parte vero formae, & secundae intentionis v. g. ex parte generis, & differentiae, ex parte concreti, & abstracti, & similium pertinebit ad Logicum.

Secundo Arguitur. Contra secundam, & tertiam conclusionem; Quia rectus ordo doctrinae postulat, ut incipiamus eo ordine, quo natura, scilicet ab imperfectioribus, & notioribus quo ad nos, sed terminus, ut à nobis traditur, nec est imperfectior, nec notior quo ad nos, ergo ab illo non est incipiendum, *Prob. Min.* non est imperfectior, quia terminus est adhuc resolvable in alia imperfectiora, ex quibus constat, scilicet in significationem, & vocem, & syllabas, &c. ergo prius
agen-

agendum esset de signo, quàm de termino, & de voce, & de syllabis: neque est notior quo ad nos, quia aliquid est notius ipso, nam in primis, notitia confusa, totum est notius parte, & sic oratio, & propositio est notior termino: deinde notitia definitiva, & distincta, terminus definitur per propositionem, ergo propositio debet esse notior, nam se habet, vt definiens respectu termini, vt definiti, & sic manifestat ipsum, alias nullam habentes notitiam propositionis, quomodo per ipsam definiemus terminum?

Et Confir. Nam Aristot. in 1. Prior. cap. 1. prius definiuit propositionem, deinde terminum, tanquam *id in quod resolvitur propositio*, ergo prius tradenda est notitia propositionis, quàm termini.

Respondetur negando minorem: Ad probationem primæ partis Respondetur, terminum esse quidem resolvibilem in alia priora, ex quibus constat, sed tamen de illis agere non pertinet ad Logicum, sed præsupponit illa de voce enim secundum se, & de signo naturali agit Physicus, de syllabis Grammaticus, de signis verò ad placitum pertinet ad Rempublicam eorum institutio, & de illis agit Politica, vt spectant ad communicationem hominum publicam: si quid verò agit Logicus de Signo, vel est mutuatum ab alijs scientijs, vel agit de illo, vt est fundamentum secundæ intentionis in instrumentis logicalibus termino, oratione, &c. Itaque resolutio logicalis propriè sistit in termino, vt constructio est propositionis, & syllogismi, vltior verò resolutio termini, scilicet in vocem,

& significationem, & similia, non est perscrutationis Logicæ, sicut statuarius sistit in ligno, ex quo facit statuam, licet lignum, & æs resoluantur in materiam, & formam, non ab arte, sed à natura.

Ad probationem. secundæ partis respondetur, aliquid esse notius termino, notitia confusa, non distincta, & scientifica. Non autem incipimus agere à termino ordine scientifico, & notitia distincta, quæ supponit cognitionem confusam totius: unde ad definiendum partem per habitudinem ad totum, tanquam ad terminum extrinsecum, sufficit præsupponere ipsum totum cognitum confuse, non scientificè, & distinctè. *Et cum urgetur:* Quod definiens debet esse notius definito: *Respon.* debere esse notius, sed non scibilius, idest, debet esse aliquid apud omnes notum, saltem notitia simplici, & confusa; non tamen scientifica; præsertim in his, quæ definiuntur per ordinem ad aliquid extrinsecum, quæ sunt definitiones, quasi per additamentum, ut dicitur in 7. Metaphysic. Ordo enim ad illud est intrinsecus, non illud extrinsecum ad quod est talis ordo, & sic non requiritur perfecta cognitio talis extrinseci: sicut si definitur color per ordinem ad visum, non oportet prius definire, & scientificè cognoscere visum. Itaque vno verbo, quando aliquid definitur, sufficit quòd sua definitio sint notiora quo ad an est, non quo ad quid est.

Ad Confirmat. Respon. esse pro nobis, nam Philosophus acturus de syllogismo, prius attingit materiam eius proximam, quæ sunt propositiones, inde remotam, quæ sunt ter-

mini ; ergo syllogismus est ex propositionibus ;
propositio ex terminis ; ergo quando resoluitur
syllogismus , ultimum in quod resoluitur est
terminus ; ab illo tanquam ab ultimo elemento
in ordine syllogistico incipiendum est , si scien-
tificè incipimus .

Ultimo arguitur . Omnis scientia incipit ab
vniuersalibus ; ergo Logica non a termino ,
sed ab illo , in quo conuenit terminus , & propo-
sitiō in genere Logico ; scilicet ab intentione se-
cunda in communi deberet incipere , & hoc etiam
conuenit modo ; quo incipit Philosophus in
physicis ; incipit enim ab Ente mobili in com-
muni , deinde singulas partes in libris de Cœlo ,
de Generatione , & Anima , &c. ergo similiter
Logica deberet incipere ab ente Logico , idest
à secunda intentione , deinde ad partes eius de-
scendere .

Confirmatur : Quia ipse modus sciendi se-
cundum se est facilior ad cognoscendum ,
quàm terminus , quia ipse modus sciendi faci-
litat , & parat viam ad sciendum , cum sit
instrumentum sciendi , ergo prius debebat agi
de modo sciendi , tanquam de faciliore , seu fa-
cilitante scientiam : deinde de obiectis scibili-
bus in particulari , scilicet termino , oratione ,
&c.

Respond. Logicam incipere ab vniuersa-
liori , quando incipit à termino , non quidem
vniuersaliori in prædicando , sed in compo-
nendo , vel causando , componit enim termi-
nus omnia instrumenta Logica , orationem ,
propositionem , syllogismum , ipsum etiam
modum sciendi , scilicet definitionem , diui-
sionem , &c. non semper autem est necesse

incipere ab vniuersaliori in prædicando ; vt quando specialem difficultatem non habet prout concipitur in communi , sed vt explicatur per suas partes sicut modus sciendi in communi non habet aliam difficultatem , quàm quæ explicatur per suas partes . Et ad illud de ordine seruato a Philosopho in Physicis : Dicimus idem obseruari in Logica , quia sicut Physicus agit prius de ente mobili tanquam de obiecto in communi , & incipit scientificè à principijs , & elementis , quibus constituitur ens mobile , scilicet à materia , & forma , ita Logica agit de modo sciendi , vel forma logicali , quæ est secunda intentio , in communi tanquam de obiecto , sed tamen incipit scientificè à primo elemento , & simpliciori eius constitutiuo , quod est terminus .

Ad Confir. Resp. Quod modus sciendi vt scientificè , & distinctè cognoscendus , & definiendus , tanquam res cognoscenda , vt quod non est facilius cognitum , quam terminus , siquidem terminus est pars illius , & à cognitione partium incipit distincta , & scientifica cognitio compositi : modus autem sciendi , vt conditio , seu vt instrumentum cognoscendi in exercitio , & vt quo , est facilius termino , & parat viam ad illum ; sicut , & ad omnia obiecta , quæ scientificè cognosci debent , sed ad hoc non est necesse prius cognosci quidditatiuè , & scientificè , sed notitia quadam imperfecta , & confusa , vt totum respectu partium . In summa , doctrina , quæ incipit à termino scientificè , incipit etiam cognoscere scientificè ipsum modum sciendi , & propositionem , & syllogismum , quia scientifica istorum cognitio , incipit .

pit à cognitione distincta partium, & prima pars illorum terminus est.

ARTICULVS II.

*Verum sit bonæ Definitio Terminii Enunciatiui,
& in quo eius formalitas
consistat.*

IN controuersijs, quæ de definitionibus rerum agitantur, ferè omnia tandem re-ducuntur ad quæstiones de nomine, quia cum definitio sit principium, quo utitur aliqua scientia ad cognoscendas naturas rerum, earumque passiones, non habet alia priora principia, ex quibus discerni possit, nisi tantum nomina, & diuersum modum concipiendi eandem rem, quod fortassè maximè contingit in his, quæ de definitione termini solent agitari.

Igitur vt clarius procedamus, distinguimus terminum enunciationum, & terminum syllogisticum, fundati in illa doctrina Diui Thomæ præcedenti articulo relata, in 1. Perihier. lectione 1. Quod simplices dictiones habent triplicem considerationem, & secundum quod pertinent ad Prædicamenta, & secundum quod sunt partes enunciationis, & secundum quod ex eis construitur syllogismus, tanquam ex extremitatibus. Et quia de prædicamentis in præsentia non agimus, consideramus, & definimus terminum secundum duas vltimas acceptiones, & secundum primam vocamus terminum enunciatiuum, vt dicit ordinem ad enunciationem, & sic

agimus in hoc articulo, & secundum ultiniam, vocamus illam terminum syllogisticum, & sic agemus de illo in sequenti articulo.

In definiendo ergo terminum, mirum est quam variant Authores: Quidam satis ample etiam ad voces non significatiuas extendunt rationem termini, dummodo in propositione extrema esse possint: Alij quamcunque dictionem simplicem significatiuam, non curando quod possit esse extremum propositionis: Alij exigunt ad rationem termini vtramque formalitatem, scilicet quod sit signum, siue vox significatiua, tanquam genus, & quod sit pars, vel constitutum propositionis, tanquam differentia: Alij tertiam formalitatem addunt magis adhuc restringentem, scilicet quod terminus sit pars propositionis, non quomodo libet, sed pars principalis, quæ est extremum, & ita definiunt terminum, quod sit *extremum propositionis*. Denique Alij quartam addunt formalitatem, scilicet quod non solum sit signum, nec solum pars etiam vt extremum (ista enim omnia supponit) sed tandem eundem sit actuale extremum resolutionis syllogisticæ, ita quod quando fit syllogismi, & propositionis resolutio, tunc habet essentialem, & ultimam differentiam termini, quia in illam resolutur propositio, dicit autem Philosophus terminum esse, *in quem propositio resoluitur*: Addunt tamen quod terminus ita constat ex significatione, & ratione partis, vt ex formalitatibus prærequisitis, & antecedentibus, quod ille non verificantur essentialiter de ipso termino, sed de substituto, seu subiecto termini.

Dico

Dico primò : De essentiali ratione termini Logicalis seu artificialis est, quòd sit significatius significatione ad placitum, si sit vocalis, vel scriptus, non si sit conceptus. Conclusio est communis Dialecticorum, qui sequuntur Aristotelem vniuersa instrumenta Logica, Syllogisum, Orationem, Nomen, Verbum, &c. definientem per voces significatiuas; Sequitur 3. Tom. 1. Periherm. l. 4. agens de definitione Nominis, & l. 6. agens de definitione Orationis, & excludit voces naturaliter significantes (licet oppositum senserit Plato in Cratillo) eo quod oratio & partes eius non sunt res naturales, sed quidam artificiales effectus, vnde debent significare artificialiter; voces autem significationis expertes, solum naturaliter repræsentant, non ad placitum, vnde per se non pertinent ad construendam orationem.

Ratio est, quia nulla vox naturaliter repræsentat copulam aliarum, ergo saltem ex parte copulæ indigent voce significante ad placitum. Secundo quia si copula significat ad placitum, non potest per se vnire extrema naturaliter repræsentantia, vt si inter duos geminos, vel duos risus proferas verbum, *est*, nihil vnit, nisi ridicule, naturales ergo voces copula *est* non vniuntur, & sic cessat artificium Logicale, quod sine verbo non fit aut sine significatione, quarum vna determinet aliam, non determinat autem vox non significatiua vocem non significatiuam, vt si dicas, scindapsus, blytixi, nihil aliud addendo. Tertio vna scriptura non significatiua ad placitum non componit logicè, vt figuræ seu characteres non impositi
ad si-

ad significandum, sed naturali ex exculpi, ergo neque vocis non significatiuæ. An verò per accidens possit vox non significatiua à Logica assumi ad componendum orationem, dicemus in argumentis.

Dico secundò. De ratione termini enunciativi est, quod dicat ordinem ad propositionem, non solum ut extremum propositionis tanquam prædicatum, & subiectum, sed etiam secundum rationem magis communem, quæ comprehendat verbum, & alias partes. Unde eius ultima formalitas est esse partem enunciationis. Hæc conclusio est communis inter Thomistas, Petri Hispani, Soto, Bannes, & aliorum. Et desumitur clare ex D. Thom. & ex doctrina Aristotelis. Et enim Philosophus 1. Periberm. Cap. de Enunciatione docens quomodo nomen, & verbum excludantur ab oratione, inquit *Nomen ergo & verbum dictio sit sola, quoniam non est dicere sic aliquid significantem voce enunciare.* Quæ verba exponens S. Thom. ibidem lectione 8. §. Excludit ab unitate, inquit: *Nomen ergo & verbum dictio sit sola, ita dictio quod non enunciatio, & videtur ex modo loquendi quod ipse imposuerit hoc nomen dictio, ad significandum partes enunciationis.* Ita D. Thom. Constat ergo quod verbo, & nomini aliquod commune nomen imposuit Philosophus, scilicet quod sit *dictio sola*, & hoc nomen imposuit, inquit D. Thom. ad significandum partes enunciationis; igitur dictio ut pars enunciationis secundum D. Thomam, est ratio communis verbo, & nomini, & consequenter tractari, & definiri debet dictio simplex, siue termi-


us, quod idem est, quatenus est pars enunciationis, imò sub hac consideratione partis consideratur in libro Periherm. Ergo definitio dictionis simplicis, ut est pars enunciationis pertinet ad Logicum, & est de ratione termini Logicaalis, quia illud, quod in communi considerat, & tractat aliqua scientia, etiam in communi definit, alias tractare non posset.

Et si inquiras. Vtrum ista consideratio partis includat omnes partes enunciationis, an solum principales? *Respondet.* ex D. Thom. ibi, quod sola nomina, & verba sunt principales orationis partes: sub nominibus enim comprehendantur per onomina; sub verbo verò participium, alia verò, quæ secundum Grammaticos dicuntur partes, sunt magis colligationes partium orationis significantes habitudinem vnius ad aliam, quàm orationis partes, sicut clavi, & alia huiusmodi non sunt partes naui, sed partium naui conjunctiones. Vnde patet, quod generali acceptione terminus, seu dictio comprehendit omne genus partium, eo modo quo partes sunt, etiam aduerbia, & pronomina, quæ sunt sineathegoremata speciali autem, & stricta acceptione solum partes principales, idest nomen, & verbum, ad quas aliæ reducuntur, & hoc non solum, quando verbum habet etiam rationem extremi, ut cum dico Petrus currit, ubi ly currit est prædicatum, sed etiam quando solum est copula, quia copula principaliter constituit compositionem, & significat affirmationem, per quam significatur veritas, & constituitur enunciatio, sineathegoremata autem, sunt colligationes significando aliquammodo, & non aliquid, vnde nunquam possunt habere rationem præ-

184 *Quest. I. de Term.*

prædicati, & subi ecti, sicut verbum habere potest, nec significant per modum copulæ, quæ principaliter constituit ipsam significationem veritatis, quæ est enuntiatio.

Quod verò ratio partis sit vltima formalitas termini in communi accepti, ex eo patet: quia in hac sola ratione conuenit nomen, & verbum secundum quod dicunt habitudinem ad enunciationem, scilicet, quod sint partes enunciationis, ergo hæc sola constituit rationem communem nominis, & verbi, quæ ratio communis vocatur terminus, seu dictio, quacumque verò alia formalitate seclusa, intelligitur manere id, quod est commune nomini, & verbo, ergo intelligitur manere terminus, vt dictio. Ultra rationem autem partis solum restat ipsum actuale exercitium componendi totum, & resoluendi: non intelligitur autem addi distincta formalitas ad rationem partis ex eo quod actu componat, vel resoluat, sed solum additur exercitium ipsius formalitatis partis, quæ vtrumque facere potest; hoc ipso quod pars est, vt melius explicabitur articulo sequenti. Ratio autem partis non consistit in exercitio componendi, sed in potestate ad componendum, vt patet in materia, & forma, quarum entitates non sunt ipsum exercitium componendi, & anima separata est pars, licet actu non componat.



SOLVUNTUR ARGVMENTA.

Primo arguitur contra primam cōclusionem :
Quia voces non significatiuæ constituunt,
& terminant veram orationem , vt si dicas . *A.*
non est *B.* Blytiri non est scindapsus, ergo verè
sunt termini .

Nec potest dici : Quod materialiter constituunt, vel quod oratio constituta materialiter tantum est oratio ; nam ex illis resulta, formalis, & vera oratio , quia sensum orationis generat in mente audientis , ergo partes formaliter constituunt , & istæ sunt voces non significatiuæ . *Et confirmatur :* Tum ex definitione Orationis apud Arist. tum ex eius vsu : ex definitione quidem , quia dicit orationem esse *exius partium aliquid significat separatim* , ergo non requiritur quod omnes partes separatæ significant, post ergo aliqua non significatiua pertinere ad orationem . Ex vsu autem, quia frequentissimè format Arist. suas demonstrationes ex solis literis , vt *A.* est *B.* vel *C.* est *A.* quæ nihil significant tanquam dictio , ergo etiam voces non significatiuæ componunt propositionem , & syllogismum , & sic non requiritur ad rationem termini significatio .

Respondetur , quod quando propositio , vel oratio fit ex vocibus non significatiuis , vox illa stat materialiter pro se , sicut in suppositione materiali , vt cum dico , *homo est nomen* , *homo est vox* , illæ voces stant pro se , quia representant se ipsas sensui , & ad hoc non indigent significatione , sed repræsentatio-

rione sui , quæ supplet vicem significationis .
 Cæterum respectu compositionis mediante
 verbo *est* , quod vnit extrema , ipsa vox
 non significatiua , vel materialiter tenta
 non componit . Quomodo enim vnire po-
 test verbum *est* mediante significatione ad
 placitum id , quod naturaliter repræsentat ,
 & materialiter tenetur pro voce ? Quare
 formaliter , & artificiose voces non signi-
 ficatiuæ , vel materialiter tentæ , non com-
 ponunt orationem formalem , sed subintel-
 ligitur vox aliqua significatiua , ratione cu-
 ius fiat compositio artificiosa , hæc enim
 est formalis , vt cum dico , Blytiri non est
 nomen , subintelligitur , vox blytiri non
 est nomen , vbi *ly vox* , est terminus for-
 maliter significans , & componens , blyteri au-
 tem solum stat ibi materialiter . Et eodem
 modo dicendo de resolutione , quod oratio
 non resoluitur formaliter , & artificiose in
ly blyteri , sed obiectiuè , & materialiter :
 formaliter autem in *ly vox blyteri* , & in *ly non* .
 Sed aliquando compendio vtentes ponimus
 tantum blytiri , & subintelligimus vocem , cum
 tamen *ly blytiri* non sit id , quod formaliter
 componit , sed quod materialiter designatur , si-
 cut gemitus , aut risus non possunt cum verbo
 componere , & hæc simpliciter est vera , & certa
 solutio .

Ad confirmationem dico : quantum ad defini-
 tionem orationis , quod Arist. non intendit,
 quod voces non significatiuæ possint forma-
 liter , & per se componere ; sed quod aliqua
 saltem pars orationis debet significare aliquid ,
 vt cathegorema , etiamsi reliquæ solum signi-
 ficent .

ficient aliquantulum; tanquam syncategoremata, ut exponit S. Thomas lect. 6. in 1. Periherm. non tamen quod voces omnis significationis expertes formaliter eum verbo possint componere orationem. Ad usum autem Aristot. utentis literis simplicibus: Respondetur ex dictis, quod illa literæ, vel se tenent ibi materialiter representando se, vel subintelligendo vocem A. vel B. etiam formaliter componunt, & artificiosè: vel si per se formaliter componunt, intelligitur quod illa vox A. vel B. componet ut imposita est ad significandum prima illa elementa, & primas literas, A. enim est imposita ad significandum, & non solum naturaliter significat, ut patet in præpositione a, vel ab, & similiter significat literam, seu figuram A. & vox B. litteram B.

Secundo Arguitur. Nulla definitio debet esse ignotior suo definito, ergo non debet definitio termini tradi per propositionem, quia propositio est nobis ignotior, nulla enim præsupponitur eius notitia, quando definitur terminus, ergo non debet terminus sumi respectuè ad propositionem, sed absolute in se ut est quedam dictio: Confirmatur, quia termini possunt dici absolute, & definiri in quantum simplices dictiones sunt, & ut communiter se habent ad illam triplicem considerationem, quam S. D. ponit, scilicet ut pertinent ad Librum Prædicamentorum, & ut sunt partes componentes propositionem, vel syllogismum; & sic definiri in communi, secundum absolutam considerationem.

Respondetur. Ut diximus articulo præcedenti,

identi, quod sufficit tradi definitionem per aliquid notius notitia imperfecta, & quoad an est, non autem semper requiritur, quod tradatur per aliquid notius, quo ad quid est, & cognitione scientifica præsertim in his, quæ definiuntur per ordinem ad aliquid extrinsecum, ut ibi dictum est, sicut ad definiendam potentiam visivam sufficit cognoscere dari coloratum visibile quo ad an est.

Ad Confirmationem Respond. Terminum, ut pertinet ad prædicamenta, sumi pro rebus significatis, ut coordinatur secundum gradus superiores, & inferiores: ut pertinet ad compositionem propositionis, aut syllogismi, sumi pro signo, quo tanquam instrumento suarum compositionum utitur intellectus, & Logica, & sic non possunt termini una definitione definiri, vel si possent definiri, non pertinet ad præsens ubi solum agimus de termino, ut pertinet ad formam logicalem, & prioristicam resolutionem, ut sæpè dictum est.

Ultimò Arguitur ad probandum, quod ratio partis non possit esse formalitas termini. Quia diversa est formalitas partis, & extremi, sed terminus habet rationem extremi, ergo non constituitur formalitate partis tantum. Minor probatur ex communi definitione termini, quod terminus est *extremum propositionis*, quæ desumpta est ex Aristotel. 1. Prior. Cap. 1. quod terminus est *in quem resolvitur propositio*. Constat maior, quia ratio partis universalior est, quam ratio extremi, pars enim salvatur in eo, quod componat totum, extremum autem, quod contineat, & claudat ipsum totum, ita quod extra illud non sit,

fit, & se habeat, quasi pars principalis. *Confirmatur*. Quia si traditur definitio termini per rationem partis, conuenit alijs à definito, ergo non est bona. Ant. Probatur quia conuenit etiam propositioni, & orationi, siquidem propositio componit syllogismum, & aliam propositionem hypotheticam, quæ essentialiter constat ex alijs propositionibus.

Nec potest dici quod sunt partes, sed non per se primò, & essentialiter, sicut termini, sed accidentaliter, & secundariò. *Contra enim est*, quia syllogismum, & hypotheticam, per se componuntur ex propositionibus, ergo propositiones sunt per se componentes, & constitutivæ illorum, ac per consequens per se sunt partes.

Resp. Illam definitionem termini, quod sit *extremum propositionis*, non comprehendere generaliter omnem terminum, sed tantum principales partes, & adhuc non omnes, sed solum quæ se habent, ut prædicatum, & subiectum, unde magis conuenit termino syllogistico, quam enunciatiuo: & idè Philosophus tradidit illam definitionem de termino syllogistico: Nos autem agimus in præfenti de termino enunciatiuo, & ut præcisè respicit enunciationem, & idè magis in communi illum accipimus, quàm in definitione termini syllogistici. Cuius diuersitatis ratio est, quia terminus enunciatiuus solum ordinatur ad construendam veritatem in enunciatione, syllogismus autem ad inferendam, veritas autem componitur non solum ex extremis, sed etiam ex verbo copulante, & aduerbijs, vel negationibus, a quibus sæpè de-

dependet veritas propositionis , & ideo omnia illa considerari debent in terminis , vt constituentibus propositionem ; at verò syllogistica illatio considerata non vt vera , sed vt inferens , solum requirit tres terminos , duos , qui se habeant , vt extremitates in conclusione inferenda , & tertium , qui se babeat , vt medium probans , & inferens , & inferendo coniungens , vnde solum extrema propositionum sunt termini syllogistici .

Quòd si dicas : Quia isti termini non possunt concurrere sine verbo ad inferendam conclusionem , ergo etiam verbum erit terminus syllogisticus .

Respond. Nego consequentiam . Verbum enim requiritur non ad coniungendum extremitates per modum illationis , & probationis , sed per modum enunciationis , & quia enunciatio prærequiritur ad syllogismum , ideo etiam requiritur verbum , sed non requiritur formaliter ad syllogismum , sed præsupposit uè ratione enunciationis , non ratione illationis .

Ad Confirmat. Respond. in primis Orationem , & propositionem non posse esse partes propositionis categoricæ , sed solum hypotheticæ , vel syllogismi , terminus autem est pars propositionis categoricæ , & mediante illa etiam hypotheticæ , quod non conuenit alijs a definito . *Vel Secundò Respondetur ;* solutione data , Quod propositio , & oratio non est pars primò , & per se ; sed quoddam totum compositum ex partibus , per accidens autem est pars alterius totius , sicut domus est per se quoddam totum artificiale , per accidens

Articulus II. 191

dens autem est pars ciuitatis. *Ad replicam Respondetur* : Quod hypothetica , & syllogismus sunt composita eo modo , quo Philoſophus in cap. de Enunciatione dixit hypotheticam propositionem esse coniunctione vnam , categoricam autem simpliciter : illa autem compositam , quæ coniunctione , & ordine componuntur , possunt componi ex partibus , quæ per se , & primo non sunt partes , sed per accidens , & materialiter , quia in se supponuntur esse quædam tota , & composita , sicut Exercitus componitur ex multis hominibus , & Ciuitas ex multis domibus , quæ sunt quædam tota. Et quando audis partes per se componentes , non intelligas per se per seitate naturali , sed per se artificiosè , & in genere Logico , ita quod in hoc genere termini sunt per se primo artificialiter componentes , quia non habent aliam essentiam prius constitutam , propositiones autem , etiam in isto genere , non sunt per se partes , neque componentes , sed per se sunt tota , & composita , per accidens autem componunt alia .

ARTICVLVS III.

*Utrum Definitio Termini syllogistici
bona sit : & quæ eius
formalitas .*

COgimur in præſenti tractare etiam de Termino syllogistico , licet hoc magis videretur pertinere ad ipsum Tractatum de syllogismo , vt perfectè exponamus definitionem termini , & differentiam consideratione-

tionis eius à termino enunciatio, quia Ali-
 qui sic existimant tradidisse Philosophum de-
 finitiouem termini, quando dixit: *Terminum*
voce in quem resoluitur propositio, ut in
prædicatum, & subiectum, quòd sola ista defini-
 tio termini acceptanda sit, etiam secundum
 considerationem termini ad ipsam enuncia-
 tionem, & non ad syllogismum: imò Aliqui
 ita literaliter adhærent illis verbis definitionis,
 quod termino denegent essentiam termini quan-
 do componit, sed solum quando terminat reso-
 lutionem syllogismi, vel propositionis, imò so-
 lum quando terminat actu istam resolutionem,
 mediante actu intellectus resolvente; non au-
 tem quando habet potentiam, ut possit reso-
 lutionem istam terminare, cum tamen verba
 in definitione non dicant actum, sed poten-
 tiam.

Dico ergo Primò: Philosoph. in 1. Priorum
 non definiuit generaliter omnem terminum,
 ex quo potest constare propositio, & enun-
 ciatio est, sed ut præcisè deseruit ad con-
 struendum ordinem syllogisticum. Hoc con-
 stat manifestè intuentibus ipsam definitio-
 nem; dixit enim Philosophus: *Terminum*
voce in quem resoluitur propositio, tanquam in
subiectum, & prædicatum: ubi manifestè in
 hac definitione non inclusit omnes partes
 enunciationis, neque enim inclusit verbum,
 nec syncategoremata, aut negationes; &
 tamen verbum numerauit Philosophus in-
 ter partes enunciationis in 1. Periherm. &
 ibi lect. 1. notauit D. Thom. *esse numerandum*
inter partes principales, & ex dictis præce-
 denti articulo manifestè constat, quòd cum
 enun-

enunciatio ordinetur ad construendam veritatem, quæ in ipso iudicio, & enunciatione inuenitur, plures partes requirit ad sui constructionem, quia ex illis dependet veritas, quàm syllogismus, qui formaliter non respicit componere veritatem, sed inferre, supponit enim veritatem constitutam in propositionibus, & solum addit quòd sit inferens, vel illata.

Dico secundò; Terminum etiam secundum ordinem syllogisticum consideratus, non solum habet quidditatem, & essentiam suam in terminando resolutionem syllogismi, & propositionis, sed etiam in componendo: nec solum consistit in ipso exercitio resolutionis actualis, sed etiam in eo, super quod cadit talis resolutio, quod est esse partem, seu extremum componens propositionem, & syllogismum. Et quidem diuersitas opinionum est vnde appellationem termini simplex dictio desumpserit, an à terminando resolutionem, an verò à terminando constructionem, seu compositionem. Et vtrumque tanquam probabile referunt Conimbricenses super caput. 1. Prior. quæstione 1. art. 3. Sed hoc tangit nominis ethymologiam; supponimus enim terminum habere vtrumque munus, scilicet componendi, & resoluendi id, quod ex illo componitur, & dicimus, quod non solum consistit in ipso munere, seu officio resoluendi sed etiam essentialiter importat ipsam formalitatem componendi, quod Aliqui negant, existimantes solum posse definiri essentialiter terminum per ipsam terminationem resolutionis, non per rationem partem.

Oppositum tamen accipimus ex D. Thom. in 1. Perhierm. lect. 1. ubi loquens de illa triplici consideratione simplicis dictionis supra relata, & deueniens ad tertiam considerationem termini, quam considerauit Aristotel. 1. Prior. *Tertiò (inquit) considerantur secundum quod ex eis constituitur ordo syllogisticus, & sic determinatur de eis in libris Priorum.* Ecce ipsam formalissimam considerationem termini, ut tractatur in libris Priorum, dicit esse secundum quod ex eis constituitur, seu componitur ordo syllogisticus.

Ad hæc D. Thom. in 2. Physic. lect. 5. explicans verbum Philosophi, qui dixerat *Propositiones esse materiam conclusionum*, & inquirens quomodo hoc sit intelligendum, inquit. *In quantum termini, qui sunt materia propositionum, sunt etiam materia conclusionis, licet non secundum quod stant sub ordine propositionum.* Sic ergo termini habent rationem materiæ in conclusione, & propositionibus, idest, in toto syllogismo, sed de intrinseca ratione materiæ est, non solum terminare resolutionem compositi, sed etiam ipsum construere, & componere, tanquam pars: ergo non minus pertinet ad terminum esse partem construendi, quam finem, terminum resoluendi.

Es confirmatur: Quia nihil resoluitur, nisi in ea, ex quibus constat, & construitur; construitur autem ex partibus, quæ facta resolutione separantur, ergo si est de essentia definitionis termini, quod sit id in quod resoluitur propositio, etiam est de essentia eius, ut sit id, ex quo construitur, atque adeo definiri potest per hoc, quod est esse partem, aut extremum

Articulus III. 195

tremum propositioni , quia per omne id , quod est de essentia eius, definiri potest .

Sed Cur , inquires , Aristoteles per solum resolutionis officium terminum definiuit , dicens , *Terminum uoco id , in quod resoluitur propositio* : an fuit diminutus tantus Philosophus ? *Respondeo* : Qui per resolutionem definit , etiam compositionem compendio intelligit . nam si resoluitur in partes , ex quibus constat propositio , hoc ipso virtualiter significat ex ipsismet componi , sed tamen optima ratione potius expressit Philosophus resolutionem in definitione termini syllogistici , quàm compositionem , tum quia hoc magis conducebat ad explicandam simplicitatem termini , melius enim , & distinctius simplicitas partis dignoscitur per id , quod remanet soluto composito : quia sic est in vltima resolutione nihil aliud concernens ; tum quia expediebat hoc ad cognoscendum modum procedendi analyticum , & resolutorium , quem ibi tradebat Arist. & qui proprius est Logicæ , vt scilicet cognosceremus id , vltra quod non transit resolutio Logica ; sistit enim in termino , in quem soluitur vltimate propositio ; pertinebat autem ad notitiam resolutionis Logicæ notificare nobis id vltra , quod non transit in resoluendo ; si autem trad. retur per compositionem , non constaret an aliquid aliud restaret , en quo etiam componeretur propositio , & ad quod posset resolutio Logicale extendere . Quam solutionem vide in Diuo Thoma opusculo 48. tract. de syllogismo simpliciter cap. 1.

Ex dictis Colligo Duo : Primum est , quod

si loquamur de termino enunciativo, verbum est etiam est terminus, quia etiam est pars componens veritatis significationem, ut copula extremorum, ut iam supra diximus. At vero loquendo de termino syllogistico, verbum est, ut copulans, non est terminus, quia non est maius, aut minus extremum, neque medium, cum non sit prædicatum, vel subiectum; quod requiritur, ut aliquid sit extremitas syllogismi, vel medium deferuiens ad illationem. Et sic verbum est, non est terminus in definitione Aristotelis, ita quod sit formaliter terminus inferens, vel illatus, quod pertinet ad formalitatem syllogismi, sed est terminus enunciativus, quia est pars componens enunciationem quo ad ipsam rationem veri, vel falsi. Sicut est si non se habebat solum, ut copulans, sed ut extrema, ut si dico, Petrus est, id est existit.

Secundo Colligo, quod terminus enunciativus, etiam extra propositionem, habet actu essentiam termini, id est, partis propositionis, licet non habeat actu exercitium terminandi, vel componendi illam: non tamen extra propositionem est prædicatum, vel subiectum, sed prædicabile, vel subiicibile. *Ratio est*, quia essentia actualis termini est esse partem propositionis: ratio autem, & essentia partis consistit in hoc, quod sit compositiva, & constitutiva totius; non verò quod actu componat: unde aliud est actu habere essentiam partis, & actu habitudinem partis aliud habere actu exercitium componendi, sicut anima rationalis, etiam quando est separata, est pars, licet actu non componat, & idem

idem apparet in partibus rerum artificialium, ut in partibus Domus, vel Cathedræ, quæ actu sunt partes, idest, actu habent entitatem constitutivam partis, etiamsi actu non componant: aliud est ergo actualiter construere, aliud esse actu constructivum; hoc secundum est ratio partis, primum verò est exercitium, sicut potentia visiva actu est potentia, licet actu non videat. Actu ergo componere dependet ab applicatione, & existentia in toto. Actu esse partem, est habere entitatem ex qua fieri potest totum, vel in illud resolui. Aliud est esse prædicatum, & subiectum, & suppositionem, vel ampliationem habere, & similia, quæ important ipsum actuale exercitium prædicandi, vel subiiciendi, & non solum esse prædicabile, vel subiicibile, vel supponibile.

SOLVUNTUR ARGUMENTA.

Primò arguitur. Non sufficit formalitas partis, vel extremi, ut aliquid dicatur terminus, sed ulterius requiritur formalitas terminandi, siquidem tunc solum actu, & formaliter resolvit, & terminat, ergo sola ista formalitas constituit rationem termini, reliquæ verò formalitates, ut esse partem, vel extremum, vel signum, supponuntur necessario; sed non constituunt formaliter rationem termini, unde dicit D. Thom. 7. Metaph. lect. 12. *Quod tota essentia definitionis in differentia quodammodo comprehenditur*, ergo definitio termini per hoc solum debet tradi, quod est ul-

tima differentia, scilicet terminare resolutionem syllogisticam.

Confirmatur: Nihil essentialiter dicitur id, ex quo est, sed id quod est, sed terminus est ex parte: ergo non est pars. Maior est nota, quia id ex quo aliquid est, se habet tanquam pars illius; nulla autem pars dicitur de toto. Minor constat, quia ex formalitate partis, & formalitate terminationis resultat, quod illa pars sit terminus: ergo terminus est ex parte, sed non est pars.

Confirmatur Secundo: quia legitima definitio termini syllogistici debet tradi per id quod conuenit termino in genere, & isti termino in specie, sed termino in genere conuenit ratio terminandi, ut sic, & termino resolutionis terminare resolutionem, termino vero syllogistico terminare resolutionem syllogisticam, ergo recte definitur terminus per hoc, quod est terminus resolutionis syllogisticae.

Respondetur ad principale argumentum, ex dictis: Quod ad rationem termini requiritur formalitas terminandi, vel componendi, non quantum ad actuale exercitium compositionis, & resolutionis, sed quantum ad actuali in entitatem, & proportionem, ex qua potest fieri compositio, actualis enim terminatio, vel compositio supponit in ipsa parte, quae assumitur ad componendum, esse naturam, & proportionem debitam, ut assumatur, & licet ipsa ratio partis dicat actualem relationem ad totum, cuius est pars; tamen aliud est exercitium respiciendi, aliud exercitium componendi: illud primum est intrinsecum,

secum, & inseparabile à parte, quia hoc ipso, quod est pars, respicit actu totum, sed ut constructivum, non ut construens actu, sicut potentia respicit actu obiectum, ut potens facere, non ut faciens; id enim pertinet ad operationem actualem. Igitur terminus, hoc ipso quod habet proportionem debitam ad componendum, & resolvendum propositionem, licet actu non resolvat, & terminet, habet rationem termini. Et sic verificatur commune dictum, *Quod verba in definitione posita non dicunt actum, sed potentiam.*

In loco autem citato ex D. Thoma non ita reducitur definitio ad solam differentiam, quod excludatur genus, ut de se patet, sed ad significandum, quod differentiae non sunt aliae à forma generis, sed sunt ipsa forma generis cum determinatione, ideo per solam differentiam explicari potest definitio, ut idem explicat S. D.

Ad primam Confirmat. Dicitur: quod ex formalitate partis, & formalitate terminationis actualis non resulta quod illa pars sit terminus, sed quod exerceat officium termini, & hoc exercitium supponit terminum constitutum, per ipsam autem formalitatem partis constituitur in ratione apti, & proportionati ad ipsam compositionem, & resolutionem, etiam antequam actu id exerceat.

Ad secundam Confirm. Resp. Quod genus termini, & differentia non est actuale exercitium terminationis, vel compositionis syllogismi, sed actu habere aptitudinem, & proportionem ad componendum, & resolvendum, sicut essentia animae non est actu ter-

minare resolutionem, vel compositionem hominis, sed posse componere, & terminare illam.

Secundò Arguit Ratio partis non inuenitur extra totum, per se, & essentialiter loquendo, nam hoc ipso quod est extra totum, non est pars, sed totum in se: quod autem semel est totum, si postea fit pars, accidentale est ei esse partem, sed terminus etiam in ratione termini inuenitur extra totum, & separatim extra propositionem, ergo per se essentialiter non est pars, sed quoddam totum.

Nec obstat exemplum de anima separata, quæ non amittit rationem partis: Nam anima est quædam substantia spiritualis per se existens, & ideo manet separata a toto: at verò terminus non est aliquid per se existens, ergo non attribuitur illi ratio partis separatim à toto, sed solum intra ipsum: sicut etiam alie formæ per se non existens non habent rationem partis extra totum.

Et Confirm. Quia terminus constituitur in esse termini per secundam intentionem, quæ est relatio partis ad totum, sed ista relatio consistit in ipso actuali exercitio respiciendi, & non in potentia ad respiciendum, ergo si constituitur in esse partis per relationem, constituitur per actuale exercitium partis, non per potentiam ad componendum.

Resp. Non esse de ratione partis, quòd actus componat, ut patet in exemplo adducto de Anima separata, & idem sepra ostendimus de partibus rerum artificialium.

Et ad Replicam Respon. Quòd sicut anima rationalis existit realiter per se extra totum,

ita

ita terminus potest cognosci separatim à toto, & quia ens rationis non habet aliud esse quam cognosci, ideo potest terminus existere per rationem extra totum, retinendo ipsam rationem partis.

Vel secundo dicitur : Quod etiamsi aliqua pars non possit existere de facto extra totum, propter dependentiam, quam habet in existendo à toto, nihilominus officium partis non consistit in actuali compositione, ut patet in ipsa materia prima, quæ potest modo esse sub una forma, & sub uno composito, modo sub alio : Et ita licet non possit esse extra totum, saltem naturaliter ; tamen non consistit in ipso actuali exercitio componendi hoc totum, vel illud, sed in potentia ad quodlibet.

Ad confirmat. resp. Aliud esse potentiam respiciendi, aliud potentiam componendi, ut supra diximus, & bene stat, quod potentia componendi actualiter respiciat ipsum totum, quod potest componere, licet actu non componat, sicut potentia visiva actu respicit obiectum visibile, licet actu non videat. Dicitur autem relatio, seu intentio partis constituere ipsum terminum in esse artificiali termini, quatenus induit rationem partis potentis componere propositionem, non ut actualiter componentis, ex qua tamen relatione non componitur propositio, sed ex ipso termino, qui induit rationem partis.

Ultimo arguitur. Aptitudo ad conficiendam propositionem est accidentalis termino, ergo non potest per illam definiri essentialiter. Antecedens probatur, quia ipsum conficere propositionem in exercitio est illi accidenta-

le, ergo & ipsa aptitudo proxima ad componendum, actus enim, & potentia proxima sunt in eodem genere; terminus autem dicit potentiam proximam ad componendum, quia radicalis, & remota, etiam in ipso signo secundum se inuenitur.

Et Confirmatur. Quia etiam secunda operatio ordinatur ad tertiam, sicut prima ad secundam; & tamen secunda non definitur per ordinem ad tertiam, ergo neque prima operatio, in qua inuenitur terminus, per ordinem ad secundam.

Respondetur. Terminum consistere in potentia proxima ad conficiendum propositionem, intelligendo nomine *potentie proxime*, idest de se ultimo ordinatæ, & expeditæ ad componendum. Quod autem dicitur. *Potentiam & actum esse in eodem genere.*

Respond. Aliud esse quòd sint in eodem predicamento, aliud in eodem genere, idest in eodem prædicabili, seu modo prædicandi, ita ut cui conveniat essentialiter potentia, conveniat essentialiter actus: De primo non disputamus an debeat actus semper esse in eodem predicamento; habet enim hoc plures instantias in potentijs, & actibus per se, & intrinsicè non ordinatis, de quo alibi disputandum est. De secundo tamen constat manifestè, quod bene potest alicui convenire essentialiter potentia, & accidentaliter actus, sicut animæ essentialiter convenit posse componere, & oculo posse videre, non tamen actu componere, vel actu videre.

Ad confirmas. Respond. Quod secunda operatio non respicit tertiam sicut pars ultima,

&

& simplex elementum non habens aliam essentiam quàm partis, sicut habet terminus, sed secunda operatio habet esse compositum in se, & quoddam totum, respicit autem tertiam operationem, non vt pars componens, sed vt inferens, & mouens de vno ad aliud, quod non est per se primo esse partem, vt terminus.

A R T I C V L V S I V.

Quod sit definitum termini, & pro quo supponat.

CUm terminus definiatur. Quod sit vox significatiua, ex qua simplex conficitur propositio, in eius definitio explicando accidit communis illa difficultas, quæ in explicatione cuiuscumque definitionis accidentis in concreto inuenitur, nempe, An. definitum eius stet pro ipso subiecto, Aliqui vocant subiecti utum, an. verò stet pro ipsa forma; an. verò pro illo quod resultat ex subiecto, & forma, Aliqui vocant constitutum. Nam si stet pro ipso subiecto, v. g. pro voce in definitione termini, illi non conuenit essentialiter definitio, sed denominatiuè, & accidentaliter, quia est id de quo dicitur, non verò id quod est ipsa ratio termini: si verò stet pro forma, male ponitur in definitione subiectum, v. g. vox significatiua, cum vox, & quodcunque subiectum non sit ipsa forma, sed susceptiuum formæ, & ita male diceretur definiendo formam termini, quod est ipsa vox; Si verò sumatur pro eo, quod resultat ex subiecto, & forma, illud non est definibile, quia est ens

per accidens, quod non cadit sub definitione.

De hac difficultate plura tractamus in Logica quæst. 7. de Genere. In præsentī pauca sufficit aduertere.

*Dico ergo secundum doctrinam Philosophi, & Sanctus Thomas, non posse concretum accidentale, vel artificiale definiri pro ipso constituto, seu resultante ex subiecto, & accidente; sed definitum in istis concretis v.g. in termino, in oratione, in albo, in statua, esse ipsam formam accidentalem, non absolute, & abstractè, sed respectuè, & connotatè ad subiectum, ita quod esse in subiecto, vel extra subiectum pertinet quasi ad statum, & modum essendi, non ab substantiam ipsius definiti, & sic intrat definitionem, vt additamentum extrinsecum, & vt connotatum. Id sumitur in primis ex Philosoph. in Prædicamentis Cap. de Substantia, ubi dicit, quod album solam qualitatem significat: verba Philosoph. sunt: *Non autem simpliciter quale quid significat, quemadmodum album, nihil enim aliud album significat, quam qualitatem*, non ergo significat constitutum ex subiecto, & qualitate. Deinde Dicitur Thom. in lib. de ente, & essentia c. 7. circa finem: *Ex accidente, inquit, & subiecto non fit unum per se, unde non resultat ex eorum coniunctione aliqua natura, cui intentio generis, vel species possit attribui*. Constat autem quod omnis definitio explicare debet aliquam naturam generis, vel speciei, quam D. Thomas negat conuenire illi constituto.*

Et ratio est in promptu, quia constitutum ex corpore, & albedine, subiecto, & accidente est conflatum ex rebus diuersorum prædicamen-

camentorum, ergo non constituit vnum ens per se, illud enim est vnum ens per se quod gaudet vnico prædicamento, vnico genere, & differentia, & vnica definitione, quia definitio ex genere, & differentia constat, si autem pertinet ad diuersa prædicamenta, non habet vnum genus, sed plura genera, quia prædicamentum est genus. Ens autem per accidens non est definibile, quia vt optimè dicit S. Thom. 7. Metaph. lect. 3. *Ens per accidens non significat aliquid, sed aliquale*, & consequenter non significat quid, seu quidditatem, quæ est obiectum definitionis.

Quare D. Thom. in 4. distinct. 44. quæst. 1. art. 1. quæstiuncula 2. ad 4. benè dixit, *Quod statua potest considerari dupliciter, vel secundum quod est substantia, vel secundum quod est artificiale quoddam; & in genere substantiæ ponitur ratione suæ materiæ, sed in genere artificialium ponitur secundum quod est forma, quæ accidens quoddam est*. Ità D. Thomas: Vndè quia id, quod per inet ad substantiam, constituit aliquid in genere entis simpliciter, ideo aliquando dicuntur artificialia simpliciter pertinere ad genus suæ materiæ, non in quantum artificialia, sed in quantum entia, quia ens simpliciter substantia est, & sic loquitur D. Thomas in 4. dist. 3. q. 1. artic. 1. Quare terminas, & oratio, & reliqua artificialia, secundum rationem generis artificialis, solum ponuntur in genere suæ formæ, quæ est quoddam accidens; sicut reliqua accidentia, siue sumantur in concreto, siue in abstracto, semper ponuntur in ipso genere suæ formæ, quia essentia accidentis eadem est in concreto, &

in abstracto ; ratio ergo concreti, vel abstracti pertinet quasi ad modum essendi, vel ad statum ipsius accidentis, unde debet esse idem definitum accidentis, in abstracto, & in concreto, licet non idem status, & eadem connotatio.

Sed dices. Quomodo ergo Arist. in 7. Met. text. 42. dixit, quod materia, est genus in istis accidentibus, & specialiter vox respectu litterarum, seu syllabarum, & quod tale genus nunquam est sine speciebus, neque ab illis distinguitur, ergo oportet quod ex differentia seu forma, & tali materia, seu genere constituatur aliquid vnum.

Respondetur. Debere attentè legi textum Philosophi, qui dixit aliquando idem esse genus, & materiam, sed diuerso modo ; cuius explicationem optimè tradit ibi D. Thomas lect. 12. & non latius dicemus citat. loco Logica. In summa, quod ex eius doctrina colligitur est, quod materia seu subiectum accidentis, licet ponatur in definitionibus loco, & vice generis, tamen non habet rationem generis secundum se, quasi ex ipsa, & forma accidentali constituatur aliquid vnum quod sit per se diffinibile, cum toties neget D. Thomas resultare vnum per se, sed per accidens ex subiecto, & accidente : sed intelligitur, quod materia, seu subiectum inquantum formatum forma accidentali, duplicem habet considerationem, scilicet vt formatum ipsa forma accidentali secundum rationem communem talis formæ, & secundum rationem determinatam, & specialem : & talis materia vt formata secundum rationem communem, constituit rationem generis ad ipsam

sam vt formatam secundum rationem determinatam, sicut si diceremus, quod in albo ipsa ratio *qualis* in communi est genus ad album quod est determinatum quale, & ea ratione corpus, vt quale est genus ad corpus, vt album; quare materia secundum se numquam est genus, sed communis ratio formæ, seu materiæ, vt formata ratione communi formæ dicitur genus ad rationem determinatam talis formæ, seu ad talem formationem in particulari.

Ad rationem ergo dubitandi à principio posita Respond. Quòd: quando definitur forma accidentalis in concreto prædicatur de subiecto, non vt de definito intrinseco, sed vt sustentante, & dante statum concretionis rei definitæ, idest formæ seu accidentis, quod in se habet. Nec ipsum subiectum est propriè genus talis accidentis, sed loco generis, vel quasi genus ponitur, vt dicit S. Thom. 1. Penthem. lect. 4. quia: cum genus sumatur à materia, & ignoremus sæpè proprium genus accidentium, ponimus loco generis materiam à qua sumitur, vel potius ponimus ipsum subiectum non absolute, sed vt formatum illa forma accidentis secundum gradum communem, & sic est genus ad ipsammet secundum gradum particularem: vt si dico, Album est corpus disgregatum visus, intelligitur non corpus absolute, sed corpus vt coloratum vbi ly *coloratum* facit ad definitionem per se, ly *corpus*, ad suppositum rei definitæ, quia non existit per se, sed in alio.

Sed adhuc obijcias: Nam essentia concreti v. g. Albi, neque est corpus, neque albedo, sed

sed tertium constitutum, ergo idem erit de termino, quod neque est significatio, nec pars, sed constitutum ex his, atque adeo illud erit quod definitur. Ant prob. ex Arist. in cap. 5. Prædicament. ubi dicit. *Album dici quidem de corpore, ut de subiecto, rationem vero albi numquam de corpore prædicari*: ergo sentit Philosophus essentiam albi non dicere ipsum corpus essentialiter, alioquin prædicaretur de illo, sed aliquid distinctum, scilicet constitutum ex corpore, tanquam ex subiecto, seu substituto. & eadem ratione, quando plures formæ prædicantur de subiecto in creato, ut album est dulce, non verificantur pro constitutis ipsorum, quæ sunt distinctæ essentiae, sed pro substituto, seu subiecto: unde cum in termino concurrant plures formalitates, ut esse significativum, esse partem propositionis, & terminare resolutionem, terminus non erit aliqua ex primis illis formalitatibus, sed illud, quod resultat ex ipsis tanquam ex substitutis, & præsuppositis, & ex ultima formalitate, quæ ultimare constituit essentiam termini, & ita poterit quidem prædicari de termino, quod sit pars, & quod sit extremum propositionis, quia hæc verificantur de termino pro substituto, idest, præsupposito ad rationem termini, sed non ingrediuntur definitionem, quia non pertinet ad constitutum. Ita se habent fundamenta oppositæ sententiae.

Respond. Sensum Philosophi esse satis perspicuum, scilicet rationem albi numquam de corpore prædicari tanquam rationem, seu tanquam quid essentiale corpori, loquitur enim

in sensu valde formali, *rationem albi non prædicari de corpore* tanquam rationem, idest, vt importat prædicationem essentialem de corpore, siquidem prædicatio accidentalis est. Ex hoc autem non licet inferre, quod essentia albi, vel cuiuscunque accidentis in concreto sit tertium quoddam constitutum ex subiecto, & forma, cum non detur tale constitutum, nisi ens per accidens, vt dictum est, & amplius dicitur in Logica, quæst. 5. & 7. & tamen verificatur accidentalis prædicatio de subiecto, vt cum dico, corpus album, non quidem ratione tertij constituti, seu potius aggregati ex corpore, & albedine, hoc enim non potest prædicari de corpore, quia corpus respectu eius habet, vt pars, neque ratione substituti tantum, quia ex parte prædicati, scilicet ly album, aliquid importatur præter substitutum, seu subiectum, importatur enim accidentalis entitas, quæ concretive applicatur subiecto: & ideo verificatio illius prædicationis fundatur in identitate albi cum corpore importata ex parte de ly album, ratione sui connotati, connotat enim subiectum habens, & hoc est corpus, habens enim, & corpus identificantur, & sic illam explicat S. Thom. 1. p. q. 13. art. 10.

Hæc autem doctrina amplius observari debet, & opposita caueri in concretis substantialibus, vt homo, & humanitas, ubi aliqui distinguunt hominem pro constituto, & pro substituto, & dicunt hominem pro constituto esse naturam ipsam humanam, pro substituto vero ipsum suppositum habens naturam humanam; Vnde inferitur quod sicut diuinum
sup-

210 *Quest. I. de Term.*

suppositum a sumpsit humanitatem, ita assumpsit hominem, sumendo hominem pro constituto. Sed tamen est illatio, quæ in hac doctrina conceditur, eius ostendit in convenientia, nec enim taliter debemus uti vocibus, quod cogamur propositiones concedere in Theologia valde suspectas, & male audientes. Dicere autem, quod Deus assumpsit hominē, ita male audit in Theologia, quod in indice expurgatorio Hispaniæ anno 1612. & 1632. expunctum est in Bibliotheca veterum Patrum tomo 3. in S. Ignatij Scholio, c. 47. & S. Tho. eam damnat. 3. p. q. 4. a. 3. quia homo ex modo significationis plus dicit, quam naturam, oportet autem in his locutionibus, valde attendere ad modum significandi, & vsitatum vsus Ecclesiæ, & sapientium, nam ex variatione modi significandi, & inordinatis ve bis incurritur error, hæc enim propositio, Deitas generat est hæretica, & Deus generat, Catholica, & tamen si quis pro eodem acciperet Deum, ac Dictatem ratione constituti, posset utramque negare, vel affirmare, quod esset erroneum. Hæc dixerim, ut in ista doctrina de concretis, & abstractis, constitutis, & substitutis ponamus modum, communi vsui potius, quam ingenio proprio credentes. De his latius vide quest. 5. & 7. Log. Ad id vero, quod additur in argumento, quod quando plures formalitates concurrunt ad vnam essentiam constitutivam, non potest prædicari essentialiter, nisi si ultima formalitas, falsum est, nam omnes gradus super ores quasi presupponuntur ad ultimam differentiam, & tamen prædicantur essentialiter de ipso constituto ex ultima differentia, & talibus gradibus, sicut dicitur.

Articulus IV. 211

dicitur, quod homo est animal, & viuens, & corpus, & album est coloratum, & quale &c. Dummodo prædicentur secundum eundem modum, idest, concretum de concreto, & abstractum de abstracto. Similiter ergo, cum esse significatiuum, & esse partem essentialiter pertineant ad rationem termini, quantumcumque præsuppositè, & substitutè, prædicabuntur nihilominus essentialiter de ipso termino, quia essentialiter pertinent ad illum ut prædicata generica vel superiora.

Restabat in præsentì disputare ea, quæ latissimè solent in hic conuerti de Natura, & Diuisionibus Signorum, eo quod ratio signi in definitione termini, & reliquorum instrumentorum Logicalium poni solet: sed de his controuersijs quæ satis Metaphysicæ sunt plenè differimus super libros Periherm.

ARTICVLVS V.

*Verùm voces significant per prius
conceptus, an res.*

Supponimus tanquam apud omnes certum, voces significare conceptus, tam formales, quàm obiectiuos, cum id sit apertè statutum à Philosopho in 1. Periherm. cap. 1. & manifestè attestatur experientia, cum enim volumus manifestare, non solum *quid* concipiamus, sed etiam *quo* concipimus, id facimus per voces, quibus loquimur: videatur D. Thom. 1. Periherm. lect. 2. & q. 9. Petentia articulus 5. ubi inquit: *Quòd vox significat conceptum intellectus, quo mediante significat rem*
vbi

vbi aperte distinguit inter conceptum formalem, & obiectiuum, & vtrumque attribuit voci, & in 4. contra Gent. cap. 11. dicit: *Quod intentio intellecta, est similitudo concepta, quam voces exteriores significant.*

Difficultas ergo potest esse in duobus. *Primum.* An voces eadem significatione significant conceptus, & res. *Secundum.* Quid nam significant principaliter res, an conceptus, & idem potest inquiri de scriptura respectu vocum.

Circa primum, Aliqui tenent voces significare res, & conceptus duplici significatione citantque pro hac sententia Magistrum Soto, sed immerito, cum ipse non dixerit, quod nomen significat res, & conceptus duplici significatione: sed quod ipsum significare nominis bifariam accipitur, vel promovere potentiam, vel pro exprimere conceptus, sed tamen vtrumque munus conuenire potest eidem significationi.

Dica Ergo. Voces vnicā significatione significare res, & conceptus. Fundamentum est, *Quia* significant vtrumque eadem impositione, ergo eadem significatione. Et secundo, quia significant res, & conceptus non aequē immediatē, & vnum seorsum ab alio, sed vnum mediante alio, & vt subordinatum alteri, ergo sufficit eadem significatio ad vtrumque. Consequentia patet, quia vbi sunt plura subordinata, significantur eadem significatione, sicut nomen homo, v.g. non solum significat naturam humanam, sed etiam individua, pro quibus supponit eadem significatione. Antecedens vero constat: cum ex D. Thom. 1. part. quest. 13. art. 1. & q. 9. de Potentia art. 5. vbi

dicit

Articulus V. 213

dicat : *Quod voces immediatè significant conceptiones mentis , & illis mediantibus res .* Et idem habet in 1. Periherm. lect. 2. Tum etiam , quia si vox diuersis significationibus significaret res , & conceptus , ita quod non subordinarentur inter se , omne omnem esset æquiuocum , & non repugnaret deponi ab vna significatione ex illis , altera remanente , sicque significaret conceptum , & non rem , vel è conuerso , quod esset absurdum .

Aduerte autem quod ipse conceptus potest significari dupliciter . Primò , vt in se res quædam est in actu signato , & vt cognoscibilis alio conceptu reflexè . Et hoc modo conceptus significatur speciali nomine ad hoc imposito , vt hoc nomine *conceptus* , significatur enim sicut aliæ res . Alio modo conceptus significatur tanquam interiora quædam signa seu media concipiendi res , à quibus alia exteriora signa deriuantur , quibus interiora manifestantur , & sic significantur conceptus à vocibus vt exercentes hoc munus .

Sed obijces : Datur duplex impositio ad significandas res , & conceptus , ergo duplex significatio . Consequentia est nota , & anteced. prob. quia prius voluerunt homines suos conceptus communicare in communi , deinde inuestigauerunt modum ad talem communicationem accommodatum , qui fuit impositio vocum , ergo interfuerunt duo actus , atque adeò duæ impositione . *Et Conf.* Quia voces significant res ipsas vt quod , & doctrinaliter , idest , tanquam id quod significatur in tradendis doctrinis : Conceptus vero non significantur , sed indicantur , vnde dicuntur

214 *Quest. I. de Term.*

dicuntur voces substitui pro conceptibus , significare vero res .

Respond. Illud argumentum nimis deficere , tum quia idem probaret de significatione ipsarum rerum tantum ; nam prius voluerunt homines , quasi in communi significare res , deinde inuestigarunt modum , quo ipsas significarent mediante impositione vocum : Tum etiam , quia velle seu intendere aliquid facere , & postea eligendo medium , quo faciendum est , illud exequi , non inducit duplicem effectum , quia respectu eiusdem effectus debet dari intentio , & electio , & executio , ergo non sequitur duplidem impositionem fuisse , quia duplici actu voluerunt intendendo , & exequendo .

Ad Confirm. Resp. Quod illa omnia pertinent ad unicam significationem , quia ordine quodam totum hoc significatur , nam eadem significatio vocis habet duplex officium , scilicet subst. tuere pro rebus , quas manifestat , & secundo , substituere pro conceptibus , qui ipsas res occulit , & interius significant , quod totum sit unica significatione , & unica impositione , qua istud signum sensibile imponitur ad manifestandum illud signum interius in ordine ad res cogitatas , sicut Minister Regis eodem ministerio , & officio substituitur Regi , vt principali , in ordine ad res aliquas gubernandas , vt ad finem .

Secundo obijcies : Vox non potest significare conceptum immediate , & rem mediate , ergo falso dicitur , quod mediante conceptu rem significat , sed immediate debet significare illam , atque adeo diuersa significatione ,

Ante-

Anteced. prob. primò : quia conceptus non est res significata reflexè , id enim fit per hoc nomen *conceptus* , neque est ratio formalis significandi , quia hæc est impositio , neque est cōditio requisita ad significandum ex parte rei significatæ , quia hæc non significantur res vt conceptæ , sed vt existentes in se . Secundò , quia voces non significant medio conceptu audientis neque loquentis , neque imponentis , ergo nullo : Non audientis , quia ipse audiens non est , quia declarat suos conceptus , sed cui alterius conceptus declarantur : Non loquentis ; quia etiamsi nullus fit loquens , vt si voces formentur in aere , vel à dormiente , adhuc significant , & præterea , conceptus loquentis est extra audientem : non ergo est illi medium ad cognoscendam rem . Non imponentis , quia non recordamur per vocem ipsius imponentis , neque eius conceptum qualis fuerit , cognoscimus ; imò potest vox melius mihi repræsentare rem , quàm imponens ipse conceperit ; ergo conceptus imponentis non est ratio repræsentandi .

Respond. neg. anteced. Sed est aduertendum , quod significare vnum mediante alio potest intelligi triplicitèr . Vno modo mediante alio tanquam ratione formali : non tamen tanquam re repræsentata , sicut vox dicitur significare media impositione , conceptus media similitudine . Secundò mediante alio vt re repræsentata tanquam primario , & immediato significato , sicut homo dicitur significare immediate hominem in communi , & mediate Petrum , qui est homo in singulari . Tertiò mediante alio , non vt re significata , sed vt prin-

principali significante, cuius vox est substitutum, & quasi instrumentum, quia ab ipso verbo mentis participat esse, & significationem, ut dicit S. Thom. q. 4. de Veritate ar. 1. ad 7 & hoc modo vox significat conceptum, quia vice eius subrogatur, ut suppleat id, ad quod non potest pertingere conceptus, ut scilicet, tam sibi, quam alijs manifestet exterius: & ita vox se habet quasi substitutum, quod repræsentat, tam suum principale, cui deseruit, quam id, ad quod ordinatur, quod est res significata.

Ad primam ergo Tribat. Resp. Voces significare conceptus, non ut rem significatam directè, sed ut principale significatum, repræsentare etiam res ut conceptas, non sumendo ly, ut conceptas reduplicatiuè, pro statu in quo sunt cognitæ, sed specificatiuè, & exercite pro conditione, cum qua repræsentantur, quia reuera conceptæ sunt, aliquando tamen etiam significantur res, ut subsunt intentioni, & statui, quem habent in mente, & ipsa intentio est, quasi res repræsentata, sicut in intentionibus Logicis, species, genus &c.

Ad Secundam Prob. Dicitur, quod voces significant ex conceptu imponentis, ut à quo suspiciunt significationem, & impositionem, sed conceptum loquentis tamquam id, pro quo subrogantur, ad hoc enim imponuntur, ut à quolibet loquente subrogari possint: cum autem voces formantur à non loquente, illæ voces non sunt locutio, sed materialis sonus similis loquutioni, ynde non significant ex impositione, sed ex consuetudine, quam

nos

nos habemus, cum similes voces audimus, quia illæ similes, sunt vocibus, quæ sunt loquutio. Vnde D. Thom. 1 p. q. 51. art. 3. ad 4. dicit: *Quod vox formata ab Angelo non est propriè vox, & dato quod istæ essent verè voces, & non significarent conceptum loquentis, quando sic formantur, non sequitur, quod quando illum significant, diuersa significatione significant conceptum, & res, sed eadem significatione habente potestatem significandi vtrumque sed non semper vtrumque exercente; nec enim semper aduertimus ad conceptus loquentis discernendo illos a rebus. Et licet conceptus loquentis sit extra audientem secundum se; est tamen illi præsens per vocem, per quam redditur sensibilis.*

Circa secundum punctum, huius articuli scilicet. Quid voces principalius significant, res, an conceptus? Respondetur principalius significare res, nisi fortè ipsa res significata sit conceptus, vel eius intentio. Ratio est, quia ipse conceptus ordinatur ultimatè, & principaliter ad repræsentandam ipsam rem, cuius est similitudo intentionalis, ergo vox, quæ solum est instrumentum ipsius conceptus in repræsentando, & redditibilem ipsum conceptum, ad easdem res repræsentandas principalius ordinabitur, quia ad hoc ipsum deseruit conceptui: & licet instrumentum principalius videatur respicere suum principale, à quo mouetur, quàm effectum, quem facit, tamen hoc intelligitur in ratione operandi, & agendi; in ratione tamen repræsentandi, si id quod principale est, etiam est repræsentatiuum rerum, & ad ipsam repræsentationem extendendam, & manifestandam alijs substituit sibi aliquod instrumentum, præcipuum vtriusque

significatum est res ipsa : vnde D. Thom. q. 9. de Potentia, art. 4. dicit. *Quod id formaliter significatur per nomen, ad quod principaliter est impositum, sicut nomen homo ad significandum compositum ex corpore & anima rationali.*

Et si dicas. Nam conceptus, seu verbum non significat principaliter res expressas, sed suum principium exprimens, vt apparet in Verbo Diuino, quod principaliter repræsentat Patrem, cui est simile, quam creaturas, ergo etiam verbum exterius principaliter repræsentabit suum principium, scilicet conceptum, quam rem significatam, & expressam.

Respond. Conceptum, seu verbum esse expressionem sui principij formalis, quod est species impræssa fœcundans intellectum exprimentem, & hæc repræsentat obiectum, cuius formaliter est species, & sic conceptus repræsentando suum principium formale, repræsentat principaliter suum obiectum formale: creaturæ autem sunt obiectum secundarium, & materiale, & idè non principaliter repræsentantur à Verbo Diuino, vnde non sequitur, quod verbum exterius repræsentet principaliter conceptum, quia non est formale obiectum repræsentatum, sed principale significarium. Præterquam quod vox non est naturalis expressio sui principij, sicut conceptus, sed imposita, & directæ ad significandum id quod conceptus.



ARTICVLVS VI.

*Verum Terminus habeat aliquam diuisionem
essentialem.*

Quidam tenentes essentialem rationem termini neque consistere in significatione, neque in ratione partis, vel extremi propositionis, sed illa omnia supponere; solum verò consistere in ratione terminandi resolutionem syllogisticam, consequenter afferunt non dari aliam diuisionem per se termini, nisi in terminum prioristicum, & posterioristicum eo, quod solum inuenitur ista duplex resolutio, & consequenter per illam solum diuiditur per se terminus, cuius essentia est resolutionem hanc terminare. Addunt tamen diuisionem termini in maius extremum, & minus extremum. & medium terminum, non esse diuisionem per se, sed accidentis in subiecta.

E contrario verò, qui sentiunt formalem, & quidditatiuam rationem termini consistere in ratione partis, vel extremi propositionis, consequenter debent assignare specificam, & essentialem diuisionem termini penes diuersam specificam rationem partis, quæ possit componere orationem, vel propositionem: *Quanam* autem sit ista, deinceps disquirendum est.

Dico Ergo Primò: Terminus syllogisticus, inquantum talis, non diuiditur diuisione essentiali per terminationem resolutionis prioristicae, vel posterioristicae. *Fundamentum est,*

220 *Quest. I. De Term.*

Quia hoc totum potest conuenire vni, & eidem termino simplici, ergo non facit diuisionem essentialem in ratione termini. Conseq. est bona, quia si esset diuisio essentialis, non posset vni, & eidem termino conuenire, alioquin eidem conueniret duplex, & opposita essentia: hac enim ratione, quia idem terminus potest esse vniuocus, & communis, & connotatiuus, & primæ intentionis, tale vniuocum, & commune non sunt diuisiones essentielles termini. Antecedens verò manifestum est, quia idem terminus, v. gr. *homo*, quatenus fundat connexionem necessariam, respectu propriarum passionum, vel prædicatorum essentialium, fundat compositionem, & resolutionem posterioristicam demonstratiuam, respectu verò prædicatorum contingentium, fundat topicam, quatenus vero respicit vniuersalitatem, aut particularitatem, affirmationem, vel negationem, sic fundat compositionem, & resolutionem formæ prioristicæ, quæ tota fundatur in *Dici de omni*, & *Dici de nullo*, vnde terminantur diuersi modi, & figuræ formæ syllogisticæ, ergo omnes isti respectus possunt eidem termino conuenire, & sic non essentialiter illum diuidunt, sed omnes in eodem inueniuntur.

Dico secundò. Terminus enunciativus essentialiter diuiditur in Nomen, & Verbum, in Cathegorematicum, & Syncathegorematicum: Reliquæ verò diuisiones, licet diuidant terminum secundum diuersam rationem signi, ex parte diuersæ rei significatæ: non tamen diuidunt ipsam essentialem rationem termini, vt est pars propositionis. *Fundamen-*

tum,

Articulus VI. 221

nam, huius conclusionis est: Quia terminus enunciatiuus formalissimè consistit in ratione partis componentis, & resoluentis enunciationem, vt supra ostendimus, ergo illud per se, & essentialiter diuidit rationem termini, quod per se, & essentialiter diuidit rationem partis in termino, quicquid autem diuidit non sub ratione partis, non intelligetur esse diuisio per se termini, vt terminus est; diuisio autem penes diuersas res significatas, facit diuersitatem significationis non solum in termino, sed etiam in oratione.

In ratione autem partis differunt in primis essentialiter terminus Cathegorematicus, & Syncathegorematicus, quia Cathegorematicus habet rationem partis principalis, quæ significat per se aliquid, Syncathegorematicus autem habet rationem partis, vt modificantis, & significantis aqualiter, sicut dixit D. Thom. in 1. Periherm. lect. 1. quod *ista syncathegoremata magis sunt colligationes partium, quàm partes*, vnde ista differentia in ratione partis, & termini, essentialis, & intrinseca est. Deinde sub termino Cathegorematico Nomen, & Verbum sunt partes diuerso modo componentes in ratione partis, quia nomen componit vt extremum, verbum vt copula, longe autem differt in ratione partis, habere se vt extremum componens, vel vt copulans; plus enim differt vnio in ratione componendi, quàm materia, & forma inter se; materia autem, & forma specie partiali differunt, ergo à fortiori copula. Et præterea distinctio specifica partium sumitur secundum diuersas habitudines, & officia, sicut

differt specie manus à pede, oculus ab aure; sunt enim partes heterogeneæ, quæ differunt specie in ratione partis, quicquid sit an etiam in ratione substantiæ specificam diuersitatem faciant, vel non. Copula autem, & extrema, quia partes heterogeneæ sunt, non similes, & eiusdem officij; ideo differunt specie in ratione partis.

De reliquis autem diuisionibus terminorum constat non esse essentielles, quia solum differunt ex parte rei significatæ, vel modi significandi, aut signi naturalis, vel ad placitum, quod totum pertinet ad diuersitatem termini sub ratione absoluta signi, non sub illa ratione respectiua partis, quæ est vltima differentia constitutiua termini: pertinet enim ratio signi ad terminum, quatenus ordinabile est ad componendum cum alio, sicut pertinet ad rationem propositionis, vt compositum est ex alijs.

Constat hæc conclusio discurrendo per aliquas diuisiones terminorum ex his, quæ in textu sunt propositæ, nam diuisio termini in mentalem, vocalem, & scriptum, est penes diuersa subiecta, quorum vnus significat naturaliter, scilicet mentalis alius ad placitum, scilicet vocalis, & scriptus, hoc autem materialiter se habet ad ipsam essentiam termini, quæ consistit in intentione secunda, & relatione partis, imò hæc intentio, etiam in conceptu mentali, non est aliquid reale, sed rationis, sicut omnes aliæ intentiones Logicæ, quæ non conueniunt realiter ipsis conceptibus, sed in ipsis rebus repræsentatis, in quantum cognitæ, fundantur, vt dicemus in Logica

gica, q. 1. & 2. ergo ex hac parte non est essentialis differentia inter intentionem termini mentalis, & vocalis.

Similiter Diuifio in vniuocum, & æquiuocum, commune, & particulare, connotatiuum, vel absolutum, primæ, vel secundæ intentionis, & similia, sunt diuisiones ex parte diuersæ rei significatæ, vel diuersi modi significandi; non autem secundum diuersam ordinabilitatem vnius signi ad aliud, vel ad totum compositum in ratione partis; & vt vnico verbo dicam, non pertinent ad diuisionem essentialem signi Logici, sed signi Grammatici, vel Polytici, vel secundum se; nam voces, & signa pertinent ad Logicum, vt ordinantur ad fabricam, & compositionem, discursus, & indicij, ad Grammaticum autem, vel ad Polyticum, quatenus diuersas res significant, & præcisè differunt ex parte significantis, vnde illæ diuisiones prædictæ non faciunt differre essentialiter signum, vel terminum in ratione signi Logici, idest, fabricatiui operum logicalium, licet ex parte diuersi significati differant illi termini, quod materialiter se habent ad diuersum modum fabricandi propositiones, vel syllogismos, sicut in corpore humano differunt in ratione partis, caro, & ossa, & nerui, quia diuerso modo componunt, sed intra rationem carnis, vel ossis, quod hæc pars sit huius figuræ, vel coloris, non variat essentialiter rationem partis:

Quia tamen posset dubitari: An diuifio termini in prædicatum, & subiectum, vel in maius, & minus extremum, sit essentialis diuifio, quia diuerso modo videntur compo-

224 *Quest. I. de Term.*

nere propositionem , & syllogismum . De hoc .

Dico ultimò , Diuisio termini in prædicatum , & subiectum , & in maius , & minus extremum , non est essentialis , sed accidentalis . *Ratio est* . Quia hæc diuisio solum pertinet ad actuale exercitium termini intra propositionem , vel syllogismum : nam de se quilibet terminus , qui est capax subiecti , est capax prædicati , nisi forte sit syncategorema , aut verbum vt exercens ratione copulæ , quæ in ratione termini distinguuntur essentialiter , vt diximus . Quod autem de facto in propositione vnus terminus ponatur , vt subiectum , alius vt prædicatum , pertinet ad actuale exercitium termini non ad essentiam ; essentia enim termini etiam extra propositionem inuenitur , & ibi habet terminus esse subijcibile , & prædicabile . deinde verò intra propositionem de facto assumitur in prædicatum , & subiectum , quod illi accidentale est , sicut exercitium componendi intra propositionem : Idem dicendum est de maiori , & minori extremitate intra syllogismum , nam te vera hoc nihil aliud est , quam esse prædicatum , & subiectum , vel simile exercitium .

Sed obijcies . Signum est genus termini , ergo quæcumque diuisio signi essentialis facit differre terminum essentialiter . Consequenter probat . quia non stat diuidi essentialiter genus alicuius rei , & speciem , quæ componitur ex tali genere , per illam diuisionem solum accidentaliter variari , sicut si animal essentialiter diuersificatur , à fortiori homo , & æquus , si ergo signum diuiditur essentialiter in ratios

ne signi, per mentale, & vocale, commune, & singulare, & reliquas deuiſiones terminorum, non poteſt in ratione termini tantum accidentaliter diuidi.

Et confirmatur. Quia terminus per ſe ordinatur ad propoſitionem, ergo terminus, qui per ſe ordinatur ad propoſitionem ſpecie diſtinctam, erit terminus ſpecie diſtinctus: ſed propoſitiones diſtinguuntur ſpecie penes diuerſum ſignificatum, ſeu diuerſam veritatem, quam ſignificant, ergo, & termini.

Reſpond. Quodd ſignum non eſt genus termini abſolute, ſub quacumque ratione ſumptum, ſicut in Prædicamento Subſtantia, aut Quantitatis, genus eſt ſubſtantia, vel quantitas abſolute, ſed ſignum eſt genus termini, vt ſub eſt intentioni Logicae, ideſt, vt ordinabile ad opera rationis, ſic enim conſideratur ſignum, vt artificiale, & vt pertinens ad genus artis, terminus autem, & oratio quædam artificialia ſunt, ſolum ergo ſignum eſt genus illius vt ingreditur ordinem, & lineam artefacti: Hoc enim valde obſeruandum eſt in artificialibus, ſiue realibus, ſiue rationis, quod genus illorum non eſt ipſa materia, ex qua conſtant, ſub quacumque conſideratione, ſed vt ingreditur ordinem, & lineam artificialem; naturalia enim, & artificialia non pertinent ad idem genus, vnde ſpecies rerum artificialium non reſpiciunt aliquid pro genere, niſi vt induit ordinem, & rationem artificialis, vnde omnis diuiſio materiae, non in quantum ſubiicitur formæ artificialis, ſed ſecundum ſe, prout eſt aliquid naturale, non diuidit eſſentialiter artefactum, ſed ſolum

materialiter, & per accidens; sicut si statua diuidatur in ligneam, lapideam, & auream, vel secundum diuersitatem lignorum in diuersas species ligni. Sc. similiter terminus non diuiditur essentialiter in quantum artefactum logicum, si solum diuidatur penes diuersitatem signorum, in quantum signa sunt, & non in quantum artificialia sunt in genere logico.

Ad confirm. respond. Quod terminus non ordinatur per se totaliter, & adæquatè ad vnā tantum propositionem determinatam, sed ad quamcunque quæ ex tali termino confici potest, sicut materia prima ordinatur ad quamcunque formam corruptibilem. Quare diuersa species propositionis ex parte rei significatæ non variat propositionem in forma artificiali logicæ, sed in ratione repræsentationis, & signi, quod totum tenet se ex parte materiæ; & sic etiam non diuersificat terminum formaliter in forma artificiali logicali.

Aliæ minutiones obiectiones fieri possent, verb. gr. quia in alijs diuisionibus terminorum inueniuntur diuersæ definitiones, quia *alia* est definitio termini connotatiui, *alia* absoluti, communis, & singularis, &c. Et similiter inueniuntur in illis diuersæ intentiones Logicæ: ac denique vnus terminus non potest fieri alius, verbi gratia, terminus communis non potest fieri singularis, nec connotatiuus absolutus, &c. Quæ omnia sunt signa essentialis distinctionis.

Respond. ad ista omnia: Quod definitiones præfatæ, vel sunt descriptiue, vel si sunt essentialis respectu ipsorum definitiui, tamen,
quia

Articulus VI. 227

quia ipsa definita sunt aliquid accidentale respectu termini, dicuntur accidentales in ratione termini, licet essentiales in ratione connotatiui, & absoluti, communis, & singularis, &c. Sicut si definiretur homo inquantum albus, quod est disgregans visum, definitio esset accidentalis homini, & essentialis albo, & sic etiam isti termini includunt rationem termini, tamquam subiectum, non tamquam genus, sicut album includit corpus, & simum includit nasum: Similiter intentiones, quas includunt sunt accidentales termino, licet essentiales tali termino, ver. gr. connotatiuo, vel absoluto, vt talis est; sicut predicabilitas est accidens proprium vniuersalitatis, & suppositio termini intra propositionem, Denique quod vnus terminus non possit fieri alius, non est sufficiens signum distinctionis essentialis, sicut vnus homo non potest fieri alius, non tamen distinguuntur specie: vnde non quia essentialiter differunt termini, sed quia mutare deberent significatum, quod per se requiritur ad rationem termini, vnus terminus non potest fieri alius.



QVÆSTIO II.

De Nomine.



QUATVOR particulae sunt explicandae in definitione nominis (reliquae enim in definitione termini explicatae sunt) Prima cuius nulla pars, &c. Secunda, quod sit *Finita*. Tertia, quod sit *Recta*. Quarta, *Quod significet sine tempore*. Sed haec ultima in sequent. quaestione agnites de verbo, quod significat cum tempore, manebit explicata. Reliquas in hac quaest. expeditimus.

ARTICVLVS I.

*Quomodo intelligenda sit illa particula:
Cuius nulla pars significat
separata.*

ALiqui ex Recentioribus Aristotelem deserunt in hac parte, & dicunt quod aliqua nomina verè sunt nomina, habent partes separatim significatiuas, ut hoc nomen, *Equiferus*, *Respublica*, *Proconsul*, & alia compositae figurae, in quibus partes verè, & propriè significant seorsum, ergo falsa est ista pars.

Nihilominus oppositum est expressè Arist. in 1. Periherm. Cap. de Nomine, & D. Tho. ibid. lib. 4. Arist. sic dicit: *In Nomine quod est equiferus, ferus per se nihil significat, quemadmodum in oratione, quae est, equus ferus.* Quae

VER-

verba exponens S. D. inquit: *Quòd in hoc nomine equiferus, hæc pars, ferus, per se nihil significat, sicut significat in hac oratione, quæ est, equus ferus.*

Et rationem reddit, quæ magnum habet pondus; nam quotiescumque vox aliàs significatiua, assumitur cum alia, non vt componant vnã significationem totalem, & compositum, sed simplicem conceptum, tunc illæ partes non ingrediuntur compositionem illius dictionis, vt componentes vnã significationem ex suis significationibus, sed vt suscipientes aliam distinctam impositionem ad significandum vnũ simplicem conceptum, & consequenter illæ partes, prout componunt vocem suscipientem nouam impositionem, non componunt, vt significatiuæ, quando autem componunt non ad suscipiendam nouam impositionem, sed ad fabricandum, & construendum ex suis significationibus conceptum complexum, & compositum, tunc componunt, vt significatiuæ: & dicatur componere vocem ad suscipiendam nouam impositionem, quando componunt ad significandum de nouo aliquem simplicem conceptum, quem singulæ partes non significant, vt *Respublica* ad significandum ipsam *Ciuitatem*, vel *Regimen commune*, vnico simplici conceptu, quem singulæ voces seorsum non significant.

Ad argumentum factum, Quòd illæ partes illius nominis significant separatæ. *Respond.* Quòd significant separatæ quasi materialiter, & per accidens, non quasi formaliter, id est in ordine ad componendam illam vocem
cui

230 *Quæst. II. de Nomine.*

cui imponenda est noua significatio conceptus simplicis, sub hac enim formalitate non componunt, vt significatiuæ, idest, vt impositæ ad significandum, sed vt de nouo imponibiles, licet alias sunt impositæ, sicut in hoc nomine Dominus, ly *do*, & ly *minus* significant seorsum, sed non prout significatiuæ seorsum, componunt illum terminum.

Sic Instet: In hac voce *Proconsul*, *Prorex*, & similibus, attenditur significatio vtriusque partis componentis, vt resultet tota significatio nominis, nam *Proconsul* est idem, quod *Vice Consul*, vbi non amittitur illa significatio de ly *Pro*, & ly *Consul*, sed potius attenditur, vt ex illis significetur illud officium *Vice Consulis*.

Respond. ex D. Thoma supra: Aliud esse à quo nomen imponitur, aliud esse quid significet, sepe enim in impositione nominum attenditur ethimologia, & origo alterius significationis prioris, quæ non concurrit ad componendam benificationem nominis, sed originandam, quia ex illa sumpsit impositor occasionem ad imponendam aliam benificationem, tamen quia diuersæ sunt impositiones, vna non est pars alterius, sed origo, quod etiam in alijs multis nominibus videmus, quæ tamen constat non habere partes significatiuas, sicut *Providentia* dicitur, quasi *porrà videntia*, seu à *pro*, & *videntia*, & *Propheta* dicitur, quasi *procul fans*, sic *Proconsul* dicitur, quasi originatum à *pro*, & *consul*, & *Respublica*, à *re*, & *publica*, sed non ex illis compositum.

Sed adhuc instabit: Nam terminus complexus

Articulus I. 231

plexu est verè terminus, cum vna ex diuisionibus terminorum sit in complexum, & incomplexum, ergo similiter nomen complexum erit verè nomen. Item nomen æquiuocum, non obstante quòd significet plura, est verè nomen, æquiuoca enim dicuntur, *Quorum nomen est commune*, ex Arist. in Antepredicamentis, ergo similiter, licet nomen complexum significet plura, non ex eo excludetur à ratione nominis.

Respond. esse diuersam rationem de termino, & de nomine, quia in termino id, quod formaliter, & principaliter consideratur, est ratio partis, quod verò sit designatiuum, & significatiuum, materialiter, & præsuppositiuè. In nomine verò è contra, principaliter se habet, quòd sit designatum alicuius, & quasi notamen, inde enim dicitur nomen, & ad res discernendas, & notificandas nomina apponuntur, materialiter autem in illo est quòd etiam sit terminus, seu pars propositionis. Hinc fit, quòd complexus terminus potest habere rationem vnius termini, quia vnius partis, dantur enim partes compositæ etiam seruata ratione partis: sicut brachium est compositum ex manu, & alijs partibus; complexum autem nomen non habet rationem vnius nominis, quia non habet rationem vnius notaminis, & designationis, sed poterit esse vnum in ratione termini, & plura in ratione nominis.

Ad illud de Æquinoco Dicitur, Quòd æquiuocum est vnum nomen ratione vnius vocis significatiuæ, quia in concretis accidentium vnitatis subiecti dat vnitatem simpliciter, & indi-

232 *Quest. II. de Nomine.*

individuam, licet formæ sint plures; sicut subiectum habens colorem, & calorem non est plura qualia, sed vnum quale, ut dicimus in Logica q. 13. a. 2.

A R T I C U L U S II.

Verum Nomen infinitum rectè excludatur à ratione nominis?

Nomen infinitum dicitur: *Quod aliqua negatione apposita, reddit suam significationem indeterminatam, seu infinitatam*, negatio enim alicui termino affixa potest dupliciter in illum agere: vno modo taliter, quod transeat in significationem termini cui affigitur; eius determinatam, & positivam significationem destruendo, & loco illius subrogando negationem talis rei significatæ, quæ utique convenit omnibus subiectis talis negationis capacibus: alio modo potest affigi negatio termino non immutando eius significationem, sed remouendo compositionem, seu copulationem, quia vis illius affigitur verbo, ut copulet extrema: & quando primò modo fit, dicitur infinitare, hoc est, indeterminare ipsum nomen: Secundò verò modo dicitur negare, efficitque propositionem ipsam negativam, vnde istè effectus negandi, cum respiciat copulam, quam negat, solum exercetur intra propositionem. Hinc est, quod ad infinitationem nominis requiratur, quod nomen significetur negatio ex ipsa prima impositione, sed adiuncta negatione, quæ nomen ipsum afficiendo reddit ipsum

nomen negatum, & significationem eius indeterminatam, idest, non significantem quid res sit, sed quid non sit, & ita ista nomina *Nullus*, *Nihil*, non sunt infinita, quia significant ipsam negationem per se, & directè sub determinato conceptu; non verò significationem aliquam positivam ex adiuncta negatione indeterminante. Vndè etiam sequitur, quod in nomine infinito significatio non mutatur per novam impositionem, sed per impedimentum negationis, quæ ex sua significatione negativa habet vim impediendi significationem alterius, & impediendo tollere.

Ex quo sequitur nomen infinitum esse incomplexum, & connotativum. Et quod sit incomplexum, docet expressè Arist. in 1. Periherm. cap. de nomine, & D. Thom. ibi lect. 4. & 5. Et ratio est, quia nomen infinitum non relinquit suum significatum in eo statu, in quo erat, sed mutat in oppositum, nempe in negationem sui significati, ergo non relinquit duplex significatum, nempe positivum, quod de se significat, & negationem adiunctam, si enim relinqueret, non mutaret illud, ergo non est complexum, quia non est ibi duplex significatum, quod requiritur ad rationem complexi, & sic v. demus, quod in hoc complexo, nullus homo, nulla datur infinitatio, quia utrumque significatum manet illæsum, ergo quando fit infinitatio, signum est, quod non manet utrumque significatum illæsum, & consequenter non manet complexum, quia non manet duplex.

Quid verò sit connotativum ex eo patet, quia

234 *Quest. II. de Nomine.*

quia non potest nomen infinitum significare negationem in abstracto, alioquin non verificaretur de aliquo positivo, non enim dici potest, quod lapis est negatio hominis, sed dicitur, quod est non homo: ergo negatio hominis significatur in concreto, ut verificetur de eo, de quo dicitur, ergo etiam significatur connotatiue, quia de formali significat formam negatam, & ex parte habentis ipsum subiectum de quo verificatur in concreto: hoc autem est connotatiue se habere.

His positis Dico, Nomen infinitum excludi à ratione nominis per illam particulam *Finite*. Hæc conclusio est expressa Arist. dicto cap. de Nomine; & D. Thom. ibi lect. 4. & 5. Et quo ad primam partem, scilicet, quod non sit nomen, fere omnes consentiunt; & ratio est: Quia infinitatio tollit proprium, & essentielle officium nominis, quod est esse notamen alicuius, ex eo enim dicitur nomen, quia notamen est, ergo oportet quod aliquid notet, & designet, ut sit notamen, nomen autem infinitum, nec notat, nec designat aliquid, quia relinquit significatum suum indeterminatum, & solum significat quid non sit, non verò quid sit.

Et aduerte quod significare aliquid determinatum, stat dupliciter, primò ex parte rei significatæ, quia ipsa res in se determinata est; secundò ex modo significandi, quia determinatus est, idest designatiui eius, quod significat, & ut aliquid sit nomen, non requiritur quod significet primo modo aliquid determinatum, nam quantumcumque aliquid sit indifferens, & commune, etiam si sit negatio, si tamen ipsamet
indif-

Articulus I. 235

indifferens , & communis ratio significetur , sufficit ad significationem determinatam nominis , quia etiam de ipsa negatione , & de ratione quantumcumque communi possumus concipere quid sit , aut quomodo sit , requiritur autem quod secundo modo sit aliquid determinatum , ita quod significet quid aliquid sit , & non solum significet quid non sit , quia hoc ipso nihil determinat , nec designat , & ita impedit ipsum officium nominis : quod est nominare , seu designare , vel notare aliquid , nominando enim designamus , & distinguimus unum ab alio .

Secunda verò pars , scilicet quod excludatur nomen infinitum per illam particulam *Finita* , non per aliam , est contra aliquos recentiores , qui illam particulam expugnant , tanquam superfluum . Sed oppositum constat ex Diuo Thoma , tum in Opusc. 48. Cap. de Nominis , qui illam particulam addit in definitione nominis . tum quia in 1. Periherm. lect. 5. agens de Verbo infinito , idem autem est de nomine , dicit quia *Philosophus prius definierat verbum communi , & postea per particulas istas excludit ea quæ imperfecte sunt verba* . Sic ergo definitio perfecta , & exacta nominis , & verbi requirit istas particulas , vt explicitè , & expressè ponatur id quod pertinet ad quidditatem nominis , cum enim in definitione nominis , positum esset , quod sit vox significativa , & nomen postulet significare , non quomodocumque , sed per modum nominis , & designationis , vt explicetur hoc munus , necesse fuit addere illam particulam *Finita* .

Nec

236 *Quest. II. de Nomine.*

Nec sufficienter manebat exclusum nomen infinitum per illam particulam *incomplexa*, quia, ut videmus, nomen infinitum non est complexum, sed incomplexum, aliàs si est complexum, propositio ex subiecto infinitatò, hoc ipso reddetur propositio negatiua, quia illa negatio etiam feretur in copulam, & non solum in subiectum: copula autem negata reddit propositionem negatiuam: consequens autem est absurdum, & à nullo Dialectico admissum, ut patet in conuersione, per contrapositionem, quæ fit ex negatiua in affirmatiuam infinitatis terminis.

SOLVUNTUR OBIECTIONES.

Primo obijciat: Negatio non solum materialiter, sed etiam significatiuè, & per suum conceptum ultimum debet intrare nomen, quod infinitat, ergo mediante diuerso conceptu ab eo, quem infinitat, atque adeo nomen infinitum subordinatur duplici conceptui, quod est esse complexum. Antecedens patet, quia vis negationis ad infinitandum nomen, fundatur in ipsa negatione significata, non autem in materiali sono illius vocis *non*, negatio enim, si non significatur, nihil tollit aut negat; ergo non materialiter, sed significatiuè, & per suum conceptum ultimum intrat negatio in infinitatione nominis.

Respond. Quod in nomine infinito, sicut in alijs compositæ figuræ, & est deriuatio vnius nominis ab alio, & est compositio: si attendamus ad deriuationem certum est, quod
ex

ex significatione vnius deriuatur significatio alterius, sicut in ethimologijs nominum, vnum nomen solet originari ex significatione, vel significationibus aliorum, quod tamen non sufficit ad rationem complexi, vt de se patet; respectu verò compositionis nominis infiniti materialiter se habet illa vox *non*, & nomen adiunctum; & tamen illa infinitatio, qua impeditur significatio positiua nominis, fit à significatione illius vocis negatiuæ, quasi deriuatiuè, & efficienter, non quasi compositiuè, quia infinitatio non est quomodocumque negatio, sed negatio mutans, & impediens significationem nominis, & significatio illa, quæ resultat ex tali impedimento, & infinitatione, cadit super vtramque vocem, tanquam super vnum terminum compositæ figuræ, vnde illa vox *non*, infinitando nomen, per accidens suam significationem destruit.

Secundo Obijcies: Nomen infinitum est verè terminus, quia non amittit, sed mutat significationem, & similiter est extremum propositionis, vt patet in hac, lapis est non homo, ergo habet rationem nominis. Consequentia prob. quia nihil amplius exigitur ad rationem nominis, & D. Thom. 1. Periherm. lect. 1. dicit quod omnis propositio debet constare nomine, & verbo ad minus, quia istæ sunt principales partes eius, ergo si ex verbo, & nomine infinito fit verè propositio, nomen infinitum verè est nomen.

Et confirmat. Quia si aliquod verbum vere copularet extrema in propositione, verè esset verbum, ergo si aliquod nomen vere est extremum copulabile, verè est nomen: sicut enim

238 *Quest. II. de Nomine.*

enim verbum est copulans, ita nomen est copulabile: in hoc enim se habent relatiuè verbum, & nomen.

Respond: negando consequentiam: & ad probationem Dicitur, quod ad rationem nominis sufficit, quod sit extremum propositionis, quando per se, & quasi intrinsecè id habet, non quando per accidens, quia induit quasi statum, & proprietatem nominis: possunt enim multa poni in propositione vt extrema, non quia sunt nomina, sed quia tenentur in vi nominis, vt docet S. Thom. 1. Periherm. lect. 5. & Opusculo 48. cap. de Verbo. vt si dicas, currere est moueri: imò, & aduerbia possunt sic teneri, vt in hac propositione, heri non est hodie, velociter non est tardè, accipiunt enim ex accomodatione intelligentis quandam acceptionem nominis, non ex proprietate significationis, & sic accepta in vi nominis possunt construere orationem, vel propositionem per accidens, non per se.

Ad confirmat. dicitur: Quod si verbum copulat per se, & ex proprietate significationis, verè est verbum: si autem ex accomodatione, aut extrinseca deriuatione, non est per se verbum, sicut casus verbi excluduntur à verbo, licet in propositione copulent, quia deriuantur, & cadunt à verbo, quod copulant.

Vel secundò dicitur: Quod in verbo non est aliud exercitium, nisi significare copulando, quando est intra propositionem, vnde si id habet, est verbum; at vero nomen, non solum habet hoc officium, quod est copulabile, & vnibile, sed etiam quod sit notans, & designans, & quasi notamen rei, sine quo non
habet

habet verum officium nominis, & idè licet sit copulabile in propositione, quia tenetur in vi nominis: non tamen est nomen, quia non est notamen.

Ultimò arguitur. Nomen infinitum ex parte significati formalis significat aliquid certum, & determinatum, licet ex parte sui materialis, & connotati indeterminatè significet, ergo simpliciter est nomen, vnumquodque enim iudicandum est ex ratione sui significati formalis, quod est principale, non ratione sui connotati. Antecedens videtur certum, quia non homo v. gr. significat negationem determinatam, scilicet, hominis, & non equi, sicut cæcum significat negationem visus, & non auditus; & non tamen cæcum verè, & propriè est nomen, imò in hac acceptance, etiam nomina transcendentia, aut supertranscendentia, vt *intelligibile, imaginabile &c.* significant aliquid indeterminatum, quia dicuntur tam de eo quod est, quàm quod non est, tam de ente reali, quàm rationis, & tamen sunt verè nomina, ergo, &c.

Et Confirmatur, Quia ista nomina transcendentia, aut supertranscendentia possunt infinitari apponendo illis negationem; & tamen manent verè nomina, ergo & alia. Minor. prob. in hoc nomine, *non ens*, quia sic infinitatum, vel significat aliquid, vel nihil, si nihil, ergo non significat, atque adè nec erit nomen, nec terminus, sed depositum a sua significatione; si autem significat aliquid, ergo significat ens, & sic non ens significabit ens, quod est contradictorium.

Respond. Quod infinitatio nominis consistit

240 *Quæst. II. De Nomine.*

sistit in hoc, quod sit indeterminatum ex modo significandi, non ex parte rei significatæ & iste modus tenet se ex parte formalis significati, quia significat ipsam negationem formæ, non significando quid sit ipsa negatio, sed quid non sit forma; non autem iudicatur aliquid esse nomen solum ratione rei significatæ, sed etiam ratione modi, quo significatur, sicut alio modo significat verbum, alio modo nomen, licet circa eandem rem versentur, ut *cutro*, & *cursus*; sic quia nomen infinitum non significat modo determinato quasi notando, & designando, non est nomen, quod secus contingit in hoc nomine *cæcum*, & alijs similibus, quæ significant ipsam negationem formæ; non autem quid non sit forma: Nomina autem transcendencia significant aliquid determinatum ex parte modi significandi, licet ex parte rei significatæ, sit indeterminatum, & communissimum, significat enim quid sit ille conceptus communissimus, non verò quid non sit.

Ad confirmat. Respondet. Negan. min. & ad probat. dicitur, quod illa nomina infinita significant negationem entis, non per modum determinati idest, quid sit negatio entis sed per modum indeterminatum, scilicet, quid non sit ens. *Et ad instantiam.* Quod ista negatio entis est ens, & significat aliquid, scilicet aliquid rationis. *Respondet.* quod in quantum significatur per nomen illud infinitatum, solum præcisè significat negationem entis modo illo indeterminato, licet per reflexam cognitionem possit illamet negatio ad modum entis cognosci, sed hoc pertinebit
ad

ad aliud nomen, quod significat illum reflexum conceptum non entis ad modum entis, non ad nomen infinitatum.

ARTICULVS III.

Verum casus obliqui rectè excludantur à ratione nominis.

EX Aristotele constat in 1. Periherm. c. de Nomine, & de Verbo, tanquam certum casus obliquos excludi à ratione nominis, quia non significant directè, & per se nominando, quod requiritur ad rationem, & officium nominis; tunc enim significatur aliquid nominando, quando significatur per modum quid, sic enim significatur quasi per se stans, quod distinguit rationem nominis à ratione verbi, quod significat quasi per modum fluentis, non per se stantis; quando verò significatur pro modum cuius, vel cui, non significatur per modum quid est in se, sed ut est alterius, in quo deficit, & cadit à modo substantiæ, & per se stans, quod pertinet ad rationem nominis. Cuius signum affert Aristot. Cap. de Nomine, & D. Thom. ibi lect. 4. in fine, quia casus obliqui non per se solos sufficiunt constituere verum, vel falsum cum verbo est, sicut nominatiuus.

Non potest autem casus obliquus excludi à ratione nominis per illam particulam; Cuius nulla pars &c. Quia casus obliquus inquantum talis, non est complexus, sed sequitur rationem sui recti, si enim rectus est complexus, vel incomplexus, etiam, & obliquus, modus autem significandi ut cuius, vel cui, non duplicat concep-

242 *Quest. II. de Nomine.*

tum, nec facit complexum, sed eidem conceptui modum apponi, alioquin etiam nominatiuus esset complexus, quia significat per modum quid, sicut obliquus per modum cuius.

Si autem inquiras ; Cur prius definiuerit Aristoteles nomen sine illis particulis *finita , & recta ,* & postea illas addiderit ad excludenda nomina infinita, & obliqua ? Respondet Sanctus Thomas 1. Periherm. lect. 5. Quod Arist. non tradidit prius, nisi rationes communes nominis, & verbi; non autem omnibus numeris absolutas, etiam secundum speciales condiciones, quas postmodum addidit his particulis adiectis, incepit enim definitionem per magis communia, & postea consumauit magis exprimendo quæ requiruntur ad rationem nominis simpliciter.

Dubium tamen est satis controuersum, an obliquus, & rectus habeant conceptus eiusdem rationis, & speciei in intellectu, quam difficultatem non possumus in præsentia latè expendere, quia plurima inuoluit ad Metaphysicam pertinentia.

Sed Breuiter dico : In hac parte duo dicta S. Thom. inueniri, vt eus sententiam venari possimus ; *Primum est*, quod ex parte rei significatæ rectus, & obliquus idem significant, & consequenter habent eundem conceptum, quasi categorematicè, & logicè, ita quod si rectus est absolutus, aut connotatiuus, aut communis, aut vniuocus, &c. etiam, & obliquus ; istæ enim sunt differentię quasi categorematicæ, & logicæ. Ita sumitur ex D. Th. 1. Periherm. lect. 4. in fine : vbi dicit ex Philosopho : *Quod ratio, quam significat nomen est*

est eadem etiam in casibus nominis, ergo ex parte rationis, seu rei significatæ idem habent rectus, & obliquus.

Secundum dictum est in quodlibet 4. art. 17: ubi inquit S. D. Quod cum diversitate vocis potest esse diversitas intellectuum, siue propter diversitatem rei intellectæ, siue propter diversitatem modi intelligendi, & hoc contingit quando-cunque est diversitas conſignificationis, quæ conſequetur diuerſum modum intelligendi unam, & eadem em, & præcipue hoc apparet in tempore, quod per ſe commiſcetur operationi intellectus humani, & ideo dicendum est, quod non est idem enunciabile, Socratem ſedere, & Socratem ſediſſe, ubi S. Thom. aperte fatetur, quod diuerſificatio temporis in verbo poſtulat diuerſos conceptus, conſtat autem caſus obliquos verbi fieri per diuerſam temporis declinationem, ut dicit Philoſophus 1. Periherm. capit. de Verbo, & ibi D. Tho. lect. 5. Eadem ergo vi debeur eſſe ratio de caſibus obliquis nominis, unde S. Thom. citato Quodlibeto ſubdit ſolutione ad 3. Quod diuerſitas ſignificationis tollit nominis identitatem, in tantum, quia obliqui ſecundum Philoſophum non ſunt nomina.

Quare ſecundum D. Thomam, dicendum est; quod caſus obliqui habent diuerſum conceptum à recto, non ratione diuerſæ rei conceptæ, ſed ratione diuerſi modi concipiendi viam, & eandem rem; non enim poteſt unico, & eodem conceptu repræſentari una res in recto, & in obliquo, eo quod in obliquo exprimitur alicuius reſpectus, & habitudo, quæ non explicatur in recto, ſcilicet habitudo poſſeſſionis, aut quaſi poſſeſſionis ſi-

244 *Quest. II. de Nomine.*

gnificatur enim tamquam cuius, non tamquam quid; ubi autem diuersa habitudo, & respectus exprimitur, diuersus conceptus est, & diuersa representatio, eo quod istæ respectus pertinet ad diuersum modum intelligendi, & significandi vnā, & eandem rem, licet enim ex parte rei significatæ non varietur conceptus, variatur tamen in ratione, & officio nominis, obliquando à modo significandi in quid ad modum significandi in cuius, & propterea dixit S. Thom. quod tollitur nominis identitas, scilicet in ratione, & modo nominandi, & hoc in casibus verbi manifestius est, quia variantur penes significationem diuersi temporis præteriti, vel futuri, quæ sine dubio diuersam postulant representationem.

Sed supersunt duo argumenta. Primum est quia multi modi, qui diuersam habitudinem, & respectum exprimunt, solum ponunt diuersum exercitium in conceptu, non verò diuersam representationem, ergo similiter casus obliqui. Antecedens constat multis exemplis: nam idem conceptus potest modo esse prædicatum modo subiectum, & habere hanc, vel illam suppositionem, & mutari de vero in falsum sine intrinseca varietate representationis, & idem est de intuitiuo, & absq. actu in sententia valde probabili, quod non sunt differentię essentielles notitiæ.

Secundum argumentum est. Quia si iste modus obliquitatis sufficit ad variandam intrinsecam representationem conceptus, non possumus euadere, quin rectus, & obliquus differant cathegorematicè, quod nos negamus. Sequela probat. nam in primis nomina
infi-

infinita differunt cathegorematicè à finitis, ergo à fortiori casus obliqui à rectis, nam cuius obliqui magis distant à ratione cathegorematica, idest, prædicati, vel subiecti, quam nomina infinita. Secundo: Quia omnis variatio cathegorematica est solum penes diuersum modum exprimendi vnā, & eandem rem, sicut nomen, & verbum possunt significare eandem rem, vt curro, & cursus, sed quia vnum est per modum fluentis, aliud per modum per se stantis, vnum est nomen, & aliud verbum: Similiter album, & albedo significant idem, & solum differunt ex parte connotati, seu substituti, & hoc sufficit ad diuersitatem cathegorematicam: Cur ergo modus significandi, vt quid, & vt cuius non sufficient, cum etiam diuersam connotationem, & quasi adiacentiam dicat ly *cuius* in obliquo, quod denotat possessionem, & ly *quid* in recto.

Ad primum Respondet. neg. conseq. & assignatur differentia, quod aliqui modi conueniunt conceptui ex ipsa ratione representandi, vel consignificandi; aliqui verò conueniunt ex aliqua extrinseca comparatione, siue applicatione intellectus concipientis, vel obiecti cogniti; & modi primi generis postulant diuersam representationem, secundi verò generis non; vnde D. Thom. diuersitatem obliqui à recto, non reduxit ad diuersum modum applicandi conceptus, sed ad diuersum modum ortum ex diuerso modo intelligendi vnā, & eandem rem: sic ergo dicimus, quod habitudo prædicati, & subiecti in conceptibus, & diuersitas suppositionis, & similia, non oriuntur ex modo intelligendi, aut represen-

randi r m, sed ex applicatione, & usu intellectus quatenus intelligendo habitudinem vnius ad aliud, diuerso modo applicat, & coniungit vnum alteri: similiter veritas, & falsitas nascitur ex eo, quod res sit, vel non sit, vnde existente, veritas confurgit in oratione, & non existente, confurgit falsitas, ipsa oratione inuariata, vt dicit Philosophus Capitulo de Substantia, eo quod non oportet variari representationem, sed existentiam obiecti, vt diuersa relatio conformitatis, vel diffinitatis ad illud resultet, & eodem modo ex eo, quod res ponatur præsens, vel absens quantum ad coexistentiam durationis notitiæ, vel non coexistentiam, variatur ratio intuitui, & abstractiui, eadem formali representatione manente, secundum illam opinionem; Caterum diuersitas temporis præteriti, vel futuri in verbo, aut diuersitas consignificationis in casibus nominis pertinent ad diuersum modum intelligendi vnam, & eandem rem, vt dicit S. Thomas Quodlibeto citato; intelligitur enim aliquid in recto, vt persona, vel res agens: in obliquo, vt patiens, vel vt connotans esse alterius, aut quid simile, quæ sunt diuersæ modificationes representationis, & obiecti representati: itaque ipsa habitudo personæ agentis, possidentis, aut patientis, à quo vel cui, &c. non significantur, vt res quædam, sed vt modus rei, quæ modo significatur vt à quo, modo vt ad quem, modo, vt quid, & sic sub illo diuerso modo explicandi producit conceptus, atque adeo non est sola applicatio, sed explicatio diuersa conceptus.

Ad Secundum. Neg. sequel. Quia ut terminus sit diuersus cathegorematicè, oportet quod sit diuersus modus, quasi ex parte rei significatæ, & non solum ex parte significationis, & modi intelligendi. Et ad primam probat. Dicitur quod nomina infinita transferant nomen in aliam rem significatam, scilicet in negationem sui positiui, & ita differunt cathegorematicè ex parte rei significatæ. Obliqui autem retinent eandem rem significatam, & solum obliquant modum, & habitudinem intelligendi illam, & ideo non differunt cathegorematicè à suo recto: Quod autem sint minus apta ad rationem prædicati, vel subiecti, quam nomina infinita, non est propter diuersitatem rei significatæ, sed propter defectum, & obliquitatem à modo requisito ad prædicationem, scilicet ut significetur per modum quid, seu tanquam id, quod prædicatur, vel subiicitur, nomen autem infinitum, licet variet rem significatam de positiuo in negatiuum, id tamen significat sicut quid, non sicut cuius.

Ad secundam probationem dicitur, Quod differentia cathegoramatica est penes diuersum modum significandi rei ipsi significatæ attributum, & conuenientem, sicut habere se per modum adiacentis, vel per se stantis, ut commune, vel ut particulare, ut res absoluta à connotatione, vel non absoluta, & simillia, quæ ipsam rem significatam quasi modificant: at verò casus obliqui solum sunt diuersi modi consignificationis, pertinentque ad deficientiam quandam ipsius nominis, ut nomen est inquantum nomen tali modo si-

ARTICVLVS I.

*Quid sit significare cum tempore, & absoluti
à tempore.*

DVO supponenda sunt, Primum est, quod
vrbum non solum adiectiuum, sed
etiam substantiuum habet diuersum concep-
tum ab extremis, quod de adiectiuo omnes
concedunt; de substantiuo verò negant Aliqui
Recentiores dicentes, quod verbum, *est*, quod
ponitur, vt connexio in enunciationibus, non
habet in mente peculiarem conceptum, sed
tantum explicat conuenientiam suorum extre-
morum.

Contrarium sentit S. Thom. Nam, in 1. Pe-
riherm. lectio 5. in fine inquit, Quod ideo
Aristot. dixit, quod hoc verbum *est* consigni-
ficat compositionem, quia non eam principa-
liter significat, sed ex consequenti, significat
enim illud, quod primò cadit in intellectu
per modum actualitatis absolutæ, nam *ly est*,
simpliciter dictum significat actu esse; quia
vero actualitas, quam principaliter significat
hoc verbum *est*, est communiter actualitas
omnis formæ, vel substantialis, vel acciden-
talis, inde est, quod cum volumus significa-
re quancumque formam inesse alicui subie-
cto, id significamus per verbum *est*, & sic ex
consequenti significat compositionem. Et in
1. distinct. 8. q. 2. art. 3. ad 2. dicit quod *ly fuit*
& erit significans essentiam per modum actus,
& consignificans tempus: assignat ergo Diuus
Tho. proprium conceptum verbi *est*, vñtionem

autem, seu compositionem dicit significare ex consequenti, pertinet enim ad modum significandi verbi, non ad rem significatam. Et certè non stat quod participium, verbi *est*. scilicet, ens, habeat proprium conceptum, quo significat entitatem, vt sic, & verbum *est*, à quo illud deriuatur, vt habeat proprium conceptum.

Secundò suppono ex D. Thom. 1. Periher. lect. 4. quod aliud est significare tempus, aliud significare cum tempore, aliud significare habitudinem temporis mensurantis, siue connotare tempus: Nam significare ipsum tempus tanquam rem significatam, fit per nomen, non per verbum, sicut hoc nomen, tempus, dies, annus, &c. significant tempus, & non sunt verba: Significare vero cum tempore, & significare aliquid prout subijcitur tempori, & quia substantia secundum se, & ex modo substantiæ, non mensuratur tempore, sed solum prout subest motui, & mutationi, quia motus est, quod primò, & per se mensuratur tempore, & ratione cuius cætera mensurantur tempore, inde est, quod verbum, quia significat per modum fluxus, & motus, significat cum tempore, nomen autem, quia modo substantiæ, & per se stantis, significat sine tempore. Denique significare habitudinem temporis, vel connotare tempus, est significare respectum vnius temporis ad aliud, vel rem aliquam cum determinatione alicuius temporis: v. g. heri, hodie, cras, significant habitudinem temporis præteriti, vel futuri, & similiter prandium, cœna, & similia, aliquam determinatam partem temporis connotant,

notant, in qua illæ actiones solent fieri.

His positis Dico: Significare cum tempore esse ita intrinsecum, & essentielle verbo, ut nunquam ab eo possit absolui, dicitur tamen in aliquibus propositionibus absolui à tempore, & non à significatione cum tempore, quia vnit extrema independenter à tempore, & tamen hoc ipsum significat per modum temporis. Igitur quod verbum à tempore absoluat, est communis Authorum sententia, imò communis omnium conceptio, quando formant propositiones necessarias, quas vocant æternæ veritatis, non quia veritas obiectiua positivam æternitatem, & durationem habeat, sed quia à tempore non dependet, nec fundatur in eo, aut per illud mutatur, si necessaria est; *perirent enim vero, non periret veritas*, ut ex Augustino inquit D. Thom. in 1. dist. 19. quæst. 9. art. 3. Quare verbum absolui à tempore nihil aliud est, quàm veritatem ipsam absolui à tempore, veritas enim significatur per verbum, inquantum vnit extrema in propositione, vnde si veritas est independens à tempore, etiam unio extremorum à tempore non dependet, & consequenter verbum inquantum vnit, non dependet à tempore quod est absolui ab illo, quo ad exercitium uniendo, & copulandi extrema, quæ habent connexionem intrinsecam, non contingentem, & temporalem, quæ à tempore dependeat. At verò significare cum tempore convenit verbo etiam extra propositionem ex vi suæ propriæ significationis, sicut nomini significare sine tempore. Absolui ergo à tempore est unionem verbi, non significationem

Verbi absolui à tempore.

Vnde patet quod absolui à tempore, nec est mutare mensuram temporis ex parte modi significandi, nec vnire in ordine ad omne tempus, siue durationem, aut nullo modo vnire per modum temporis, sicut Aliqui diuersimodè senserunt, sed verbum, immutato modo significandi cum tempore, quod sibi intrinsicum est, non explicare vnionem extremorum, vt dependentem à tempore.

Quid sit autem significare cum tempore, quæ est prima pars conclusionis, *Resp.* ex D. Th. 1. Periher. lect. 4. Quod nihil est aliud, quàm significare sub illa ratione, & modo, quo aliquid subijcitur tempori, subijcitur autem tempori ratione motus, seu mutationis, omnis autem actio per modum motus significatur, & hoc est significare cum tempore in verbo, quia significat rem aliquam sub actuali tendentia, v l applicatione, aut communicatione, & sic dicitur significare per modum actionis, seu fluxus, atque adeo sub mensura temporis. Et quia ea, quæ sunt æterna, & independentia à tempore, etiam per modum temporis intelliguntur à nobis, ideo etiam quando vnio, seu copulatio verbi absoluitur à tempore ex parte extremorum super quæ cadit, adhuc intelligitur à nobis ad modum temporis, & ideo significat cum tempore quantum ad modum significandi, licet absoluiatur à tempore, quantum ad vnionem, & habitudinem extremorum.

SOLVUNTUR OBJECTIONES.

Primò obijcitur : Multa verba non significant per modum motus, & fluxus, ergo non significant cum tempore. Anteced. prob. nam verbum, *est* non significat actionem, se esse secundum conceptum analogum communem ad essentialiale, & accidentale, sicut ipsum ens quod est eius participium: similiter hoc verbum *habeo*, *possideo*, *quiesco*, & similia non significant motum aliquem, vel actionem, sed oppositum actionis, & motus, ergo non significant per modum motus, & actionis.

Respond. Quod aliud est significare motum vel actionem, aliud per modum motus, non omnia verba significant motum, & actionem ex parte rei significatæ, omnia tamen significant per modum motus, idest per modum transeuntis, & secundum habitudinem præsentis, præteriti, vel futuri, & sic significant rem, vt subest præsentiae, quæ intelligitur habere transitum ad præteritum, & futurum, vnde verbum *est*, significat actum essendi, non operandi, & significat illud vt subest præsentiae, & transit ad præteritum: existentia enim in creaturis est terminus actionis, vnde induere potest modum actionis, & transeuntis in significando. Et idem est de quiescere, & possidere, &c. Quæ significari possunt per modum transeuntis, quia motu acquiruntur, atque adeò, vt mensurantur tempore.

Secundò obijcies: Significatio verbi nunquam mutatur etiam si absoluat à tempore, sed significat ipsam copulam, & actionem, ergo
vno

vnio nunquam mutatur, sed vel semper dependet à tempore, vel si non dependet, mutatur significatio.

Confirmatur : Quia ex vi significationis verbi, verbum necessario vnit mediante aliqua differentia temporis, vel de præsenti, vel de præterito, &c. Ergo extrema prout subsunt, & vniuntur verbo, non possunt non mensurari ipso tempore, & restringi ad talem differentiam temporis, siquidem per illam solum, & secundum exigentiam illius vniuntur.

Secundo confirmatur. Quia si verbum abstrahit a tempore, sequitur quod extrema non supponant, atque adeò si fiat propositio affirmatiua, erit de subiecto non supponente, quod est esse falsam. Seq. prob. Quia suppositio debet verificari in ordine ad copulam, vt si dicas, homo est animal, debet verificari de homine, dicendo, hoc est homo (demonstrato homine) sed si abstrahit ab omni tempore, non potest demonstrari, quod hoc est homo, vt patet antequam homo crearetur, ergo suppositio non verificatur.

Respond. Copulam seu vnionem non significari immediate, & directè à verbo, sed ex consequenti, vt ex S. Thom. 1. Periher. lect. 5. in fine, supra diximus. Significat autem directè actionem aliquam, vel actualitatem sub modo fluentis, & transeuntis, qui modus, cum sit applicatiuus, ex vi illius resultat, & consequitur vnio, seu applicatio extremorum. Et quia, vt ibi dicit D. Thom. non potest intelligi compositio sine extremis componentibus, ideo vnio seu copula, quæ resultat, est

dependens ab extremis , & secundum connexionem extremorum sic resultat , vel vt dependens à tempore , vel vt absoluta a tempore .

Ad primam confirm. respond. Quod verbum quando absoluitur à tempore , etiam vnit mediante aliqua differentia temporis ex parte modi significandi , sed independenter à tempore ex parte vnionis consequutæ in extremis , & ex parte ipsius vnitæ .

Ad secund. confirm. dicitur. Quod in illis propositionibus extrema supponunt naturaliter , & talis suppositionis verificatio fit iuxta exigentiam verbi , non demonstrando subiectum existens , sed secundum se in intellectu , ita vt quando dico , hoc est homo , ly *hoc* non demonstret indiuiduum existens in tempore , sed essentiam hominis prout potest inueniri in omnibus indiuiduis , hæc enim est suppositio naturalis .

Ultimo arguit. Verbum *fuit*, & *erit* significant idem quod verbum , *est* , cum sint casus obliqui ipsius , & tamen non possunt absolui à tempore ; alioquin ista propositio , Adam fuit homo , esset æternæ veritatis , quæ tamen falsa redditur pro illo tempore , antequam esset creatus Adam , ego etiam verbum *est* , significat dependentèr à tempore ; nec potest duas actualitates significare , alioquin esset verbum æquiuocum non significans vnā tantum actualitatem . *Respond.* Quod hoc ipso quod ly *fuit* , & *erit* , sunt casus verbi , & cadunt à significatione verbi præsentis , impossibilitantur ad abstrahendum a tempore , quia restringunt suam significationem ad rationem præ-

256 *Quaest. III. de Verbo.*

præteriti, vel futuri tantum, quæ non est capax abstrahendi à tempore, sicut ratio præsentis, nam id quod præsens est, potest significari ut non transiens, sed semper præsens, qualia sunt 2, quæ non dependent à tempore: præteritum autem ex parte rei significatæ essentialiter importat ipsum transitum, & successionem temporis, vnde vni ex illa consequuta semper est dependens à tempore; sunt autem multa verba, quæ non possunt à tempore absolui, ut *existere*, *moueri*, &c. Et similiter *ly fuit*, & *ly erit*.

Vel secundo, Dicitur potest quod etiam absoluuntur à tempore *ly fuit*, & *ly erit*, de quo Diu, Thomas in 1. distinct. 8. quæst. 2. art. 3. siquidem aliquando attribuuntur Deo, ut cum dicitur, quod fuit ab initio: *Verbum erat apud Deum: Deus erit in æternum*, &c. Tunc dicendum est, quod illa propositio, Adam fuit homo, etiam antequam crearetur Adam, verè erat, sumendo *ly fuit*, non pro eo quod est extitisse, sed pro eo quod est connexa fuisse illa duo extrema: Verbum autem est, non significat duas actualitates, sed actualitatem essendi in communi sicut participium suum, scilicet *ly ens*, vnde ex adiunctis extremis communis illa, & indifferens significatio actualitas determinatur, & restringitur ad unionem actualitatis essentialis, vel accidentalis, ut sumitur ex D. Thom. 1. Perih. lect. 5. in fine. Argumenta alia, quæ possunt fieri circa æternitatem propositionis necessariz, omitimus in præsentia, quia ad Metaph. pertinent, nec in præsentia disputamus quomodo illæ propositiones sunt æternæ veritatis, sed id modo

mōdo supponimus ; disputamus autem ;
quomodo in illis verbum absoluitur à tem-
pore :

A R T I C V L V S II.

*Verbum verbum possit infinitari intra
propositionem .*

Sensus difficultatis non procedit de Verbo ;
quando tenetur in vi uominis, sic enim
manifestum est, quod potest infinitari etiam
intra propositionem, sicut alia nomina, ut
cum dico, currere est non quiescere : Sed pro-
cedit de ipso verbo, quando exercet rationem
copulæ : & adhuc non est difficultas de ipsa
negatione, quando ita affigitur verbo, quod
fertur non solum in eius significatum, sed
etiam in ipsam rationem copulæ, tunc enim
manifestum est, quod negatio tenetur ne-
ganter, & non infinitanter, reddit enim
propositionem negatiuam hoc ipso, quod
fertur in copulationem, siquidem impos-
sibile est negare copulam, quin extrema
maneant remota, & disiuncta : Quomo-
do enim negata copulatione, possent ma-
nere extrema copulata ? hoc autem ipso,
quod negatio transit ad extrema disiungen-
da, & remouenda, propositio redditur ne-
gatiua, & negatio non se habet infinitan-
ter, nam negatio infinitans consumit totam
suam vim intra terminum, cui affigitur, ita
quod ad alium terminum non transit, ut
patet in propositionibus de subiecto infinita-

to, ut cum dico, Non homo est non rationale, ubi prima negatio non transit ultra suum terminum, alioquin negaret verbum, & non esset propositio affirmativa. Quare tota difficultas consistit in hoc puncto: Vtrum negatio possit ita subtiliter affigi verbo intra propositionem, ut infinitet significationem eius, & non afficiat, nec neget copulam.

In hac difficultate, Aliqui Recentiorum tenent partem affirmativam. Sed evidenter tenet oppositam. S. Th. 2. Perih. lect. 1. ubi inquit Negatio afficiens verbum intra propositionem remouet verbum ab aliquo, & sic facit enunciationem negatiuam, quod non accidit ex parte nominis, non enim enuntiatio redditur negatiua, nisi per hoc, quod negatur compositio, quae importatur in verbo, & ideo verbum infinitum positum in enuntiatione, fit verbum negatiuum.

Et potest haec ratio sic amplius explicari, Quia negatio hoc ipso quod apponitur verbo excurrenti copulam intra propositionem, non potest non afficere ipsam unionem, & transire in extrema copulata, hoc autem est non infinitan ei, sed neganter teneri, ergo Maior constat, quia si negatio affixa verbo infinitat ipsum quo ad significatum, & non tangit quo ad copulam, vel est quia infinitat significatum, & copulam negat, vel ita infinitat verbum in significato, quod non negat copulam, sed illam relinquit affirmatam; Primum esse non potest, quia unica negatio non potest simul neganter teneri quo ad copulam, & infinitanter quo ad significatum, quia ut infinitet, facit vnum conceptum incomplexum cum termino infinito, ut neget, debet habere conceptum distinctum, & com-

complexum cum re negata, ut quæstione præcedenti ostensum est: non potest autem unica negatio simul pertinere ad conceptum complexum, & incomplexum respectu eiusdem rei. Secundum etiam non potest esse, Quia posita infinitatione in significato verbi, vni consecuta non potest esse positiua, & affirmatiua, quia verbum infinitum non importat modum actionis, affirmatum, sed negatum, & sublatum, ipsa enim negatione infinitante mutatur actio verbi significata in suum oppositum negatum, ergo ex vi talis actionis negatæ non potest sequi copula affirmata, licet enim negatio significari possit, & vni positiuè, ut in verbis significantibus negationem, tamen negatio infinitans hoc non permittit, quia non significat negationem ratione sui, & ut formam applicabilem alteri, sed ut remouet, & indeterminat formam positiuam: quare si applicatur alicui, significat ut remouens ab illo, non ut applicans negationem, quia ipsam remouendo significat. Vnde tenet ratio S. Tho. Quod quia in propositione negatio verbi remouet vnum ab alio, non potest infinitari verbum. Extra pro-

positionem autem, cum non teneatur in vi copulantis, infinitari potest:

quod etiam docet Diuus

Thom. 1. Periherm. lect.

**5. 6. Excludit
quædam.**

SOLVUNTUR OBJECTIONES.

Objicies primò . Verba infinitata significant cum tempore etiam intra propositionem , ergo significant vniendo . Consequenter quia vno verbi fundatur in ipso modo significandi cum tempore . Anteced. autem asseritur à Philosopho Cap. de Verbo, & prob. quia verba infinita declinantur per præteritum, & futurum, sicut enim infinitantur, non valet, aut non currit, de præsentī, ita non valuit, aut non valebit, de præterito, & futuro .

Confirmatur. Nam ista consequentia bene valet , Petrus habet non currere (infinitanter sumpto) ergo Petrus non currit, sed si in consequentia stat neganter, & non infinitanter, illa consequentia est mala, argumentamur enim à non distributo ad distributum, & instatur casu, quo Petrus currat, & disputet; tunc enim antecedens est verum, scilicet, habet non currere, idest, disputare, consequens autem, ergo non currit, est falsum sumpto ly non neganter, quia contradictoria eius est vera, scilicet, Petrus currit, ergo debet sumi infinitanter in consequenti, & sic verbum in propositione infinitatur .

Respondetur distinguendo antecedens principalis argumenti significat cum tempore remouendo, & tollendo formam, quam reddit negatam, & indeterminatam; concedo, ponendo aliquam formam determinatam, nego. Et sic dicitur ad consequentiam, quod non vnit positivè, sed remotivè, quod est efficere propositionem negatiuam, ad affirmatiuam
enim

enim requiritur, quod determinatè vniat, seu aliquid applicet, non autem remouendo tollat significatum verbo, quia sic etiam remouebit à subiecto si ei applicetur, quod est negare, non infinitari. Quando autem Philosophus dixit. Cap. de verbo, quod *verbum infinitum consignificat tempus, & semper de aliquo est*, id est (vt explicat D. Thom. ibi) *est nota eorum, quæ prædicantur*, non est sensus, quod significet tempus, vel sit nota eorum, quæ prædicantur positiuè, & determinatè; applicando, & vniendo, sed indeterminando, & remouendo, & hoc per omnes declinationes fieri potest extra propositionem, intra autem solum negando.

Ad confirm. Respond. Illam consequentiam esse nullam, vt argumentum ostendit, & sic nihil contra eos. Quòd si in antecedente ly *non currere*, sumatur neganter, consequentia est bona, sed nihil probat, quia non infinitatur verbum.

Secundò obijcies. Philosophus in 1. Poster. lect. 23. apud D. Thom. facit hanc consequentiam: *Stellæ non scintillantes sunt propè nos, sed Planetæ non scintillant, ergo sunt propè nos*: sed in hoc syllogismo minor non potest esse de verbo negato, ergo est de verbo infinitato. Minor constat, quia si teneretur neganter, esset præmissa negatiua, & consequenter inferret conclusionem negatiuam, non affirmatiuam.

Respond. Philosophum non formare sic illum syllogismum, sed sicut explicat ibi D. Thom. dum dicit: *Formetur ergo syllogismus sic, Omne non scintillans est propè, Planeta sunt non scien-*

*scintillantes, ergo sunt propè; ubi in utraque præmissa, non scintillare, sumitur infinitant. r, atque adeò quando in argumento dicitur *Planeta non scintillans*, intelligitur æquivalenter, idest, sunt stellæ, quæ non scintillant, vel sunt non scintillantes.*

Ultimò arguitur. Verbum obliquum etiam in vi verbi, & nomen infinitum reperiuntur intra propositionem, ergo etiam verbum infinitum in vi verbi. Consequant. probat. tum à paritate rationis, tum quia verbum infinitum componit propositionem, est enim verè terminus, & non per modum nominis, quia significat cum tempore, ergo per modum verbi.

Respond. Esse magnum discrimen inter verbum obliquum, & infinitum, ut dicit Sanctus Thomas 2. Periherm. lectione prima quia verbum obliquum solum cadit à verbo, quantum ad significationem temporis præsentis, quod simpliciter est tempus, non tamen quo ad indeterminationem actionis, sicut infinitum, & idè illud potest copulare saltem de p æterito, & futuro: non verò hoc, quia licet directe feratur infinitatio in significatum verbi, tamen ex consequenti impeditur copulatio posita, & determinata, quæ fundatur in significatione actionis determinatæ, ut dictum est, nomen verò infinitum ingreditur propositionem, tanquam prædicatum, & subiectum, quæ ratione etiam verbum infinitum ingredi potest, & componere propositionem in vi nominis sed non copulando positivè, & non negativè; intelligitur autem esse in vi nominis, non quia

Articulus I. 263

quia mutet significationem, non significans
deum cum tempore, sed quia mutat acceptio-
nem, quia accipitur ut prædicatum, vel sub-
iectum, quod etiam habet locum in verbo
non infinitato, ut cum dicimus, currere est
moueri.



QVÆSTIO IV.

De Oratione, & Modo sciendi.

ARTICVLVS I.

*Verum sit bona definitio Orationis: & quod sit
eius definitum.*

Definitionem ab Aristotele traditam
non omnes acceptant, sed reijciunt
ex eo, quod videtur coincidere cum
terminis complexis, siue compositis
figuræ, illi enim habent partes se-
orsum significatiuas, atque adeò videtur eis con-
uenire tota definitio orationis, unde aliter defi-
niunt orationem, quod *Oratio sit plures dictiones,
seu termini congruè se habentes*, quasi verò hoc
enim non inueniatur in termino complexo.

Alij definitionem Aristotelis mutant, pu-
tantes, quod oratio debet constare nomine,
& verbo, aut saltem verbo, & si non nomi-
ne, & sic definiunt, quod *Oratio est vox signi-
ficativa ad placitum constans nomine, & verbo*.

FINIS

mutuò congruentibus, vel saltem verbo, & voce, si non sit significatiua.

Alij definitionem Aristotelis admittentes, circa definitum in oratione offendunt, putantes quod voci conuenit definitio orationis solum denominatiuè tanquam subiecto, seu substituto, de quo dicitur oratio. In quo vere dicunt, si sumatur vox secundum se, & absolute: addunt autem conuenire definitionem hanc essentialiter illi, quod resultat ex voce & significatione complexa, tanquam ei, quod est oratio, non quod dicitur, seu denominatur talis, procedentes in hoc sicut in definitione termini.

Alij denique admittunt etiam definitionem Aristotelis, sed dicunt formam orationis esse ipsam unionem partium grammaticalem.

Dico primò. Optima est definitio orationis tradita à Philosopho, & eodem modo est essentialis, & quidditatiua, sicut definitio termini, & nominis supra tradita. Conclusio hæc est communis Interpretum Aristotel. Et pro eius declaratione sufficit doctrinam Sancti Thomæ tradere super 1. Perih. lect. 6. ubi optimam hanc explicat definitionem. Oratio enim respicit secundam operationem intellectus, seu intellectum compositum, non simplicem, quod de se manifestum est, quia per operationem explicamus aliquid coniunctum, & compositum cum alio, sicut per terminum aliquid seorsum, & simpliciter prolatum, quare oportet quod in oratione non solum concurrant plures partes, seu dictiones per modum coacervationis, aut multiplicationis confusæ, sed per
mo-

Articulus VI. 265

modum ordinationis , & vnionis , & ne cuiuscumque vnionis , sed facientis , & componentis aliquod totum , nam etiam in termino complexo partes congruè se habent : quia tamen non componunt totum , sed partem , non est oratio terminus complexus , vt statim dicemus ; quia ergo in definitione orationis definitur quoddam artefactum compositum , & totale , valdè incongruè explicatur dicendo , quod est *plures dictiones* , (quod datur in termino) non enim res composita aptè definitur dicendo , quod est *plures partes* , sed dicendo , quod est *aliquid vnum compositum ex partibus* , seu quoddam signum totale , vel vox significatiua constans ex partibus .

Quando autem dicit Philosophus : *Cuius aliqua pars significat separata* , vt dictio , rectè obliertuat D. Thom. duo : *Primum* , quod non dixit Philosophus *Cuius pars separata significat aliquid* , sed *Cuius aliqua pars est significatiua* , propter negationes inquit S. Thom. & syncategoremata , quæ non significant aliquid , sed aliquialiter , & tamen sunt partes orationis . *Secundum est* : Quod dicit partem separatam significare , vt dictio , non vt affirmatio , quia scilicet ad orationem sufficit , quod eius pars sit simplex dictio , & non requiritur quod sit affirmatio , vel negatio , licet hoc etiam in aliqua oratione , scilicet in hypothetica possit inueniri ; debuit autem hic defini oratio , vt communis omnibus ; præterquamquod ratio partis per se solum inuenitur in dictione , seu termino , propositio autem , & si componat hypotheticam , non est pars

per se primo, sed per accidens, ut supra diximus agendo de Termino.

Ex quibus infertur non requiri ad orationem, quod constet ex nomine, & verbo, tanquam ex partibus. Quod patet etiam in ipsis orationibus perfectis, quia multae non constant nomine sed verbis infinitiuis, ut currere est moueri, sicut D. Th. docet 1. Periherm. lectio 8. Imò potest constare verbo, & adverbio, ut si dicas, velociter curritur, bene est, &c. Et in ipsis imperfectis orationibus, de quibus Sanctus Thomas lectio 6. ait, quod verè sunt orationes, licet generent sensum imperfectum, constat dari orationem imperfectam sine verbo, ut si dicam, homo iustus, quam D. Thom. dicit esse orationem 1. Periherm. lectio. 4. quia habet partes significatiuas, & generat sensum imperfectum, idest suspensum in animo audientis, ergo est oratio imperfecta sine verbo: & ex alia parte potest etiam inueniri sine nomine cum verbo, ergo non est de essentia orationis in communi, quod constet nomine, & verbo simul, vel altero illorum determinatè.

Dico secundò. Oratio imperfecta, & terminus complexus materialiter coincidunt, & solum differunt formaliter. Sunt termini complexi, qui coniungunt plures incomplexos, ut homo, albus, & dicimus quod eedem voces possunt etiam esse oratio imperfecta, sed differunt secundum diuersam formalitatem totius, & partis, etiam si pars composita sit; nam partes dupliciter possunt coniungi in aliquo vno, vno modo taliter quod in illo terminetur earum compositio tanquam

in quodam toto: alio modo, ut componant illud non sistendo in illo, sed ordinando ulterius ad totum, quod illa pars composita etiam respicit. Exemplum primi: sicut partes organicæ, ut brachium, pes, &c. ordinantur ad componendum animal, quod est totum, & ibi terminatur earum unio. Exemplum secundi: sicut partes ex quibus ipsa pars organica constituitur, v. g. ex carnibus, aut nervis, & similibus; ille partes non componunt partem organicam, tanquam quoddam totum; sed tanquam partem principalem, quæ ordinatur ad ipsum totum componendum. Unde aliter dicitur compositum ipsa pars, & aliter ipsum totum; habet enim pars composita partes, ex quibus constat, quasi materialiter, & non formaliter, id est, non sub formalitate partis ad totum, quæ formalitas consistit in hoc, quod ita coniungantur partes, ut sistant in ipso toto, neque ad aliquid ulterius ordinantur; quando autem ita componunt aliquid, quod in illo non sistitur, sed ulterius ordinantur ad totum: tunc dicitur illud habere partes, non sub illa formalitate partis; & tamen si ipsa pars organica separetur ab animali, & fiat quoddam totum, partes eius ordinabuntur ad ipsum in ratione partis formaliter, id est, sub formalitate, & relatione partis ad totum.

In præsentem ergo terminus complexus, v. g. homo albus, habet partes, non formaliter, sed materialiter, sicut pars composita, non sicut totum, quia i a adunantur illæ partes in termino complexo, quod per illum ordinantur ad aliquod totum constituendum. Idem

autem complexum, homo albus, si separetur, & sumatur per modum totius, est oratio imperfecta, sicut pars organica separata est totum, ut autem est in animali, non est totum sed pars composita: Quare terminus complexus, & oratio imperfecta solum differunt penes hanc formalitatem totius, & partis.

Dico tertio. Definitum orationis non est aliquod tertium constitutum, & resultans ex voce significatiua, & forma siue secunda intentione orationis, neque est ipsa vox significatiua secundum se, quæ solum suscipit, & est subiectum, & denominatur oratio; sed est ipsa ratio, & forma orationis in concreto. Hæc conclusio non habet aliam difficultatem, quam eam, quæ communis est omni definitioni accidentis in concreto, & supra expedita est agendo de definitione termini, vnde ibi videri potest.

Dico ultimo. Forma essentialis orationis non est unio, seu nexus partium Grammaticalis, quo partes uniuntur; Sicut qui existimant formam orationis esse istam unionem partium, sed falluntur; quia unio est quidem forma, & actus unibilium, ut unibilia sunt; non tamen est ipsa forma essentialiter constitutiua totius; sed applicatiua, & unitiua formæ essentialis ad suam materiam, seu subiectum: vnde unio inquantum unio non est forma constitutiua compositi, neque in ea potest consistere specifica, & intrinseca forma constituens aliquod totum, quia unio in suo intrinseco conceptu dicit esse medium, seu applicationem, & copulam extremorum, ergo supponit alia extrema constituentia
per

per ipsam autem tanquam per medium uniri; ergo ipsa unio non est forma essentialiter constituens, sed applicans formam constituentem.

Sed dices; Quæ est ergo forma essentialis orationis? *Respond.* Quod sicut in toto physico, & datur forma partialis, sicut anima respectu corporis, & totalis sicut humanitas respectu suppositi, ita in oratione forma partialis erit prædicatum, vel aliquid loco prædicati respectu subiecti, vel potius, (quia ut dicit D. Thom. 1. Perih. lect. 8. oportet quod una pars in oratione determinet aliam) illa quæ determinat, est forma, & si ad inuicem se determinant, ad inuicem sunt formæ in quantum determinant, & materia ut sunt determinabile, sicut in contractu mutuo matrimonij dici solet. Forma vero totalis est ipsa significatio composita, & complexa, ut induit intentionem, & respectum totius, & sic quasi relatiuè opponitur ipsi termino, qui est pars, quia sicut terminus dicit significationem per modum partis artificialis, & hæc est eius essentialis ratio, ita oratio dicit significationem complexam per modum totius, & hæc est eius essentialis forma.

SOLVUNTUR OBJECTIONES.

Objecies Primò: Definitio orationis non distinguit orationem à termino, ergo non est bona. Antecedens probatur non distinguit orationem imperfectam à termino complexo, nam etiam terminus complexus est vox significativa, cuius partes significant se.

M 3

para-

parata, & tamen sit verè terminus, & oratio imperfecta vere oratio, ergo

Respond. Ex dictis in secunda conclusione, Quod terminus complexus, & oratio imperfecta possunt materialiter coincidere, sed semper differunt formaliter, ut ibi expositum est.

Sed instabis: Nam oratio imperfecta, etià ut oratio, est pars, ergo non differt à termino complexo. Antecedens probatur. Primò, quia dicit D. Thom. 1. P. 1. h. 1. m. lect. 6. quod omnes partes orationis referuntur ad orationem perfectam, cuius pars est oratio imperfecta, quia etià ipsa habet partes significantes; ergo oratio imperfecta, non se habet, ut totum, sed ut pars. Secundò, quia oratio perfecta est totum completum in genere orationis, ergo oratio imperfecta est incompleta, & aliquid minus ipso toto, ergo est pars. Denique, quia oratio imperfecta adhuc pertinet ad primam operationem, & non ad secundam, ergo est pars. Anteced. constat ex D. Tho. Opus. 48. tractat. de Enunciat. c. 3. dicente, quod sensui, quem generat oratio imperfecta aliquid deest, quia deest sibi compositio, & diuisio, ergo deest sibi id, quod spectat ad secundam operationem; quia secunda operatio est compositio, & diuisio, ergo remanet intra limites primæ operationis.

Respondetur, Negando antecedens ad primam probat. Dicitur, quod oratio imperfecta vocatur a D. Thom. pars, vel sumendo partem largo modo, pro eo quod est totum imperfectum, nam hoc ipso est ordinabile ad totum perfectum, saltem, ut perfectibile in eadem linea, & genere totius, vel si sumit

S. Th.

S. Thom. partem strictè, & propriè; intelligitur oratio imperfecta esse pars materialiter non formaliter, scilicet inquantum coincidit cum termino complexo. *Ad Secundam Probationem* Dicitur, quod oratio imperfecta est aliquid incomplexum, & minus ipso toto perfecto, non tamen tanquam pars, sed tanquam totum imperfectum, & in fieri respectu totius perfecti: est enim oratio imperfecta, quasi oratio inchoata respectu perfectæ.

Ad tertiam. Dicitur, quod S. Thomas negat orationi imperfectæ compositionem, & diuisionem, quæ sit quasi affirmatio, & negatio tollens suspensionem animi, & sic deest aliquid de compositione, & diuisione perfecta, & quæ sensum perfectum generet: non tamen deest illi ratio secundæ operationis, quæ est compositio, & diuisio imperfecta, imò ex hoc, quod generat sensum suspensum, & imperfectum, conuincitur differre à termino complexo, quia terminus, siue sit complexus, siue incomplexus, non generat aliquem sensum etiam suspensum, sed puram apprehensionem, siue vnius rei tantum, si sit terminus incomplexus, siue plurium rerum, & conceptuum, de illis tamen non generat nisi apprehensionem simplicem, & sic manet intra rationem termini, & partis: at verò oratio imperfecta sensum aliquem generat ultra rationem apprehensionis, licet inchoatum, & imperfectum, quia incipit ultra apprehensionem transire ad compositionem totius, & in eo suspendit, & non consummat sensum, ergo signum est pertinere ad secundam operationem, sed modo imperfecto, &

inchoato, & sic non habere rationem partis, sed totius.

Secundò Obijcies : Non est de essentia orationis, quod partes eius sint significativæ, aut quod nō sint significativæ, ut dictio, ergo incongrue ponitur hoc in definitione orationis. Anteced. prob. in orationibus constantibus ex voce non significativa, ut A. non est B. Blytiri non est nomen. Et idem argumentum est si ly A. imponeretur ad significandam totam istam clausulam, *homo est albus*, tunc enim esset oratio, & tamen non haberet partes significativas. Quo ad secundam partem probat. quia hæc oratio, si Petrus currit mouetur, non habet pro partibus dictiones, sed orationes, scilicet Petrus currit, Petrus mouetur, ergo non oportet, quod partes orationis significant, ut dictio.

Confirmari potest argumentum in opinione probabili, quod propositio mentalis est qualitas simplex, tunc enim non habet partes significativas, ergo illa definitio non est certa, & communis omni opinioni.

Respond. neg. anteced. & ad primam prob. Diximus supra quæstione 1. art. 2. agentes de Termino, quomodo sit vox significativa: in præsentia addimus, quod Philosophus non dixit in definitione orationis, quod omnes partes debent significare separatæ; sed cuius aliqua pars separatim significat; & ita est quod propositio, vel oratio constans vocibus non significativis habet saltem aliquam partem significativam, v. g. *verbum est*, nam sine verbo non possunt fieri orationes etiam in terminis non significativis. Videantur

qua

quæ ibi diximus.

Ad secundam Prob. Respond. ex D. Thom.
1. Periherm. lectio 6. Quod quando dicitur
oratio habere partes significatiuas, vt dictio,
intelligitur quod saltem debent significare, vt
dictio, id enim ad minus in qualibet oratione
debet reperiri, quod si habuerit etiam partes, vt
affirmatio, melius erit: *Vel secundò* Dicitur,
Quod oratio composita habet partes, vt dictio
mediatè, nam in illas tandem resoluitur.

Ad Confirm. Respond. infra agendo de pro-
positione, quod propositio mentalis, etiam-
si non habeat partes entitatiuè, habet tamen
illas obiectiuè, quia significat aliquid com-
plexum, & etiam habet illas præsuppositiuè,
quia ex pluribus apprehensiuis conceptibus,
tanquam ex præsuppositis formatur, licet non
habeat illas formaliter entitatiuè, vt qualitas
quædam est.

Vltimò arguitur, Oratio est formaliter ens
rationis, quia est secunda intentio Logica, ergo
non bene definitur per vocem, quæ est aliquid
reale.

Respond. Hoc esse commune omni instru-
mento Logico, quod Aristot. perpetuo per vo-
cem significatiuam definit, & dico breuiter,
quod non est inconueniens secundam inten-
tionem fundari in aliqua prima reali, & ha-
bere illam tanquam subiectum denominatio-
nis, & sic non est inconueniens definiti in-
tentionem Logicam per aliquid reale tan-
quam per subiectum extrinsecum, & funda-
mentum. Et non assentimur aliquibus dicen-
tibus, quod absolutè non potest dici, quod
oratio, vel terminus sit ens reale, sed quod
sit

sit ens rationis, quia pro formali est ens rationis, quod si esset verum, non posset absolute dici, quod est vox, vel conceptus, quia vox, & conceptus sunt ens reale, & praesertim, quia in artificialibus materia potest praedicari de toto, quia continet totam eius substantiam, & forma artificialis solum addit accidens, unde dicit S. Thomas in 1. Periherm lect. 4 *Quod ista debet concedi, scutella est lignum figuratum, & similiter, nomen est vox significativa, licet etiam denominative concedatur, quod scutella est lignea, & nomen est vocale.* Et quando Philosoph. negat in 7. Metaph. textu 25. quod statua est aurum, seu lapis, loquitur de lapide, ut non figurato, nec subiecto formae artis, sed sumpto praecise pro substantia naturali, ubi ibi videri potest in explanatione D. Thom. Unde quia accidens, seu forma in concreto supponit pro subiecto: quando subiectum est aliquid reale, & forma ens rationis, non potest absolute dici quod est ens rationis; sed cum addito, scilicet pro formali, absolute autem potest dici ens reale, ratione eius pro quo supponit in concreto.

ARTICULVS II.

Verum definitio Definitionis recte sit tradita.

Communiter definitur Definitio, quod sit *Oratio naturam rei, aut nominis significationem explicans*, ubi includitur tam definitio nominis, quam rei, & quantum ad definitionem quid rei, sumitur ex Arist. qui saepe dicit definitionem esse orationem significantem quid est
est

esse rei, vt. 1. Topicor. capit. 4. & lib. 7.
cap. 2. & late in 7. Metaphys. & in 2. Poster.
lect. 2. apud D Thom, vbi etiam S. Doctor
dicit, quod definitio est oratio significans quod
quid.

Circa quam definitionem, Aliqui reiiciunt
ab illa rationem orationis, quæ se habet vt
genus, quia existimant orationem non inue-
niri, sine verbo: Alij per aliud extremum pu-
tant, ita requiri orationem ad rationem defini-
tionis, quod solum in propositione inuenia-
tur actu definitio, videlicet cum applicatur
suo definito, de quo verificatur, unde con-
sequenter docent definitionem non tantum
posse dici bonam, aut malam, sed etiam ve-
ram, & falsam, quia omnis enunciatio vera,
vel falsa est. Quod tamen Alij etiam exten-
dunt, vel contendunt convenire definitio-
ni, etiam si enunciatio non sit, eo quod exi-
stimant in simplici apprehensione dari verum,
vel falsum.

Circa id verò, quod pertinet ad differentiam
definitionis, scilicet quod sit explicativa naturæ
rei, Aliqui addunt, quod explicet naturam, vel
proprietaem rei, quia existimant definitionem
descriptivam proprietatem rei declarare, non
essentiam definire.

Dico primò Rectè traditur definitio defini-
tionis per orationem, tanquam per materiam,
intelligendo nomine orationis etiam terminum
complexum, potestque inueniri definitio ex-
tra propositionem. Prima pars est commu-
niter recepta: & quod nomine orationis de-
beat intelligi oratio imperfecta, quæ mate-
rialiter coincidit cum termino complexo.

276 Quæst. IV. de Orat. &c.

ex eo constat; Quia definitio potest esse prædicatum in aliqua propositione categorica, officium autem prædicati in categorica, solum conuenit termino. Similiter D. Thom. sæpe docet definitionem pertinere ad primam operationem intellectus, vt i. 2. q. 90. a. 2. & Quodlibeto 5. a. 9. & i. part. quæst. 17. art. 3. cum tamen de oratione strictè dicta dixerit, pertinere ad secundam operationem i. Periherm. lectio 6. Ac denique, quia definitio directè est modus sciendi in quantum est manifestatio alicuius ignoti, ad rationem autem modi sciendi optimè dixit D. Thom. 7. Metaphys. lectio 9. requiri *Quod non sit una dictio, quia una dictio non est manifestatiua, eo modo quo nomen minus notum manifestatur per notius*, requiritur ergo ad rationem modo sciendi, quod in illo concurrant plures dictiones, seu termini conducentes ad explicandum aliquid ignotum, quod vero sit oratio perfecta, vel imperfecta, vel per modum termini complexi, aut orationis, materialiter se habet, dicitur tamen communiter oratio, quia cum modus sciendi inueniatur tam in oratione perfecta, quàm imperfecta, & quando inuenitur in oratione imperfecta sit etiam terminus complexus, vt unico vocabulo definiretur, dicitur esse oratio; & habet orationem pro materia, quia formalis ratio est esse artefactum Logicum ordinatum ad manifestandum ignotum, quod instrumentum fit ex oratione, tanquam ex materia, sicut syllogismus ex propositione.

Secunda Verò Pars Conclusionis, Sumitur ex D. Thom. in i. Periherm. lect. 8. ubi inquit

ex

ex Aristot. quod definitio oratio quædam est, & tamen si ad rationem hominis, idest, definitionem non addatur verbum aliquod, vel casus verbi, nondum est oratio enunciativa, & 2. Poster. lectione 2. §. Quæ talis est, In definitione, inquit, non prædicatur aliquid de aliquo, sicut in hac definitione, homo est animal bipes, neque prædicatur animal de bipede, neque bipes de animali, & lectio 5. §. inducit rationem, &c. dicit: Manifestum est, quod definitio significat unum aliquid, unde ea quæ ponuntur in definitione ad significandam unitatem, debent poni absque copula, ut dicatur, quod homo est animal gressibile bipes, non autem debet dici, quod homo sit animal; & bipes.

Et fundamentum huius est, quia vel definitio debet esse in propositione ad hoc, ut copulentur ipsæ partes definitionis inter se, vel ut ipsæ partes applicentur subiecto definito, ita quod hæc applicatio requiratur ad rationem definitionis; primum est aperte falsum nam si partes definitionis coniungerentur in se se per copulam enunciativam, cum illæ partes sint genus, & differentia, propositio illa definitionis redderetur falsa, ut si dicerem animal est rationale, in definitione hominis, si secundum, manifestè constat, quod applicatio definitionis ad definitum non facit, sed supponit definitionem, quia hæc applicatio non reddit illam explicativam sui definiti, siquidem per illud complexum, quod applicatur definito, adæquate explicatur, eo quod continet genus, & differentiam illius, ergo hæc applicatio non pertinet ad constitutionem actualem definitionis, sed ad exercitium
actuale

actuale praedicationis eius.

Dico secundo. Etsi definitio possit dici bona, vel mala, non tamen per se dicitur vera, vel falsa, sed solum per accidens. Quod sit dicenda bona, vel mala, omnes admittunt quia hoc est commune omni modo sciendi quatenus manifestat ignotum per convenientem, & debitam explicationem ubi autem est convenientia debita, etiam denominatur aliquid bonum, & si sit indebita, malum. Quod vero definitio dici possit vera, vel falsa. Aliqui affirmant, ut diximus existimantes etiam in simplici apprehensione posse dari verum, vel falsum, non quidem affirmatum, vel negatum, sed per simplicem conformitatem, vel difformitatem, alij negant, quia Aristot. solum in enunciatione dixit dari verum, vel falsum.

Sed item dirimit Sanctus Thomas prima parte, quaestione 17. articulo 3. ubi inquit: *Quia falsitas intellectus per se solum, circa compositionem intellectus est, per accidens etiam in operatione intellectus, qua cognoscit quodquid est, potest esse falsitas, inquantum ibi compositio intellectus adnoscetur, quod potest esse dupliciter, uno modo secundum quod intellectus definitionem unius attribuit alteri, ut si definitionem circuli attribuat homini: & alio modo secundum quod partes definitionis componit ad invicem, quae simul sociari non possunt, sic enim definitio non solum est falsa respectu alicuius rei, seu etiam in se, ut si fuerit talis definitio, animal rationale quadrupes, falsus est intellectus, sic definiendo, propter quod falsus est in formando hanc compositionem, animal rationale est quadrupes.*

Secundum D. Thomam Ex cuius verbis non stat quomodo definitio possit dici vera, vel falsa, nempe per accidens, id est, per aliud, quatenus hoc ipso quod coniungit complexè partes explicantes naturam definiti, ita convenienter debet illas coniungere, quod possint prædicari de tali definito, & simul, & vnaquæque seorsum; ex illa autem prædicatione participat veritatem, aut falsitatem definito, quatenus ad illam dicitur habitudinem, & ordinem.

Dico tertio: Definitio descriptiva, & quidditativa non differunt ex parte rei definitæ, sed ex parte partium definientium, sed illorum, per quæ traditur definitio. Hanc conclusionem proponimus ad expugnandam quandam particulam, quam Alciui addunt in definitione, scilicet quod sit *ratio explicans naturam, vel proprietatem rei*, non enim proprietas rei explicatur in definitione descriptiva, sed ipsa proprietas explicat quidditatem rei tanquam accidens illius, & ideo dicitur definitio descriptiva esse accidentalis, quia traditur per accidentia, cuare proprietas rei non potest pro definito poni, quasi in hoc distinguatur definitio quidditativa, & descriptiva, quod illa explicet naturam hæc proprietatem. Absurda est hæc intelligentia, quomodo enim proprietas potest esse definitum, & explicatum, cum sit definiens, & explicans. Quare in utraque definitione res ipsa, seu natura rei est, quæ definitur, aliquando per genus, & differentiam, aliquando per proprietatem loco differentiarum. Nec obstat, quod quando definitur homo, animal aptum ad ridendum, ly *aptum ad ridendum*, significat

ficat ipsam hominis passionem, vel hominem sub ea; hoc inquam non obstat, æquiocatur enim de significatione nominis, & de manifestatione, seu explicatione definitionis, nomen quidem risibile, siue aptum ad ridendum, significat proprietatem rei quasi repræsentando, & significando, sed ipsum risibile, quod est significatum per nomen, manifestat nobis quidditatem hominis modo accidentali definiendo.

Dico ultimo : Conditiones requisitæ ad bonam definitionem optime sunt assignatæ. Illas explicauimus in nostro Textu Capit. de Definitione, & pendent omnes ex prima, scilicet quod definitio debet constare genere, & differentia, vel aliquo suppleante vicem generis, & differentia. Ex hoc enim manifeste sequitur, quod definitio sit clarior, & explicatio suo definito, & quod non sit redundans, nec diminuta, cum explicet ipsos terminos, intra quos definitum clauditur, & quod conuertatur cum suo definito.

SOLVUNTUR OBJECTIONES.

CONTRA totam definitionem Definitionis solet fieri illud commune argumentum, Quia repugnat idem esse simul definitum, & definitionem, esset enim notius, & ignotius se ipso, ergo si definimus definitionem, ipsa definitio erit definitum, si quidem est id quod definitur. Et rursus est definitio, quia hæc est eius natura, & essentia, ergo est simul definitio, & definitum. *Et Confirmatur*. Quia definitio dicitur ad conuertentiam cum suo definito, hæc

hæc autem tradita non dicitur ad conuertentiam cum definitione, ergo. Minor. prob. quia hæc definitio est quædam singularis definitio contenta sub definitione in communi ergo non potest adæquare ipsam & conuerti cum illa, siquidem est aliquid sub illa contentum, vnde ex consequenti etiam se ipsam definit, & sic redit argumentum, quod est idem definitum, & definitio, sicut si Petrus definiret hominem, non diceretur ad conuertentiam cum homine, & definiendo hominem etiam definiret se ipsum ex consequenti.

Respondetur neg. quod sit idem definitum, & definitio formaliter loquendo, sed denominatiue esse definitum, & formaliter esse definitionem, quia hæc est sua natura, & essentia, neque est inconueniens, sed valde commune, quod vna secunda intentio sit talis formaliter, & sit alia denominatiue, sicut genus formaliter, est intentio generis, denominatiue autem, est quædam species prædicabiliū, & sic idem est genus, & species formaliter genus, denominatiue species, & eodem modo definitio, essentialiter, & formaliter est definitio, denominatiue autem definitum, quatenus comparatur ad suam definitionem, intellectus enim reflexione vrens, potest etiam ipsis intentionibus tanquam subiectis, & denominatis alias intentiones inducere. *Ad Confirmationem Respondetur.* Quod definitio definitionis dicitur ad conuertentiam cum suo definito, formaliter, vt definitum eius est, & correlatiue ad illud, vt autem respicit definitionem participatiue, vt genus eius est, sic non conuertitur cum illa, sed

sed continetur sub illa, Petrus autem non respicit hominem, ut definitum suum, sed præcise, & speciem superiorem.

Secundo arguitur. Contra id, quod ponitur generis in hac definitione, scilicet, quod oratio. Nam definitio pertinet ad primam operationem intellectus, ut dicit S. Thomas in 1. d. 19. q. 5. art. 1. ad 7. ubi inquit: *Quod veritas, & falsitas non inuenitur in prima operatione, & signum eius quod est definitio; oratio autem pertinet ad secundam operationem intellectus, ut diximus præcedenti Articulo ex ipso D. Thom. 1. Periherm. lectio 6. ergo incongruè ponitur loco generis oratio.* *Ad Confirm.* Quia definitio habet pro immediato genere modum sciendi, sed modus sciendi non habet pro genere orationem, ergo neque definitio. Maior manifesta est, cum definitio sit alicuius ignoti manifestatiua artificiosa, quod pertinet ad modum sciendi. Minor probatur, quia si modus sciendi haberet pro genere orationem, esset in aliqua determinata eius specie, alioquin non esset determinatè inferior ad ipsam, sed non est determinatè oratio perfecta, neque imperfecta, cum in utraque possit inueniri modus sciendi, & illæ duæ species adequatè diuidant orationem, ergo non est in aliqua determinata specie orationis.

Respondetur. ex dictis in 1. concl. quod nomen orationis intelligitur tiam oratio imperfecta, quæ materialiter coincidit cum termino complexo, ad modum enim sciendi non amplius requiritur, ut diximus in cap. de modo sciendi, lib. 2. vnde non repugnat ex
hac

hanc parte definitionem inueniri in prima operatione intellectus, si videlicet illam accipiamus in vi termini complexi, in quem facile coincidit oratio imperfecta. Et alia etiam speciali ratione id conuenit definitioni, quia obiectum eius est aliquid simplex, & non compositum scilicet quidditas rei. Definitur tamen per orationem, quæ pertinet ad secundam operationem intellectus, tum quia in vi orationis etiam teneri potest, si accipiatur per modum totius, tum quia modus sciendi est, & modus sciendi communiter per orationem definitur, licet quando est oratio imperfecta coincidat materialiter cum termino complexo.

Ad Confirmationem Respondetur: Quod illud quod formaliter, & directè ponitur sub aliquo genere, debet determinate poni sub aliqua eius specie, quod vero materialiter pertinet ad aliquod genus, vel est aliquid consequutum, non repugnat poni in aliquo genere, & non determinate sub aliqua specie, sed communiter sub vtraque, in qua potest reperiri, sicut statua materialiter ponitur in lapide, & ligno, quia non pertinet ad genus naturale, nisi materialiter, & album determinatè est corpus, & non determinatè animatum, vel inanimatum: Et similiter sapientia, vel intelligibilitas determinatè pertinent ad rationem entis, & non sunt determinatè aliquid creatum, vel increatum; quia ad vtrumque consequi possunt. Oratio autem secundum se non est genus modi sciendi, sed materia ex qua formatur sub alio artificio Logicali, nec enim est alia materia quam oratio, quæ formatur in artificiali modo manifestandi ignotum.

Tertiò arguitur Contra primam conclusionem.
 Definitio, & definitum sunt relativa; ergo nisi definitio respiciat, & comparetur actu ad definitum, non erit actu definitio; sed quando non prædicatur de definito non respicit illud in actu, sed in potentia, ergo non dicitur actu definitio, sed in potentia.

Confirmatur. Quia aliqua definitio non est actu accidentalis, vel essentialis, nisi ex respectu, & comparisonem actuali ad suum definitum, ergo talis respectus actualis requiritur, ut actu sit definitio determinata. Antecedens patet in hac definitione, animal aptum ad ridendum, corpus disgregatiuum visus; nam si aptum ad ridendum applicetur risibili, definitio est essentialis, si homini, accidentalis: & similiter disgregatiuum visus applicatum albo, est essentialis definitio, applicatum vero niui, est accidentalis. *Nec potest dici*, quod ista applicatio fiat per simplicem apprehensionem, vel comparisonem, nam manifestè fit mediante copula *est*, & prædicando definitionem de definito, ergo fit per enunciationem, seu compositionem.

Respondetur. Quod definitio etiam extra propositionem actu, respicit definitum, non sub ratione subiecti, vel prædicati, sed sub præcisa ratione definiti, ut enim actu respiciat sub ratione definiti, non requiritur nisi quod respiciat illud, ut obiectum, & materiam definitionis, sicut nomen respicit suum signatum, etiam si actu non significet illud: aliud est enim repræsentare actu, aliud respicere actu signatum, tanquam obiectum signi, sicut materia respicit formam, & omnis po-
 ten-

tentia suum obiectum, etiam si actu non exerceat suam causalitatem, & operationem circa illud, si definitio actu habet ordinem ad suum definitum, etiam si actu non prædicetur de illo.

Ad Confirmat. respondetur. Quod definitio respectu diuersorum est essentialis, & accidentalis, neque hoc habet ex actuali applicatione ad hoc subiectum, vel illud in ratione subiecti, sed ex intrinseca habitudine, & conuenientia, quam habet respectu huius, vel illius definiti, etiam antequam actu illi applicetur, & de illo prædicetur, quod est quasi ex respectu transcendentali.

Ultimò. Possunt aliquæ difficultates poni circa conditiones bonæ definitionis; nam in primis non videtur esse necessarium, quod constet genere, & differentia; alioquin sola species esset definibilis, quia sola constat genere, & differentia, consequens autem est falsum, quia etiam genera, & differentie, & proprium definiuntur, imò, & indiuidua præsertim incorruptibilia, quia de ipsis potest esse scientia, ergo, & definitio, quæ est principium scientiæ. *Item* Non requiritur, quod definitio sit notior suo definito, ut patet in definitione relatiuorum, quæ definiuntur per suum correlatiuum: Correlatiuum autem non est notius relatiuo, quia sunt simul natura, & cognitione, quod autem est notius, est prius cognitione: accidentia etiam definiuntur per subiectum, tanquam per aditamentum, ut dicitur 7. Metaphys. text. 17. ut potè cum sit extra eorum essentiam, ergo potest esse aliquid redundans in definitione.

Deni-

Denique manifestare naturam rei etiam convenit alijs, quæ non sunt definitio, scilicet demonstrationi, & scientiæ, quæ demonstrando passionem de subiecto, manifestant ipsam naturam saltem eo modo, quo definitio descriptiva, quæ per suas proprietates traditur.

Respond. *Ad primam difficultatem*, Quod sola species est propriè definibilis; ut dicit S. Thom. 7. Metaphys. lect. 3. genera autem, si sint subalterna, simul sunt species, & inquantum tales definiuntur; si autem sunt suprema, propriè nō definiuntur, quia propriè non constituuntur genere, & differentia, sed vel describuntur, vel explicatur eorum natura per conceptum analogum determinatum per aliquem modum non contractum per differentiam. At verò differentia, proprium, & accidens, si definiuntur, in tantum est, inquantum habent aliquam naturam, quæ ad speciem reducitur, si autem solum habeant rationem partis, non naturæ integræ, sicut differentię, non propriè definiuntur, sed modo simplici explicantur, vel describuntur, individua autem in exercitio non sunt definibilia, nec scribilia, nisi mediante natura suæ speciei, mediante qua definiuntur, quod etiam currit in individuis incorruptibilibus, licet in eis natura specifica coincidat cum principio individuationis, unde D. Thom. 7. Metaphys. super textum 54. lect. 15. dicit quod singulare, non solum ex hoc, quod est corruptibile, & materiale, caret definitione, sed etiam ex hoc, quod est singulare, quia non dicit quidditatem, quæ est obiectum definitionis, sed naturæ, & quidditatis modificationem.

Ad secundam Difficultatem Dicitur, in pri-
mis, quod definitio tota est notior suo defini-
to, non tamen requiritur, quod singulae par-
tes sint notiores, terminus autem correlati-
us est tantum una pars in definitione rela-
tivi. *Vel secundodicitur*. Quod correlativum,
licet non sit prius cognitione, & notius po-
sitiuè, quam suum relativum est tamen saltem
negatiuè, quatenus sine ipso manet obscurum,
& ignotum ipsum relativum. *Ad id quod dici-
tur de Accidente Resp.* Quod subiectum non po-
nitur in definitione accidentis, tanquam intrans
constitutionem illius, sed ut terminans essentia-
lem, & transcendentalem habitudinem eius, &
prout sic, pertinet ad essentiam terminatiuè, &
extrinsecè, unde non est aliquid redundans, cum
non sit impertinens ad essentiam.

Ad ultimum dicitur. Quod demonstratio
non manifestat quidditatem rei, quia de eo-
dem non est definitio, & demonstratio, ut
ex Philosopho probat S. Thomas 2. Poster.
lect. 3. & 4. imò quid rei, seu definitio est
unum ex principiis, seu præcognitis ad de-
monstrationem, ut dicitur 1. Posterior. cap. 1.
sed demonstratio manifestat passionem conue-
nire subiecto, neque ex hoc se habet sicut
definitio descriptiva, quia per demonstratio-
nem ostenditur probatiuè passiones convenire,
seu melle subiecto, per definitionem autem
descriptivam non probatur passiones subie-
cto convenire, sed supponendo quod illi con-
veniant, per ipsas simplici modo manifesta-
tur natura accidentaliter, non autem proban-
do, & demonstrando, manifestatur illi eas
convenire; & ita in hoc distinguitur ab ar-
gu-

gumentatione definitio descriptiva, quod illa probando manifestat, ista simplici modo explicando.

Ex dictis, sequitur non posse dici proximum definitum ipsam naturam, remotum verò ipsam propriam passionem, quæ est coniuncta, & connexa essentiæ, ut aliqui volunt, quia illud solum est definitum, quod est explicatum, & declaratum per definitionem, eo quod definitio, & definitum relative se habent, tanquam modus sciendi, & res scita per illum, sed in definitione essentiali passio non est res definita, sed natura, in descriptiva autem, ipsa passio non est res, quæ definitur, & notificatur, sed per passionem notificatur natura, ergo nusquam potest illi attribui, quod sit definitum, etiam remotum, nisi quando seorsum à natura declaratur quid sit ipsa passio.

Sed dices: Etiam in definitione quid rei? ipsum nomen non est res definita, & tamen appellatur definitum propinquum, ut admittimus, ergo similiter potest admitti pro definito remoto ipsa passio, etiam si non sit res definita; *Quod si dicas*, sufficere quod virtualiter nomen ipsum declaretur, & explicetur, licet non formaliter, *Contra est*, quia etiam declarata natura, virtualiter declaratur passio illius, ergo sufficit, ut dicatur definitum saltem remote. *Confirmatur* Quia Philosophus dicit in 2. Posterior. tex. 7. definitionem quid nominis, & quid rei eandem esse non posse, in 2. text. 9. illas inter se coniungit, quia alia est definitio quid rei, alia quid nominis, ergo non potest unica, & eadem de fi-

Articulus II. 289

definitione vnum definiti tanquam proximum definitum, & aliud tanquam remotum quomodo enim vnica, & simplex definitio de re, & de nomine poterit prædicari.

Respondetur quod proximum definitum potest dici non solum id, quod declaratur, & explicatur, tanquam res proximè manifestata, sed etiam signum ipsum repræsentans, & approximans, seu applicans materiam definibilem, quod tamen signum etiam ex consequenti manet declaratum; quia definitio, & declarato significato, manet declaratum, & explicatum signum: at verò passio rei definitæ non potest habere rationem definiti, tanquam signum; per quod natura ipsa definita applicatur potentiae, & ex parte rei definitæ non se habet, tanquam res declarata ex vi declarationis, & definitionis naturæ, vnde nec potest esse proximum definitum, nec remotum. *Et ad instantiam.* Quod etiam virtualiter, & ex consequenti manet declarata passio posita declaratione naturæ, negatur antecedens quia passio se habet, vt effectus sequutus ad naturam, non vt signum repræsentans ipsam, sicut nomen, declarata autem natura causæ, potest adhuc manere ignotus effectus, declarata autem re significata, non potest ignotum manere signum, quod actu, & exercite rem significatam repræsentat: & munus hoc facit in definitione descriptiua, vbi passio non est res definita, sed id per quod definitur.

Ad Confirmas. Respond. Quod Aristot. loquitur de definitione quid rei, & quid nominis, quæ per se, & directè sunt tales, & quælibet explicat suum definitum, quod verò de-

finita ipsa re, possit ex consequenti, & indirectè explicari ipsum nomen, tanquam proximum definitum per modum signi, non per modum materiæ definitæ, Philosophus non negat.

ARTICVLVS III.

Virum definitio Diuisionis, & ea, quæ ad diuisionem pertinent rectè tradantur.

REm hanc paucis absoluemus, potius per interrogationes, quàm per argumenta, ea, quæ ad diuisionem pertinent, discutientes.

Primò ergo Quæres. An sit propria, & quidditatiua definitio illa, qua dicitur Diuisio est oratio rem, vel nomen per suas partes distribuens? *Respond.* Propriam esse, & eo modo quidditatiuam, quo definitio definitionis, & modi sciendi, traditur enim per id, quod est proprium, & quidditatiuum diuisionis, nam loco generis, siue pro materia ponitur oratio, & intelligimus nomine orationis, orationem quæ est modus sciendi, id enim exigit illa particula *distribuens*, quæ idem valet, ac distribuendo manifestans, vnde sicut in modo sciendi nomine orationis intelligimus etiam terminum complexum, qui materialiter coincidit cum oratione imperfecta, ita & in præsentī intelligimus, nam diuisio sicut, & definitio potest habere rationem prædicati in propositione cathégorica, atque adeo rationem termini complexi, & eodem modo pertinere potest ad primam operationem, sicut, & definitio.

Rursus

Rursus ly *distribuens per suas partes*, explicat propriam diuisionis differentiam : quia distribuendo, & distinguendo partes, manifestat confusionem alicuius totius : Vbi nota quod tam definitio, quam diuisio manifestant aliquid per partes, sed definitio manifestat partes constitutiuas, diuisio verò quasi quantitatuas, quia definitio respicit totalitatem quidditatis, diuisio autem totalitatem quantitatis seu distributionis. Constat autem, quod habere partes conuenit quidditati, & quantitati, licet alio, & alio modo, vnde definitio explicat definitum per partes non distribuendo, sed quasi constituendo, diuisio autem tollit confusionem diuisi distribuendo partes quantitatis, seu totalitatis quantæ. Dicitur *rem*, vel *nomien*, vt indicetur illa duplex diuisio, alia nominis, alia rei, de qua egimus in Textu.

Secundò quæres. Vtrum diuisio Logica solum consideret totum Logicum, & diuisionem eius, an verò omnes diuisiones complectatur, siuè Physicas, siuè Metaphysicas, siuè nominis, siuè rei &c. Aliqui existimant ad Dialecticum solum pertinere tradere diuisionem totius Logici, Idest, totius prædicabilis, seu vniuersalis de suis inferioribus, datur enim totum Physicum constans ex materia, & forma, vel ex partibus integralibus, & est totum Metaphysicum ex partibus Metaphysicis genere, & differentia : & est totum potestatiuum ex diuersis potentijs, seu partibus potentialibus constans, & est totum accidentale ex multis accidentibus : & denique est totum Logicum, & vniuersale ex partibus subiecti-

uis de quibus prædicatur, & solum hoc ultimum videtur ad Logicum pertinere.

Cæterum Dico: Quod in omnibus istis diuisionibus, vel possumus considerare artificium, modumque manifestandi diuisionem, & procedendi in illa, ut scilicet aptè, & sine errore ab intellectu fiat: vel possumus considerare ipsam materiam in qua fit, & exercetur: si consideremus materiam, sic non omnes diuisiones pertinent ad Logicum, quia multæ sunt Physicæ, aut Metaphysicæ diuisiones, vel quantitatis partitiones, ut à Logica diuisione distinguitur, & sic verum est, quod ex parte materiæ diuisæ solum per se pertinet ad Logicum considerare diuisionem totius Logici, sed prædicabilis in partes subiectiuas, ut generis in species, speciei in indiuidua, &c. Sed tamen loquendo de artificio, & modo diuidendi, quæ est secunda intentio diuisionis, ad Logicum pertinet de omni diuisione agere, quia etiam, quando aliquid diuiditur diuisione accidentali, vel diuisione Physica, talis diuisio est modus sciendi, & artificioso modo fit, ergo pertinet ad Logicum; sicut etiam definitio Physica, aut Metaphysica, aut descriptiua pertinet ad Logicum, quia de eo, um omnium artificio, & intentione agit.

Tertiò Quæres: An diuisio possit tradi per terminos negatiuos, siue contradictorios, ita ut vnum membrum diuidens negatiuè se habeat, aliud positiuè. Quidam negant, tum quia talis diuisio nihil nobis notificat, membrum enim diuidens negationem nihil notificat, sed pure negat, ut si dicas, animal, aliud
homo

Articulus III. 293

homo, aliud non homo, per ly, non homo, nihil mihi notificatur: tum etiam quia in quolibet membro diuidente subintelligendum est diuifum, quia diuifum participatur in diuidentibus, at verò ly, non homo, non participat rationem animalis, latius enim patet non homo, quàm animal.

Nihilominus dicta diuifio artificiofa est, & fecundum regulas Logicas, nam oportet in bona diuifione membra inter fe esse oppofita, alioquin finon effent oppofita, non fepararentur per differentias, fed vel effent idem, vel difparata: non eft autem necesse, quod femper opponantur relatiuè, aut contrariè; poffunt ergo opponi contradictoriè. *Et Confirmatur*. Quia potest fieri diuifio penes terminos priuatiuos, vt fi dicas, homo, alius videns, alius cœcus, aer, alius tenebrosus, alius lucidus, ergo etiam per terminos negatiuos, quia priuatio de formali negatiue quædam eft: Conftat enim ex vfu, communiter hanc diuifionem ab omnibus admitti, animal, aliud rationale, aliud irrationale, & tamen irrationale eft negatiuum, feu priuatiuum refpectu rationalis.

Itaque cum diuifum ipfum communicetur membris diuidentibus, femper intelligitur membrum diuidens negatiuum, vt cadens fuper tale diuifum, non abfolutè, fed ad illud reftictum, & fic non latius patet fuo diuifo: Vnde cum dico, animal aliud homo, aliud non homo, ly non homo, non intelligitur abfolute, & in tota fua latitudine, fed pro animali, quod non eft homo, animal, quod non eft homo, non latius patet quam animal, vt fic, & fimiliter animal, aliud

rationale, aliud irrationale, subintelligitur animal irrationale, non autem irrationale absolute, vt etiam inuenitur in lapide, & hoc modo etiam ille terminus negatiuus aliquid notificat, prout adiacens tali diuiso, nam animal non homo, vel animal irrationale notificat mihi omne animal brutum absolute, & in confuso, quod aliqualis notitia est.

Si Dicat: Nam genus recte diuiditur per differentias; vt animal, aliud rationale, aliud irrationale, & tamen genus non prædicatur de differentiis, ergo non debet diuisum subintelligi in membris diuidentibus.

Respond. Genus non diuidi in differentias, sed per differentias diuidi in species, vt loquitur S. Thom. 3. Metaphys. lect. 4 & lib. 10. lect. 5. de speciebus autem prædicatur genus, vnde quando diuiditur animal, aliud rationale, aliud irrationale, subintelligitur, aliud est animal rationale, aliud animal irrationale, quæ sunt species.

Instabis. In partitione, qua res diuiditur in partes integrales, diuisum non potest prædicari de diuidentibus, siquidem totum non prædicatur de partibus, & idem est in diuisione accidentali, in qua accidens non prædicatur de ipsis subiectis: vel subiectum de accidentibus, quia non identificantur.

Respond. Quòd diuisum prædicatur de diuidentibus, quando est diuisio in partes subiectiuas essentialiter, vel accidentaliter: quando autem est diuisio in partes integrales, vel potestatiuas, non potest diuisum prædicari de singulis, sed singulæ participant aliquid de toto, non per prædicationem, sed per dependentiam ab illo,

in

in diuisione autem accidentali diuifum prædicatur de diuidentibus, ſcilicet de ſubiectis accidentaliter, & ibi accidens identificatur ſubiecto, vel è contra, quia ſignificatur accidens in concreto, & ſic non dicit ſolam formam, ſed habens formam, & tale habens identificatur cum ſubiecto, propter quod dixit S. Thom. 1. p. q. 13. art. 12. quod homo, & albus ſunt idem ſubiecto, ſed differunt ratione, idèſt forma, & quidditate.

Quarſo Quæres, An includatur diuiſio analogica in hoc modo ſciendi. Videtur enim quod non, quia membra diuidentia in analogo ſunt primo diuerſa, non autem differentia inter ſe, ergo non ſupponunt aliquod diuiſum, in quo conueniant, niſi forte in nomine ſicut æquiuoca, & ſic non erit diuiſio rei, ſed nominis. Similiter analogum non diuiditur penes diuerſos conceptus, ſiquidem enti, v. gr. non ſuperaddit aliquid conceptus ſui Inferioris diuidentis illud, ſi enim adderet aliquid, illud eſſet ens, hoc autem ſupponitur incluſum in ente, ergo ſolum fit diuiſio penes diuerſam explicationem eiſdem conceptus, quod proprie non eſt diuiſio, ſed diuerſa eiſdem explicatio.


Nihilominus Reſp. Quod diuiſio analogica eſt artificioſa, & Logica, pertinetque ad modum ſciendi, eo quod membra diuidentia inter ſe realiter diſtinguuntur, vt Deus, & creatura, accidens, & ſubſtantia, habent etiam conuenientiam, & ſunt vnum, non abſolutè, & ſimpliciter, ſed ſecundum proportionem, vt latius explicatur in Logica quæſt. 13. & quæſt. 14. ergo habent conuenientiam in ali-

quo reali proportionaliter vno, & differentiam simpliciter inter se, quod sufficit ad artificiosum modum diuidendi, quia ordinationem aliquam requirit in facienda diuisione.

Et ad Rationem dubitandi dicitur, Quod membra diuidentia dicuntur primo diuersa, quia non conueniunt in aliquo genere, nec per differentias superadditas generi contrahuntur, non tamen tollitur, quin verè diuidant rationem superiorem quasi per diuersos modos, & explicationes, illud contrahendo, & diuidendo, licet non per superadditas differentias, vt citatis locis in Logica dicetur, & hoc sufficit, vt dicantur conuenire in aliquo conceptu, secundum unitatem proportionalem, & differre secundum diuersos conceptus absolutè, non autem solum conueniunt in nomine, sed in re concepta, v. g. in ente vt proportionaliter vna, non simpliciter, vt ibi dicetur.


Vltimo quæres; Vtrum omnis diuisio essentialiter debeat esse adæquata, ita quod exhaustiat totum diuisum, an verò possit aliquid pluribus diuisionibus essentialibus diuidi. De hoc agetur inferius tractando de diuisionibus propositionis. Interim dicimus quod quando aliquid diuiditur penes illud, quo vltimo, & indiuisibiliter constituitur in sua essentia; non admittit, nisi vnam diuisionem essentialem: si autem plures formalitates concurrant, quarum quælibet diuerso modo est participabilis, non repugnat essentialiter diuidi pluribus diuisionibus essentialibus inadæquatis, de qua regula videatur S. Thom. 1. 2. q. 95. a. 4. agens de diuisione legis humanæ, quæ diuer-
sas

fas accipit diuisionem ex parte diuerforum principiorum, a quibus procedunt, ex parte diuerforum finium, quos respiciunt; & peccata diuiduntur specie in carnalia, & spiritualia, & ex eo quod sint in Deum, & proximum, vt dicitur 1. 2. quæst. 72. art. 2. & 4.



QVÆSTIO V.

De Enuntiatione.

 Rationem perfectam diuisit S. Tho. in quinque species, quas numerat 1. Perihem, lect. 7. scilicet *oratio deprecatoria, uocativa, operatiua, interrogatiua, enuntiatiua*, quæ omnes sunt operationes perfectæ, quia generant sensum perfectum in animo audientis, idest, non suspensum, Nos autem in præsentì solum agimus de *enunciatiua*, quæ perfectior cæteris est, & ad veritatem explicandam conducent, quod ad negotium Logicum propriè spectat,

ARTICVLVS I.

*In quo Consistat ratio Enuntiationis
ut abstrahit à Cathégorica,
& Hypothesica.*

Supponimus, quod in libro 2. cap. 6. diximus, enuntiationem, & propositionem,

ex usu sapientium, & communi Logicorum, pro eodem accipi, licet diuerfos respectus connotare possint, vt ibidem explicauimus, à quibus, vt nos expediremus, nomine enunciationis, vsi sumus, & modo inquirimus quid sit in ratione enunciationis illud commune, in quo conuaniunt categorica, quæ prædicatum enunciat de subiecto, & hypothetica, quæ plures categoricas coniungit, & sic enunciat, & componit.

Igitur loquendo de enunciatione in communi, quidam existimant non distingui ab actu iudicatio, & ita dicunt, quod propositio est ipsum iudicium intellectus, quia hoc proptie est capax veritatis, & falsitatis, quod autem sit significatiua veritatis, vel falsitatis, solum putant conuenire propositioni vocali, vel scriptæ. Et aliqui addunt, quod quando formamus propositiones dubias, in quibus non ferimus iudicium, tales propositiones solum constant ex conceptibus non vltimatis significantibus ipsas voces.

Alij verò distinguentes inter iudicium, quod est assensus, & enunciationem, seu propositionem super quam cadit, & fertur iudicium, existimant quod essentia propositionis, vt sic, consistit in enunciando absoluta connexionis, seu repugnantias rerum, ex quo sequitur tanquam proprietas, quod sit significatiua veri, vel falsi.

Alij existimant, quod ratio propositionis, vt sic, non sit enunciare quomodocumque, & absolute, sed enunciare vnum de alio; sed quia hoc non inuenitur in propositione hypothetica, sed solum in categorica, ideo dicunt,

dicunt, quod consistit præcisè essentia propositionis in communi in enunciare, idest, significare esse, vel non esse, unde postea sequitur, quod sit vera, vel falsa, ex vi enim significationis suæ, solum propositio enunciat: quod autem sit vera, vel falsa, non habet ex significatione, sed ex eo quod res significata, vel enunciata, ita sit, vel non sit, hypotheticam verò reijciunt ab hac ratione enunciationis directè, & simpliciter.

Alj denique propositionis essentiam constituunt in eo quod est orationem esse affirmatiuam, vel negatiuam.

Dico primò : Enunciatio non consistit in iudicio, seu assensu, sed distinguenda est propositio iudicatiua ab enunciatiua, & de se iudicium potest esse posterius, & consequi ad enunciationem. Deducitur ex D. Thom. 2.2. q. 173. art. 2. & q. 12. de Veritate art. 7. ubi dicit : *Quandoque dari lumen alicui ad indicandum, quandoque verò ad accipiendum, & ordinandum, seu componendum præexistentes species*, sed hæc compositio, seu ordinatio præexistentium specierum, est compositio, & ordinatio enunciationis, quia est compositio alicuius veritatis complexè significatæ, quæ non inuenitur, nisi in enunciatione, ergo enunciatio distinguitur à iudicio. *Et ratio est manifesta*, quia iudicium est assensus intellectus circa aliquid, quod est capax talis assensus, & iudicij, solum autem est capax talis assensus aliqua veritas complexa significata per enunciationem : ergo actus iudicandi distinguitur à formatione enunciationis. Maior constat, quia iudicium est id, quo determi-

natur intellectus assentiendo, quod ita est vel non est; non potest autem pronunciare, quod ita est, vel non est, nisi circa aliquid complexum, quod connectitur per verbum, ut experientia constat, & hoc est enunciatio. Prius ergo formatur, & apprehenditur enunciatio, deinde verò iudicatur. Denique constat aliquando apprehendi à nobis aliquam enunciationem de rebus dubijs, sine vlllo iudicio, ut cum dicimus *Astra sunt paria*, thesaurus est in isto loco, de quibus nescimus iudicare, & determinare assertivè, ergo seu aliud est enunciatio, aliud iudicium assertio.

Et Nota, quod enunciatio ratione verbi, ex quo constat, & habet vim copulandi extrema, & habet vim exprimendi iudicium assertivum, & sic non repugnat aliquando, & iudicium, & enunciationem, quasi vnico actu formari, ut cum dico, *homo est animal*, exprimendo in *ly est*, tam copulationem, quam assertionem, aliquando verò separantur, quia sumitur *ly est* præcisè in vi copulandi, non asserendi.

Dico secundo. Ratio enunciationis in communiconstitit in hoc, quod sit oratio perfecta exprimens obiectum complexum, circa quod potest ferri iudicium, ex quo consequitur, quod significat verum, vel falsum. Itaque in hoc, quod est oratio perfecta distinguitur ab oratione imperfecta, quæ suspensum sensum generat; per hoc autem, quod dico, exprimens obiectum complexum, &c. distinguitur ab alijs orationibus perfectis, quæ obiectum iudicij exprimere non possunt, ut sunt Vocatiuæ, Interrogatiuæ, &c. Hæc est

scilicet

Sententia Sancti Thom. 1. Periher. lect. 7. **vbi**
inquit, quod hæc est definitio enunciationis :
Enunciatio est oratio, in qua verum, vel falsum
est : dicitur autem esse verum, vel falsum in
 enunciatione, sicut in signo; in mente autem
 sicut in subiecto, vbi *ly in mente*, idem est,
 quod in iudicio mentis, nam veritas non in
 ipsa potentia immediatè, sed in actu poten-
 tiæ est, neque in alio actu, quàm iudicij :
 vndè statim distinguit D. Thom. enunciatio-
 nem ab alijs orationibus, quia non expri-
 munt iudicium rationis, in quo consistit verum,
 vel falsum. Quare nulla meliori ratione ex-
 plicatur enunciatio, ut est communis cathe-
 goricæ, & hypotheticæ, quam dicendo quod
 significat obiectum complexum, super quod
 potest cadere iudicium, in quo veritas, & fal-
 sitas est. Et nomine obiecti complexi intel-
 ligimus, tam complexum per copulam ver-
 balem, quæ vnit prædicatum, & subiectum,
 quam copulam hypotheticam, quæ vnit pro-
 positiones categoricas, de utroque enim com-
 plexo fertur iudicium, quod potest habere ve-
 ritatem, & falsitatem : illa vero oratio, super
 quam non potest cadere iudicium, siue assensus,
 siue dissensus, non est enunciatio. De eadem re
 videndus est Sanctus Thom. opusc. 48. tract. de
 Enunc. cap. 4. & 5. Et ratio est, quia hoc mo-
 do explicatur distinctio enunciationis à reliquis
 orationibus, & communis ratio hypotheticæ,
 & categoricæ, ratio quoque significandi verum
 vel falsum, ergo.

Et hoc mihi videntur voluisse exprimere
 Authores, qui dixerunt, quod essentia enun-
 ciationis est oratio enuncians connexiones,
 aut

aut repugnantias rerum, vel quod est oratio affirmatiua, & negatiua. In his enim omnibus illud voluerunt insinuare, quod enunciatio debet significare illud obiectum complexum, super quod potest cadere iudicium, & similiter etiam potest exprimere illud iudicium, sumendo verbum non solum in copulationis, sed etiam in vi assertionis, atque ita significatio copulationis respicit pro obiecto id, super quod potest cadere assertio, seu iudicium.

Dico 3. Veritas, aut falsitas quantum ad actuale exercitium conformitatis, vel difformitatis, sunt accidentia propositionis, & iudicij. Et vt dicit D. Thom. opusc. 48. citato, sunt relationes rationis, atque ita significare verè, vel falsè non est essentia propositionis, sed solum significare obiectum, super quod potest cadere iudicium verum, vel falsum. Conclus. quoad 1. part. est manifesta ex dictis à Philosoph. in cap. de Substant. quod *Oratio eadem permanens potest mutari de vera in falsam*, vt cum dico, Petrus sedet, ipso sedente est vera, ipso non sedente est falsa, & tamen propositio semper eadem, quia dicit, & significat idem, ergo per mutationem veritatis, & falsitatis, non mutantur substantia enunciationis, & sic veritas, & falsitas solum est accidens. Et præterea enunciatio perficitur significatione composita, veritas conformitate, & adæquatione cum esse, vel non esse, quæ conformitas, & adæquatio distincta est ab adæquatione significationis, & representationis; hæc enim etiam in ipso sensu, & in simplici apprehensione inuenitur, in quibus tamen non inuenitur veritas formaliter; sed adæquatio, &

con-

conformitas veritatis consistit in adæquatione, & confirmate affirmationis, qua ipsum esse, vel non esse rei affirmatur, vel negatur, & non solum simpliciter repræsentatur; cum ergo enunciatio perficiatur significatione, qua obiectum complexum significatur, super quod potest cadere assertio, & affirmatio iudicii, consequenter veritas, & falsitas sunt accidentia talis significationis, non substantia enunciationis.

Dico ultimo, veritas propositionis formaliter in ratione adæquationis aut conformatis ad esse, vel non esse, consistit in indivisibili, & non suscipit magis, vel minus, fundamentaliter tamen in ratione certitudinis, & firmitatis, in qua ista conformitas, & adæquatio immutabilitatem, vel mutabilitatem habet, suscipit magis, & minus, & una veritas est maior altera, & una propositio verior altera, id est certior, & firmitior in non mutanda veritate. *Ratio est*, quia inter esse, & non esse nullum datur medium, vel latitudo, cum contradictoriè opponantur, ergo conformitas propositionis ad esse, & correspondentia ad ipsum, ut recedit ab ipso non esse, & ei non conformatur, vel è contra, nullam latitudinem dicit, nec magis, nec minus recipit. Et idem est de quacunque relatione, quæ consistit in indivisibili, ut æqualitas &c. quæ quomodo-
cunque recedatur, cadit ab æqualitate, vel conformitate, &c. At verò certitudo, & firmitas, quæ fundant veritatem non quo ad conformari, & correspondere, sed quo ad mutabilitatem, vel immutabilitatem in habenda veritate, magis, & minus suscipit, secundum quod connexio est magis, vel minus necessaria. Et hoc modo Deus est summa veritas, quia summè firma, &

veritates create quanto magis necessariae, tanto firmiores.

Et si dicas, nam etiam ipsa indivisibilis adequatio in veritatibus creatus est causata, & participata à Deo, ergo magis in Deo est talis veritas quam in creaturis, etiam quo ad indivisibile, & sic in eo formaliter una veritas est maior alia. *Respond.* esse causatam illam conformitatem veritatis in creaturis. Et cum inferitur, ergo magis est in Deo quam in creaturis, etiam in formalitate veritatis, distinguo, magis ex parte latitudinis obiecti, circa quod versatur veritas nego, magis ex parte certitudinis, & firmitatis, & ex parte entis, & dependencie, ac participationis unius ab alio, transeat. Itaque veritas participata semper est minor veritate non participata, sed quia utraque versatur circa esse, vel non esse in hoc non datur latitudo, necque magis, & minus, & hoc tenet se ex parte obiecti, & correspondentie ad illud in veritate. Quod verò veritas sic attingens esse, & recedens à non esse, sit perfectior, firmior, immutabilior, &c. In hoc datur magis, & minus, inter esse verò, vel non esse, circa quod est veritas, nunquam est magis, vel minus, siue in veritate creata, siue in divina, sicut æqualitas participatur ab æqualitate quæ est in Deo, & ista creata est minor, in sua perfectione, & esse, non tamen in non recedendo a puncto æqualitatis, & conformitatis ad suum terminum, si enim caderet aliquo modo ab eo, esset inæqualitas.

SOLVUNTUR OBJECTIONES.

Primò obijcitur ad probandum, quod non detur enunciativa propositio distincta à iudicativa. Nam si daretur ante iudicium enunciatio, illa esset vera, vel falsa in significando, quia eius essentia consistit in significare verum, vel falsum, & consequenter ante iudicium potest in exercitio esse vera, vel falsa si obiectum ita sit, vel non sit, sicut significatur: est autem inconueniens, quod ante iudicium detur veritas, vel falsitas, vt docet S. Th. 1. p. q. 16. artic. 2. & q. 1. de Veritate, art. 3. & 6. Metaphi in fine. Et ratio est clara, quia per solam apprehensionem enunciationis nullus dicitur errans, vel sciens, aliàs qui apprehenderet aliquid falsum, & illi non assentiret, intellectus eius esset falsus, quod est absurdum, Deus enim multa falsa apprehendit, & non fallitur.

Respond. Veritatem, vel falsitatem inueniri tam in iudicio, quàm in enunciatione, in illo, asserta, & iudicata, in ista, vt significata, & apprehensa, & ita in iudicio est, vt in subiecto veritas formalis: in enunciatione autem, vt in signo, vt dicit S. Thom. 1. Perihier. lect. 7. & in 1. dist. 19. quæst. 5. art. 1. ad 7. *Veritas inquit) propriè inuenitur in secunda operatione, & in signo eius, quod est enunciatio.* Ex veritate autem apprehensa, vel representata tantum; non denominatur intellectus errans, aut sciens, & deceptus, vel falsus, sed solum ex veritate iudicata, quando scilicet assentit, seu consentit deceptioni, aut veritati. Nec D. Thom. negat

306 *Quest. V. de Enunc.*

negat dari veritatem in enunciatione per modum representationis, sed non dari per modum assensus.

Secundo argues : significare verum, vel falsum conuenit alijs ab enunciatione, ergo non est eius definitio. Antecedens probatur, nam in primis etiam ipsi iuditio, quod per nos est actus distinctus ab enunciatione, conuenit exprimere, & representare veritatem, aut falsitatem, vt quando assentimur propositioni dicendo, ita est. Secundo, in his vocibus, verum, vel falsum, explicatur veritas, & falsitas, & tamen non est enunciatio.

Confir. Quia significare verum, vel falsum est significare indeterminatè, & sub disiunctione, & tunc determinatur, quando in particulari significat verum, vel in particulari falsum, ergo non explicat definitionem propositionis, quæ debet importare significationem determinatam. Et præterea aliquæ propositiones sunt, quæ determinatè sunt veræ, vt quæ sunt in materia naturali.

Nec dici potest. Quod propositio in communi significat verum, vel falsum, in particulari autem significat determinatè verum, aut determinatè falsum. *Contra enim est.* Quia sic essentia propositionis in communi non definiretur, nisi per diuisionem suorum inferiorum, sicut si diceremus, quod animal est viuens, quod est homo, vel equus, definitio esset incongrua, quia traderetur per opposita diuidentia communem rationem, quod est confundere diuisionem cum definitione.

Respond. negando antecedens, & ad primam probationem dicitur, quod significare verum,
vel

vel falsum aliter inuenitur in iudicio, aliter in enunciatione: in iudicio quidem exprimitur veritas assertiuè, in enunciatione verò; tantum complexiuè, licet aliquando vtrumque simul exerceat intellectus, significando copulationem extremorum, & simul assertionem circa esse, vel non esse, vt cum dico, homo est animal, *ly est*, vtrumque significat, & copulari extrema, & assertiuè assentiri intellectum: aliquando verò separatur significatio assertionis a significacione copulationis extremorum, vt quando prolata enunciatione, suspenditur iudicium, & quod dicimus de copulatione extremorum in cathégorica propositione, procedit in copulatione cathégoricarum in hypothetica; atq; ita significare verum, vel falsum, non assertiuè, sed quasi copulatiuè, idest per modum copulæ, & vnionis extremorum, super quæ potest cadere iudicium non conuenit ipsi iuditio, sed tantum enuntiationi.

Ad Secund. prob. dicitur, Quod illæ voces, verum, vel falsum, significant verum, vel falsum nominaliter, & per modum eiusdem rei, non per modum complexi enunciabilis, & super quod cādīt iudicium.

Ad confirm. Respond. Quod enuntiatio semper est determinatæ significacionis ex parte obiecti complexi, quod significat, sed veritas consequuta ex tali significacione, vel ex iudicio super illam cadente, variari potest, ipsa oratione enuntiatiua inuariata manente, vt ex *Phylos. in c. de substantia* diximus, sed ista veritas, vel falsitas non pertinent ad essentiam enuntiationis.

Et ad id quod additur de propositionibus
deter-

determinatæ veritatis, vel falsitatis. *Resp.* Non ex veritate determinata sumere determinatam essentiam, sed ex determinato obiecto significato, cuius connexio talis naturæ est, ut immutabiliter ad illam sequatur veritas. Quare definitio posita, scilicet *significare verum, vel falsum*, non debet intelligi præcisivè, idest quod in qualibet propositione præcisè debeat inveniri illud disiunctum veri, vel falsi, sed accomodativè, quod ex vi obiecti significati, quod est tale complexum, resultare potest aliquando verum, aliquando falsum, siue determinatè, & immutabiliter, siue non prout fuerit materia propositionis. Neque hoc est definire propositionem per suam divisionem; sed per suum obiectum, quod est capax veri, vel falsi, siue utriusquè, siue alterius tantum, & sic non est inconueniens definire aliquid per opposita, non quasi simul eidem conueniant, aut ipsum constituent, sed quia susceptivum est eorum successivè, sicut substantia dicitur susceptiva contrariorum.

Tertiò arguit. Significare verum, vel falsum etiam, ex parte repræsentationis obiecti complexi non potest esse essentia enunciationis, ergo incongruè definitur. Antecedens probat. quia repræsentatio obiecti complexi in mente est repræsentatio naturalis, ergo nunquam potest esse falsa, sed semper vera, sicut simplex apprehensio. Consequentia patet, quia ideo dicit S. Thom. 1. p. q. 17. art. 3. quod in simplici apprehensione potest dari veritas, & non falsitas, quia est naturalis similitudo, quæ nunquam potest deformari suo obiecto, sed sem-

per conformari, ergo eodem modo non poterit enuntiatio aliquando difformari suo enunciabili, quod naturaliter significat.

Respond. neg. ant. & ad probationem. Dicitur, quod est lata differentia inter similitudinem naturalem obiecti simplicis, & obiecti complexi per modum compositionis, nam hoc ipso, quod similitudo enunciationis resultat, & formaliter per compositionem plurius, & non per naturalem impressionem obiecti, potest in ipsa compositione resultare deceptio, inquantum attribuitur unum alteri, quod ei non convenit, qua ratione etiam in ipsa definitione admittit S. Thom. posse dari deceptionem, & falsitatem 1. p. q. 17. artic. 3. Similitudo autem obiecti simplicis, cum ex ipsa naturali impressione feratur in obiectum, & non ex compositione aliqua consurgat, non est capax falsitatis, sed solius adæquationis naturaliter repræsentatiæ. Et præterea enuntiatio potest etiam ipsum assensum iudicii repræsentare, & non solam copulationem extremorum, & ratione huius est capax falsitatis, si assensus ipse falsus sit.

Ultimo arguit. Quia definitio data non convenit omnibus hypotheticis, ergo non est adæquatè data de propositione in communi. Anteced. patet in ista conditionali, si homo habet alas, volat, quæ non significat veritatem, sed consequentiam, ergo non omnis propositio significat veritatem, aut falsitatem.

Et confirm. Quia propositiones copulatiæ non dicunt veritatem distinctam à categorica, sed aggregationem veritatum, quæ aggregatio si est distincta veritas à partibus, ex quibus

constet, non est veritas hypothetica, sed categorica, quia est vna consurgens, ex duabus copulatis, vel aggregatis, vt si dicas, Petrus currit, & Ioannes legit, significatur quod vtraque propositio est vera, dicere autem, quod vtraque est vera, est aliquid categoricum.

Respond. Quod propositiones hypotheticæ, in quantum tales, possunt habere suam veritatem, & falsitatem distinctam à categorica, quia non fit verificatio per prædicationem vnius de alio, sed per copulationem, vel disiunctionem plurium categoricarum, sed tamen non oportet, quod semper important ipsam veritatem, nisi quando procedunt asserendo, & exprimendo aliquem assensum iudicii, sicut etiam oratio simplex, nisi sit assertiua, & enunciativa, non habet veritatem. Quare si illa conditionalis, vel aliæ similes teneantur in vi præcisæ consequentiæ, non important veritatem, sed illationem, illatio autem dicitur bona, vel mala, non vera, vel falsa: Si autem sub conditione aliquid affirmant, vel promittant, tunc habebunt veritatem hypotheticam, & conuenit illis definitio propositionis.

Ad confirm. Respondebitur articulo 3. Interim dicimus quod illa veritas copulatiue resultans ex suis partibus, non est veritas categorica, licet ex categoricis veritatibus dependeat, & resultet, quia formaliter non consistit in prædicatione vnius de altero, sed in conuentione plurium propositionum, quæ diuersum iudicium postulat, & diuersam veritatem. Quod autem possit designari per vnam categoricam

Articulus II. 311

theticam significando, quod utraque propositio est vera, non tollit quin sit veritas hypothetica illa, quæ in copulatione propositionum consistit, & super quam cadit illa reflexa; per quam illa copula hypothetica explicatur categorice, quasi in actu signato, designando in quo consistat illa veritas hypothetica. Sed de hoc iterum redibit sermo in articulo 3.

ARTICVLVS II.

Verum Enunciatio Categorica sit aliqua simplex qualitas, & conceptus in mente, vel composita formaliter.

HÆc difficultas pendet ex his, quæ tractanda sunt in 3. de Anima, ubi agitur de operationibus intellectus, sed quia etiam conducit ad plene percipiendum, quæ ratione propositio habet esse totum, & terminus habeat esse pars, ideò solet in hoc loco tractari, sed breuiter à nobis, & non ad longum discutienda est.

Suppono ergo in hac difficultate nos non loqui de actu iudicij, seu assensu cadente super ipsam enunciationem: hunc enim non dubitamus esse simplicem qualitatem, idest, vnicum actum intellectus. Et ratio est, quia actus iudicij formaliter non componitur, sed de compositis iudicat; imò, & de discursis, & probatis per tertiam operationem; vnde non consistit formaliter in pluralitate actuum, sed ad summum præsupponit plures actus, de quibus iudicat, vnde non explicatur actus iudi-

312 *Quest. V. de Enunc.*

iudicij per plures actus, sed vnico actu explicante assertionem, seu assensum intellectus, quando dicimus, *ita est*; atque ita in Deo, & in Angelis saluamus formaliter actum iudicij, & tamen non est formaliter compositio actuum; loquimur ergo de enunciatione, quæ antecedit iudicium, vt apprehensa, non vt iudicata.

Et consistit sensus, & punctus, difficultatis, quando inquirimus, an sit qualitas composita, vel simplex, vtrum sit multiplex actus, qui vnitatem ordinis, & continuationis constituat, & formet enunciationem: an vero formatio enunciationis fiat vnico actu, resultante tamen ex collatione, & compositione plurium simplicium conceptuum. Non autem venit in controuersiam, an sit composita qualitas compositione physica, sicut componitur corpus ex materia, & forma: non enim conceptus menti sic possunt ad inuicem coniungi, cum omnes sint formæ, & actus, non verò vnus sit materia, & alter forma.

Diuiduntur ergo Authores in huius difficultatis resolutione fere æquis, & problematicis rationibus: Quidam enim existimant non requiri aliud ad formationem enunciationis, quàm plures conceptus esse ordinatos inter se, sicut omnes fatentur in tertia operatione, quæ est discursus, non dari aliquam qualitatem, seu conceptum resultantem ex ordinatione propositionum in consequentia, & orationibus constituentibus syllogismum, sed esse plures enunciationes inter se ordinatas. Alij verò existimant formari enunciationem per aliquem conceptum ordinantem

con-

conceptus simplices; vel ex illis ordinatis resultantem. Et Aliqui existimant solum dari unicum actum, qui non solum dirigat, & ordinet conceptus simplices, sed etiam, qui repræsentet totam propositionem. Alij verò ponunt quatuor actus, tres qui repræsentent subiectum, prædicatum, & copulam secundum se, & quartum, qui illos conceptus dirigat, & ordinet inter se, & in hoc solum formaliter consistit propositio, in alijs verò, præsuppositivæ.

Pro resolutione huius difficultatis suppono in sententia S. Thom. certissimum esse, quod secunda operatio intellectus, in qua formatur enuntiatio producit conceptum, seu verbum distinctum à conceptibus simplicibus, qui producuntur per primam operationem, nec solum habet distinctam ordinationem, sed etiam distinctam repræsentationem ille conceptus productus per secundam operationem, quam haberet per primam. Hoc constat manifestissimis locis D. Thom. nam in quodlib. 5. art. 9. sic inquit: *Duplex est operatio intellectus secundum Philosophum in 3. de Anima, una quidem quæ vocatur indivisibilem intelligentia, Alia autem operatio est intellectus com-*

314 *Quest. V. de Enunc.*

*componit, & diuidit, format enunciationem, vel aliquid tale, & ideo illud sic formatum, & expressum per operationem intellectus, vel defini-
nientis, vel enuntiantis, exteriori verbo significat,
idem videri potest in 3. de Anima lect. 17. &
6. Metaph. lect. ult.*

*Et ratio est: Quia aliquid est representa-
bile per compositionem in secunda operatio-
ne, quod non in prima, scilicet illud coniectu-
rum, & compositum, & illa attributio vnius
ad alte um, quod in prima operatione non
repræsentabatur, vel non cum illa attribu-
tione, vnde distinctum sensum generat di-
cere, homo est albus, vel solum dicere, ho-
mo, vel solum albus, vel complexum terminum
homo albus, ergo distincto modo repræsen-
tabile est, & sic distinctum etiam conceptum
postulat, vt repræsentetur, quæcum sim plici
apprehensione concipiebantur: ergo distinctum
conceptum debet habere operatio composita,
quam operatio simplex, & ordinatio prædica-
tionis, quam ordinatio termini complexi, vel
definitionis.*

*Hoc sup. respond. Probabilius videtur in sen-
tentia D. Thomæ, quod conceptus secundæ
operationis, quo formatur enunciatio, est uni-
cus actus, & conceptus, non solum unitate
ordinis, sed unitate qualitatis, formatus ta-
men ex pluribus simplicibus præsuppositis,
oppositum autem etiam est probabile, & in-
ter D. Thom. discipulos receptum, scilicet quod
sint plures conceptus in esse qualitatis, sola uni-
tate ordinis compositi. Sed primum sequitur
Caictanus 1. 2. quest. 113. art. 7. §. In respond.*

ad 2.

Articulus II. 315

ad 2. & Ferrariensis 1. contra gentiles cap. 55.
 §. *Ad horum evidentiam*, & Mag. Soto in Sum-
 mulis Capite de Propositione, & alij Thomi-
 stæ. Et multum fauet S. Thom. citato loco
 contra Gentil. dum dicit: *Quod quando ali-*
qua multa accipiuntur quocunque modo unita,
simul intelliguntur, simul enim intelligit totum
continuum, non partem post partem, & simili-
ter intelligit simul propositionem, non prius prædi-
catum, & postea subiectum, quia secundum
unam totius speciem omnes partes comprehendit;
 Ita D. Thom. & idem prorsus docet in 6. Met.
 lect. ult. & 1. p. q. 85. art. 4. & q. 58. art. 9.
 ubi ponderanda est illa causalis, *quia secun-*
dum unam totius speciem omnes partes compræ-
hendit; Si ergo per vnā speciem compræhen-
 dentem prædicatum, & subiectum, vtrumque
 cognoscit, vel illa est expressa, & sic est vnus
 conceptus, vel est impressa, & sic, licet per
 vnā speciem impressam non repugnet plures
 conceptus formare, tamen etiam potest forma-
 ri vnus, si adæquatè vtamur tali specie, imo
 cum accipitur per modum totius, vna species
 vnum postulat conceptum, cum illa tunc adæ-
 quatè vtamur.

Quod 1. loqui S. Thom. de propositione
 iudicatiua, seu de ipso assensu, non de enun-
 ciatione. 2. loqui de vno conceptu, seu spe-
 cie vnitatis ordinis, non vnitatis entitatis, si-
 quidem 1. 2. q. 113. art. 7. ad 2. dicit: *Quod*
simul intelligimus prædicatum, & subiectum,
inquantum uniuntur in ordine affirmationis;
vnus, & per eundem modum potest liberum ar-
bitrium simul moveri in duo, secundum quod vnum
ordinatur ad aliud; constat autem volum-

316 *Quest.V. de Enunc.*

tatem moueri duplici actu, & solum vnitate ordinis non simpliciter vnum actum esse, ergo similiter intellectus cum intelligit prædicatum, & subiectum.

Sed contra primam solutionem est; quia iudicium seu assensus non componitur ex prædicato, & subiecto, sed super enunciationem compositam cadit dicendo *ita est* vt iam probauimus supra, sed Diu. Thom. loquitur de illo toto quod componitur ex prædicato, & subiecto, & hoc dicit fieri vnum, vt patet in 6. Metaph. citat. dum dicit: *Quod cum ex simplicibus conceptibus format compositionem, vel diuisionem intelligit ambo vt vnum, in quantum scilicet ex eis fit aliquid vnum*; ergo loquitur D. Thom. de enunciatione ipsa prout formatur, & componitur ex simplicibus conceptibus, idest ex prædicato, & subiecto, non pro iudicio quod non format propositionem, sed super eam formatam cadit, & iudicat. Denique quando dicit 1. p. q. 12. art. 9. ad 3. ex speciebus montis, & auri formari in nobis speciem montis auri; & ex conceptu generis, & differentie formari conceptum speciei, planè loquitur de conceptu entitatiuè vno, talisenim est, qui repræsentat speciem constantem genere, & differentia, vt hominem, sed eodem modo loquitur D. Thom. de formatione propositionis, quam dicit sic intelligi, sicut cum totum simul intelligitur, vt domus, & non singulæ partes seorsum, vt patet in locis allatis, præsertim 6. Met. ergo loquitur de specie, seu conceptu vno entitatiuè sicut est conceptus domus, vt totum quoddam est.

Contra

Contra 2. solutione optime aduertit Caietanus super illum locum 1. 2. quod liberum arbitrium non vnico actu mouetur in Deum, & peccatum, licet simul, quia vnum est ratio alterius. Exemplum autem de intellectu plus dicit, quam oporteat, quia dicit etiam vnitatem actus. Sic Caiet. Vnde D. Thom. adduxit exemplum de intellectu, in quo vnico actu, seu conceptu repræsentantur, res ad ostendendum non repugnare, quod voluntas in instanti, licet duobus actibus ordinatis, moueri possit. Ex locis enim adductis constat Sanctum Thomam vnitatem speciei seu conceptus, & non solum simultatem, vel ordinationem posuisse.

Fundamentum sumitur ex dictis, quia intellectus potest vnico conceptu, seu specie habente vnitatem repræsentatiuam plura sub ratione vnius comprehendere; ergo cum secunda operatio formet nouum conceptum respicientem plura sub vnitatem vnius compositi, & habentis rationem totius, habet sufficientem rationem vt vnico conceptu, seu specie repræsentet. Et certe quando vnum cognoscitur cum connotatione, & habitudine ad aliud, vtrumque sub illa habitudine potest intelligi vnico conceptu entitatiue vno, licet obiectiue plura includat vt vnitatem, vt patet cum repræsentatur accidens in concreto, vt album connotando corpus, aut totum connotando partes, & in opinione opposita, cum repræsentat vnum terminum, v. g. subiectum non absolute, sed vt conueniens prædicato, & copulam, vt vtrumque coniungentem, nisi enim sic repræsentet, nunquam vniet.

318 *Quest. V. de Enunc.*

vniet illa intellectus, etiam vnitate ordinis. Si ergo vnico conceptu entitatioo plura vnitate præsentari possunt, vnum directe, aliud in connotato, & vt terminum habitudinis, cur non poterit conceptus vnus formatus modo compositiuo ex pluribus præsuppositis repræsentare ipsum totum compositum, vt vnitum, & vnum factum? Et cur non attribuemus conceptui secundæ operationis, qui est perfectior, id quod conceptui primæ operationis repræsentanti plura vt vnum, inuo visioni externæ plura videnti vnica visione? Denique vnica scientia, quæ est vnus habitus entitatiuè, iuxta sententiam D. Tho. 1. 2. q. 54. artic. 4. sufficit ad attingendum discursiue omnes concl. talis scientiæ, vt in 2. p. Log. q. 27. ar. 2. ostendemus, ergo idem conceptus entitatiue sufficiet ad attingendum omnes terminos, qui sub vna compositione clauduntur per modum vnius.

SOLVUNTUR OBIECTIONES.

contrariæ sententiæ.

Nihilominus opposita sententia, etiam est probabilis. *Et primum fundamentum* eius sumitur ex hoc, quod intellectus noster est formaliter compositiuus, & non solum obiectiue, hoc est non solum apprehendit obiectum complexum, hoc enim etiam facit Angelus, sed etiam pluribus actibus, & conceptibus apprehendit id quod Angelus vnico actu, ergo non est dicendum, quod vnico conceptu formet propositionem, sic enim non formaliter componeret, nec formaliter.

maliter compararet vnum alteri ; sed solum virtualiter ; at verò D. Thom. compositionem hanc intellectus per modum comparationis explicat, non per modum physice unitatis, ut patet in 6. Metaphys. lect. ult. in fine, vbi inquit : *Quod illa compositio, vel diuisio, qua intellectus coniungit, vel diuidit sua concepta, est tantum in intellectu non in rebus, consistit enixa in quadam duorum comparatione conceptuum, sine illa duo sint idem secundum rem, siue diuersa*. Vbi non potuit clarius exprimere, quod compositio, & diuisio consistat non in vna simplice qualitate, sed in multis conceptibus ordinatis, & unitis. Vt idem sumitur ex 1. p. quæst. 58. art. 4. ad 1. vbi dicit : *Quod in Angelis non est compositio, & diuisio, licet sit multitudo conceptuum, quia non qualiscumque multitudo causat compositionem, sed illa quorum vnum non attribuitur alteri, quod in Angelo non reperitur*, Ergo compositio non potest perfici per simplicem formationem, & productionem vnius conceptus, sed per attributionem, & compositionem vnius ad alterum, sicut etiam dicit in 1. Periherm. lectio 3. *Quod veritas, & falsitas non inuenitur in compositione, nisi secundum quod comparat vnum conceptum alteri*. Et 1. p. quæstione 13. artic. 12. dicit : *Quod noster intellectus representat Deum diuersis conceptibus, quam diuersitatem representat per pluralitatem subiecti, & prædicati*. Ergo subiectum, & prædicatum non representatur vnico conceptu quo formatur propositio. Denique oratio est illa, quæ pluribus conceptibus subordinatur, sic enim distinguitur à termino, ergo non vni tantum conceptui subicitur.

320 *Quest. V. de Enunc.*

Secundum fundamentum est. Procedendo à simili, quia syllogismus, licet componatur ex pluribus propositionibus, per modum vnius, non tamen per vni. am qualitatem formatur, sed per plures ordinatas inter se, & similiter propositio hypothetica, quæ non est vna, nisi vnit. ate ordinis: Cur ergo propositio categorica non sufficienter formabitur per coordinationem, & comparisonem conceptuum ex quibus constat. Denique propositio vocalis est composita ex pluribus vocibus, ergo, & mentalis. Conseq. probat, quia D. Thom. 1. p. q. 85. art. 5. in argumento, sed contra, ex eo probat in mente esse compositionem, quia in vocibus est compositio.

Ultimo accumulatur inconuenientia. Quia sequitur, quod non sit formaliter in intellectu ratio verbi, seu copulæ, & ratio subiecti, & prædicati, quia idem entitativus conceptus non potest esse id de quo aliquid dicitur, & id quod dicitur, & copula qua dicitur: Sequitur quod idem conceptus possit esse notitia intuitiva, & abstractiva, clara, & obscura, vt cum dico lapis non est Angelus, vel non est Deus, lapidem clarè video, Angelum, & Deum non video, sed obscurè attingo. Denique in propositionibus negatiuis, vt cum dico. Homo non est lignum, non potest vnica species mihi repræsentare hominem, & lignum, cum vnum negetur, & separetur ab alio, ergo debent concurrere plures species, ergo, & plures conceptus.

Hæc sunt quæ probabilem faciunt hanc partem, sed non omnino conuincunt, vnde substituendo primam sententiam ad illa respond.

Ad

Articulus II. 321

Ad primum fundamentum. Possumus vnicò verbo dicere, quod propositio dicitur formaliter composita, nō formalitate plurium entitatum, & compositione ordinationis conceptuum, sed formatione vnius ex pluribus præsuppositis, ex quorum collatione, & comparatione formatur, & resultat vna tertia species, seu conceptus, sicut ex speciebus montis, & auri formatur species montis aurei, quæ tamen non est vna unitate ordinis, sed unitate entitativa, & iste modus formandi vnā speciem ex pluribus collatis, & comparatis inter se, est longe diuersus à simplici conceptu, & specie Angeli; Angelus enim non solum habet conceptum simplicem entitativè, sed etiam non est formatus illè conceptus ex pluribus inter se collatis, & comparatis, sed ex ipsa naturali efficacia, & indivisibili lumine, representando vnum, representat omnia, quæ illi conueniunt. Itaque non negamus ad omnia loca D. Thom. requiri comparationem, & collationem conceptuum ad formationem propositionum, sed dicimus ex tali formatione, & collatione produci vnum verbum, seu conceptum, qui est terminus per secundam operationem procedens eo modo, quo ipse D. Thom. 1. p. q. 12. à 9. dicit: *Quod ex speciebus montis, & auri formatur species montis aurei.* Et quest. 13. artic. 12. expressè dicit: *Quod intellectus non per pluralitatem diuinarum rationum representat per pluralitatem prædicati, & subiecti, unitatem verò, seu identitatem representat per compositionem.* Manifestè ergo præter pluralitatem conceptuum subiecti, & prædicati, ponit unitatem, seu identitatem, in qua consistit ipsa

compositio, & quia ista identitas, & unitas compositionis formatur ex collatione plurium, quasi arte elaborata, & formata ab intellectu præsupponens plura, non ex prima, & naturali efficacia omnia illa repræsentans, ideo longè distat à conceptu Angeli, qui simplicior, & efficacior est in repræsentando propositionem, quia non ex pluribus præsuppositis, & prius conceptis formatur, & resultat.

Ad secundum Fundamentum Respond. Esse diuersam rationem inter propositionem hypotheticam, seu syllogismum ex vna parte, & categoricam ex alia, nam categorica, est illud, quod per se primo format secundam operationem nostri intellectus, unde cum illa operatio producat verbum, & conceptum distinctum à prima operatione, oportet quod talem compositionem formet per productionem vnius qualitatis, & non solum unitate ordinis conceptus primæ orationis coniungat; postea verò ad coniungendum plures propositiones categoricas iam formatas, vel mouendum se de vna ad aliam per discursum, sufficit propositiones inter se coordinare, nec requiritur nouam aliam qualitatem producere per modum vnius representationis, sed ordinationis aut transitus de vno ad aliud, quod pluralitatem exigit. Et vltèrius possumus rationem huius inuestigare ex doctrina S. Thom. 1. p. q. 85. art. 5. vbi docet quod compositio intellectus est signum identitatis eorum, quæ componuntur, neque enim intellectus attribuit vnum alteri, nisi repræsentando identitatem, qua vniuntur prædicatum, & subiectum in vno, quod significatur per modum habendi.

Habentis, & secundum hanc identitatis rationem, inquit Div. Thom. ad 3 intellectus noster unum componit alteri predicando. Quam identitatem, tam in præsentionibus accidentalibus, quàm substantialibus interuenire docet S. Thom. 1. p. quest. 13. art. 12. & hanc unitatem, seu identitatem representari per compositionem, ex quo elicimus, quod in illa compositione, quæ fit per identitatem extremorum, vel remotionem identitatis, est sufficiens fundamentum, ut unica representatione omnes illæ partes identificate represententur, sicut per speciem totius representantur partes: & ita contingit in propositione categorica. In hypothetica autem, & multo minus in syllogismo, non intercedit prædicatio unius de altero, neque identitas extremorum, sed plures propositiones inter se ordinantur, unde non est fundamentum ad attribuendum nisi unitatem ordinis inter ipsas propositiones.

Ad id, quod additur de compositione vocum
Resp. Voces non representare, nisi ex impositione; non est autem imposita una vox ad representandum integram propositionem, unde oportet, quod per continuationem, & ordinationem vocum ipsam compositionem mentis significemus: in mente autem intellectus simul intelligit prædicatum, & subiectum, ut ex Div. Thom. supra diximus; non autem per continuationem, & successionem; unde quando Div. Thom. ex compositione vocum probat compositionem in mente, loquitur de compositione ex parte rei significatæ; non autem ex parte representationis;

324 *Quest. V. de Enunc.*

quia licet tam in voce, quam in mente vnum attribuat^r alteri, tamen in mente formatur species totius, in quo illæ partes attribuuntur non autem sic formatur in voce.

Ad ultim. Resp. Primum inconueniens nullo modo sequi; datur enim prædicatum, & subiectum, & copula formaliter, tum antecedenter ad formationem ipsius propositionis, tum cum ex coordinatione, & collatione illorum conceptuum nominis, & verbi formatur propositio tum in ipso conceptu, seu specie formata, in qua repræsentatur prædicatum, & subiectum, & copula per modum identitatis, & unitatis totius, sicut in specie montis aurei repræsentatur mons, & aurum, & in specie totius domus fenestræ, & columnæ, &c.

Ad secundum inconueniens Dic. non repugnare, quod eadem qualitas formata ex pluribus repræsentet intuitiue, & abstractiue respectu diuersorum, scilicet prædicati, & subiecti, non respectu eiusdem. Et secundo. Intuitiuum, & abstractiuum solum inueniuntur in notitijs simplicibus, non in ipsa compositione, vel discursu, & sic præsuppositiue supponuntur diuersæ notitiæ intuitiua, & abstractiua, clara, & obscura, in ipsa autem compositione solum attenditur identitas, vel differentia istorum, sub qua ratione in vno conceptu identitatis, vel differentie adunantur, licet nunquam respectu eiusdem, apprehensiua, & simplex notitia sit clara, & obscura. Quod autem diuersæ species impressæ possint concurrere ad vnā propositionem præsuppositiue, non arguit quod formari non possit vna tertia species, vel conceptus repræsentans il-

Articulus III. 325

ta per modum vnius totius, sicut ex speciebus auri, & montis, quæ diuersæ sunt, formatur species vna, & conceptus montis aurei, intellectus enim sicut ea, quæ vnita sunt potest diuidere, ita, & diuersa vnire solet in suo conceptu.

ARTICVLVS III.

*Verum Diuisio in Hypotheticam, &
categoricam sit essentialis,
& vniuoca.*

ANalogame esse hanc diuisionem diuersi Auctores putant ex varijs fundamentis moti. Quidam id videntur autire ex D. Thom. qui expressè id docere videtur in opusc. 48. tractatu de Enunciatione cap. 6. & 1. Periherm. lect. 8. eo quod hypothetica propositio non est simpliciter vna, sed coniunctione vna, vt Philosophus dicit ibidem cap. de Enunciat. est autem eadem ratio entis, & vnius entis, ergo quod non est simpliciter vna propositio, non est simpliciter propositio.

Dico ex alio fundamento, quia existimant saltem copulatiuas, & disiunctiuas propositiones, non esse in rigore propositiones hypotheticas, quia non significant connexionem enunciatiuam, sed solum continent coniunctas propositiones, & quidem accidentaliter, idest, sola simultate prolationis, unde consequenter solum analogicè possunt propositiones dici. Erunt autem propositiones hypotheticæ in rigore illæ, quæ connexionem duarum enunciationum significant, sicut conditionalis, causalis, & rationalis.

Dico

326 *Quest. V. de Enunc.*

Dico primo. Diuifio propositiōis in cathegoricam, & hypotheticam substantialiter est generis in species; habet tamen quendam modum analogiæ diuifionis. Est communior inter Thomistas, & defumitur ex Diu. Thomæ opusc. 48. tract. de Enunciatione cap. 6. ubi prius dicit hanc diuifionem esse, vt analogum in sua analogata (ubi ly, vt, modum designat) postea verò subdit: *Hanc diuifionem diuidere propositiōum, quo ad substantiam, quia diuidit eam ex parte copulationis, seu cōiunctionis; diuifionem verò affirmatiuam, & negatiuam, diuidere quo ad qualitatem, quia diuidit ex parte prædicati, quod est quasi pars formalis respectu subiecti; diuifionem denique in vniuersalem, & particularem diuidere quo ad quantitatem, quia diuidit ex parte subiecti, quod est quasi materia propositiōis, ad quam sequitur quantitas.* S. n. tit ergo Diu. Thom. hypotheticam pertinere ad substantiam propositiōis, atque aded in ipsa saluari vniuocè propositiōem: quia saluatur eius substantia, vnde tandem subdit, *Quod quando interrogamus, quid sit propositio, interrogamus de substantia propositiōis, & sic respondemus, quod est cathegorica, & hypothetica:* ergo qui dicit hypotheticam propositiōem, dicit substantiam propositiōis. Et nihilominus, quia ex parte rei significatæ cathegorica, & hypothetica se habent, tanquam vnum, & multa, & vna per prius, & alia per posterius, dicitur habere modum analogiæ, vt postea explicabimus.

Fundamentum Conclusionis consistit in hoc, quod propositio hypothetica habet totum, quod requiritur ad essentialem rationem enun-

enunciationis inquantum hypothetica est, nam
 ut talis, est oratio perfecta, & non sub spe-
 cie optatiuæ, vel interrogatiuæ, aut aliarum,
 ergo enuciatiuæ. Anteced. constat, nam quod
 sit oratio, manifestum est, cum habeat partes si-
 gnificatiuas, & non sit sola dictio, sed sit mo-
 dus sciendi: quod sit perfecta constat, quia non
 relinquit suspensum sensum in audiente, sed
 perfectum, ut cum dico Petrus currit, & Ioan-
 nes sedet, si Petrus currit, Petrus mouetur. Con-
 seq. verò patet, tum discurrendo per species
 orationis perfectæ, quas supra in initio istius
 quæst. ex D. Thom. posuimus, neque enim per
 hypotheticam propositionem fit optatiua ora-
 tio, aut vocatiua, aut imperatiua, aut interro-
 gatiua, ut patet in hac propositione, si homo
 currit, mouetur: Ioannes legit, & Paulus
 disputat, ergo debet esse enuciatiua. Tam
 etiam quia hypothetica inquantum talis si-
 gnificat veritatem; aut falsitatem distinctam
 a categorica, quia non solum fertur iudi-
 cium de qualibet categorica, sed etiam de ip-
 sa coniunctione hypothetica, non quantum
 ad dispositionem illationis, ut in consequentia:
 sed quantum ad ita esse, vel non esse, ut pa-
 tet in hac propositione, si homo esset equus,
 esset hinnibilis, nam de singulis categoricis
 formatur iudicium falsum, de tota autem hy-
 pothetica, verum; & similiter est in copulati-
 ua, & alijs hypotheticis; ergo signum est quod
 hypothetica inquantum talis pertinet ad ra-
 tionem enunciationis, siquidem significat
 verum, vel falsum, quæ est essentia enuncia-
 tionis. Quare sicut terminus complexus, &
 incomplexus vniuocè conueniunt, licet vnus si-
 gni-

328 *Quest. V. de Enunc.*

gnificet rem compositam, alius simplicem; ita hypothetica, & cathgorica vniuoce conueniunt in significando veritatem, licet vna sit simplex, alia composita.

Dico secundo, Copulatiuæ, & disiunctiuæ, verè, & in toto rigore sunt propositiones hypotheticæ. Constat hoc expressè ex D. Thom. opusc. 48. tractat. de Enunciat. c. 14. Diuiditur, inquit, propositio hypothetica in tres species, quia quædam est conditionalis, quædam disiunctiua, quædam copulatiua. Et idem habet in eodem opusc. tract. de Syllogis. simpliciter cap. 16. *Et ratio huius est*, quia illis conuenit definitio hypotheticæ, quæ secundum D. Thom. definitur, *quod sit illa, quæ habet duas cathgoricas principales partes sui*; hoc autem manifestissime apparet in propositione copulatiua, & disiunctiua. Item, quia veritas copulatiuæ, & disiunctiuæ, & iudicium, quod de illis datur, est diuersum à veritate, & iudicio, quod datur de cathgorica: plus enim requiritur ad verificandum vnâ, quam aliam, nam ad verificandum disiunctiuam, vtramque partem verificari, ad copulatiuam, vtramque partem verificari necesse est: diuersum autem iudicium, & diuersa veritas est de vnaqueque propositione cathgorica seorsum, quàm de vtriusque simultate, & de hoc, quod non solum vnum, sed etiam aliud ita sit: multo melius in disiunctiua, hoc apparet, nam altera parte existente falsa, tota disiunctiua est vera, ergo aliud est iudicium, & alia veritas totius, & alia partis.

SOI VVNTVR OBIECTIONES.

Primo Arguitur: Nam D. Thom. expresse affirmat, quod diuisio propositionis in categoricam, & hypotheticam est analogi in analogata, vt patet in opusc. 48. tract. de Enunciat. cap. 6. eo quod enuntiatio categorica est simpliciter vna, hypothetica verò coniunctione vna. Idem habet in 1. Periherm. lect. 8. vbi inquit: *Quod enuntiatio est vna absolute, quæ vnum de vno significat, vel secundum quid, scilicet, quæ est coniunctione vna*, ergo contra Diu. Thom. dicimus, quod diuisio ista est vniuoca. *Et Confirm.* Quia hypothetica dicitur vna secundum quid, seu coniunctione vna, inquantum significat plura, quadam tamen coniunctione vnita, ergo saltem in ratione signi propositio hypothetica est secundum quid vna, ergo etiam in ratione propositionis, nam propositio essentialiter signum, si ergo in ratione signi non est vna simpliciter, sed secundum quid, etiam in ratione propositionis, quæ est essentialiter signum non erit vna simpliciter, sed secundum quid.

Respond. S. Thom. in illo opusc. non dixisse absolute, quod ista diuisio est analogi in analogata, sed diuidi, *vt analogum in analogata*, quod est habere modum diuisionis analogæ, licet non substantiam, sicut etiam docet Sanctus Thomas in q. 9. de potent. art. 2. ad 6. quod *diuisio substantiæ in primam, & secundam, non est generis in species, sed magis analogi in analogata*, & tamen, vt in 2. p. Log. videbimus, communi

munitur tenetur, quod ista diuisio est vniuoca, & exponitur D. Thom. de diuisione analogica, quantum ad modum. Et consistit ista vniuocatio quo ad substantiam, & analogia quo ad modum in hoc, quod in propositione duo considerantur, alterum quo ad substantiam, idest, significatio veri, vel falsi, seu obiecti complexi, vt enunciabilis, & in hoc conueniunt vniuocè categorica, & hypothetica, vt diximus: aliud est ex parte identitatis, & vnitatis orationis, vt significatiua est absolutè, & hoc tenet se ex parte materiæ, scilicet orationis significatiuæ, sicut in termino quod sit complexus, vel incomplexus; & quantum ad hoc datur modus analogiæ, in quantum hypothetica constituitur ex categorica, & per prius inuenitur veritas in categorica, quam in hypothetica: sed non omne prius, & posterius infert analogiam veram, vt patet in numeris, quorum vnus est prior altero, & componit alterum; & tamen non analogantur in ratione numeri, sed prius, & posterius in participando rationem superiorem, facit analogiam: & sumitur hæc explicatio ex ipso Diu. Thom. 1. Periherm. lect. 8. vbi inquit: *Manifestum est enunciationem quæ est vna coniunctione, esse etiam plures; plures autem in quantum significat plura, & non vnum.* Et infra. *Quædam enunciatio est simpliciter vna, in quantum vnum significat, quædam simpliciter plures, in quantum plura significat; sed est vna secundum quid, in quantum est coniunctione vna.* Ergo solum ex parte rei significatæ, & vnitatis, vel identitatis significatio dicitur esse simpliciter vna, vel secundum quid, in ratione tamen

veritatis

Articulus III. 331

veritatis assertæ, & enunciatae, non negat D. Thom. quod sit simpliciter vna veritas hypothetica.

Ad Confir. Resp. Primò quod etiam si ratio signi, quæ superior est, si analogica, non sequitur, quod ratio inferior non sit vniuoca, vt patet in ante, in quo analogicè conuenit homo, & planta, non tamen in ratione viuentis, vel substantiæ. *Secundo dicitur:* Quod ratio signi non est genus artefacti Logici absolute, sed in ratione signi artificiosi, & sic in enunciatione simplici, & complexa multiplicata potest ratio signi, quasi materialiter, & absolute sumpta, in ratione autem complexi enunciabilis artificiosi habere unitatem simpliciter, in quantum significat vnā veritatem, etiam si hypothetica sit, sicut terminus complexus, & incomplexus in ratione termini vniuocantur; & sicut domus habens vnā aulam tantum, vel habens viginti, vniuoce sunt domus, & similia exempla multiplicari possunt in alijs artefactis.

Secundo arguit. Proposition hypothetica non est vnicus mentis conceptus; seu qualitas simplex, sed plures conceptus ordinati, categorica autem est vnus simplex conceptus, vt probabilius resoluiamus præcedenti articulo, ergo non conueniunt vniuocè. Consequentia patet, quia categorica vnit suas partes vnico conceptu, & consequenter vnico esse, hypothetica autem, non vnico esse, sed unitate ordinis, non est autem aliquid vniuocè commune ei, quod est vnum per se, & per accidens intra lineam eiusdem artefacti, scilicet propositionis enunciabilis.

Con-

332 *Quest. V. de Enunc.*

Confirmatur . Quia enunciatio hypothetica formaliter, & essent aliter componitur ex categorica, ergo non est species illi condistincta : Conseq. patet, quia quod formaliter componit aliud non condistinditur vt species contra illud, sed vt includens, & inclusum ; sicut male diuideretur animal in hominem, & in animal. Anteced. constat, quia categorica componit hypotheticam, inquantum significat verum, vel falsum, ex veritate enim categoricæ fit veritas hypotheticæ, ergo componit ratione eius, quod est formale in categorica, scilicet ratione significandi verum, vel falsum.

Respond. Argumentum probare, quod in esse qualitatis ; seu in esse entitativo, & Physico, hypothetica, & categorica se habent tanquam vnum, & multa, quæ secundum eund, & vnitatem ordinis sunt vnum. Cæterum artificialiter, & Logice in ratione enunciandi veritatem, vniuoce conueniunt, & sic in ratione artefacti enunciabilis simpliciter est vnum, & per se propositio hypothetica, sicut vas auri factum ex vnica, & continua quantitate auri, vel ex pluribus partibus diuisis compactum, in ratione artefacti vniuoce conueniunt, licet non in ratione physicæ quantitatis, & vnus substantiæ, & ratio termini, quæ inuenitur in prima operatione : & oratio, vel syllogismus, quæ inueniuntur in tertia, vniuoce conueniunt in ratione artefacti Logici, licet non in vnitatem physicam.

Ad eonfirm. respond. Quod licet hypothetica componatur ex eo, quod formale est in categorica, tamen hoc ipsum formale mate-

ria

Articulus III. 333

ialiter, & non formaliter est componens: illud enim dicitur formaliter componere, quando eius formalitas, & essentia consistit in ratione partis componentis, sicut materia, & forma in physicis, & sic non condiuiditur contra totum, sed in illo includitur: Quando vero aliquid in se est quoddam totum; licet secundum formale quod habet, possit componere aliud, quod essentialiter postulat illud ad sui compositionem, non dicitur formaliter esse componens, licet suo formali componat, quia formaliter non est pars, & sic potest esse species condiuisa respectu eius, quod componit, sicut binarius, & ternarius sunt species numeri, & tamen ternarius essentialiter constituitur ex binario.

Ultimò arguitur contra secundam conclusionem.
Quia copulatiua, & disiunctiua non sunt una propositio, sed multiplex, sola simultate prolationis coniunctæ. Et prob. quia non habent aliam veritatem à suis cathegoricis simul sumptis, vel disiunctis; talis autem conjunctio, vel disiunctio non facit distinctam propositionem, sed aggregationem plurium, ergo non sunt species enunciationis. Maior prob. quia præter aggregationem veritatum cathegoricarum, non est alia veritas copulatiuæ, nisi significare quod vtraque cathegorica est vera, vel si sit disiunctiua, quod altera est vera; hæc autem propositio. Vtraque illarum propositionum est vera, est quædam tertia veritas cathegorica; Ergo nunquam dabitur veritas hypothetica, quæ inquantum talis sit distincta species à cathegorica, sed si habet distinctam veritatem illa est quasi reflexa,

334 *Quaest. V. de Enunc.*

flexa, quæ explicatur per illam categoricam, utraque est vera, vel altera est vera.

Respondet. neg. maior. & ad probat. dicitur, quod ex illa aggregatione veritatum categoricarum disiunctivè, vel copulativè facta, resultat alia veritas, quæ quia pendet ex veritatibus categoricis, dicitur veritas hypothetica, quia habet categoricas principales partes sui. Et licet significatio reflexa, & in actu signato, quæ dicitur utramque esse veram, explicetur per unam categoricam, non tollit quin ipsa hypothetica in se sit veritas quædam non categorica, sed hypothetica, non enim illa reflexa categorica est vera, nisi quia id, quod significatur per illam, verum est. Significatur autem quod non solum una, sed etiam altera propositio est vera, quæ est veritas hypothetica, & non simplex: Et si sufficeret ad tollendam veritatem hypotheticam explicatio illa reflexa per unam categoricam, etiam ipsa conditionalis non esset hypothetica, & syllogismus non esset oratio constans ex propositionibus, quia reflexe definimus conditionalem per unam categoricam, dicendo quod est coniunctio plurium propositionum per particulam *si*, & quod syllogismus est oratio inferens ex præmissis conclusionem, non tamen sequitur ex hoc, quod syllogismus non sit oratio composita, & conditionalis non sit verè hypothetica.

ARTICVLVS IV.

Verum diuisiones in affirmatiuam, & negatiuam, in vniuersalem, & particularem, sint bonæ, & essentielles.

Quidam existimant diuisionem in affirmatiuam, & negatiuam esse accidentalem, quia est diuisio penes qualitatem propositionis, qualitas autem supponit essentialiam, & substantiam rei, consistit autem qualitas propositionis in affirmare, & negare; sicut quantitas in vniuersalitate, & particularitate. Alij existimant esse analogam quia traditur per prius, & posterius, affirmatio enim prior est negatione.

De diuisione autem in vniuersalem, & particularem ferè omnes conueniunt esse accidentalem.

Nihilominus expressa Sancti Thomæ sententia est, diuisionem propositionis in affirmatiuam, & negatiuam esse vniuocam, & generis in species. Ita habet in 1. Periherm. lect. 8. & euidentius opusc. 48. tractat. de Enunciat. capit. 6. vbi postquam dixit esse diuisionem generis in species, addit infra: *Quod hæc diuisio pertinet ad qualitatem enunciationis, qualitatem scilicet essentialem, secundum quod differentia significat quale quid.* Igitur in sententia Sancti Thomæ clare constat, quod hæc diuisio sit essentialis, & vniuoca.

Fundamentum huius sententiæ. Quantum ad hoc, quod sit vniuoca probat. à D. Thom. con-

336 *Quest. V. de Enunc.*

contra Alexandrum ; quia tam affirmatiua , quam negatiua participant æqualiter essentialem rationem enunciationis , scilicet significare verum , vel falsum , tam propriè enim & essentialiter significat verum , vel falsum affirmatiua propositio , quam negatiua , & eodem modo potest terminare iudicium assensus , vel dissensus , non enim minus verum est dicere affirmative , Verbum diuinum est Deus , quàm negativè . Verbum diuinum non est creatura ; homo est animal , quàm homo non est lapis : ergo vniuocè conueniunt in significando verum , vel falsum .

Quod verò diuisio sit essentialis , & non accidentalis , ex eo probatur , quia est diuisio penes formam essentialem propositionis , quæ est copulatio extremorum , quatenus fundatur in conuenientia : vel disconuenientia eorum inter se ; nam ante conuenientiam , vel disconuenientiam extremorum , nulla substantia enunciationis concipi potest ; tunc autem primò , & essentialiter ipsa ratio enunciationi concipitur , & constituitur , quando intelliguntur extrema vniri , ergo essentialis differentia in ratione huius unionis facit essentialem differentiam in ratione enunciationis , hac enim ratione , hypothetica differt essentialiter à cathégorica , quia differt in ratione , & modo copulandi , & componendi , sed copulatio negatiua essentialiter differt ab affirmatiua , cum negatio essentialiter opponatur affirmationi , siquidem destruit illam totaliter , ergo , &c.

Dico tertio . Diuisio propositionis penes quantitatem , scilicet in vniuersalem particularem ,

latem, &c. non est essentialis, sed accidentalis. Supponimus quod quantitas propositionis non inuenitur in omni propositione, sed solum in propositione constante termino communi; nam si constet subiecto singulari, propositio non est quanta, quia quantitas in propositionibus attenditur penes extensionem subiecti ad plura, vel pauciora; singularis autem propositio caret extensione, quia soli conuenit vni, vnde est quasi indiuisibile in genere quantitatis propositionis.

Ex quo manifeste deducitur, quod ista diuisio penes quantitatem sit accidentalis; tum quia non sumitur penes id, quod est essentialle in propositione, scilicet penes significationem veritatis, seu copulationem extremorum, sed penes extensionem subiecti in ea, quibus potest conuenire prædicato, vnde supponit enunciationem constitutam, & essentiam propositionis significantem ipsam veritatem complexam, quæ per copulationem extremorum constituitur: tum quia si inueniri potest tota essentia propositionis in indiuiduo sine vlla quantitate, vt in propositione singulari, ergo diuisio penes quantitatem non est essentialis, quia sine illis speciebus essentia inuenitur.

Et si dicas. Nam possunt aliquæ propositiones specie differre solum ratione quantitatis, vt si dicas, omnis homo est albus, aliquis homo est albus, prima est falsa, & secunda vera, & solum ratione quantitatis, ergo diuersa quantitas essentialle, & specificum discrimen facit.

Respond. neg. anteced. quia veritas, & falsitas
Logica Pars I. P

fitas non sunt essentialiter differentiae, ut supra diximus, unde ex hoc præcisè, quod una sit vera, & altera falsa ex variatione quantitatis, non sequitur quod sint essentialiter diuersae, & præsertim hoc est verum quantum ad essentialem differentiam propositionis ex parte formæ, & artificiosæ compositionis, sic enim non est essentialis differentia inter illas duas propositiones: ex parte autem materiæ, scilicet, quia res significata est diuersa, non est aliqua repugnantia quod possint aliquæ propositiones specificè differre, quia res specie distinctas significant, sed hoc non est ratione quantitatis, sed etiam si eiusdem quantitatis sint, hoc modo different specie, ut si dicas, omnis homo est animal, omnis equus est hinnibilis.

SOLVUNTUR OBJECTIONES,

Primò arguitur ad probandum non rectè diuidi propositionem in affirmatiuam, & negatiuam. Nam affirmatio, & negatio explicantur per esse, & non esse, affirmatur enim dicendo, quod aliquid est, & negatur dicendo, quod non est; sed ad esse, & non esse non potest dari aliquid commune, aut aliquod tertium medium inter illa, cum immediate opponantur, nec aliquid commune ad esse, & non esse intelligi possint, ergo ista diuisio nec est bona, neque uniuoca, cum ad esse, & non esse nihil sit uniuocum. *Es* *o affirmat*, quia affirmatio, & negatio traduntur per prius, & posterius: affirmatio enim prior est negatione, nam negatio in affirmatione

Articulus IV. 339

tionem fundatur, ut constat ex Arist. 1. Periherm. cap. de Enunciat. & D. Thom. ibi lect. 8. ergo non est diuisio generis in species, sed analogi in analogata. Conseq. patet, quia species vnius generis sunt simul natura, ut dicitur in Post prædicam. ergo non potest tradi diuisio generis penes species, quæ se habeant ut prius, & posterius.

Respond. Illo argumento aliquos malè torqueri, sed sine fundamento; Concedo enim inter esse, & non esse non dari medium, nec aliquid commune abstrahi posse, sed inter significare esse, vel non esse, potest dari aliquid commune abstrahens ab utroque, scilicet significare complexè extrema, & vnire illa, quæ postmodum determinatè significantur vnita penes affirmationem, vel negationem, quorum vna significat esse, alia significat non esse. Itaq; ipsum esse, & non esse contradictoriè opponuntur, ipsa verò significatio affirmans, & significatio negans, non opponuntur contradictoriè, sed contrariè, quia vtraque significatio est positiua, & se habent sicut duæ species significationis artificiosæ, & complexæ, & hæc significatio complexa enunciativè est ratio illis communis.

Ad Confir. Respond. Ex doctrina S. Thom. 1. Periherm. lect. 8. & opusc. 48. citato, ubi soluit hoc ipsum argumentum, quod non omne prius, & posterius constituit analogiam, ut patet in speciebus numeri; vnus enim numerus prior est alio, & tamen vniuocè sunt numeri, & potentia habitus, & actus habent rationem prioris, & posterioris, & tamen vniuocè sunt qualitas, scilicet illa prioritas,

340 *Quaest. V. de Enunc.*

Quæ facit inæqualiter participare rationem superiorem, ita quod in vno sit principalius, & per se, in alio secundum quid, & per accidens facit analogiam, sicut ens respectu substantiæ, & accidentis, sanum respectu animalis, & herbæ, in vno enim inuenitur per prius in alio per posterius. Et dicuntur species vnius generis esse simul natura simulate participandi rationem superiorem, non simulate existendi inter se.

Secundo argu. Non potest idem diuisum duplici essentiali diuisione diuidi, siquidem essentialiter differentiæ ex æquo diuidunt genus, & adæquatè opponuntur inter se intra idem genus, sed propositio diuiditur essentialiter in categoricam, & hypotheticam, vt dictum est art. præced. ergo non potest iterum diuidi essentialiter in affirmatiuam, & negatiuam; cum vna diuisio non contineatur sub alia.

Et Confirm. Quia generum non subalternatim positorum non possunt eadem esse species, vt dicitur in Regula Antepredicamentali; sed categorica, & hypothetica sunt genera non subalternatim posita, ergo non possunt diuidi eisdem differentiis essentialibus, sed vtrique potest diuidi in affirmatiuam, & negatiuam; & rursus tam affirmatiua, quam negatiua, in categoricam, & hypotheticam. Ergo istæ diuisiones non possunt esse essentielles, sed accidentales.

Resp. In primis nullam esse inconueniens, quod idem diuidatur pluribus diuisionibus essentialibus immediatè, quando sunt diuisiones inadæquatæ, quando scilicet aliqua essentia constituitur pluribus formalitatibus, quæ-

Articulus IV. 341

quantum quolibet partibilis est in aliquas species, quæ est doctrina S. Thom. 1. 2. quæst. 95. art. 4. ubi inquit: *Quod sunt multa de ratione legis humanæ, secundum quorum quodlibet lex humanæ propriè, & per se diuidi potest: & ibi numerat diuersas diuisiones per se, & essentielles legis humanæ, secundum inadequatas considerationes. Imò in diuisionibus Prædicamentorum non est necesse omnem diuisionem fieri per duas species adæquatas, sed per plures, quibus idem genus diuidi potest, sicut animal potest diuidi in gressibile, & volatile, & rursus in reptile, & notabile, & in multas, & varias species essentielles. Et similiter qualitas diuiditur immediatè in habitum, & dispositionem, in potentiam, & impotentiam, &c.*

Secundo Responderi potest affirmationem, & negationem non esse immediatam diuisionem propositionis, sed subdiviisionem eius: primo enim diuiditur in categoricam, & hypotheticam: categorica autem, in affirmatiuam, & negatiuam. Quod ex Philosopho in 1. Periherm. cap. de Enunciat. sumpsit Diu. Thom. ibi lectio 8. dicens: Quod enunciatio, quedam est una simplex, quedam coniunctione una. Et statim addit, Alia subdiviisio enunciationis est, quod, si enunciatio sit una, aut est firmatio aut negatio. Quod statim amplius explicabitur.

Ad Confir. Resp. Ex hac vltima solutione, regulam antepredicamentalem hic non habere locum, cum sint genera subalternatim posita diuisio in categoricam, & hypotheticam, & subdiviisio categoricæ, in affirmatiuam,

& negatiuam . Et cum instaur, quod etiam hypothetica diuiditur in affirmatiuam , & negatiuam . *Resp.* 1. hypotheticas non dici per se affirmatiuas , aut negatiuas , nisi ratione suarum categoricarum , ex quibus constant , nam ipsæ copulæ hypotheticales propriè non negantur , sed copulæ verbales , ex quarum negatione propositiones etiam hypotheticæ redduntur negatiuæ ; unde quando fiunt contradictoriæ in hypotheticis , negationes ponuntur in copulis categoricis , non hypotheticis (nisi forte negatio toti enunciationi præponatur) vt si dicas hanc copulatiuam : *Petrus currit, & Ioannes legit*, contradictoria eius erit disiunctiua hæc , *Petrus non currit, vel Ioannes non legit* , vt bene aduertit M. Soto lib. 3. sum. c. 9. not. 5. vbi copulæ hypotheticales, scilicet *ly, &, & ly, vel,* vtroque non negantur .

Secundò Respond. Quod si hypothetica per se diuiditur in affirmatiuam , & negatiuam , talis affirmatio , negatio est longè diuersa ab affirmatione , & negatione , quæ diuidit categoricam , quia copulæ categoricæ , & hypotheticæ sunt longè diuersæ , & ita non sunt capaces affirmationis , & negationis secundum eandem rationem , copula enim categorica est verbum : copula verò hypothetica est modus , vt *ly, &, ly vel, ly si* : Sicut qualitas quæ est dispositio in genere diuiditur in dispositionem permanentem , quæ est habitus , & transeuntem, quæ est dispositio tantum, & tamen quando qualitas diuiditur etiam in passionem, & passibilem qualitatē penes hoc, quod sit perma-nens, & transiens non diuiditur eisdem differentiis permanentis, & transeuntis, sed diuersis .

Plē.

Plc Arg. Nam aliquæ propositiones sunt simul affirmatiuæ, & negatiuæ, seu mixtæ qualitatis, vt hæc propositio *Petrus est, & non fuit albus*, ergo ista diuisio non est essentialis, quia duæ essentialiter differentiæ non possunt eidem individuo conuenire. Nec dici potest quod illa est duplex propositio, & non vna; contra enim est, quia solum constat vno subiecto, & prædicato, & vnico iudicio iudicari potest, ergo est vnica formaliter, licet virtualiter possit esse multiplex, quia ex illa multæ formari possunt.

Et Confirm. Quia propositio affirmatiua, & negatiua possunt esse synonymæ, vt homo est rationalis, homo non est irrationalis, ergo sunt eiusdem speciei: patet consequ. quia respiciunt idem obiectum, ab obiecto autem sumitur species.

Resp. Quod in propositionibus mixtæ qualitatis virtualiter inuenitur duplex propositio, quia est quasi duplex veritas, licet de eodem subiecto dicatur, eo quod multiplicatur copula, sed tamen quia formaliter est vnica propositio, dicitur pertinere ad speciem affirmatiuæ illa propositio mixtæ qualitatis, quæ infert vnā affirmatiuam, & pertinebit ad negatiuam illa, quæ infertur ex vna negatiua, prout diximus in textu in cap. de Diuisionibus propositionis. Et sic non constituitur vnica propositio formaliter in duplici specie, sed formaliter in vnica tantum, virtualiter autem, quia est duplex in duabus.

Ad Confirm. Respond. Quod illæ duæ propositiones; licet sint eiusdem speciei ex parte materiæ, seu subiecti materialiter considerati; tamen ex parte formæ, & artificiosi modi enunciandi, sunt diuersæ, quod est esse eiusdem speciei posteriori scilicet, diuersæ autem

344 *Quaest. V. de Enunc.*

prioristice, sicut ex eodem obiecto, & materia potest fieri entymema, & syllogismus, quæ in ratione artificiosæ orationis, & consequentiæ, sunt diuersæ species posterioristice autem, tunc erunt eiusdem rationis.

✠ ✠ ✠ ✠ ✠ ✠ ✠ ✠ ✠ ✠ ✠ ✠ ✠ ✠ ✠ ✠

QVÆSTIO VI.

De Suppositione, & alijs proprietatibus partium Enunciationis.



QUOD doctrinæ postulat, ut explicata essentia, seu natura propositionis, incipiamus explicare alius proprietates. Et prius agemus de proprietatibus partium in hac quæstione, deinde de proprietatibus totius in sequenti. Proprietates partium sunt, *suppositio*, *ampliatio*, &c. proprietates totius, *oppositio*, *conuersio*, *equipollentia*.

ARTICVLVS I.

Primum definitio Suppositionis sit bona.

DEFINIVIMUS in textu Suppositionem, quod sit *Acceptio termini pro aliquo, de quo verificatur iuxta exigentiam copule.* unde ad eius exactam explicationem tria inquirenda sunt, *Primum* circa genus, quomodo

modo intelligatur, quod suppositio est acceptio. *Secundum* circa differentiam, quomodo sit verificatio termini iuxta exigentiam copulae. *Tertium*, an solum intra propositionem inueniatur suppositio.

Circa primum, *Acceptio* in definitione suppositionis sumitur pro usu passiuo, seu ordinatione intellectus, qua vitur aliquo termino, seu ordinat, & comparat illum in ordine ad aliquid. Et constat distinguere suppositionem a significatione, cum significatio termini sit permanens, & vna, suppositio autem variari possit, eadem significatione manente, quia haec ab impositione, quae non mutatur, dependet, illa ab applicatione, & usu intellectus, quo applicat, & vitur aliquo termino. Et cum ista acceptio sit passiuia, seu usus passiuus termini, qui supponit, & accipitur, necessario requirit acceptionem actiuam, quae non est aliud, quam actus intellectus ordinans, & comparans ipsum terminum, & consequenter denominans ipsum, non solum cognitum, sed etiam sic directum, & applicatum, & acceptum: & in hac acceptione passiuia fundatur ipsa ratio rationis, in qua formaliter consistit intentio suppositionis.

Secundo Dicendum est. Quod acceptio, ut sic, est communis ad multiplices, & varias intentiones, quae in acceptione fundantur, sicut est; ratio praedicati, subiecti, ratio ampliationis, & restrictionis, & appellationis, & similitum, quae omnia fundantur in aliqua acceptione intellectus, idest, in aliqua ordinatione, & comparatione, qua aliquem terminum comparat secundum diuersas con-

346 *Quest. VI de Supposit.*

siderationes , & rationes , vel comparando unum terminum ad alium in ratione subiecti, & prædicati, qui sunt respectus, de quo aliquid dicitur, & quod de aliquo dicitur, vel in ratione applicationis, qua significatum unius determinat significatum alterius, ut in appellatione : vel comparando terminum ad id, pro quo substituitur, ut in suppositione, vel ad ea, ad quæ extenditur, vel ad quæ restringitur, ut in ampliacione, & restrictione. Quare hæc acceptio intellectus, quæ ponitur ut genus suppositionis, nihil aliud est, quam ordinatio intellectus circa aliquem terminum, non ut significet (id enim facit impositio, non acceptio termini) neque ut conficiat propositionem absolute (id enim pertinet ad exercitium termini in ratione partis) sed ut coordinetur, & applicetur secundum diuersos respectus, & usus cum alijs terminis, & cum tota propositione.

Sed obijcies. Quia si acceptio est communis omni intentioni, quæ fundatur in usu passiuo intellectus, ut intentio prædicati, & subiecti, appellationis, ampliacionis, &c. ergo debuit in omnium istarum intentionum definitione poni acceptio tanquam genus, & non in sola definitione suppositionis : imò in definitione signi debuit poni, nam etiam signum accipitur pro eo, quod significat, & pro illo substituitur, vel si respectu istorum non est genus, neque respectu suppositionis.

Et confirm. Quia in ista propositione, *Essentia diuina est Pater*, ly *Essentia Diuina*, accipitur pro Patre; & tamen non supponit pro illo, ergo mala est definitio, *Major probat.*
quia

quia si acciperetur pro filio, aut Spiritu Sancto, aut pro tota Trinitate, esset falsa, ergo accipitur pro solo Patre. Minor verò probat. nam si supponit pro Patre, posset concedi ista, Essentia divina generat, quia supponit pro Patre, quia generat, sicut conceditur quod homo ambulat, quia Petrus ambulat, pro quo supponit homo, licet directè non significet Petrum, sicut neque Essentia divina Patrem.

Et Confirm. Secund. Nam in libro clauso terminus supponit, siquidem ibi inuenitur propositio scripta, ergo, & suppositio, & tamen ibi non accipitur passivè ab intellectu, quasi in actu, quia non cognoscitur actu, ergo non consistit essentia suppositionis in actuali usu, & acceptione intellectus.

Respond. quod in alijs proprietatibus, seu intentionibus, quæ fundantur in passivo usu intellectus, semper subintelligitur acceptio, ut cum dicitur: *Appellatio est applicatio significati formalis, &c.* sensus est, quod est acceptio applicativa. *Et quando dicitur, quod Ampliatio est extensio, &c.* intelligitur acceptio extensiva; exprimitur autem potius in suppositione, quam in alijs, quia cum sit prima inter istas proprietates logicales, quæ conveniunt termino intra propositionem, non potuit alio nomine exprimi ipsa ratio communis, nisi per acceptionem; aliæ verò proprietates, quæ sunt quasi additiones, vel extendendo, vel coarctando, vel modificando, &c. possunt alijs nominibus exprimi. Signum autem non accipitur, vel substituitur pro significato, eo genere acceptionis, de quo hic

348 *Quaest. VI. de Supposito.*

loquimur, substituitur enim solum in representando, vel significando mediante impositione, seu representatione, in praesenti autem loquimur de acceptione, quasi applicatiua, & ordinata huius termini significantis ad aliquem usum intellectus.

Ad primam confirmat. respond. Quod, ut dicit S. Thom. 1. p. quaest. 30. art. 5. ad 4. Essentia Diuina non supponit pro Patre ex modo significandi (qui maxime attenditur in verificatione locutionis) siquidem significatur ut abstracta à personis, sed ratione identitatis, & summae simplicitatis supponere poterit pro Patre, seu verificari de illo. Et ideo quando significatur identitas per verbum *est*, accipitur, & supponit pro Patre essentia Diuina ratione identitatis: quando verò significatur actus notionalis, & proprius Personae, non supponit ly *Essentia* pro Patre, quia tunc non significatur identitas, sed proprietas Personae, à qua ex modo significandi abstrahit ly *Essentia*.

Ad secundam Confirmat. Respond. Quod in scriptura causa inuenitur propositio, & suppositio, & reliquae proprietates logicae, quasi in signo non actualiter cognito, & ideo solum virtualiter, non autem in actu sunt ibi tales intentiones; non tamen eodem modo concedendum est, quod ibi sit signum virtualiter, & non formaliter, quia ipsa scriptura, quae est in libro clauso formaliter in se ipsa est imposita ad significandum, sicut, & voces, & ita, licet actu non representet scriptura, actu tamen est imposita, & ideo actu est signum, quia actualis essentia signi non consistit

fit in actuali exercitio repræsentandi, sed in actuali potentia ad repræsentandum, quia signum dicitur repræsentativum, non repræsentatio: suppositio autem fundatur in actuali applicatione, & usu intellectus; quamquam etiam relatio rationis signi, quæ inuenitur in libro clauso, non sit actu existens, nisi actu cognoscatur, denominatur tamen signum ab ipsa impositione, & fundamento proximo huius relationis, de quo plura dicemus, q. 21, 2. par. Logicæ.

SECUNDA DIFFICULTAS.

AD secundam difficultatem à principio positam, quæ tangit differentiam suppositionis, scilicet quod sit acceptio pro aliquo, pro quo verificatur; ut respondeatur, notandum est, quod, ut diximus in Text. c. 20. aliud est verificatio termini, aliud verificatio propositionis, stat enim quod aliqua propositio non verificetur, ut ista homo est lapis, & tamen termini verè supponant, & verificentur, atque ita verificatio propositionis sumitur penes ipsum esse, vel non esse à parte rei, sicut significatur per esse, vel non esse propositionis, ad verificationem autem termini supponentis sufficit, quod illud, pro quo supponit inueniri, & designari possit secundum exigentiam illius copulæ, & verbi, cui applicatur, ut supponat, ut loco citato latius diximus. Et ista verificatio seu designatio potest aliquando fieri ad sensum, ut si res sit sensu demonstrabilis, vel ad intellectum si sit occulta, vel in abstracto considerata, ut
ibidem

350 *Quest. VI. de Supposito.*

ibidem diximus. Imò aliquando non potest fieri demonstratio in ipso termino immediate, sed mediate, & facta resolutione illius, ut cum dico, Omnis homo est animal, non debeo demonstrare aliquid, quod sit omnis homo, sed resoluta illa vniuersali in suas singulares, hic homo est animal, & ille, &c. in quolibet illorum potest demonstrari, hoc est homo.

Hoc supposito, Aliqui recentiores non admittunt suppositionem in hoc sensu, quod debeat verificari de aliquo, iuxta exigentiam copulæ; vnde solum restat nobis probare, quod ita admittendum sit. *Et fundamentum est.* Quia dantur aliquæ propositiones de subiecto non supponente, quando scilicet alicui termino adiungitur restrictio aliqua, vel terminus illi repugnans, ut si dicas, Angelus corporeus mouetur, Deus creatus intelligit, ly *Angelus*, & ly *Deus* non supponunt, quia non datur Angelus corporeus, nec Deus creatus, & hoc ideò, quia ut substituatur terminus pro aliquo, oportet quod non sit impeditus, nec aliquid ei repugnet, ut possit pro tali re substitui; ergo similiter si in ordine ad aliquam copulam repugnat inueniri id, pro quo substituitur, non poterit substitui pro illo, stante tali copula, ut si dicas, Adam est, Antichristus fuit; non datur talis Antichristus, qui fuerit, nec talis Adam, qui sit, ergo non potest substitui pro illo, requiritur ergo ad substitutionem, seu suppositionem, verificatio termini iuxta copulam, id est, quod possit inueniri, & designari id pro quo supponit terminus, iuxta significationem talis copulæ.

Sed

Sed dices. Non in aliquibus propositionibus subiectum supponit, & non verificatur iuxta copulam, ergo, &c. Anteced. probat. Primò in propositionibus falsis, vt *Adam est, Antichristus fuit*, illæ propositiones sunt falsæ, quia prædicata non conueniunt rebus, pro quibus subiecta supponunt, alias non intelligeremus falsitatem propositionis, nisi cognosceremus cui disconuenit, vel repugnat prædicatum, ergo pro aliquo supponit illud subiectum. Et in hac propositione, *chymæra erit*, ly *chymæra* supponit, siquidem ampliatur à verbo erit, & ampliatio est extensio à minori ad maiorem suppositionem, & tamen non verificatur iuxta copulam, quòd aliquando erit *chymæra*, ergo stat benè suppositio, sicut, & ampliatio sine verificatione. *Secundo* in propositionibus optatiuis, & imperatiuis termini possunt supponere, quia determinatè de aliquo dicuntur, & tamen non verificantur iuxta aliquam copulam, quia ibi non est. Ac denique in propositionibus æternæ veritatis, vt *homo est animal*, non potest verificari terminus demonstrando illum per pronomen, *hoc*, ad aliquam differentiam temporis, cum verbum illud absoluat ab omni tempore: ergo datur suppositio sine verificatione. *Confirmat.* Quia verificatio termini fit per aliam propositionem distinctam ab illa in qua supponit terminus, vt diximus, ergo talis verificatio non potest pertinere ad differentiam constitutiuam, & essentialem suppositioni.

Respond. negando anteced. Ad prim. prob. dicitur illas propositiones. ideo esse falsas, quia sunt

sunt de subiecto non supponente, quia secundum illam copulam non inuenitur aliquis, pro quo supponant; non autem semper requiritur ad falsitatem, quod terminus supponat pro aliquo cui disconueniant prædicatum, sed sufficit, quod non supponat, idest non inueniatur sub tali copula, & tamen de illo affirmatur prædicatum. In illa autem propositione, chymæra erit, vel non datur propriè ampliatio, quia non datur suppositio vera. Vel si est ibi ampliatio, non debet sumi pro maiori extensione suppositioni, sed pro extensione suppositorum, vel temporum, ad quæ fit ampliatio, siue terminus supponat, siue non.

Ad secundam vero probat. respondet. Quod in illis orationibus optatiuis, &c. termini supponunt iuxta exigentiam copulæ, ut in optatiuis, si sint de futuro, verificatur terminus ex parte subiecti pro eo, qui est, vel erit, ut si dicas. Utinam Petrus fiat iustus, ly *Petrus*, supponit pro Petro, qui est, vel erit, si sit de præterito, ut utinam fuisset iustus, supponit pro eo quod est, vel fuit, & sic de alijs. In imperatiuis supponit pro præsentis, ut si dicas, Petre fac hoc, Petrus debet supponere pro præsentis cui imperatur: & similiter in vocatiuis, &c. Itaque ad suppositionem sufficit oratio in qua inueniatur copula iuxta cuius exigentiam potest inueniri, & demonstrari talis terminus, & sic intelligimus solum supponere in propositione, sumendo propositionem pro omni oratione constante ex copula. In suppositione autem naturali, ubi veritas abstrahit à tempore, verificatio subiecti supponentis, non demonstratur ad
fin.

sensum, sed ad intellectum, quia verificatur secundum exigentiam verbi abstrahentis à tempore, ut si dicas, Petrus est homo, ly *Petrus* supponit, demonstrando Petrum per intellectum secundum se, ut dicendo, illud quod est Petrus, ly *est* abstrahente à tempore; & quando dico, homo est animal, demonstro per intellectum hoc, quod est homo secundum se; non ratione status singularis, vel vniuersalis.

Ad confirm. resp. Quod verificatio termini non constituit suppositionem, secundum quid fit, quasi in actu signato, & ut demonstrata per aliam propositionem, sed verificatio in actu exercito, prout fit in ipsa propositione in qua supponit, postea autem manifestatur, & probatur in alia propositione distincta.

TERTIA DIFFICULTAS.

Ad tertiam difficultatem à principio propositam. *Resp.* Terminum nullo modo supponere actu extra propositionem, vel orationem constantem copula, iuxta cuius exigentiam possint acceptio termini verificari. *Ratio* sumitur ex dictis, quia suppositio non est substitutio secundum solam rationem significationis (sic enim constat inueniri extra propositionem) sed supposita significatione substituitur terminus pro aliquo secundum applicationem, & respectum ad alterum, ut ergo verè supponat, requiritur, quod sic inueniatur, & designari possit id, pro quo supponit, alioquin si non inueniatur,

tur, neque est designabile, non est enim applicabile in tali substitutione. Ex eo autem constat inueniri, seu designari posse id pro quo supponit, si demonstretur per aliquam copulam, quia ratione alicuius verbi constat quod sit vel non sit, seu inueniatur id pro quo aliquid supponit, requiritur ergo necessario, quod terminus coniungatur alicui verbo, ut respectu illius inueniri, & demonstrari possit id pro quo terminus accipitur. Adde quod id, quod respectu vnius copulæ potest substitui, respectu alterius non potest, ut si dicas, *Adam fuit*, ly *Adam*, supponit respectu præteriti: Si verò dicas, *Adam est*, non supponit, quia non inuenitur, & consequenter, nec verificatur respectu temporis præsentis. Et aliquando etiam suppositio variatur ratione copulæ, non absolute sumptæ, sed respectu prædicati, ut cum dico: *Homo est nomen*, *homo est species*, ly *homo* non supponit ratione solius copulæ *est*, ut significat tempus præsens, sed cognoscitur supponere materialiter in vno, & simpliciter in altero, quia sic exigit prædicatum per talem copulam unitum termino, ergo in ordine ad diuersam copulam diuersa species suppositionis sumi potest.

Sed obijcies. Nam terminus extra propositionem verè habet rationem termini, & partis, ergo dicit ordinem ad verbum, mediante cuius coniunctione potest componere; ergo habet rationem suppositionis, sicut, & habet potentiam proximam compositionis: sicut enim ad componendum terminus non dicit actum, sed potentiam, sic etiam ad supponendum: præsertim cum suppositio sit proprie-

tas

tas termini, & consequenter non separatur ab ipso, neque intra, neque extra propositionem.

Et confirm. Quia extra propositionem etiam terminus dicit ordinem ad verbum, vel ad alium terminum, tam in orationibus imperfectis, ut si dicas, Petrus albus, homo iustus, ubi vnus terminus accipi potest in ordine ad alium, cur enim solum accipitur in ordine ad verbum? Tum etiam in orationibus perfectis non enunciatiuis, quæ verè; & propriè constant verbo, licet non enunciando, sed imperando, vel optando, &c.

Confirm. secundo. Nam si terminus solum supponit intra propositionem, quia substituitur secundum exigentiam verbi, sequitur quod omnes propositiones affirmatiuæ veræ, sint essentielles, ut patet in hac propositione, Petrus currit, quæ ideo est vera, quia iuxta exigentiam copulæ supponit pro Petro currente, sed de Petro currente est essenziale dicere quod currit, ergo est propositio essentialis.

Resp. ad principale argumentum. Esse differentiam inter rationem termini, & rationem suppositionis, quod intentio termini solum est intentio partis, & substitutio significationis, vtrumque autem non fundatur in ipso actuali exercitio, vel significandi, vel componendi, sed in habilitate, & potentia ad componendum, vel significandum, ratio enim partis non est ratio componentis, sed compositiui, & similiter ratio signi est ratio significatiui, non significantis; at vero intentio suppositionis resultat ex actuali determinatione, & usu passiuo intellectus circa aliquem terminum,

356 *Quest. VI. de Supposit.*

num, quem determinat, & applicat, siuè in mente, siuè in voce, vel scripto, pro isto vel illo, pro quo verificatur, vnde ante actualem applicationem intellectus non datur ista determinatio. Quod verò dicitur esse proprietatem termini. *Respond.* Suppositionem non esse proprietatem termini in omni statu, sed prout applicatur intra propositionem, sicut proprietas greuis est quiescere, non absolute, sed in certo.

Ad primam confirm. Resp. Quod extra propositionem terminus dicit respectu ad verbum, vel ad prædicatum per modum partis potentis componere, non autem per modum actus determinati, & substitui pro aliquo, quod verè inueniatur ita substitui, eo quod non potest constare, quod verè sic inueniatur, nisi in ordine ad aliquod verbum constet inueniri, vnde in orationibus imperfectis non constantibus aliquo verbo non datur suppositio, quia nondum datur id, per quod debet verificari, & designari quomodo verè, & propriè supponat terminus: cuius signum est, quod quando sine verbo coniunguntur termini, ut dicendo, homo albus, illud complexum est indifferens ad quodcumque genus suppositionis, possunt enim formari ex illo complexo suppositio materialis dicendo, homo albus est vox complexa, vel formalis dicendo, homo albus disgregat visum, vel simplex dicendo, homo albus est prædicabile de multis, vel naturalis dicendo, homo albus est coloratus, vel accidentalis dicendo, homo albus ambulat, vnde si est indifferens ad omnes species suppositionis, manifestum est, quod nul-
lam

iam habet in actu, & sic determinatur, & verificatur ratione copulæ. In propositionibus autem non enuntiatiuis constantibus verbo, iam diximus posse reperiri suppositionem.

Ad secund. conf. respond. Quod licet in illa propositione ly *Petrus* supponat pro Petro currente, illa tamen propositio non est essentialis, quia ad essentialem propositionem non sufficit identitas subiecti cum prædicato ex parte suppositi, & ex parte suppositionis eius, sed requiritur necessaria connexio, & habitudo terminorum, quæ est identitas quasi formalis, unde in prædictis propositionibus accidentalibus est quidem vera coniunctio, & unio inter prædicatum, & subiectum, non tamen est necessaria; unde licet supponant pro eodem, non tamen sub ea formalitate necessariæ connexionis, quæ requiritur ad essentialem propositionem, sicut si formaliter significaretur ex parte subiecti dicendo, *Petrus currens currit*, tunc enim est propositio essentialis, quia habitudo terminorum non solum veritatem fundat, sed intrinsecam necessitatem.

ARTICVLVS II.

Verum suppositio impropria reperiatur in conceptu mentis ultimo.

PVnctus huius difficultatis nascitur ex ipsa definitione suppositionis improprie, seu metaphoricæ, quæ est suppositio pro eo quod terminus improprie, & per translationem significat, quod in terminis vocalibus videmus

358 *Quest. VI. de Supposit.*

mus fieri, quia vnus terminus transfertur ad supponendum pro alia re, quam sit illa, quam directè significat, eo quod habet aliquam conuenientiam, vel similitudinem, aut comparisonem cum ipsa, oninis enim metaphora in aliqua comparatione, vel similitudine fundatur. Inquirimus ergo, An in ipso conceptu mentis ultimato, qui est naturalis similitudo alicuius rei, inueniatur fundamentum, vt applicari possit pro eo, quod non significat naturaliter, & propriè, sed pro eo cum quo potest habere aliquam similitudinem, vel comparisonem metaphoricam, v. g. in illa vulgari propositione *Vicit Leo de Tribu Iuda*; vt sit impropria suppositio in mente, requiritur, quod conceptus veri leonis, & qui est naturalis, & expressa similitudo leonis supponatur, & applicetur pro Christo, quem non significat propriè, & directè: nam si supponeret pro vero leo, propositio esset falsa, vt autem supponat pro Christo improprie, non debet repræsentare illum æque directè, cum repræsentatione veri leonis, aliàs ille conceptus esset æquiuocus, & suppositio pro Christo non esset impropria, sed propria vtriusque, scilicet Christi, & leonis, quia vtrumque propriè, & naturaliter repræsentaret, sicut nomen æquiuocum propriè supponit pro quolibet signato. Est ergo difficultas, An sufficiat ad suppositionem impropriam ille conceptus veri leonis, vt potest saltem in obliquo connotare Christum; vt similem leoni, an vero requiratur alius distinctus conceptus ad supponendum, qui directè repræsentet Christum cum connotatione leonis in obliquo

quo, non repræsentando Christum absolutè sed comparatum leoni.

In hoc ergo puncto diuisi sunt Authores, nam quidam simpliciter, & absolutè fatentur dari suppositionem impropriam, quia existimant in prædicta metaphora illum conceptum veri leonis repræsentare Christum connotatiuè sub analogia, & similitudine quadam ad leonem illo primo modo. Alij vero existimant conceptum illum veri leonis, nec repræsentare Christum, nec supponere pro illo, sed formari alium conceptum repræsentantem Christum cum aliqua comparatione, & connotatione ad verum leonem illo secundo modo, & ita supponere propriè ratione rei significatæ pro Christo cum connotatione ad leonem.

Nihilominus resolutione dico. Quod simpliciter hæc secunda sententia in sensu D. Tho. probabilior videtur, & hoc sequuntur plures ex Thomistis, non tamen caret probabilitate prima sententia. Prima pars deducitur ex D. Th. 1. p. q. 13. art. 10. vbi inquit: *Quod cum nominamus Deum secundum participationem, intelligimus nomina Dei aliquid habens similitudinem veri Dei*; Deus autem secundum participationem est Deus metaphoricè, sicut Christus est leo metaphoricè, ergo audito nomine Dei metaphoricè, intelligimus id, quod habet similitudinem veri Dei, & nomine leonis metaphoricè, intelligimus id, quod habet similitudinem veri leonis, non ergo est conceptus veri leonis, sed distinctus conceptus, scilicet eius, quod habet similitudinem veri leonis; iste autem est conceptus Christi cum

360 *Quest. VI. de Supposit.*

cum quadam connotatione ad leonem.

Et fund. sumitur ex dictis, nam illa suppositio metaphorica non potest verificari pro eo, quod est leo verus, sed pro eo, quod est tanquam leo: nam leo verus de Tribu Iuda non inuenitur, nec supponit magis, quam si diceretur, Angelus corporeus, vel homo rugibilis, solum ergo supponit, & verificatur pro eo quod est tanquam leo, sed conceptus veri leonis non potest esse conceptus eius, quod est tanquam leo, quia ut dictum est, alium conceptum formamus de vero leone, alium de eo quod comparatiuè se habet tanquam verus leo, ergo si pro hoc secundo verificatur illa suppositio, & non pro primo, iste secundus conceptus supponet, & non primus: ut autem esset suppositio impropria, deberet conceptus veri leonis supponere pro eo, quod non est leo, sed tanquam leo, non significando illud propriè.

Et confirmatur, quia conceptus veri leonis solum significat naturali representatione leonem verum, sub qua non continetur Christus, sed proprietatem fortitudinis, cui assimilatur Christus, quia illa potest comparari, & ratione huius comparisonis nominatur nomine eius, cui comparatur. Hæc autem comparatio supponit alium conceptum representantem Christum, ut comparatum leoni, & non absolute, eiusdem enim ad se ipsum non est comparatio, unde analogia metaphorica vocantur duorum conceptuum, ut dicemus in secunda parte Logicæ q. 13. a. 5. & Deus connotatiuè, aut comparatiuè cognitus ad creaturas, dicit alium conceptum
à crea-

à creaturis, ergo cum suppositio accipiat, & substituatur terminum pro re aliqua, quæ prædicatur, vel subijcitur non pro eo, quod in obliquo connotat, licet ab eo possint nominari in voce, sequitur quod in mente conceptus leonis veri non supponat pro Christo, licet connotetur à Christo, sed conceptus Christi, ut comparatus leoni, & iste non improprie supponit.

Ex quo infertur quod ille conceptus veri leonis, quando aliquis concipit illam propositionem, *vices Leo*, non est necesse quod corumpatur addita illa particula, *Ex Tribu Iuda*, sed format intellectus alium conceptum Christi secundum quod habet connotationem, & comparisonem ad conceptum veri Leonis, & sic primus conceptus veri Leonis non se habet; ut res supponens, sed ut terminans comparisonem, & connotationem Christi ad se.

Secunda pars concl. quam tenent etiam aliqui Thomistæ sequentes Magist. Sot. libro 2. Summul. cap. 10. notabil. 3. fundatur in hoc, quod ad supponendum non requiritur significatio alicuius rei, sed ordinatio, & applicatio intellectus, etiam pro eo quod non significat, sed pro eo cui assimilatur significatum, sufficit enim, quod significet aliquid saltem secundo, ut dicatur habere capacitatem, ut ab intellectu substituatur, & supponat pro illo, & non solum pro eo quod directe, & formaliter significat, sicut terminus communis significat individua secundo, & materialiter, & tamen supponit pro illis, & terminus connotatiuus pro substrato, quod so-

lum connotat , & vnum analogum pro suis analogatis , etiam si sit attributionis metaphoricæ , quod in argumentis amplius explicabitur .

SOLVUNTUR ARGVMENTA .

P*rimò Arguitur :* Quia stat benè , quod aliquis conceptus significet aliquid improprie , ergo stat benè , quod supponat improprie . Conseq. constat, cum tota ratio negandi suppositionem impropriam sit negatio significationis improprie in conceptu .

Ant. prob. in omnibus conceptibus representantibus rem , non vt est in se , sed ad instar alterius , & non per species proprias , sed per alienas , sicut cognoscimus Deum , & Angelos per sensibilia , & ens rationis per ens reale , & per conceptum vnius analogati alterum analogatum , ergo non repugnat dari conceptum significantem improprie .

Et Confirm. In connotatiuis , & terminis communibus , qui supponunt pro indiuiduis , quæ important in connotato , & in obliquo ; ergo etiam conceptus veri leonis poterit supponere pro Christo significato in connotato , & in obliquo . Et idem est in alienatione , quæ reperitur in conceptu mentis , cum sit proprietas quædam logicalis , quæ est secunda intentio : & tamen definitur quod sit distractio à propria ad impropriam suppositionem , atque aded supponitur dari hanc suppositionem impropriam in mente ,

Resp.

Articulus II. 363

Respond. neg. antec. Ad prob. dicitur, quod conceptus, qui repræsentant res, non vt sunt in se, sed per species alienas, sunt conceptus improprii ex parte modi repræsentandi: nou tamen ex parte rei repræsentatæ, imò conueniunt ipsi obiecto, & rei repræsentatæ, licet ad instar alterius cognitæ, sicut conceptus, quem formamus de Deo, vel de Angelis, ex parte rei cognitæ, dicitur esse conceptus proprius Dei, quia ipsi soli attribuitur, & appropriatur; ex parte tamen modi cognoscendi, non cognoscitur proprio modo, vt in se, & idem est de alijs conceptibus in argum. relatis; ad suppositionem autem impropriam requiritur, quod ex parte rei, pro qua supponit, non significet illam propriè, quia suppositio non pro modo significandi, sed pro re significata. Analogum autem, si sit attributionis metaphoricæ, non est analogum vnius conceptus; sed duorum, & solum significatione vnius comparisonis differt ab æquiuocis, vt in 2. parte Logicæ, q. 13. art. 5. dicitur. Et ideo vnus conceptus non supponit impropriè pro alio, sed quilibet pro suo significato.

Ad confirm. resp. Quod in termino connotatiuo, vel communi fit suppositio pro eo, quod connotatur, & non solum pro formali significato, quia illud, quod est connotatum, importatur, tanquam res, seu subiectum, vel suppositum, vnde potest supponere pro illo suppositione propria, quia non metaphoricè, sed propriè significatur, licet tanquam materiale; at verò in metaphoris, & alijs figuris rethoricis, id quod connotatur, importatur tanquam

364 *Quaest. VI. de Supposit.*

terminus comparisonis , quia omnis metaphora , per quandam comparisonem formalem , vel virtualem fit , unde pertinet quasi ad connotationem ex parte modi significandi , non ex parte rei significatae , & sic non supponit pro illo , sed formatur alius conceptus , qui rem propriè significat cum connotatione ad id , per quod metaphora designatur . Quod autem dicitur de alienatione , negamus illam reperiri in conceptu ultmato , quia hic alienari non potest , nisi corrumpatur ; sed convenit illa secunda intentio voci , vel conceptui non ultmato , ratione cuius distractio , seu alienatio significationis verificatur .

Secundo Arg. Istae duae propositiones , *vicit Leo de Tribu Iuda* , *vicit Christus* , non sunt synonymae , sed diuerso modo significant ; sed in ista propositione , *Christus vicit* , significatur Christus propriè ergo in alia non potest idem propriè significari , sic enim ex omni parte propositiones eadem manerent .

Si dicatur , quod in vna significatur Christus propriè absolute , & sine vlllo respectu , in alia autem propriè cum aliquo respectu , & connotatione .

Contra est Quia si non est significatio propria absolute in illa propositione , *vicit Leo* , &c. Ergo neque est suppositio propria absolute , quia suppositio propria fundatur in significatione propria , ergo vt sit propria absolute , debet fundari in significatione propria absolute .

Et Confir. Quia quando primum audio illos duos terminos , *Vicit leo* , representatur mihi conceptus veri leonis , adueniente verò il-

la par-

la particula, *de Tribu Iuda*, non corrumpitur ille prior conceptus leonis veri intra propositionem, ergo manet intra illam sicut ante, ergo supponit, non pro se, quia esset propositio falsa, ergo pro Christo, quem non significat propriè, ergo supponit impropriè. Totus discursus est legitimus, & illa minor, scilicet quod conceptus veri leonis non corrumpatur, patet: quia si corrumpitur, ergo non concipitur Christus in ordine ad leonem, sed in se absolutè sine respectu, siquidem non manet conceptus leonis, in ordine ad quem ista connotatio desumatur; unde esset eadem propositio, *Christus vicit, & vicit leo de Tribu Iuda*.

Respond. Solutione data in argumento, quæ sumitur ex verbis S. Thom. supra relatis, quod *quando nomino Deum per participationem, intelligitur id quod habet similitudinem veri Dei*, unde similiter quando Christum nomino leonem, intelligitur id quod habet similitudinem veri leonis, & hoc ex parte rei significatæ est conceptus proprius Christi. Vade ad replicam dicitur, quod conceptus Christi connotatiuè cogniti, & non omninò absolutè, est proprius Christi ex parte rei significatæ, licet non ex parte modi significandi, quia cum quadam connotatione, & respectu ad alterum significatur. Suppositio autem propria, vel impropria non attenditur ex parte modi significandi propriè, vel impropriè, sed ex parte propriè, vel impropriè significare; pro illa enim substituitur, & supponit, tanquam pro supposito, & eadem ratione significatur Christus immediatè, ut res significata, licet sub modo respectiuo, & connotatiuo ad al-

366 *Quest. VI de Supposit.*

terum tanquam ad terminum comparisonis.

Ad Confirm. Respond. Quod non est necesse currumpi illum conceptum veri leonis, sed tamen adueniente illa particula *de Tribu Iuda*, aliter applicatur, eo quod formatus conceptus de Christo, ut comparatur ad verum Leonem quoad eius fortitudinem, vel propriètes; unde manet conceptus veri leonis, ut terminus talis comparisonis, & connotationis, non ut præbens suppositionem termini ex parte rei significatæ inproprie.

Ultimo Arg. Nam si prius formatur conceptus veri leonis cum incipio audire illam propositionem, & postea formo conceptum Christi, non absolute, sed relate, & connotatiue ad verum Leonem, ergo per discursum formatur illa propositio, quatenus ex collatione, & comparatione vnius ad aliud colligimus tali metaphora velle nos significare Christum. Si autem per discursum colligitur, & discursus formatur ex propositionibus tanquam ex præmissis, ergo prius formabuntur istæ propositiones, leo vicit de Tribu Iuda, & ille non est verus leo, sed habens similitudinem veri leonis, ergo Christus, ut habens talem similitudinem vincit, sed tunc in præmissis illa prima propositio, vincit leo, &c. antequam inferat conclusionem, non supponit pro leone vero, sic enim esset falsa, & consequenter non inferret conclusionem veram, ergo tunc conceptus veri leonis supponit pro Christo inproprie, quod est intentum.

Respond. Quod cum in istis metaphoris intellectus utatur quodam circuitu, & comparatione ad significandum res, potest etiam

vti

vti discursu in colligendo significationem talis metaphoræ præsertim quando statim à principio non plenè comprehendit metaphoram, sed indiget discursu, vt illam intelligat. Dato ergo, quod ibi interuenit discursus, ad instantiam factam.

Respond. quod in illo discursu proposito, illa prima propositio quæ assumitur pro præmissa, leo vincit de Tribu Iuda, non concurret ibi quasi formaliter, sed quasi materialiter, & alia propositione subintellecta, scilicet hæc propositio vocalis præponitur, vincit leo de Tribu Iuda, & hæc non verificatur secundum significationem veri leonis, ergo secundum significationem eius, quod habet similitudinem veri leonis, quod est Christus: ergo &c. Hic est discursus, qui pro istis metaphoris formatur; assumitur enim propositio metaphoricè representata quasi pro maiori, & cum in sensu proprio non verificetur, fit discursus ad videndum in quo sensu verificari possit, vnde quando assumitur propositio metaphorica in maiori, antequam plenè intelligatur methapora per discursum, illa propositio non est in conceptu ultimato, sed in conceptu non ultimato, quæ repræsentat propositionem vocalem, & deinde discutrit circa eius sensum, & cum inueniat metaphoricè verificari, format in mente ultimum conceptum illius, qui habet similitudinem veri leonis, qui est Christus, & hic supponit in conclusione, estque suppositio propria.

ARTICULVS III.

*Quæ sint notanda circa alias species suppositionis,
& proprietates logicales.*

Circa simplicem suppositionem, cuius definitionem in Textu tradidimus, solet esse difficultas, quomodo distinguatur ab alijs suppositionibus, & primo à suppositione naturali, nam videtur in suppositione simplici etiam importari connexio, & habitudo necessaria terminorum, nam cum dico, homo est species, ideò est suppositio simplex, quia facit hunc sensum, homo conceptus conceptui proprio, seu in communi, est species, sed illud prædicatum, *species*, essentialiter conuenit conceptui communi hominis, ergo importat essentialem connexionem terminorum. Itm ex alio capite, definitio suppositionis simplicis conuenit naturali, vt quando definitio prædicatur de definito, vt cum dicas, homo est animal rationale, ly *homo* accipitur pro immediato significato, quod per se, & formaliter significat, nam ita definitur homo, quod non definitur Petrus, aut Paulus in singulari: ergo definitio suppositionis simplicis etiam conuenit naturali, in qua definitio prædicatur de definito.

Secundò est difficultas. An possit inueniri suppositio simplex in termino singulari, vt cum dico, Petrus est indiuiduum, nam terminus singularis non videtur habere significatum immediatum, distinctum à mediato, ratione cuius possint supponere simpliciter, sed solum
habet

habet vnicum, & adæquatum, pro quo supponit singulariter; ex alia autem parte videtur, quod sicut in hoc termino homo, quando prædicatur aliquis terminus secundæ intentionis de illo, datur suppositio simplex, quia non transit ad significata mediata, non enim valet, homo est species, ergo Petrus est species, ita similiter, quando prædicatur aliquod prædicatum secundæ intentionis, quod non conuenit naturæ in communi, sed solum indiuiduo, etiam supponit simpliciter, vnde eodem modo non valet, Petrus est indiuiduum, & non est prædicabilis de multis, ergo homo est indiuiduum, & non est prædicabilis de multis.

Denique in propositionibus, in quibus prædicatum secundæ intentionis repugnat subiecto, vt si dicas, Petrus est species, homo est indiuiduum, subiectum debet supponere simplicitate, quia prædicatum est terminus secundæ intentionis, quod non transit ad significata mediata; & tamen non accipitur pro eo, quod primò, & per se significat, cum conceptus predicatorum repugnet conceptui subiecti, & consequenter non appellat proprium, & per se conceptum illius, ergo, &c.

Ad istas difficultates, breuiter Respond. Supponendo suppositionem simplicem distingui à materiali, & personali, siue accidentalis sit, siue naturalis; ab illa quidem, quia suppositio simplex est pro ipsa re significata, non pro ipso nomine significante; à personali verò, quia supponit pro solo immediato significato, & nullo modo pro mediato, est enim præ oculis habenda illa doctrina S. Thom. q. 9.

370 *Quest. VI. de Supposit.*

de Potentia art 4. quod nomen significat dupliciter, vno modo formaliter, alio modo materialiter; significatum formale est illud, ad quod significandum nomen principaliter est impositum: materiale est illud, in quo talis ratio significata per nomen saluatur, & inuenitur, sicut nomen, homo, significat naturam hominis, sed saluatur in indiuiduo. Vt ergo sit suppositio simplex, requiritur quod ita supponat pro vno significato, scilicet immediato, quod non possit transire, nec descendere ad mediatum, quia si potest transire ad vtrumque, non manet simplex, sed quasi duplex suppositio, & quasi duplici significato conueniens: hoc autem solum contingit in prædicatis secundæ intentionis respectu sui subiecti, seu fundamenti, nam si sint prædicata realia, hoc ipso possunt inueniri à parte rei, & consequenter in aliquo indiuiduo, & non solum in natura; non ergo sufficit ad suppositionem simplicem dari aliquod prædicatum, quod conuenit immediato significato nominis, sed requiritur quod conueniat cum aliqua præcisione, ita vni significato, quod non alteri.

Ad primam ergo difficultatem Resp. Quod illa propositio nullo modo est essentialis; ut enim propositiones sint essentielles, oportet quod necessaria connexio, & habitudo importetur ex vi ipsorum terminorum, non ex vi alicuius applicationis, vel status quo aliquis terminus vestitur, aut applicatur, nisi talis applicatio, aut status explicetur in propositione; tunc enim ex vi termini explicantis statum poterit importari necessaria connexio

Articulus III. 371

nexio cum prædicato ; vt si dicas , homo disgregat visum , licet verificetur subiectum pro homine albo , & supponat pro illo , tamen quia ex illius termini , *homo* , non importatur ipsa albedo , cui essentialiter conuenit disgregare , ideò ista propositio non est essentialis ; si verò dicas , homo albus disgregat , est essentialis : Similiter si dicas , homo est species , licet verificetur pro homine concepto in communi , non tamen est essentialis propositio , quia ex vi illius termini , *homo* , non explicatur , quod sit conceptus in comuni ; si autem exprimat in propositione , homo conceptus conceptu communi , tunc de illo prædicabitur essentialiter , quod sit species ; facit enim hunc sensum , homo inquantum species est species .

Ad instantiam pro alia parte dicitur , quod definitio , licet conueniat termino ratione naturæ , & quidditatis , non tamen est suppositio simplex , quia non ita conuenit naturæ , quæ est immediatum significatum , quod non possit etiam conuenire personæ , seu indiuiduo , in quo inuenitur talis natura , imò sicut quidditas , & natura descendit ad indiuidua , ita , & definitio : & licet quando definitur homo , non definiatur Petrus immediate , & secundum indiuiduationem ; definitur tamen mediatè secundum naturam , & quidditatem Petri .

Ad secundam Difficultatem Respond. Quod etiam in termino singulari potest inueniri suppositio simplex , eo quod inuenitur significatum immediatum , & mediatum , sed inuerso modo ad terminum communem , nam in termi-

372 *Quest. VI de Suppositis.*

no communi, immediatum significatum est natura, & mediatum est persona cui conuenit natura, in terminis autem singularibus, immediatum significatum est persona, seu indiuiduum; mediatum autem natura, cuius est persona, vnde definitur persona, *Quod est rationalis natura indiuidua substantia*, vbi immediatum, & directum significatum est substantia, seu suppositum indiuiduum, mediatum verò, seu indirectum est natura: Quare omnia illa prædicata, quæ important secundam intentionem singularitatis, faciunt suppositionem simplicem in termino singulari, & non personalem, verb. grat. quando dicitur de Petro, quod est aliquid inferius subijcibile ad speciem athomam, quod est prædicabile de vno, & non de multis, quod est indiuiduum, & similia in quibus non valet consequentia à termino singulari ad communem, vt in argumento dicitur.

Ad Tertiam Difficilem Respond. vtrumque posse sustineri in illis propositionibus, & quod subiectum supponit simpliciter, & quod supponit personaliter. Primum explicatur sic, quia hoc ipso quod subiectum per copulam, vnitur termino secundæ intentionis, iuxta exigentiam talis copule, facit quasi appellationem ad standum sub ratione proprii, & immediati conceptus, & licet prædicatum sit repugnans subiecto, hoc solum conuincit quod non continetur illi, & sic redditur propositio falsa, non tamen quod subiectum non supponat iuxta exigentiam illius copulæ, & prædicati; quare facit hunc sensum illa propositio, *Petrus, vt conceptus conceptu proprio, est*
spe-

species, & idè est falsa, sicut etiam in hac, homo est lapis, ly *homo*, supponit, quia licet ei non conueniat prædicatum, potest tamen inueniri; & demonstrari homo, secundum exigentiam verbi, *est*, alioquin non appareret, qua suppositione supponat illud subiectum, Petrus est species, si simpliciter non supponit, cum personalis suppositio non conueniat respectu illius prædicati secundæ intentionis. Secundum verò sic explicatur, dicendo, quod potest supponere suppositione personali, quia licet prædicatum sit secundæ intentionis, tamen non significatur conuenire subiecto, sed repugnare, repugnat autem subiecto etiam à parte rei: quare ubi prædicatum secundæ intentionis est repugnans subiecto, non oportet quod faciat illud supponere simpliciter, quia etiam in personali suppositione ei repugnat, & in suo significato mediato quod est à parte rei.

Circa alias species, & diuisione suppositionis, & regulas earum, tam pro absolutis, quam pro relatiuis, plura solent multiplicari sophismata, & consequentiæ, quæ si hic exactè tractarentur, in immensum cresceret istud opus, idè illa in præsentem omittimus, in sequenti quæstione præcipua iudicaturi.

Circa Alienationem. Illud venit in præsentem adnotandum, An propositiones in quibus fit alienatio subiecti à prædicato, sint in materia contingenti, vel remota, vel necessaria, vt cum dico, homo est pictus, homo est mortuus, nam si subiecta alienantur, non supponunt pro homine vero, sed pro homine picto, & mortuo, de quo essentialiter dicitur, quod

quod est mortuus, aut pictus.

Respond. Quod illud prædicatum, pictus, & mortuus, potest sumi dupliciter; vno modo *participialiter*, seu in verbis, alio modo *nominaliter*, seu in vi nominis: participialiter verificatur illa propositio, homo est mortuus, per ampliationem subiecti de homine verò, non per alienationem, nam de homine vero dicimus per ampliationem quod mortuus est, idest obiit, vel desijt esse, & hoc de homine vero dicitur, quia facit hunc sensum, homo, qui antea erat, iam non est, sed desijt esse: Similiter si dicatur, homo est pictus, participialiter facit hunc sensum, homo verus est effigatus per picturam, siue existat modo ille homo, siue non, & in hoc sensu istæ propositiones sunt in materia contingenti, quia prædicata accidunt suis subiectis. Et licet cum corruptione subiecti illi adsint, non est cum corruptione conceptus essentialis, sed solum cum corruptione existentiae, quod non tollit prædicationem accidentalem, vt in prædicabilibus, cap. de Accidenti, dicitur. Si vero sine ampliatione consideretur illa propositio, sed præcisè in vi terminorum, est in materia remota, quia illi duo termini, homo, & mortuus, homo, & pictus, repugnant inter se, quia non potest aliquid esse homo; & mortuus; At verò si, ly *mortuus*, accipiatur nominaliter, sic facit alienationem subiecti, idem est enim homo mortuus, quam dicere cadaver hominis, homo pictus, picturam hominis; de subiecto autem sic alienato constat verificari prædicatum illud necessario, quia alienato illa relinquit terminum, quasi

Articulus IV. 375

in aliena significatione, idest, cadaueris hominis, & picturæ, de qua essentialiter dicitur, *ly mortuum*, & *ly pictum*. Quare tunc est in materia naturali.

ARTICVLVS IV.

Virum Regulae Appellationis tradita in textu, vera sint.

ANtequam difficultates proponantur, suppono tria. *Primum* est, quod communis acceptio intellectus, quia vtitur aliquo termino, duplici modo potest applicare duos terminos inter se, primo quasi simplici applicatione, & generali modo, & sic applicatur id, quod se habet vt forma, ei, quod se habet, vt materia, & subiectum, & vocatur hæc simplex, & absoluta applicatio, quia non mediante aliquo respectu, vel modificatione, sed absoluto, & simplici modo fit. *Secundò* potest fieri applicatio vnius termini ad alterum, non absolute, & simpliciter, sed medio aliquo respectu, vel modificatione, seu formalitate vnius ad formalitatem alterius, ratione cuius verificatur vnum de altero præcisè, vt stat sub illa modificatione, & non aliter, vnde si variatur, & mutatur, vitatur consequentia, & talem applicationem speciali modo appellationem vocamus, vt cum dico, Petrus est magnus medicus, vbi magnitudo non applicatur Petro absolute, sed respectiue ad medicinam.

Secundo sequitur ex hoc, falsam esse aliquorum Recentiorum sententiam, qui appellationem

tionem definiunt, quod sit *denominatio*, quam unus terminus alium denominat, illamque saluant in applicatione, quā formale unius termini applicatur materiali alterius, ut cum dicitur, homo sedet, homo currit, &c. Sed hæc sententia confundit generalem applicationem prædicati ad subiectum cum speciali proprietate Logicæ, quæ vocatur appellatio; quod tamen falsum esse constat, nam diuerso modo inuenitur applicatio, & usus termini, quando prædicatum simpliciter, & absoluta applicatur alicui subiecto materialiter tento, & quando applicatur solum, ut stat sub aliquo respectu, & modificatione; hoc enim pertinet ad significandum diuerso modo veritatem, & ex illius variatione redditur defectuosa, & vitiosa consequentia, ergo talis appellatio, seu applicatio specialem considerationem debet habere in Logica, & specialem proprietatem logicalem inducit, quam appellationem dicimus; sicut non valet, Petrus est magnus medicus, ergo est magnus absolute.

Tertiò reuocandæ sunt in memoriam regulæ appellationis positæ in textu in cap. de appellatione, tam circa appellationem realem, quam circa appellationem rationis. Additur autem in appellatione reali specialis difficultas circa terminos numerales, quando opponuntur termino substantiuo, vel adiectiuo. Quando enim adiunguntur termino substantiuo dicuntur numerare supposita ratione formæ, atque ita ibi interuenit appellatio: quia non numerantur supposita nisi numerentur secundum multiplicationem formarum, in qua regu-

regula non dicitur, quod numerantur formæ, sed quod numerantur supposita ratione formatum. Itaque supposita debent esse numerata, & formæ ipsæ debent esse ratio numerandi, unde si non dentur plura supposita, non currit regula. Et procedit de forma substantiali secundum suum modum naturalem, idest, ut affert secum suum suppositum, & subsistit, & ita ut sint tres homines, requiruntur tres humanitates, ut sint tres Dij, tres deitates; ut autem numerentur adiectiva sufficit, quod multiplicentur supposita licet formæ adiectivæ non multiplicentur, sed solum denominatio earum, sicut si una albedo esset in pluribus suppositis, dicerentur esse plura alba, quia ista pluralitas non resultat ex multiplicatione albedinis, sed ex multiplicatione adiectionis, & denominationis.

Igitur contra primam regulam appellationis potest fieri argumentum: Quia datur appellatio, etiam si termini non ponantur a parte eiusdem extremi, ergo regula est falsa. Antecipat in hac propositione, album est intensum, vel album disgregat visum, & Christus, ut homo est creatura, fit appellatio ad subiecta ex parte prædicati, nam est sensus, quod Christus ratione humanitatis est creatura, alioquin si applicaretur ad suppositum illud prædicatum, esset falsa. Similiter in illa propositione, hoc album est intensum, potest fieri consequentia defectuosa ex sola variatione appellationis, ut si dicas, hoc album est intensum, hoc album est simile, ergo simile est intensum, quæ consequentia non valet solum ex defectu appellationis, ergo signum est

378 *Quest. VI. de Supposit.*

est ibi inuenire appellationem. Et quando dicitur, album disgregat visum intelligitur ratione formalis importati in ly, *album*, alioquin propositio non est essentialis. Idem argumentum potest fieri de hac, essentia est generans, quæ ideo est falsa, quia ly, *generans* applicatur formali significato essentiae; non autem ei, quod materialiter, & identice, nam si applicaretur significato identico, & materiali essentiae diuinæ propositio illa esset vera, verificaretur enim de Patre, qui identicè est essentia diuina.

Et Confirm. Quia hæc regula non tenet in appellatione rationis, cum enim dico, homo est species, ibi inuenit appellatio, & tamen non ponunt termini ex parte eiusdem extremi, ergo nec regula tenet in appellatione reali.

Resp. Quod regula intelligitur de appellatione formali, & expressa, non quasi virtuali, & æquiualente; cum enim dico, album disgregat, album est intensum, & aliud est quomodo fiat, seu significetur fieri applicatio, aliud quomodo in re fiat verificatio. Ex parte quidem modi significandi, non significatur applicatio eiusdem termini ad alium per appellationem, sed tantum significatur simplex applicatio prædicati ad subiectum, sed quia non potest verificari, nisi mediante aliqua ratione formali se tenente ex parte subiecti, dicitur virtualiter, & æquiualeenter habere appellationem: Quare in his consequentijs, & similibus datur defectus appellationis, quasi virtualis ex variatione, quasi duplici suppositi importati ex parte subiecti, scilicet albi, vt album
vel

Articulus VI. 379

vel albi, vt simile, quod est quasi duplex suppositum logicum, licet sit vnum materiale, & physicum, & variatio de vno ad aliud, vitiat consequentiam, Cæterum appellatio, quando expresse significatur, & ponitur, non fit nisi, vt dicit regula, quando termini ponuntur ex parte eiusdem extremi. In illa autem propositione, *Essentia generat*, non est appellatio, sed simplex applicatio prædicati ad subiectum, sed quia subiectum non significat personam, nec supponit p o illa, sed solum essentiam, ideo est falsa, & licet identicè, & materialiter sit idem cum persona, est identitas ex parte rei significatæ, non ex ipso modo significandi huius termini, *essentia*, & ita cum significatiuè non importet personam, non verificatur actus personæ de illa.

Ad Confirm. Resp. Quod regula solum loquitur de appellatione reali, non rationis, quia, quando prædicatum est secunda intentio, in quantum dicitur de prima, vel de suo fundamento, cui conuenit, significatur ipsum subiectum, seu fundamentum sub statu capacitatis intentionis, qui est status præcisionis, & acceptionis intellectus, sub quo tantum potest illi conuenire tale prædicatum, & ideo cum importet ipsam præcisionem ex parte subiecti, & sufficienti modo ponitur ad faciendam appellationem, quia appellatio importat conuenientiam vnius termini cum alio, sub quadam præcisione, aut restrictione.

Secundo arguitur, Terminus numeralis adiectus substantiuo aliquando non numerat supposita ratione formarum, ergo falsa est
regu-

380 *Quest. VI. de Suppositis.*

regula. Anteced. prob. nam si Verbum Diuinum assumeret tres naturas humanas, non dicerentur tres homines, sed vnus homo, vt determinat S. Thom. 3. part. quæst. 3. artic. 7. Et tamen numerantur plures formæ substantiales, ergo regula falsa. *Et Conf.* Si è conuerso tres personæ assumant eandem humanitatem, dicentur tres homines, & solum vnius secundum quid, vt eodem loco artic. 6. dicit S. Tho. ergo iam numeratur substantium, non ratione formarum, sed ratione supposito- rum, etiam si habeant vnā formam substan- tialē.

Resp. Quod in illo casu non essent tres ho- mines, quia non essent tria supposita, neque enim dicit Regula, quod substantium plu- rificatur, quando plurificantur formæ, & non suppositæ, sed quod supposita numerantur ratione formarum, quod verissimum est; sed ad hoc non sufficit multiplicari formas sub- stantiales, si non multiplicentur etiam sup- posita, (licet ratio multiplicandi sint ipsæ formæ) quia tunc formæ non fuerunt secum supposita, nec sunt modo connaturali subsi- stendo in se.

Ad confirm. Resp. Quod in illo casu dicit S. Thom. quod illæ tres personæ essent vnus ho- mo secundum quid, & simpliciter plures, vt patet 3. p. q. 3. art. 6. ad 1. *Quia non pos- set* (inquit) *argui, quod ex hoc, quod tres per- sonæ sunt vnus homo, quod essent vnus simpli- citer, nihil enim prohibet dicere, quod homines, qui sunt plures simpliciter, sint vnus quantum ad aliquid, sicut vnus populus.* Quare si tres personæ assumerent vnā naturam, diceren- tur

Articulus IV. 381

tur tres homines simpliciter, quia ut sint unum simpliciter, non sufficit unitas formæ substantialis, quando ipsa non affert secum suppositum, sed aduenit pluribus suppositis, & habet quasi modum termini connotatiui. Itaque tam plurificatio, quam unitas in formis substantialibus, intelligitur ratione formarum substantialium, substantiali modo se habentium, idest, ut important secum suam subsistentiam, & suppositum, non autem, ut trahunt ad suppositum, vel supposita aliena, & quasi induunt leges, & modum connotatiuorum.

Sed cur (inquit) tres personæ modo dicuntur unus Deus simpliciter, & non plures. *Dij* ratione vnius naturæ, in illo autem casu non dicerentur unus homo ratione vnius naturæ humanæ, sed plures homines? *Resp.* Differentiam consistere in hoc, quod natura diuina, etiam si sit in tribus personis, ita est perfecta in ratione formæ substantialis, ac si esset in vna tantum persona, & affert secum suum suppositum, vnde natura diuina respectu trium Personarum non induit rationem termini connotatiui, quia non trahitur ad personas, ut ad assumptes, & dantes esse ipsi naturæ, sed ex se habet, vnde simpliciter, & substantialiter sit existens independenter à personis. At vero natura humana, licet substantialiter vtatur personis, tamen non habet in se totam perfectionem substantiæ, nec induit modum formæ substantialis, sed quasi connotatiue accipiendo esse substantiale ab ipsis personis, & ideo non est in statu perfecto dandi unitatem substantialem
simplici-

Articulus I. 383

ter attingi id, quod spectat ad oppositionem rerum, quatenus obiecta sunt oppositionis propositionum.

Respond. ergo ad Dificult. Propositam; Quod oppositio contradictoria tam in propositionibus, quàm in rebus, tam Dialectica, quàm Physica est maior inter omnes oppositiones. Pro qua conclusione videndus est S. Thom. opusc. 37. capit. 1. & in 10. Metaphysic. lect. 6.

Fundamentum; sumitur ex eo, quod illa est maior oppositio; in qua est minor conuenientia, & vnum oppositum magis destruit aliud; tunc enim dicuntur carere medio, quia carent omni conuenientia, in qua aliquo modo conuenire possint, vel ex parte subiecti, vel ex parte alicuius tertie formæ, quæ mediat inter formas extremè oppositas; vel in quocumque alio modo conuenientia; constat autem, quod sola oppositio contradictoria absolutè, & omnibus modis destruit suum oppositum; reliquæ autem oppositiones non ita absolutè, & simpliciter destruunt, sed aliquid de illo relinquunt, & ita habent aliquam conuenientiam, & hoc habent minus de oppositione.

Constat hoc discurrendo per singulas species oppositionum, siue ex parte rerum, siue ex parte propositionum, nam in omnibus quidem inuenitur aliqua negatio opposita affirmationi, sed non ita purè, & absolutè, sicut in contradictione; nam oppositio Contraria, si sit physica, versatur inter duas formas positivas, quæ possunt esse in eodem subiecto, vel simul, si sint in gradibus remissis,

sis, vel successiuè, si sint intensis, vnde vna forma contraria non destruit totaliter aliam, nec conuenientiam ipsarum in subiecto. Similiter oppositio Contraria in propositionibus, quæ est oppositio Dialectica, non tollit in vna propositione totum, quod est in alia, quia saltem non tollit vniuersalitatem, & distributionem, sed in hac debent conuenire propositiones contrariæ, & consequenter neque falsitas vnius destruit falsitatem alterius, & sic non est negatio absolutè negans, & tollens, quod est in altero extremo. Similiter Subcontrarietas non tollit particularitatem, & consequenter neque veritatem, sed duæ propositiones subcontrariæ sunt simul particulares, & possunt esse simul veræ. Denique oppositio Priuatiua non tollit, sed relinquit aptitudinem ad oppositam formam, ergo saltem ex hac parte relinquit aliquam conuenientiam cum suo opposito. Relatiua etiam oppositio non includit negationem, quia vnum oppositum remouet alterum, sed potius relatiua sunt simul natura, & cognitione, & vtrumque ponit esse. Qua ratione venit intelligendus locus D. Thom. q. 7. de Potent. art. 8. ad quartum, vbi dicit, *Quod in relatiuis vnum non remouet aliud, neque includit negationem alterius*, intelligitur enim, non quod in vna relatione non sit negatio sui correlatiui; sed quod non includit illam per modum remouentis, & excludentis à subiecto, sed potius supponit tale correlatiuum dari, licet in se separetur ab illo, & non sit illud, sed sit ad illud.

At verò, in contradictorijs negatio vnius, ita

ita est pura, & absoluta, quod omnem conuenientiam cum suo extremo negato tollit, & ita nec relinquit esse, nec aptitudinem, nec vniuersalitatem, nec particularitatem, sed quasi malignantis naturæ totum destruit, vnde simpliciter, & absolute est maior oppositio intensiue, & ex illa derivatur oppositio tanquam ex principali ad reliquas oppositiones, quæ intantum habent oppositionem, inquantum aliquid habent de contradictione, vñ citatis locis docet S. T. & dicetur in Logica in cap. de Oppositis.

SOLVUNTUR ARGVMENTA.

Objicies Primò: Nam contraria maximè distant inter se, ergo maximè opponuntur, quia oppositio quædam distantia est, vnde, & illa opposita, quæ magis sunt immediata videntur minus opponi, quia minus distant. *Secundò*. Quia plus destruit contrarietas, quàm contradictio, ergo est maior oppositio. Anteced. patet, quia est vniuersalior in negando, ergo, & in destruendo, nam contrariæ propositiones constant ex vtraque vniuersali, altera negata, altera affirmata, ergo negatiua semper est vniuersalis, & consequenter magis negat, & destruit. *Tertiò*, Quia ex contrarijs sequuntur contradictoria, tum in Logicis, tum in Physicis; in Logicis quidem, quia bene sequitur, Omnis homo est albus, & Nullus homo est albus, ergo oninis homo est albus, & aliquis homo non est albus, quæ sunt contradictoria: in physicis autem, quia calidum, & frigidum contrariantur, & tamen ex calido rectè sequitur non frigidum, quod contradictoriè

opponitur frigido . *Quæstio* : Quia reliquæ omnes oppositiones includunt contradictoriam , & addunt aliquid super illam , ergo sunt maiores oppositiones , quam solæ contradictoriæ . Ant. prob. quia includunt negationem , & affirmationem , ergo , & contradictionem , quæ per affirmationem , & negationem perficitur , ergo omnes oppositiones dicunt contradictionem , & ad eius principia reducuntur , & per eam regulantur , ergo addunt aliquid ad oppositionem contradictionis , & sic sunt maiores .

Ad primum Respond. Quod contraria maximè distant in eodem genere , & intra vnum genus , contradictoria autem in omni genere , quia datur per negationem purè , & absolutè , quæ est extra omne genus , & ita negat omne ens , vnde maximè distant , nec habent medium conuenientiæ cum altero ex remo . Dicuntur autem opposita immediata maximè distare , quia carent medio conuenientis , quæ autem immediatè collocantur , carent medio situationis , & ita minus distant distantia locali , sed non loquimur de hac distantia in præsentia , sed de distantia repugnantia , & oppositionis .

Ad secund. dico . Quod negatio vniuersalis in propositione contraria plus destruit quasi extensiuè , & quantum ad modum significandi per distributionem , sed non quasi intensiuè , & in ordine ad destruendum totum , quod ponitur in suo opposito , tam quoad veritatem , quam quoad falsitatem , & vniuersalitatem & particularitatem , &c. Sic enim contradictio totum tollit , contrarietas verò aliquid relinquit , scilicet vniuersalitatem , & falsitatem , vnde aliquid est plus destruere de suo opposito

posito, aliud negationem distribuendo, ad plura subiecta applicare, hoc secundum habet contrarietas, non p.imum.

Ad tertium respond. Quod ex ipsa oppositione contraria formaliter non inferitur oppositio contradictoria, sed quasi materialiter, quamvis ex vna propositione vniuersali inferatur illa particularis, quæ est materia oppositionis contradictoriæ ad alteram vniuersalem, sed hæc illatio non est ex ipsa oppositione contraria, quæ est inter duas oppositiones, sed ex vna tantum propositione vniuersali deducitur sufficienter. Ex oppositione autem contraria deducitur quidem sub contraria, id est duplex propositio particularis affirmata, & negata, quæ illis vniuersalibus subalternantur, sed hæc oppositio est minor. Similiter ex contrarietate physica non inferitur formaliter contradictoria, neque enim ex frigido inferitur negatio calidi absolute, & simpliciter, sed negatio calidi in hoc, id est, in frigido vt frigido, quæ est negatio in aliquo positiuo, & hoc non absolute; nam bene possunt esse simul in eodem subiecto in gradibus remissis. Secundo etiam dici potest non esse inconueniens, quod ex minori oppositione inferatur maior, quæ se habet tanquam origo, & principium minoris oppositionis, ex contradictoria, enim vt ex principio oriuntur alie oppositiones, nam etiam distinctio specifica est minor, quam distinctio primo diuersa, & tamen ex distinctione duarum specierum inferitur distinctio differentiarum, quæ sunt primo diuersæ inter se, quasi à posteriori.

Ad quartum Resp. Quod alie oppositiones addunt

addunt aliquid supra contradictoriam, quod oppositionem minuat, non quod augeat, vt videtur potest in D. Th. d. opusc. 37. c. 1. cum enim negatio contradictionis sit pura, & absoluta negatio, negatio autem contrarietatis, & priuationis retineat aliquid de positivo opposito, clarum est quod minuit rationem oppositionis, quia minuit absolutam rationem negationis, & remotionis de suo opposito.

ARTICVLVS II.

Verum dari non possint al' quæ contradictoriæ, quæ simul sint veræ, aut falsæ.

Agimus solum de contradictorijs, quia his cognitis faciliè erit assignare contrarias, & subcontrarias, mutando propositionem particularem in vniuersalem, & è conuerso.

Igitur, in hac parte solent fieri innumera sophismata, quæ infirmare conantur illam inuolabilem regulam de contradictorijs, quod non possunt esse simul veræ, aut falsæ, vnde omnia prosequi, & morosum esset, & inutile, sed summam difficultiora aliqua cupita in assignandis contradictorijs attingemus. Et illud tanquam certum ante omnia aduertendum est nullam esse propositionem, quæ contradictionis capax non sit, saltem præponendo negationem toti propositioni, vnde in hoc modo assignandi contradictoria non erit laborandum sed difficultates sunt circa alium modum contradicendi per negationem non præpositam toti propositioni, sed post subiectum loco verbi. Igitur propositio-

tio-

ones, vel sunt de termino singulari, vel de termino communi, vel sunt hypotheticæ. Circa propositiones *de termino singulari*, non est difficultas in assignandis contradictorijs, dummodo servetur eadē suppositio, ampliatio, & restrictio, & aliæ proprietates logicales.

Ratione tamen materiæ est specialis difficultas in propositionibus de futuro contingenti inter quas potest esse contradictio, ut Petrus curret, Petrus non curret, ergo tunc una erit determinate vera, altera determinate falsa, siquidem impossibile est utramque esse veram, vel utramque falsam, ergo una tantum est vera, & una falsa determinate, hoc autem repugnat contingentia de futuro, quia veritas illa contingens de futuro determinata esse non potest: ergo non in omni materia tenet lex contradictoria.

Respond. quod lex contradictoria non est, quod una sit determinate, & in singulari vera, altera determinate falsa, nec ex vi contradictionis, quæ uni propositioni apponitur, eius veritas determinari potest, quia veritas debet esse determinata per causas proprias, & intrinsecas quod autem alicui propositioni contradictio fiat, extrinsecum quid est. Igitur lex contradictoria solum petit, quod si una est vera, altera sit falsa, vel è contra, quod vero ista, vel illa in particulari sit vera, vel falsa, contradictio præcisè non facit: sufficit ei salutare, quod nec utraque sit vera, neque falsa. Si autem in futuris contingentibus apponatur ly contingenter, dicendo Petrus contingenter curret, Petrus contingenter non curret, non sunt contradictoria.

390 *Quest. VII. de Opposit.*

vt diximus lib 2. c. 17. imò sunt æquiuales, quia contingens est ad vtrumlibet.

Secus si negetur modus, dicendo Petrus contingenter curret, Petrus non contingenter curret. *Circa* propositiones ergo *de termino communi*, plures solent difficultates inuolui propter diuersum modum vniuersalitatis, & particularitatis, quæ aliter atque aliter ponitur in diuersis propositionibus, vbi semper oportet obseruare, quod genus suppositionis nunquam mutatur; genus autem suppositionis vocamus illos tres modos suppositionis, scilicet suppositio materialis, simplex, & personalis; non enim licet mutare de vna in aliam. Et ita in hac propositione, homo est species, & alias similes de simplici suppositione, non debet fieri contradictio per distributionem, nullus homo est species, &c. sed per simplicem negationem. Homo non est species, & similiter quando ponitur particula *secundum se*, vt homo secundum se est albus, homo secundum se non est albus, stat enim pro natura nec singulari nec vniuersali, sed secundum prædicata essentialia præcisè, & ita negatiua est vera.

Hec supposito primò inquires. Circa propositiones, quæ constant subiecto habente vniuersalitatem vel particularitatem, non absolutam, sed incompletam, vt ista, *Omne animal fuit in Arca Noe*. Vbi ly, *omne*, distribuit pro generibus singulorum, quomodo sit assignanda contradictoria, & similiter in hoc signo vniuersali non completo, *quasi quilibet homo d' spuat*, & in hoc, *uterque homo disputat*, quomodo contradictoria sunt assignandæ.

Resp.

Respond. Communiter in his propositionibus includi alias virtualiter, quæ sunt quasi exponentes prioris propositionis, vnde non debemus illi assignare immediate contradictoriam, nisi prius facta resolutione propositionum inclusarum, vel illis subintellectis. Igitur illa distributio incompleta in illa propositione facit hunc sensum, *Ex omni specie animalium, aliquod animal fuit in Arca Noe*, ubi ponitur vna vniuersalitas dicendo, *ex omni*, & vna particularitas dicendo *aliquod*, & consequenter ad designandam contradictoriam oportet, quod è conuerso ponatur vna particularitas cum vna vniuersalitate, dicendo, *Ex aliqua specie, nullum animal fuit in Arca Noe*, & sic est falsa. Quare illud signum *omne*, distribuit species, non individua. Et similiter illud signum, *aliquod*, particularizat speciem, non individua illius speciei: vnde non valet illud argumentum: hoc animal non fuit in Arca Noè, v.g. Petrus, ergo aliquod animal non fuit ly, *aliquod*, pro specie animalis, seu pro particularitate incompleta, quæ scilicet aliquod vniuersalitatis includit; est enim virtualiter arguere à non distributo ad distributū: Quare posito illo signo, *omne*, incomplete, contradictoria eius debet tradi per signum particularitatis incompletæ (non autem per particularitatem completam) scilicet quæ feratur in species, & non in individua. Nec obstat quod lib. i. c. 17. diximus quod si modi incompleti in vtraque propositione opposita negentur, vel affirmantur, nullam legem participant.

Resp. enim quod locuti sumus de modis, non de signis incompletis, modi enim sunt,

qui faciunt propositionem modalem, & modus incompletus est ly, *contingenter*, qui si utrobique affirmetur, vel negetur, nullam legem participant propositiones.

In alio autem signo incompleto, Quasi quilibet homo disputat, ubi fit distributio non pro omnibus absolute, sed pro maiori parte; in primis contradictoria potest signari per propositionem negationis dicendo, non quasi quilibet homo disputat; si autem contradictoria signanda sit, non per præpositionem negationis, sed modo consueto, non potest unica negatione contradictoria illius formari, eo quod illa propositio virtualiter continet duas propositiones copulatiuas, quibus exponitur; cum enim dico, quasi quilibet homo disputat, facit hunc sensum *non omnis homo disputat, & maior pars disputat*; cuius contradictoria signanda est per disiunctiuam oppositam (disiunctiua enim importat, quasi particularitatem ratione illius particulæ, vel, respectu copulatiuæ, quæ vniuersalitatem importat ratione particulæ, &) dicendo *Omnis homo disputat, vel maior pars non disputat*: Contrariam verò assignabis per copulatiuam negantem vniuersaliter, scilicet, *non omnis homo non disputat, & maior pars non disputat*, & loco de ly, *non omnis*, potest poni, *aliquis non*, quæ est æquipollens, & cum dicitur, non omnis homo non disputat, potest poni, *aliquis homo disputat*, ut retineatur eadem particularitas propter rationem distributionis incompletæ. Quicumque alius modus assignandi hanc oppositionem, non expedit difficultates.

In illo

Articulus II. 393

*In illo autem signo incompleto, uterque alter, neuter, ut assignentur contradictoria, est considerandum, quod ly, uterque, & ly, neuter, dicunt distributionem, non absolute, sed in aliquo binario, perinde ac si dicas, quilibet duorum, vel nullus duorum, & similiter ly, alter, dicit particularitatem in binario, unde ratione istius universalitatis restrictæ non valet ista consequentia, Omnis homo currit, ergo uterque homo currit, à non restricto ad restrictum affirmatiuè sine constantia restrictionis, sicut si diceres, Omnis homo currit, ergo homo albus currit, & istatur casu, quo sit tantum unus homo in mundo, & ille currat; tunc enim non valet quod uterque currat; cum non sint duo homines, de quibus dicatur ille terminus *uterque*. Igitur contradictoria de ly, *uterque*, assignanda est iuxta eius exponentes: potest enim intra rationem binarij vel complete distribuere, vel adhuc incompletè; completè, ut si dicas, uterque homo currit, idest, *Cuiuscunque binarij quilibet homo currit*, & tunc debet assignari contradictoria per ly, *Alter*, in sensu omnino completo. *Alter homo non currit*, idest, *Alicuius binarij aliquis non currit*; si verò distribuit incompletè faciendo hunc sensum, uterque currit, idest, *Alicuius binarij quilibet currit*; debet etiam contradictoria assignari per particularitatem incompletam de ly, *alter*, dicendo, *Alter non currit*, idest, *Cuiuscunque binarij aliquis non currit*.*

Vnum tamen aduerte, quod si ly uterque cum ly, neuter, teneantur incompletè, nullam oppositionis legem participant, quia possunt dari simul veræ, & simul falsæ, ut si dicas,

uterque homo disputat, neuter homo disputat in sensu incompleto, idest . . *Alicuius binarij quilibet disputat, alicuius binarij nullus disputat* : sunt simul veræ casu, quo essent tantum duo binarij, & vnus disputaret alius non, & essent falsæ casu, quo tantum vnus binarius sit in mundo, & vnus homo disputet, alius non. Eadem ratione propositiones de ly, alter, in sensu incompleto non sunt subcontrariæ, nec vllam legem participant.

Secundò inquirens : Quomodo fiant oppositiones in propositionibus pluralis numeri, vt cum dicitur, omnes homines currunt, distributiue, omnes Planetæ sunt septem copulatiue sunt septem copulatiue.

Respondetur. Quod si ly, omnes, teneatur copulatiue, fiunt in illa contradictoriæ, sicut quando propositio est de termino singulari, vt cum dicitur, omnes Apostoli Dei sunt duodecim, non est contradictoria illius, aliqui Apostoli nō sunt duodecim, sed ista, omnes Apostoli Dei nō sunt duodecim, quia debet vtroque seruari idem signum collectiuum.

Et ratio est, quia signum collectiuum æquiuale singulari ratione collectionis applicatæ ad determinatam materiam, vnde sicut quando dico, Ciuitas ista, Populus iste, terminus collectiuus est singularis, ita cum dico *Omnes Apostoli, omnes Planetæ* ly, omnes, collectiue, est collectio, alicuius materiæ determinatæ, scilicet istorum Apostolorum, istorum Planetarum, & ita stat in singulari perinde ac si diceretur, *Numerus Apostolorum est duodecim numerus Planetarum est septem*.

At verò quando ly, omnes, in plurali distributiue.

tuè accipitur, aliqui inhaerent in assignanda contradictoria, & in varia placi a diuiduntur, sed res est facilis, nam ly, omnes distributiue, perinde se habet in plurali, & in singulari, vnde si dicitur, omnes homines currunt, sufficienter contradicitur dicendo, aliquis homo non currit, & in casu, quo distributiva est vera, ista est falsa, & è conuerso, etiam si vnus tantum currat, & reliqui non, & à fortiori, si plures non currant, *Quod si inftes*: Nam in simili propositione. *Omnes homines sunt plusquam vnus*, est veritas casu, quo sint plures homines, & non tantum vnus in mundo, & tamen non potest assignari contradictoria eius per negationem in singulari numero dicendo. *Aliquis homo non est plus, quàm vnus*, quia ista etiam est vera, vt satis constat ergo non est contradictoria illius.

Respondetur. Quod in isto casu, quando dicitur, *Omnes homines sunt plus, quam vnus*, ly omnes, non potest sumi distributiue, sed collectiue, vt patet, quia non possumus descendere sub ly, omnes, dicendo iste homo est plusquam vnus, & ille, &c. Vnde non debet eius contradictoria assignari per terminum singularis numeri, sed per signum etiam collectiue tantum, vel in plurali.

Tertiò inquires. De ista propositione, in hoc, *fluuij sunt pisces, in hoc fluuij non sunt pisces* an sint contradictoriae, videtur enim quod sic, quia est propositio de termino singulari & quidquid affirmatur in vna, negatur in alia: ex alia parte redditur vtraque vera, nam affirmatiua constat, negatiua probatur, in hoc fluuij non sunt pisces, id est, lapides, ergo non.

non sunt pisces, per regulam ab affirmatiua ad negatiuam, variato prædicato penes definitum, & infinitum.

Respondetur. Illas esse contradictoria, & negatiuam esse falsam, neque arguitur iuxta illam regulam, quia illa intelligitur, quando totum prædicatum infinitatur, & afficitur negatione, alioquin arguitur à non distributo ad distributum, est enim sensus, *in hoc fluuio sunt quædam entia non pisces, ergo nulla entia sunt pisces*, sicut non valet. Petrus est videns non hominem, idest, lapidem, ergo non est videns hominem, qui ly, *videns*, quod est pars prædicati nō afficitur negatione.

Quarto queritur. De propositionibus, in quibus importantur specialia signa confusionis, quomodo in illis sit ponenda contradictio, v. g. cum dicitur *ad videndum requiritur oculus, promitto tibi librum, bis cantavi Missam, & similes*.

Respondetur. Quod quando termini ponuntur post ista verba *promitto, requiritur, & similia*, quæ sunt signa specialia confusionis, tunc dicuntur illi termini supponere confuse tantum: non autem quando antecedunt ad ipsa verba, vt si dicas: *Aliquis oculus requiritur ad videndum*, vel sine illo signo *aliquis*, si dicas, *oculus requiritur ad videndum*: tunc enim supponit ly *oculus* determinate, vt constat ex regulis suppositionis. Dico ergo quod quando terminus stat confuse, non est facienda contradictio per vniuersalem negatiuam, v. g. *Requiritur oculus ad videndum, nullus oculus requiritur ad videndum*, sed contradictoria debet assignari per simplicem negationem dicendo;

Requi-

Requiritur oculus, non requiritur oculus ad videndum. Ratio est, quia in his signis specialis confusionis, ut promitto, requiritur, interuenit virtualiter appellatio, quia non cadunt super terminos sequentes absolutè, sed ut subsunt necessitati, vel actui promissionis; necessitas autem non est de isto, vel illo in particulari, sed in communi, & promissio non fertur ad hoc, vel illud determinatè, sed ad speciem rei secundum se, sicut etiam quando importatur actus cognoscendi, v. g. quando dico, cognosco leonem, stat benè, quod nullum leonem in singulari cognoscam, quia solum in communi non in particulari attingo, vbi autem interuenit appellatio, debet manere inuariata in sua contradictoria: quando autem confusio termini oritur, non ex speciali signo confusionis importante appellationem, sed ex eo, quod sequitur mediate signum vniuersale affirmatiuum, ut omnis homo est animal, in contradictoria debet mutari in; animal, in distributiuum ut aliquis homo non est animal.

In terminis autem numeralibus, ut cum dico: *Pis cantauit Missam, ter manducaui panem, &c.* Non est appellatio, sed quia illa aduerbia numeralia virtualiter includunt vniuersalitatem, ideo confundunt terminos sequentes, includunt autem vniuersalitatem, ut patet per suam exponentem, *semel, & iterum cantauit Missam*, vbi illa copulatiua, &, vniuersalitatem includit. Quare debet assignari contradictoria, proponendo negationem, *bis cantauit, non bis cantauit*, vel resoluta propositione in suas copulatiuas, *semel, & ite-*

328 *Quest. VII de Opposit.*

iterum cantavi, assignare illi cōtradictoriam per-
disiunctiuam oppositam, aut semel, aut iterum
non cantavi, &c. Iste est facilior modus statuen-
di istas oppositiones.

Vnum tamen aduerte, istas esse subcontra-
rias de lege: *Requiritur oculus ad videndum,*
nullus oculus requiritur ad videndum, promit-
to tibi equum, nullum equum tibi promitto, quia
ex contradictoria negatiua propositionis, quæ
est ista affirmatiua, aliquis oculus requiritur,
aliquem equum promitto, inferitur illa prior
affirmatiua confusa, procedendo à determi-
nata ad confusam, sed non è contra, quod
est signum subcontrarietatis de lege vt osten-
dimus in lib. 2. cap. 17: Similiter istæ sunt con-
trariæ de lege, *aliquis oculus requiritur ad viden-*
dum, non requiritur oculus ad videndum: quia ex
illa affirmatiua, quæ determinate supponit, in-
fertur confusa, quæ est contradictoria illius ne-
gatiuæ, sed non è conuerso.

Quintò inquires. Quomodo sint assignandæ
contradictoriæ propositionibus constantibus sub-
iecto complexo, vò *quilibet equus hominis currit,*
Petrus qui volat est homo, homo irrationalis est ani-
mal, & alijs similibus, quomodo in istis, assignan-
dæ sunt contradictoriæ, & mutanda vniuersalitas
& particularitas vtriusque termini.

Respond. Quod in his complexis aliquando
vnus terminus se habet vt. restringens, & de-
terminans alterum, aliquando non. Quan-
do non se restringunt, contradictoriæ sunt
assignandæ modo consueto; vt si dicas, *homo*
& *equus sunt animalia*, contradictoria erit, *nul-*
lus homo, vel equus sunt animalia, si autem
vnus terminus restringat, & determinet alte-
rum,

rum, vel vterque est rectus, vt *homo albus*, *homo iustus*, vbi adiectiuum restringit substantiuum, & tunc vterque terminus vnica distributione distribuitur, & vnico signo particularizatur, & sic debet assignari contradictoria perinde ac si esset vnus terminus, vt *omnis homo iustus orat*, *aliquis homo iustus non orat*. Vel vnus terminus se habet in recto, & alter in obliquo, & tunc dupliciter potest generi, vno modo ita quod obliquus sequatur rectum, vt *equus hominis*, & tunc dicitur, *acceptum vnica acceptione*, quia reputatur vt vnicus terminus, perinde ac si esset adiectiuum, idem est enim dicere, *equus hominis*, & *equus possessus*: alio modo obliquus præcedit rectum, vt *hominis equus*, & tunc dicitur *acceptum pluribus*, quia reputantur quasi plures termini, vt diximus lib. 2. c. 12. & lib. 4. cap. 13.

Igitur quando complexum ex recto, & obliquo se habent priori modo, iudicandum est de illis sicut de complexo substantiuo, & adiectiuo, ita quod vniuersalitas, vel particularitas obliqui nunquam est mutanda, vt si dicas, *quilibet equus hominis currit*, habet hæc contradictoriam, *aliquis equus hominis non currit*, & in ista *equus cuiuslibet hominis currit*, in contradictoria debet manere *ly cuiuslibet* inmutatum, dicendo, *quilibet equus cuiuslibet hominis non currit*, quia illa vniuersalitas, *cuiuslibet*, est quasi pars extremi, & habet vim restringendi potius, quam distribuendi.

Et si inferas: Illæ duæ contradictoriæ sunt veræ, *quilibet equus hominis est animal*, *aliquis equus hominis non est animal*, casu quo aliqui homines habeant equos, alij non, affirmatiua est

400. *Quest. VII. de Oppositi.*

ua est vera, vt constat negatiua prob. demonstrando Petrum, qui non possidet equum, bene valet, equus Petri non est animal (quia est de subiecto non supponente) Petrus est homo, ergo aliquis equus hominis non est animal, quæ est contradictoria illius primæ.

Respondetur. Illas esse contradictorias, & negatiuam esse falsam: & in propositione committitur defectus, quia mutatur restrictio, ex qua dependet identitas subiecti requisita ad contradictionem, cum in antecedente stet pro equo Petri, in consequenti pro equo hominis vt sic, sed debebat inferri; ergo *equus hominis, qui est Petrus, non est animal*, & tunc est vera, sed non cōtradicit illi primæ, quilibet equus hominis est animal, vbi solum supponitur pro equis possessis ab homine. Qui defectus vt clarius tibi constet, aduerte quod non semper illa consequentia est mala, equus Petri non currit, ergo equus hominis non currit, siue affirmatiue, equus Petri currit, ergo equus hominis currit, sed tunc solum, quando negatiua verificatur per non suppositionem extremorum pro equo non possesso, in consequenti autem sumitur pro equo possesso, siquidem sumitur vt contradictoria illius. Quilibet equus hominis est animal, tunc mutatur restrictio, & arguitur mutando identitatem subiecti pro contradictoria requisitam, & arguendo in quatuor terminis, scilicet equus Petri, equus hominis, Animal, & Homo.

In complexis autem, vbi obliquus antecedit rectum, quæ dicuntur accepta pluribus, vniuersalitas obliqui, vel particularitas se
habitu

habet tanquam distincta ab vniuersalitate recti, & ideo semper mutanda est in sua contradictoria, vt si dicas: *Cuiuslibet hominis equus currit*, contradictoria est, *alicuius hominis nullus equus currit*. Nec obstat quod vniuersalitas de ly, equus, in negativa videtur esse vniuersalitas incompleta, vt pote dependens à resolutione illius obliqui *alicuius hominis*, quod supponit determinatè.

Respond. enim quod illa vniuersalitas non est incompleta sumendo incompletam pro ea, quæ includit aliquid particularitatis, sed quia est dependens ab alia priori resolutione, vt bene aduertit M. Bannez lib. 4. Summul. tract. 1. cap. 5. Non est autem inconueniens quod ponatur in contradictoria aliqua vniuersalitas dependens ab alia priori resolutione, quando est vniuersalitas termini restricti dicentis ordinem ad alium terminum, à quo restringitur.

In alijs contradictorijs allatis, in quibus ponitur restrictio alienans, seu destructiue subiectum. *Respond.* In illis semper esse secundam eandem restrictionem, nam ille terminus, *Petrus qui volat*, idem est ac dicere, *Petrus volans*, vbi adiectiuè tenetur illa restrictio, & contradicunt, *Petrus volans est homo*, *Petrus volans non est homo*, neque vtraque est falsa, sed negativa est vera, cum sit de subiecto non supponente, de quo quidquid negatur verum est; & idem iudicium est de illa, omnis homo irrationalis est animal, aliquis homo irrationalis non est animal, ista enim negativa est vera, quia prædicatum verum negatur de ente ficto, sicut si diceres chymæra non est animal.

402 *Quest. VII. de Opposit.*

Sexto queritur. Circa propositiones, quæ significant unionem copulæ pro æternitate videntur enim verificari quæ contradictoriæ, quia in nunc æternitatis verum est dicere, *Petrus sedet, Petrus non sedet, Petrus vivit, Petrus non vivit*, quia in tempore aliquando sedet, aliquando non sedet, utrumque autem est simul in æternitate; idem est de illo vulgato sophismate, *inter hanc, & hanc diem pluet*, designando inter sabbathum, & sabbathum, *inter hanc, & hanc diem non pluet*, quia si pluat die Iouis, non autem die veneris, utrumque est verum, quia utrumque in illo intervallo temporis fieri potest.

Respondetur. Aliquos existimare quod respectu æternitatis, utraque contradictoria est vera, quia illud nunc æternitatis æquivalet diuersis temporibus, non est autem inconueniens, quod pro diuersis temporibus, Petrus sedeat, & non sedeat. Sed verius est, etiam respectu æternitatis, non posse esse simul veras dummodo in utraque propositione copula affirmetur, & negetur pro æternitate, non verò in vna pro æternitate, in alia pro tempore: nam primo modo negatiua excludit totaliter ab æternitate, ita quod est sensus, *Petrus non sedet in tota æternitate*, & sic est falsa, quia respectu alicuius temporis sedet in æternitate. Si autem propositiones significantur, non per negationem, sed per contrarietatem positivam, ut *Petrus vivit, Petrus moritur, Petrus sedet, Petrus stat*, tunc concedendæ sunt in eodem nunc æternitatis, quia respectu diuersi temporis in illo nunc inclusi verificantur, & non significantur negatio remouens, à tota æter-

Articulus II. 403

æternitate, licet significetur negatio remouens à tempore, quia quando stat, non sedet in tempore, sed æternitas ambit totum illud tempus.

Ad illud secundum sophisma simili modo dicitur quod illa negatiua distribuit pro toto interuallo illius temporis, vnde non verificatur, nisi in toto interuallo, non pluit, & ita non valet. In hac die scilicet Iouis non pluit, ergo inter hanc, & hanc diem non pluit, à non distributo ad distributum, seu à magis ad minus restrictum cum distributione minus restricti, scilicet à negatione vnius diei ad negationem totius interualli absolute.

Ultimo in contradictorijs Hypotheticarum nota illas tres species hypotheticas, scilicet copulatiuas, disiunctiuas, conditionales.

Et copulatiuæ ratione de ly, & quo copulantur, important vniuersalitatem, disiunctiuæ verò ratione de ly, vel, particularitatem, vnde per disiunctiuas contradicimus copulatiuis, si sint oppositæ qualitatis, vt si dicas: *Omne lac est album, & omne lac est dulce*, contradictoria eius est, *aliquod lac non est album, vel aliquod lac non est dulce*: In conditionalibus autem, siuè sint causales, siuè rationales, siuè purè conditionales, fiunt contradictoriæ per negationem particulæ conditionalis, vt si *sol lucet dies est, non si sol lucet dies est, quia sol lucet dies est, non quia sol lucet dies est.*

Videatur M. Soto

lib. 3. sum. c. 9.

not. 5.

AR.

ARTICVLVS III.

*Virum Regulæ conuersionis sint recte
assignatæ.*

Regulæ quas proposuimus in capite de Conuersione sunt quatuor. *Prima*, vniuersalis negatiua conuertitur simpliciter, & etiam conuerti potest per accidens. *Secunda*, vniuersalis affirmatiua conuertitur per accidens. *Tertia*, particularis affirmatiua conuertitur simpliciter. *Quarta*, particularis negatiua conuertitur per contrapositionem.

Igitur Philosophus 1. Prior. 2. posuit tanquam primam regulam, ex qua cæteras probauit; illam vniuersalem negatiuam, quam dicit conuerti simpliciter. Eius autem probatio formatur hoc modo secundum Philosophum: Bene sequitur, nullus lapis est homo, ergo nullus homo est lapis; si non sequitur, ergo contradictorium consequentis erit admittendum scilicet, aliquis homo est lapis, ex quo vltcrius formatur argumentum, aliquis homo est lapis, ergo vel hic homo est lapis, vel ille, &c. Sit ergo iste homo, v.g. Petrus, & fiat syllogismus expositorius, Petrus est homo, & Petrus est lapis, ergo aliquis lapis est homo, sed ista est contradictoria illius primæ, nullus lapis, est homo, ergo dabuntur duæ contradictoriæ simul veræ, si illa non conuertitur simpliciter.

Dices: Non est bona illa probatio Philosophi, aliquis homo est lapis, ergo iste homo de
termi-

Articulus III. 405

terminate est lapis, vel ille, non enim sub illo termino particulari semper licet descendere, vt patet in simili, oculus requiritur ad videndum, ergo iste.

Respondetur legitimum esse descensum, quia ibi ly, aliquis, habet suppositionem determinatam, sub qua licet descendere immediatè, & quod faciat suppositionem determinatam constat, quia est contradictoria vniuersalis negatiue, nullus homo est lapis; in illa autem, *oculus requiritur ad videndum*, ly, oculus; supponit determinatè, vt dictum est, & sic bonus erit descensus, sed antecedens est falsum, quia nullus oculus determinatè requiritur, sed solum in confuso, & ita debet dici requiritur oculus ad videndum, vt ly, oculus, supponat confuse.

Stabilita conuersione negatiue vniuersalis ex illa reliquis probat Philosophus, nam quod *vniuersalis affirmatiua* conuertatur per accidens, probatur, quia benè valet, omnis homo est animal, ergo aliquod animal est homo, alioquin si non sequitur, contradictorium erit concedendum, scilicet nullum animal est homo, sed hoc ex prima regula conuertitur simpliciter, scilicet nullus homo est animal, quæ est contraria illius affirmatiue, omnis homo est animal, ergo dabuntur duæ contrariæ simul veræ, quod repugnat.

Similiter probatur *particularem affirmatiuam* conuerti simpliciter, vt aliquis homo, est albus, ergo aliquod album est homo, nam si consequentia non est bona, ergo eius contradictorium erit verum, scilicet nullum album est homo, sed hoc conuertitur simpliciter
per

per primam regulam, ergo nullus homo est albus, quæ est contradictoria illius primæ, alicui s homo est albus, ergo dabuntur duæ contradictoriae simul veræ.

Conuersio per contrapositionem fundatur in illa duplici regula tradita ab Aristotele. 2. Perihæresis. Prima, Ab affirmatiua ad negatiuam, variato prædicato penes finitum, & infinitum, bona est consequentia, ut homo est albus, ergo homo non est non albus. 2. A negatiua ad affirmatiuam, variato prædicato penes finitum, & infinitum, & posita constantia subiecti in affirmatiua, valet consequentia. Ut homo non est lapis, & homo est (hoc dicitur constantia, quia constat dari tale subiectum) ergo homo est non lapis. Quod intelligitur, nisi varie tur aliqua appellatio, vel reduplicatio, quæ impediatur bonitatem consequentiæ, ut non valet, homo essentialiter non est albus, ergo homo essentialiter est non albus, essentialiter enim nec est vnum; nec aliud, sed indifferens ad vtrumque. Ex quibus regulis probatur conuerti vniuersalem affirmatiuam sic, omnis homo est albus, ergo omne non album est non homo, quia bene valet, omnis homo est albus, ergo omnis homo non est non album, per primam regulam. Rursus, ergo omne non album non est homo, per conuersionem vniuersalis negatiuæ. Rursus, per secundam regulam positam valet, omne non album non est homo, & non album est, ergo omne non album est non homo, quæ est conuertens illius primæ, omnis homo est albus. Idem in conuersione particularis negatiuæ probatur, aliquis homo non est albus, & homo est, ergo aliquis ho-

mo est non albus, per secundam regulam, ergo aliquod non album est homo, per conuersionem particularis affirmatiuæ, ergo non album non est non homo per primam regulam, ergo de primo ad vltimum, &c.

Sic Arist. probauit istas regulas; aliqui tamen sumunt primam radicem illarum ex conuersione simplici particularitatis affirmatiuæ, & probant illam conuerti simpliciter, quia si aliquis homo est animal, vnum sunt animal, & homo, quia distinctum non verificatur de distincto, ergo vnum erit alterum, & è conuerso, & sic mutuò verificabuntur inter se. Sed hæc probatio est omnino inefficax, quia quando dicitur quod sunt vnum animal & homo, vel intelligitur, quod sunt vnum, adæquatè, & mutuo, vel inadæquatè, & non mutuò, si hoc secundum, ergo male probatur, quod vicissim vnum de altero dicatur, aliàs enim similiter probaretur, quod vniuersalis affirmatiua simpliciter conuertitur, quia etiam sunt vnum in ea prædicatum, & subiectum, sed quia non adæquatè, & mutuò sunt vnum, non conuertitur. Si primum, petit principium, nam hoc est probandum quod in particulari affirmatiua prædicatum, & subiectum sit vnum mutuò & adæquatè.

Obijcies contra conuersionem vniuersalis negatiuæ: Ista consequentia non valet, nulla essentia diuina est generans, ergo nullum generans est essentia diuina, instatur enim in Patre, qui est generans, & essentia diuina. Item non valet, nulla nauis requiritur ad nauigandum, ergo nullum requisitum ad nauigandum est nauis: nullus senex erit puer, ergo nullus
puer

puer erit senex, ergo illa regula non semper est vera.

Ad prim. Respondet. Quod illa non est vniuersalis, cum non constet termino communi sed singulari, scilicet, essentia diuina, sicut si diceretur, nullus Petrus est albus, non est propositio vniuersalis; si autem dicatur, nulla res, quæ est essentia diuina, est generans, propositio esset vniuersalis, sed falsa, & sic sua conuertens etiam est falsa, nullum generans est essentia diuina: si autem dicatur in singulari, essentia diuina non est generans, debet conuerti per contrapositionem, sicut particularis negatiua, ergo aliquod non generans non est non essentia diuina, quæ verificatur in Filio, & Spiritu Sancto.

Ad secundam instantiam dicitur, illam conuersionem esse bonam, sed consequens verificatur in eodem sensu quo antecedens, antecedens enim est verum, supponendo pro nulla naui distributiue, ita quod sub illo termino possit immediate descendere, vnde in vna conuertente, nullum requisitum ad nauigandum, debet supponere pro requisito distributiue, & determinate, sic enim verificatur eius conuersa nulla naus requiritur determinate, in confuso enim constat quod aliqua requiritur; vnde conuertens debet facere eundem sensum, nullum requisitum determinate est naus, & sic est vera.

Ad tertium dicitur. Quod in illa conuersione non se uatur eadem ampliatio, nam in illa propositione, nullus senex erit puer, ly puer restringitur à ly, erit, pro puero futuro, subiectum autem ampliatur ad id, quod est
vel

Quæst. VII. de Oposit. 409

vel erit, & ita, si in illa propositione vniuersali, nullus senex erit puer, ly senex sumatur pro eo, quod solum est senex, propositio est vera, & similiter sua conuertens, quæ est hæc, nullus, qui erit puer, est senex, si verò sumatur pro eo, qui est vel erit senex, est falsa, quia multi, qui sunt futuri senex, adhuc sunt futuri pueri, quia nondum sunt nati, vnde non mirum quod sua conuertens sit falsa.


Contra conuersionem vniuersalis affirmatiuæ instabis, non valet hæc consequentia, omnis homo albus est homo, ergo aliquis homo est homo albus, nam antecedens est necessarium, consequens autem potest esse falsum, casu quo nullus homo albus sit in mundo, & similiter non valet, omne grammaticum est homo, ergo aliquis homo est grammaticus, omne album est corpus, ergo aliquod corpus est album, instantur enim, casu quo nullus grammaticus, vel nullum corpus album sit in mundo.

Resp. Quod illa non est conuertens in sensu, quo verificatur prima propositio, nam quando dicitur, omnis homo albus est homo, si ly, est, sumatur accidentaliter pro homine existente, falsa est illa propositio in casu argumenti, & similiter sua conuertens; si verò ly, est abstrahat à tempore faciendo propositionem necessariam, ly, albus, non debet ibi verificari secundum existentiam, sed secundum possibilitatem, seu abstractionem à tempore in hoc sensu, Omnis homo possibiliter albus est homo, nec potest facere sensum, Omnis homo existens albus, cum ponatur casus, quo nullus existat, vnde conuertens debet esse hæc, ergo aliquis homo est homo, qui possi-

410 *Questio VIII.*

biliter est albus, & sic est vera.

Ad Secund. Dicitur. Quod in illis propositionibus, si in antecedenti, *ly est*, absoluitur à tempore, stat pro subiecto albedinis, vel grammaticæ, & facit hunc sensum, omne subiectum albedinis est corpus, Omne subiectum grammaticæ est homo, unde conuertens debet etiam sumi in eodem sensu, & secundum copulam absolutam à tempore ergo aliquod corpus est subiectum albedinis, & sic est vera; si autem mutetur copula, ita quod in vna abstrahat à tempore, in alia non, variantur suppositiones: Si verò in antecedenti non abstrahat à tempore, sed dicat existentiam, sic est falsa in casu argumenti, cum supponatur nullum esse album, neque grammaticum, & ideo sua conuertens, est falsa.



QVÆSTIO VIII.

De Consequencia, & Syllogismo.

ARTICVLVS I.

Verum recte assignetur differentia inter Consequentiam bonam, & malam.



Consequencia bona illa dicitur, in qua antecedens inferi consequens; Mala autem est, in qua inferatur consequens ex antecedenti, licet significetur inferri. Tunc autem

Articulus I. 411

tem non inferitur consequens ex aliquo antecedenti, quando potest dari antecedens verum, & consequens falsum, quandoque autem inferitur vera, & propria illatione consequens verum, siue ex antecedenti falso, siue vero, bona est consequentia. In presenti ergo duo breuissime veniunt discutienda. *Primum*, an ista differentia inter bonam consequentiam, & malam sit essentialis, vel accidentalis. *Secundum*, Quomodo verum sit, quod ex falso inferitur verum, cum nunquam ex vero inferatur falsum.

Ad primum Resp. Affirmatiuè, scilicet quod ista diuisio est essentialis, ita quod analogia, loquendo de consequentia formali simpliciter, de qua in presenti agimus. *Ratio* est, quia essentialis, & intrinseca forma consequentiæ est connexio illatiua antecedentis, cum consequenti, sed consequentia mala caret ista vi illatiua, ergo caret forma essentiali consequentiæ, ergo ita differt consequentia bona, & mala, sicut homo viuens, & carens vita, qui analogicè conueniunt in ratione hominis; Neque est dabile in consequentia formali, quod habeat aliquam connexionem, & tamen aliquando possit deficere, & ideo dicatur mala, nam forma, quæ semel est defectibilis, & aliquando saltem instari potest ex vi consequentiæ, hoc ipso formaliter non est bona, vnde caret omnino connexionem formali, idest, dispositione requisita ad inferendum. Quare solum per accidens potest quandoque sequi consequens ex antecedenti, nunquam tamen ex vi formæ, sed ratione materiæ.

Obijcies: Non requiritur ad rationem con-

412 *Questio VIII.*

sequentia, quod in re datur connexio inter antecedens, & consequens, ergo non ideo caret essentiali ratione consequentia; quia non datur connexio, dummodo significetur dari. *Anteced. probat.* nam consequentia probabilis est vera consequentia, est enim verus syllogismus, syllogismus topicus; & tamen in re potest carere connexione, quia multa falsa sunt probabiliora veris; ergo non requiritur ad essentialem rationem consequentia connexio in re, sed sufficit in apparentia, & signo. *Secundo*, quia propositionem esse veram, vel falsam, est diuisio accidentalis, ergo etiam consequentiam esse bonam, vel malam; nam ita se habet bonum, & malum in consequentia, sicut verum, & falsum in propositione, siquidem illa est bona consequentia, in qua verè sequitur vnum ex alio; illa autem est mala, in qua non verè sequitur.

Ad primum respond. Quod loquendo de consequentia formali; idest, quæ ex vi formæ, & dispositionis suæ infert, non datur consequentia probabilis; & topica, sed vel est bona, vel mala, & quæ semel est bona ex parte formæ, non potest deficere, & consequenter ex parte formæ non potest esse topica, quia si potest deficere, potest instari, & vitari, & consequenter potest dari antecedens verum, & consequens falsum; forma autem consequentia, quæ potest instari, hoc ipso est mala ex parte formæ, & si aliquando est bona, solum est materialiter, & ratione materiæ, non ratione formæ. Sed in hac parte fallimur, & æquiuocamus, si existimamus idem esse Consequen-
tiam, & Argumentum; quæ tamen longè differunt,

ferunt, omnia argumentum pertinet ad probationem; consequentia vero ad ipsam illationem, & formam consequendi vnum ex altero, probatio autem potest esse euidēs, vel probabilis, & ideo syllogismus ex parte materiæ consideratus, & posterioriſticè, seu ex parte probationis, diuiditur in demonstratiuum, & topicum, non autem prioriſticè, & ex parte formæ in præſenti autem ſolum loquimur de conſequentia ex parte formæ, & prioriſticè.

Ad ſecond. Reſpond. Quod veritas, vel falſitas non mutat ſignificationem enunciatiuum, quod eſt continuiuum propoſitionis; ſed potius, ſignificatione immutata, potest mutari veritas ex eo quod res eſt, vel non eſt, at bonitas, vel malitia conſequentiæ mutat ipſam formam connexionis, & illationis, atque adeo, & ipſam eſſentialem rationem conſequentiæ, quæ non conſiſtit in ſignificando veritates, ſed in connectendo illas conuenienti modo ad inferendum.

Circa ſecundam Difficultas eſt: Quomodo ex vero non poſſit ſequi niſi verum; ex falſo autem poſſit ſequi verum; nec enim apparet quomodo verum poſſit in falſo contineri vt ex illo inferatur, falſum autem non poſſit contineri in vero, cum æquè pugnent inter ſe verum, & falſum.

Reſpond. Omiſſa aliquorum ſolutione, qui dicunt omne falſum continere in ſe aliquid veri, ratione cuius poſſet inferre verum; verum autem nihil falſi continere debet, & ideo non poſſet inferre falſum; Hac, inquam, ſolutione omiſſa, nam aliquando poſſet vtrique præmiſſa eſſe falſa, & tamen inferre conſequens verum,

414 *Quæstio VII.*

vt si dicas, Omnis lapis est viuus, & Omnis homo est lapis, ergo Omnis homo est viuus, vbi non infertur aliquid in vi alicuius veri ex parte præmissarum.

Ideo secundo respond. Quod ex falso dicitur sequi verum, non quia possit causari, vel manifestari per falsum, sed quia stat bene cum assensu falsæ præmissæ assensus veræ conclusionis, vnde aliud est sequi verum ex falso, aliud est probari verum per falsum; hoc secundum nunquam stare potest, vt aduertit optime S. Thom. 2. Metaphys. lect. 2. vnde consequenter non potest manifestari verum per falsum, nec causari ab illo, quia si ab illo causaretur, per illud probaretur; solum ergo dicitur verum sequi ex falso, quatenus supposita admissione præmissæ falsæ, adhuc potest stare connexio cum conclusione vera, quia falsitas præmissarum non semper destruit omnem veritatem consequentem, nec enim malum destruit omne bonum. Caterum si semel dantur præmissæ veræ, hoc ipso quod conceduntur non potest dari consequens falsum, quia falsum non potest concedi, sed negari, negato autem consequenti, debet negari antecedens, cum quo habet connexionem, siquidem idem est negare illud consequens, atque admittere oppositum eius; ex opposito autem consequentis, sequitur oppositum antecedentis, atque adeò debet admitti oppositum antecedentis, vnde de primo ad vltimum, si ex concessione veri sequeretur falsum, idem antecedens concederetur, & negaretur;

Posses etiam in præsentī fieri argumentum, quando ex propositionibus necessarijs sequitur

Articulus II. 415.

tur aliquod contingens, ut ex ista, Deus sciet Petrum peccaturum, ergo Petrus peccabit. Anteced. necessario est verum, & consequens est contingens, & consequenter potest esse falsum, & sic dabitur antecedens verum, & consequens falsum. Sed huius solutionē vide supra lib. 3. c. 11. & apud Theologos 1. part. quæst. 14. art. 13.

A R T I C U L U S II.

*Verum inductio sit consequentia
formalis.*

Ratio dubitandi sumitur ex dictis; quia inductio est vera species consequentiæ, cum sit vera species argumentationis; argumentatio autem, & consequentia idem sunt, ergo debet esse bona consequentia, nam mala consequentia, ut resolvimus, non habet essentiam consequentiæ. Si autem est bona consequentia, debet esse formalis, quia illa, quæ formalis non est, potest instari, & consequenter non est bona, vnde in ratione consequentiæ nunquam datur consequentia probabilis, sed vel est bona, vel mala, & quæ est bona, semper est bona, ergo idem est inductionem esse consequentiam, & esse formalem consequentiam.

Conf. Quia aliquæ sunt inductiones, de quibus non potest dubitari, quod sint consequentiæ formales, ergo absolute non est negandum inductionem esse formalem consequentiam. Anteced. prob. nam descensus copulativus in termino supponente distributivè, & ascensus disiunctivus respectu termini supponentis denominatè sunt formales consequentiæ,

quæ in nulla materia possunt instari, vt patet in istis consequentijs, *Iste homo est albus, ergo aliquis homo est albus. Omnis homo est albus, & homo est, ergo iste homo, & ille est albus.* Et similiter, quando in ipsa inductione enumerantur omnia singularia, vel saltem cum particula, *& sic de singulis*, manifestum est esse consequentiam formalem, quia proceditur à collectione omnium singularium ad vniuersalem, quod nunquam potest instari.

Denique conf. Quia vt dicit Philos. 1. Post. text. 31. lect. 30. apud D. Th. *Vniuersalia de quibus est demonstratio, non possunt cognosci absq; inductione.* Si ergo inductio non esset bona, & formalis consequentia, omnis demonstratio, & scientia, quæ ex illa pendet, inniteretur incerto, & fallibili fundamento, ergo necesse est quod inductio sit conseq. formalis, & certa.

De hac difficultate, præter ea, quæ diximus in text. lib. 3. cap. 2. solum in præsentī aduerto inductionem, non solum importare rationem consequentiæ ex parte dispositionis, & formæ connectendi propositiones, quæ est ratio prioristica in consequentia, sed etiam importare rationem argumenti, seu probationis, quatenus est locus arguendi, & probandi aliquam propositionem vniuersalem ex reductione ipsius ad suas singulares. Et si inductio consideretur in vi argumenti, & loci probatiui, non semper facit eidentiam, sed aliquando solam probabilitatem, & ex hac parte admittit quod sit consequentia probabilis, quia innititur experientiæ sensuum, vnde in electus accipit cognitionem vniuersalium, experientia autem
non

non semper est infallibilis, nec totam collectionem singularium potest semper percurrere, & ita, nec infallibilem semper probationem fundare, in quo aliqui hallucinati sunt, existimantes formalitatem inductionis requirere, quod in antecedenti numerentur omnia singularia, vel si non numerentur omnia, apponatur particula, & sic de singulis, quia posita inductio reddetur efficax argumentum, & consequentia formalis, procedit enim à tota collectione singularium ad vniuersale, quod est ab æquiuallente ad æquiualens.

Ceterum hoc non est facere inductionem, in ratione præcisa inductionis, consequentiam formalem, sed adiungere illi alium locum arguendi, nempe ab æquiuallenti ad æquiualens, qui semper est probatio efficax. Sed tamen inductio ex natura sua, & propria vi id non petit, nam cum inductio deferuiat, ut ex ipsa sensuum experientia sumatur notitia rei vniuersalis, si necesse esset numerare omnia singularia sub vniuersali contenta, nunquam aut rarissime fieret inductio, quis enim omnia singularia experiri posset? Si autem non expertis omnibus, pro reliquis, quæ non experimus, ponatur particula, & sic de singulis et iam non expertis respectu illorum manet inductio inuidens, & incerta, quia non constat sic reliqua se habere, & ita solum erit argumentum probabile, ex his, quæ experta sunt, (licet non omnia, sed plurima) inferre vniuersale.

Item dico de aliquibus speciebus inductionis, in quibus inuenitur efficax probatio, & formalis consequentia, sed non est præcise in vi inductionis, sed ex alio loco arguendi ad-

iuncto, vt quando ex singulari inferitur non vniuersalis, sed particularis determinata, vt Petrus currit, ergo aliquis homo currit, tenet consequentia, non in vi inductionis, siquidem solum vnum singulare numeratur, sed a non amplo ad amplum affirmatiuè, sine distributione ampli: & similiter, cum ab vniuersali distributo descendimus copulatiuè ad quodlibet singulare, vt omnis homo est albus, ergo iste est albus, & ille &c. tenet ab amplo ad non amplum, cum distributione ampli affirmatiuè, & idem est à particulari ad singularia disiunctiuè, tenet enim ab æquiualentia ad æquiualens, aut aliquo simili loco arguendi.

Quare hæc inductio adiunctis his, vel alijs similibus locis arguendi sit efficax probatio; & consequentia; tamen pura, & mera inductio id nõ petit, sed potest inueniri enumeratis sufficienter singularibus, sufficienter, in quam inferendam vniuersalem probabiliter, si non omnia numerentur, vel euidenter, si omnia, & vtrumque pertinet ad inductionem; imò illud prius, frequentius, quia vix, aut numquam omnia singularia enumerantur, & tamen datur inductio ad vniuersale simpliciter, imò si numerentur, non solum sufficienter, sed totaliter, non est pura inductio, sed ab æquiualentia ad æquiualens, sicut, si sufficienter numerentur, non ad inferendam vniuersalem distributam, sed tantum particularem, vt supra diximus. Hæc de inductione, vt dicit rationem argumenti, & loci probati.

Si verò consideretur ipsa dispositio, & forma deducendi vnum ex alio, sic inductio (si præcisè sumatur non adiuncto alio loco arguen-

guendi) non importat dispositionem, & formam perfectam consequentiae, sicut syllogismus, in quo ipsa dispositio, & forma fundatur in connexionione terminorum perfecta cum vno tertio, tanquam in medio, vnde cogitur intellectus fateri connexionem eorundem terminorum inter se, At verò inductio non vititur connexionione extremorum cum vno tertio, tanquam ratione, & forma illatiua, sed ex ipsis singularibus, quæ experitur, quasi ex partibus subiectiuis totius vniuersalis, insert ipsam propositionem vniuersalem, vt diximus. Et hęc connexio singularium experitorum cum suo vniuersali fundat consequentiam, non absolute formalem; sicut syllogismus, sed formalem inductiuè: cum enim omnis consequentia sit quædam illatio probatiua, & manifestatiua veritatis; omnis autem veritas, & scientia nostra habeat duos progressus, scilicet primo in sui introductione, secundum quod oritur, & dependet à sensibus, secundò in probatione ex propositionibus iam vniuersaliter conceptis; consequenter illat o ipsa veritatis secundum formalem rationem consequentiae, & illationis debet habere duplicem modum connexionis, & consequentiae, scilicet in inducendo, seu introducendo nos ad cognitionem vniuersalium ex ipsis singularibus, & in probatione, seu discursu ex propositionibus factis vniuersalibus ad alia. Inductio ergo habet dispositionem consequentiae, primo modo tantum, vnde licet possit vitari, & deficere absolute, tamen habet quicquid requiritur ad formalem consequentiam in ratione inductiui, non simpliciter, & euidenter probatiui.

Ad Rationes dubitandi Resp. Ad primam, quod inductio ex præcisa ratione inductionis est vera species consequentiæ, sed non ita perfecta sicut syllogismus, neque ordinata ad probandum, seu convincendum intellectum, sed ad introducendum in uniuersalia ex comparatione, & numeratione singularium, & in hoc genere inducendi habet formalem rationem consequentiæ, non probatiuæ ex uniuersalibus, sed inductiuæ ex singularibus. Vnde eius bonitas non est, quod cōuincat plenè, sed quod sufficienter inducat ad uniuersalia ex singularibus expertis.

Ad primam confirm. respondet. Quod illæ consequentiæ inductionis tenent, non in vi inductionis præcise, sed quia vel reducuntur ad formam syllogismi, vel alius locus arguendi sibi adiungitur, qui habet efficacem, & infallibilem connexionem, ut diximus.

Ad secund. Confirm. Respond. Quod omnis nostra speculatio dependet ab inductione, sicut dependet à sensu, & experientia; unde si propositiones uniuersales alicuius scientiæ non sunt ita abstractæ, & communes, quod ex quocunque indiuiduo manifestari possit ipsarum veritas, sed ex plurium numeratione, & experientia pendeat, sicut scientiæ naturales, non sunt ita certæ, sicut aliæ scientiæ abstractiores, & communiores, ut Metaphysica, & Mathematica, quorum principia etiam in vno indiuiduo habent totam certitudinem, ut *Quodlibet est, vel non est.*

ARTICULVS III.

*Verum Conclusio sit de essentia Syllogismi,
an solum Præmissæ,*

Itigant in hac difficultate diuersæ sententia ferè ex eodem motiuo: Quia enim syllogismus fit per discursum, in quo ex connexione præmissarum inferitur, & manifestatur conclusio putant aliqui de ipsa essentia syllogismi non solum esse præmissas inferentes, sed etiam conclusionem illatam, quia discursus non sistit in præmissis, sed in conclusione, & quando non inferitur conclusio, manet suspensus discursus, & incompletus. De ratione ergo syllogismi completi, & perfecti est conclusio *Alij* è contra: Quia conclusio est illata, & manifestata per discursum, inferunt inde, quod conclusio non pertinet ad essentiam syllogismi, sed est effectus ipsius, quia syllogismus formaliter est modus sciendi, & argumentatio, quæ est manifestatiua alicuius ignoti, saluatur ergo tota ratio ipsius in ipsa ratione manifestatiui; non autem in ratione manifestati, conclusio autem est manifestata, non manifestatiua. *Alij* denique existimant solum consistere formaliter in ipso motu, seu illatione, non in præmissis, neque in conclusione, licet illa quasi materialiter, & in obliquo includat.

Verius tamen videtur syllogismum in suo essentiali conceptu dicere orationem compositam ex antecedente, & consequente, ipsaque illatione, seu consequentia. Itaque, & habet vim illatiuam, quæ est in præmissis, &

ha-

422 *Quaestio VIII.*

habet rem illatam in consequente, & habet ipsam illationem, quæ passiuè sumpta est in consequente illato; actiuè autem in præmissis inferentibus; atque ita est quasi organum instrumentum, quod constat ex parte mouente, & ex parte mota, sicut in uiuentibus; constat enim, quod ipsæ præmissæ sunt motuum, & ratio cognoscendi conclusionem, vnde ad rationem syllogismi, quo tanquam instrumento fit ista cognitio conclusionis, necessario, & essentialiter requiruntur præmissæ: similiter ipsa conclusio est obiectum cognitum, ad hoc enim tendit syllogismus, vt conclusionem cognoscat per illationem, cognitio autem non respicit in obliquo, & materialiter, sed formalissimè suum obiectum, vnde non potest consistere syllogismus in solo ipso motu, seu illatione secundum quod præcise illatio sumitur passiuè pro eo, quod sequitur passiuè ex alio, sic enim solum inuenitur in ipso consequente illato, & cum in aliquo syllogismo admittimus præmissas, & negamus consequens iam, non negamus totum syllogismum, sed solum illationem, & deductionem passiuam eius, quod sequitur, ergo signum est totum syllogismum non supponere pro illatione passiuè accepta, sed pro illo composito ex inferente, & illato, in quo inuenitur plena, & adæquata illatio, seu consequentia actiuè, & passiuè sumpta, sicut motus, licet passiuè solum sit in passo, tamen in quantum actio, dimanat ab agente, & respicit illud, & sic completè, & adæquatè respicit agens, & patiens, sed tamen deficit exemplum in hoc, quod syllogismus non est ipse motus, sed instrumentum, quo in-

tel-

Articulus III. 423

tellectus mouetur de vno ad aliud cognoscendum, vnde debet includere partem mouentem, quæ sunt præmissæ, & partem motam, quæ est obiectum illatum, seu conclusio.

Vnde rationem primæ sententiæ admittimus, quæ includit conclusionem, quod non excludit præmissas. *Ad secundam* verò dicimus, quod conclusio est effectus syllogismi, non quidem totius syllogismi, sed partis illius, sicut in viuentibus pars mota est effectus ipsius viuentis in quantum mota ratione partis mouentis, includit tamen adæquatè, & completè ipsum totum constans ex parte mouente, & ex parte mota, sic syllogismus in sua essentia adæquatè, & completè includit illuminans, & illuminatum manifestatiuum, & manifestatum tanquam partes, vnde licet de

essentia consequentiæ, & argumentationis sit esse manifestatiuum

alicuius ignoti, tamen ipsum

ignotum, quod

est conclusio,

essentiali-

ter

includit, vt illatum, & mani-

festatum, & obiectum

rationis mani-

festati-

ue.

ARTICVLVS IV.

*Virum Syllogismus recte diuidatur in perfectum,
& imperfectum.*

ALiqui existimant nullum syllogismum indigere reductionem ad alium syllogismum perfectiorem, sed æquè immediatè regulari omnes illo principio. *Quæcumque sunt eadem uni tertio, sunt eadem inter se*, vnde immediatè per istud principium, non autem per reductionem ad alium syllogismum possunt ostendi, quia sicut in primis quatuor modis primæ figuræ inuenitur identificatio extremorum cum vno tertio, ita, & in alijs syllogismis secundæ, & tertiæ figuræ, vt manifestum erit quocumque syllogismo in illis facto, ergo ex tali principio poterit immediatè conuinci; qui negauerit illationem talium syllogismorum non autem necessaria est reductio ad primos syllogismos primæ figuræ.

Ceterum Philosophus expresse docet omnes syllogismos imperfectos reduci posse ad vniuersales primæ figuræ, vt patet in 1^o Priorum capit. 7. Idem docet S. Th. opuse. 48. tract. de syllogismo simpliciter cap. 6. 7. & 8. Et non est, quia licet tota vis syllogistica consistat in illo principio. Quod quæcumque sunt identificata uni tertio, sunt identificata inter se. Tamen, vt clarè constet hæc identificatio cum vno tertio, requiritur quod illud tertium sit distributum, quia si medium teneatur particulariter in vtraque præmissa, ex puris particularibus nihil sequitur; si ergo medium debet
iden-

Articulus IV. 425

identificari cum extremis secundum distributionem, mediante qua extrema ipsa contineat, & vniat in se, oportet quod ista identificatio medij reguletur per illud principium, *dici de omni, & dici de nullo*, & hoc est, quod non in omnibus syllogismis æque euidenter fit, quia non in omnibus ita immediate, & per se constat contineri aliquod extremum sub ipso medio distributo, sicut constat in quatuor primis modis primæ figuræ, in quibus medium est subiectum in maiori, & prædicatum in minori, ratione cuius cum ponatur vniuersaliter in maiori ex parte subiecti, postea in minori prædicatur de aliquo, vnde hoc ipso illud, de quo prædicatur, designatur contineri sub ipso medio, quod non ita manifestatur in secunda, & tertia figura, yt patet si faciamus syllogismum in *Barbara*, omne animal est substantia, omnis homo est animal, ergo omnis homo est substantia, vbi ille medius terminus *animal*, in quo identificatur homo, & substantia in maiori ponitur vniuersaliter ex parte subiecti, deinde verò in minori, cum animal prædicetur de homine, hoc ipso clarè constat, quod homo continetur sub animali, & consequenter, quod substantia, quæ prædicabatur de animali per regulam *dici de nullo*, prædicabitur etiam de homine, qui continetur sub animali. Hoc autem in secunda, & tertia figura non ita per se manifestatur, vnde ad hoc, vt constet ita identificari extrema cum vno tertio, quod saluetur in illo *dici de omni*, vel *dici de nullo*, indiget reduci ad modum primæ figuræ, & non solum immediatè probari per illud principium, *quæcumque sunt eadem vni tertio*,

426 *Questio VIII.*

*tertio, &c. excludendo principia, dici de omni,
& dici de nullo.*

De quarta figura, An detur, aliqui longius disputant, sed pro ista difficultate sufficiunt ea, quæ tradidimus lib. 3. capit. 5. non enim negamus hanc quartam figuram, sed dicimus reduci ad primam, ideoque non ponere figuram omnino distinctam, sed sub prima contentam.

E I N I S.



I N D E X

RERVM NOTABILIVM.

A

- A**bstractum . Vide Concretum .
Accidentis definitionem quomodo ingrediatur subiectum . *quaest. 4. art. 2. pag. 287. Vide Concretum .*
- Aetius & potentia in quo sensu dicantur esse in esse in eodem genere q. 1. art. 3. . 262
- Adiectiva quomodo supponant , & quomodo copulent lib. 2. cap. 10. 50
- Vnum adiectivum in pluribus suppositis multiplicatur . q. 6. art. 4. 376
- Aequipollentia definitio , & regula. lib. 2. cap. 18. 84
- Defectus arguendi in aequipollentia. lib. 3. cap. 13. 164
- Modalium equipollentia . Vide Modalis propositio .
- Alienatio definitur . lib. 2. cap. 14. 69
- Non requiritur in conceptu ultimo. q. 6. art. 2. 364
- In qua materia sint propositiones, in quibus sit alienatio subiecti à predicato . q. 6. art. 3. 373
- Ampliatio definitur . lib. 2. cap. 13. pag. 64. eiusdem regula. 66
- Regula arguendi in ampliatione. pag. 68. defectus arguendi in eadē lib. 3. c. 13. 161.
- Ana-

Index rerum notabilium

- Analogia** definitio an sit logicè artificiosa **7.**
art. 3. **2**
- Analogia**, alia quoad substantiam, al.
quoad modum. q. 5. art. 3. **3**
- Quale** prius, & posterius constituat ar.
logiam. q. 5. art. 4. **33**
- Appellatio** definitur. lib. 2. cap. 15. **7**
Eiusdem regula. p. **71.** explicatur. q. 6.
art. 4. **37**
- Recta** appellationis acceptio. **ibid.**
- Appellatio**, alia realis, alia rationis. lib. 2.
cap. 15. **71**
- Defectus** arguendi in appellatione. lib. 3.
cap. 13. **163**
- Argumentis** munus. in Præludio primo.
- Argumentationis** definitio. lib. 2. cap. 5. pag.
32. eiusdem species. pag. **33.** quomodo
distinguitur à definitione. questio **4.**
art. 2. **287**
- Regula** arguendi ab affirmativa ad nega-
tivam. variato predicato penes finitum,
& infinitum, explicatur. questio **7.**
art. 2. **396**
- Argumentum** distinguitur à consequentia.
q. 8. art. 1. **412**
- Artificialia** quomodo definiantur. q. 1. a. 4.
pag. **203.** quod sit genus in artificiali-
bus. art. 6. **225**
- In** artificialibus materia predicatur de to-
to. q. 4. art. 1. **225**
- Ascensus**, Vide Descensus.

Index rerum notabilium.

C

- C**ausa Nominis. Vide Nomen :
Categorica *Propositio*. Vide Propositio. Enunciatio.
Cognitionis causa. lib. 1. cap. 2. 4
Facere cognoscere quomodo distinguatur a
representare, & significare. 5
Facere cognoscere dicitur quadrupliciter. ibid.
Cognitio incipit ab imperfectioribus ad perfectiora. q. 1. art. 1. 170
Conceptus divisiones. lib. 1. ca. 3. 8
Duplex acceptio conceptus. q. 1. art. 5. 213
Quomodo conceptus significantur per voces. ibid. & pag. 217.
Unus conceptus est sufficiens attingere plures terminos. q. 5. ar. 2. pag. 117. Vide Verbum.
Concreta quomodo predicentur de subiecto. q. 1. art. 4. pag. 203
Quodnam sit in illis definitum. ibid.
Quomodo subiectum ingrediatur definitionem concreti. q. 4. art. 2. 287
Conditionalis propositio quid sit. lib. 2. cap. 23. 103
Regula ad conditionalis veritatem. ibid.
Loci arguendi in conditionalibus. 106
Propositiones de extremo conditionato quomodo regulande. 107.
Consequentia quid sit. in Præludio primo.
Consequentia alia bona, alia mala. lib. 2. cap. 5. pag. 34. & lib. 3. cap. 1. 115
Hæc

Index rerum notabilium.

Hæc divisio est essentialis, sed Analoga.

q. 8. art. 1. *411*

Quibus principijs innitatur bonitas consequentiae. lib. 2. cap. 11. *149*

Dantur regulæ ad bonitatem consequentiae. *151*

Principia defectuum malæ consequentiae. cap. 12. *153*

Consequentia dividitur etiam in materiale, & formalem. cap. 1 pag. 115. definitur consequentia. *114*

Consequentia, & Argumentum non sunt idem. q. 8. art. 1. *412*

Constantia quid sit. lib. 2. cap. 13. pag. 68. & q. 7. art. 3. *406*

Contradictoria oppositio definitur. l. 2. c. 16. 76

Conditiones contradictoriae oppositionis. cap. 17. *78*

Defectus arguendi in contradictorijs lib. 3. cap. 14. *163*

Contradictoria oppositio est maxima inter omnes oppositiones. q. 7. art. 1. *382*

Qualibet propositio est capax contradictionis. art. 2. *388*

In contradictorijs, si una propositio est vera, altera debet esse falsa. *389*

Quomodo assignari debeat contradictoria in propositionibus de futuro contingenti. pag. 389. de termino communi. p. 390.

etiam incompleto. ibid. In propositionibus in plurali numero de termino communi distributivo, vel copulato. p. 394.

in propositionibus de termino complexo. pag. 398. in propositionibus, quæ signi-

ficans

Index rerum notabilium.

ficant unionem copulae pro tota eternitate. pag. **402.** & alijs diversis propositionibus. **396**

Quomodo stat contradictio in propositionibus Hypotheticis. **403**

Contraria oppositio **definitur. lib. 2. cap. 16. 77**

Conditiones oppositionis contrariae. c. **17. 79**

Quomodo ex oppositione contraria inferatur contradictoria. q. **7. ar. 1. 387**

Regulae ad cognoscendas contrarias. **81**

Defectus arguendi in contrarijs lib. **3. cap. 13. 160**

Contraria possunt esse simul falsa, sed non simul vera. lib. **2. cap. 16. 77**

Contraria quomodo maxime dissent. q. **7. art. 1. 386**

Conversio propositionum **definitur. lib. 2. cap. 19. 86**

Dividitur, **ibid.**

Regulae conversionum, pag. **87.** explicantur. q. **7. art. 3. 404**

Defectus arguendi in conversione. lib. **3. cap. 13. 164**

Copula alia principalis, alia minus principalis seu de inesse. lib. **2. cap. 7. p. 41. 42**
alia simplex, alia complexa. **42**

Copulativa propositio quid sit. lib. **2. c. 23. 103**

Regulae ad eius **veritatem. 104**

Regulae arguendi in copulativis. **106**

Propositiones de extremo copulato quomodo regulanda. **107**

Copulativus, & copulatus Ascensus, seu Descensus. **Vide Descensus.**

Defi-

Index rerum notabilium.

D

- D**efinitionis definitio. lib. 2. c. 3. pag. 25.
huius definitionis particula (Oratio)
explicatur. q. 4. a. 2. 275. & 282.
Qua ratione definitio definiatur. 280
Conditiones bonæ definitionis. lib. 2. c. 3.
pag. 25. & q. 4. art. 2. 280. & 285
Conditiones bonæ definitionis. lib. 2. cap. 3.
p. 25. & q. 4. art. 2. 280. & 285
Conditiones definiti. lib. 2. cap. 3. 26
Quomodo intelligendum sit definitientia esse
notiora definito. qu. 1. art. 1. pag. 176.
& art. 2. 187
Definitum duplex. Remotum, & proximum.
lib. 2. cap. 13. 27
Definitionis divisiones. 28
Definitio descriptiva, & quidditativa quo-
modo differant q. 4. art. 2. 279
In Definitione descriptiva, Annatura sit
proximum definitum, & passio remo-
tum. 188
Quod sit proximum definitum in definitio-
ne quid nominis. 289
Quid nam sit, Proximum definitum. ibid.
Modus definiendi Accidentia in concreto
explicatur. q. 1. art. 4. 203
Definitio inuenitur extra propositionem. q. 4.
art. 2. 276. & 284
Definitio dicitur bona, vel mala pag. 278.
An possit dici vera, vel falsa. ibid.
Definitio quomodo distingatur a Demons-
tratione, & Argumentatione. q. 4. a. 2. 278

Index rerum notabilium.

- Definitio** quomodo differat à Diuisione in manifestando ignotum. ar. 3. 290
- Demonstratio** quomodo distinguatur à Definitione. ar. 2. 287
- Descensus**, & **Ascensus** definitur, lib. 3. cap. 2. 116
- Descensus**, & **Ascensus** Distinctius, Copulatiuus, Distinctus, & Copulatus. 117
- Ordo** resoluendi terminos per **Ascensum**, & **Descensum**. cap. 3. 118
- Regula** **Ascensus**, & **Descensus**. 119
- Descensus**, & **Ascensus** in Relatiuis. 121
- Descensus** qui committuntur in **Ascensu**, & **Descensu** cap. 13. 156
- Distinctiua** Propositionis quid sit lib. 2. c. 13. 103
- Regula** ad eius veritatem. 105
- Regula** arguendi in distinctiuis. 106
- Propositiones** de extremo distincto quomodo regulanda. 107
- Distinctiuis**, & **Distinctus**, **Ascensus**, vel **Descensus**. Vide **Descensus**. 108
- Diuisionis** definitio lib. 2. cap. 4. pag. 29. est quidditatis. q. 4. art. 3. 290
- Conditiones** bonae diuisionis lib. 2. c. 4. 29
- Diuisum** an debeat subintelligi in membris diuidentibus q. 4. art. 3. 294
- Quomodo diuisum praedicetur de partibus diuidentibus. ibid.
- Species** Diuisionis tam per se, quam per accidens. lib. 2. cap. 4. 30
- Diuisio** Analogà an sit artificiosa artificio Logico. q. 4. art. 3. 295
- An possit aliquid diuidi pluribus diuisionibus essentialibus p. 296. & quaest. 5. art.

Index rerum notabilium.

art. 3. 292

Regule arguendi in Divisione. l. 2. c. 4. 32

Divisio quomodo differat à Definitione in ma-
nifestando ignotum. q. 4. art. 3. 293

Disputationis methodus, in Præludio primo.

E

E**Nthymema quid sit.** in Præludio pri-
mo.

Enunciatio quomodo distinguatur à Proposi-
tione. lib. 2. cap. 6. p. 35. & quæst. 5.
art. 1. 298

Enunciatio non consistit in iudicio seu assen-
su. q. 5. art. 1. 299

Enunciationis ratio in quo consistat prout di-
stinguitur ab alijs orationibus. 300

Enunciatio Cathégorica an sit una simplex
qualitas. q. 5. art. 2. 311

Hypothesica non est una simplex quali-
tas. 312. & 331

Exceptivæ Propositiones sunt species exponi-
bilium. lib. 2. cap. 14. 108

Quomodo exponende sint. 110

Loci arguendi in exceptivis. ibid.

Exclusivæ Propositiones sunt species exponibi-
lium. 108

Exclusivarum differentia. ibid.

Loci arguendi in exclusivis. 109

Exponibiles Propositiones definiuntur, &
dividuntur in suas species. l. 2. c. 24. 107

Defectus arguendi in exponibilibus. lib. 3.

cap. 13. p. 164. Vide Propositio.

Index rerum notabilium.

F

Fallacia Syllogismorum recensentur :
lib. 3. cap. 14. pag. 165. explicantur, ibid.
Falsum. Vide Verum.

Figura Syllogismorum numerantur. lib. 3.
cap. 5. 125

An detur quarta figura, pag. 126. & q. 8.
art. 4. 425

Figura cum suis regulis explicantur. lib. 3.
cap. 6. Vide Syllogismus. 127

Forma in Logica quid significet, in Prælo-
dio 2.

G

Genus quomodo sit definibile. q. 4. d. 2. 286
Quomodo intelligatur, Quid est sub
genere, debet in aliqua eius determina-
ta specie inueniri. 283

Genus quomodo diuidatur per differentias.
q. 4. art. 3. 294

Quomodo diuidatur per differentias nega-
tinas, seu contradiatorias. 293

H

Hypothetica Propositio definitur. lib. 2.
cap. 23. 108

Diuiditur in suas species. ibid.

Quomodo diuidatur in affirmatiuam, &
negatiuam. q. 5. art. 4. 342

Copulatiua, & Disiunctiua sunt vere pro-
posi-

Index rerum notabilium.

- positiones Hypotheticae . art. **3.** **333**
Hypothetica quid exigat ad suam veritatem ,
 & quae sint regulae arguendi in eius spec-
 tibus . lib. 2. cap. **23.** **103**
Hypothetica quomodo componatur ex Cathe-
 goricis . q. 5. art. 3. **329**
Hypothetica est oratio perfecta. **317**
Habet aliam veritatem à Cathegoricis . *ibid.*
Vide **Enunciatio** . **Propositio** .

- I**nductum Corruptibile, & Incorruptibile
 le quomodo possit definiri q. 4. art. 2. **286**
Inductio definitur . lib. 3. cap. 2. **116**
Inductio distinguitur ab exemplo , & syllo-
 gismo. *ibid.*
Inductio considerari potest ut argumentum, &
 locus probativus . q. 8. art. 2. **416**
Inductio an sit Consequentia formalis . **415,**
 & **418.**
An in Inductione numeranda sint omnia
 singularia. **417**
Defectus qui committuntur in Inductio-
 ne . lib. 3. cap. **13.** **155**
Indicij actus semper est simplex, q. 5. a. 2. **311**

L

- L**ogica divisio, ordo, & necessitas in Prae-
 ludio 2. dicitur ars rationalis . *ibid.*
Logica agit etiam de prima operatione intel-
 lectus . q. 1. art. 1. p. **170.** & in Prae-
 ludio 2.

Index rerum notabilium.

- Reſte incipit à termino . . . 172
 Quomodo incipiendo à termino incipere
 dicatur ab vniuerſalioribus . . . 177
 Logicus an conſideres aliud totum præter Lo-
 gicum . q. 4. ar. 3. . . 291
 Logicus ſub quæ ratione agat de oppoſitione .
 q. 7. art. 1. . . 382

M

- M**anifeſtare quomodo diſtinguatur à ſi-
 gnificare . lib. 2. cap. 2. . . 23
 Materia in Logica quid ſignificet . in Prælu-
 dio . 2. . .
 Materia Syllogiſmi . Vide Syllogiſmus .
 Medium inueniendi Regula . lib. 3. c. 9. . 143
 Modalis Propoſitio definitur , & diuiditur .
 lib. 2. cap. 20. . . 88
 Modalis compoſita , & diuiſa legitima intel-
 ligentia . . . 90
 Modalium quantitas , qualitas , oppoſitio ,
 æquipolentia cap. 21. . . 91
 Modalis vera eſt neceſſaria . cap. 22. . 99
 Modalium reduſtio ad ſuas de Ineſſe . ibid.
 Modus quid ſit . cap. 20. . . 88
 Modus quomodo conſtituat modalem propoſi-
 tionem . . . ibid.
 Modi quomodo deſeruiant quantitati propoſi-
 tionum . cap. 21. . . 91
 Modi Syllogiſmorum numerantur . lib. 3.
 cap. 5. . . 125
 Qui ſint utiles , qui inutilis . cap. 6.
 pag. 127. Vide Syllogiſmus .
 Modus ſciendi definitur lib. 2. cap. 2. . . 23

Index rerum notabilium.

Modus sciendi quatuorplex est. 15

Modi sciendi cognitio quomodo presupponatur ad cognitionem termini, à quo incipit Logicus, q. 1. art. 1. 178

N

N*egationis effectus, lib. 2. cap. 7. pag. 41. & q. 2. art. 2. pag. 232. & 236. Vide Nomen, Verbum.*

Nominis definitio, lib. 1. cap. 5. 19

Explicatur illa particula (cuius nulla pars significat separata) q. 2. artic. 1. pag. 228

Quare Aristoteles prius definierit Nomen sine illa particula (finita & recta) q. 2. art. 3. 242

Explicatur illa particula (finita) q. 2. art. 1. pag. 232. & (recta) art. 3. 242

Nomen infinitum quid sit, lib. 1. c. 7. pag. 16. & q. 2. art. 2. 232

Casus nominis obliqui an habeant conceptus eiusdem rationis cum recto, q. 2. art. 3. 242

Nominis significatum materiale, & formale, q. 6. art. 3. 370

Notiæ simplicis divisiones, lib. 1. cap. 3. 7.

O

O*bjectum quatuorplex, lib. 1. cap. 2.* 5

Operationes intellectus sunt tres, in Præudio, 2.

Operationes intellectus, omnes pertinent ad Lo.

Index rerum notabilium .

- Logicam.** q. 1. art. 1. pag. 170. & in
Præluđio 2.
- Prima operatio quomodo sit capax artificij**
Logici. **173**
- Secunda operatio quomodo respiciat ter-**
tiam, & respiciatur à prima . quæst. 1.
art. 3. **202**
- Secunda operatio Intellectus producit di-**
stinctum verbum à prima . quæst. 5.
art. 2. **313**
- Oppositio definitur . lib. 2. cap. 16. pag. 76.**
eiusdem condiciones , ibidem , & c. 17.
pag. **78**
- Oppositio dividitur in Contradictoriam ,**
Contrariam, & Subcontrariam . c. 16.
pag. **78**
- Oppositio , alia de lege , & de modo , alia**
de lege , & non de modo . **72**
- Defectus arguendi in oppositionibus lib. 3.**
cap. 13. **163**
- Quomodo qualibet oppositio addat ali-**
quid supra Contradictoriam . quæst. 7.
art. 1. **382**
- Oppositio in Propositionibus Modalibus . Vi-**
de Modalis .
- Orationis definitio tradita à Philosopho . lib. 2.**
cap. 1. **21**
- Quid sit definitum in definitione orationis.**
q. 4. art. 1. **268**
- Hac definitio est essentialis , & quiddi-**
tativa . **264**
- Explicatur illa particula (Vox) p. 274.**
& (cuius aliqua pars est significati-
na .) **272**

Index rerum notabilium.

- Explicatur alia particula (v. diffio.) 273
- Orationis species. q. 5. art. 2. 297
- Oratio an dici possit absolute ens rationis.
q. 4. a. 1. 273
- Orationis forma essentialis quanam sit. 268
- Orationis diuisiones. lib. 2. cap. 1. 22
- Oratio quomodo distinguatur à termino Com-
plexo. pag. 21. & quest. 4. artic. 1.
pag. 266. & 268. præsertim oratio im-
perfecta. 269
- Orationis partes principales sunt Nomen, &
Verbum. q. 1. art. 1. pag. 183. Sed
non est de essentia orationis quod sem-
per constet Nomine, & Verbo. q. 4.
art. 1. 266
- Oratio quomodo componatur ex Verbis non
significatiuis q. 1. art. 2. 185
- Oratio quomodo ingrediatur definitionem De-
finitionis. q. 4. art. 2. 275. & 281
- Quomodo ingrediatur definitionem Dini-
sionis. art. 3. 290
- Oratio Enunciatiua. Vide Enunciatio.

P. 180

- Potentia. Vide Actus.
- Predicatum quid sit. lib. 2. cap. 7. 39
- Prædicatio directa, & Indirecta formalis, &
identica. cap. 8. 45
- Prædicti dispositioni munus. In Prælu-
dio primo.
- Propositio distinguatur ab Enunciatione. l. 2.
cap. 6. 35
- Propositio Enunciatiua. Vide Enunciatio.

Pro-

Index rerum notabilium.

- Propositionis definitio. lib. 2. cap. 6. 39
- Propositionem significare verum, vel falsum explicatur. pag. 36. & quaest. 5. art. 1. 302. & 303.
- Propositiones se falsificantes quae. lib. 2. cap. 6. 38
- Propositio, alia Categoricalis, alia Hypothetica. cap. 7. 39
- Hac est diuisio essentialis, & vniuersa. q. 5. art. 3. 325
- Quomodo reperiatur veritas in Propositione Hypothetica. q. 5. art. 1. 309
- Propositio Hypothetica. Vide Hypothetica.
- Propositio diuiditur etiam in Vniuersalem, Particularem, Indefinitam, & Singularem. lib. 2. cap. 7. 39
- Hac est Propositionis quantitas. quaest. 5. art. 4. 336
- Est diuisio accidentalis. ibid.
- Propositio constans termino singulari caret quantitate. 337
- Propositio, alia Affirmatiua, alia Negatiua. lib. 2. cap. 7. 41
- Quomodo in hac sit Propositionis qualitas. q. 5. art. 4. 335
- Propositiones mixtae qualitatis, an dicenda sint affirmatiua, vel negatiua. 343
- Hac diuisio est vniuersa, & essentialis. ibid.
- Non est Immediata. 341
- Propositio alia de Inesse, alia Modalis. lib. 2. cap. 7. 43
- De Inesse definitur. cap. 20. pag. 88. dupliciter dicitur. cap. 22. 100

Index rerum notabilium

- Modalis Propositio . Vide Modalis .**
Propositionis materia , Naturalis , Contingens , & remota . cap 8. 44
Propositionis proprietates , quae sequuntur eius partes . cap. 9. 46
Quae sequuntur totam propositionem . ibid.
Propositio de Subiecto non supponente quid sit . cap. 10. 47
Propositio quomodo dicatur componere Propositionem , & Syllogismum . 1. ar. 2. pag 190. & 9. 9. art. 3. 332
Propositiones synonymae an sint eiusdem speciei art. 4. 345

R

- R Edutio Syllogismorum . Vide Syllogismus .**
Reduplicativae Propositiones sunt species exponibilium lib 2. cap 14. 108
Quomodo in aliqua propositione sumantur termini specificatione , quomodo reduplicative . 111
Reduplicativae quomodo exponantur . ibid.
In Reduplicativis aliquando non reduplicatur causa , sed conditio , vel concomitantia . 113
Quotupliciter sumatur terminus ille (in quantum) qui ponitur in propositione reduplicativa . 112
Relativa definiuntur , & dividuntur . lib. 2. cap. 13. 61
Relativorum regula . 62
Relativa quomodo resolvantur per Ascensum

Index rerum notabilium.

sum , & Descensum .	<u>lib. 3. cap. 30.</u>	
	pag.	<u>119.</u>
Relativa quomodo definirí possint per Correo-		
latinum q. 4. art. 2.		287
Quomodo unum Relativum non remoueat		
aliud . q. 7. art. 1.		324
Repræsentare quomodo distinguatur à si-		
gnificare , & facere cognoscere .	<u>lib. 1.</u>	
cap. 2.		5
Repræsentare de quo dicatur .		6
Respondentis manus . in Præudio	<u>1.</u>	
Restititio definitur .	<u>lib. 2. cap. 14.</u>	67
Regula arguendi in restrictione .		68
Defectus arguendi in restrictione .	<u>lib. 3.</u>	
cap. 13.		<u>160</u>

S

Scientia duplicem habet progressum q. 8.		
art. 2.		419
Significare quomodo distinguatur à repræsen-		
re , & facere cognoscere .	<u>lib. 1. cap. 2.</u>	
pag.		6
Significare quomodo distinguatur à manife-		
stare .	<u>lib. 3. cap. 2.</u>	23
Quomodo distinguatur à supponere .		10.
pag.		<u>47</u>
Quomodo significantur per voces conceptus		
& res . q. 1. art. 5.	<u>211. & 217.</u>	
Significare unum mediante alio sumi potest		
tripliciter .		215
Significare aliquod determinatum fiat du-		
pliciter . q. 2. art. 2.		243
Signum definitur .	<u>lib. 1. cap. 2.</u>	

Index rerum notabilium.

- Signum quod duplex sit. 6
- Signum quomodo sit genus ad terminum. q. 1.
art. 6. pag. 224. & ad alia instrumenta
 Logica. q. 5. art. 3. 331
- Signum declaratum manet; declarato signi-
 ficato. q. 4. art. 2. 289
- Quomodo de signo agat Logica. quæst. 1.
art. 1. 175
- Signa quæ afficiunt terminos ad faciendum
 illos stare universaliter; ut parti-
 culariter. lib. 2. cap. 12. pag. 56. &
cap. 17. 80
- Speciem solam esse definibilem in quo sensu
 verum habeat. q. 4. art. 2. 286
- Subcontraria oppositio definitur. lib. 2. c. 16.
pag. 27
- Subcontraria possunt esse simul verae; sed
non simul false. ibid.
- Subcontraria appositionis conditiones. cap. 17.
pag. 79
- Regula ad cognoscendas subcontrarias.
pag. 81
- Defectus arguendi in subcontrariis. lib. 3.
cap. 13. 164
- Subiectum quid sit. lib. 2. cap. 7. 39
- Subiectum aliud distributionis. aliud pra-
 dicationis. 40
- Subiectum habet rationem materiae respectu
 predicati. lib. 1. cap. 8. 44
- Substantivum adijciuntur adiectiva;
 quomodo numerantur supposita. q. 6.
art. 4. 276 & 379
- Suppositio definitur. lib. 3. c. 10. 46 & 48
- Explicatur particula (Acceptio) pag. 48.
13

Index rerum notabilium.

¶ q. 6. art. 1.	345
Explicatur alia particula (de quo verificatur) ibid. & pag.	349
Quid sit propositio de subiecto non supponente. lib. 2. cap. 10. pag. 47. &	
¶ q. 6. art. 1.	350
Suppositio quomodo distinguatur a significatione lib. 2. cap. 10.	47
Suppositio termini non datur extra propositionem pag. 50. & q. 6. art. 1.	3 3
Quomodo dicatur proprietas terminum pag.	3 6
Suppositionis definitio quomodo conveniat ad intellectus. lib. 2. cap. 10.	50
Suppositio alia propria, alia impropria. c. 11. pag.	51
Impropria quomodo reperiatur in conceptu mentis ultimato q. 6. art. 2.	357
Suppositio propria alia materialis, alia simplex, alia personalis. lib. 2. cap. 11. pag.	52
Simplex quomodo distinguatur a ceteris. q. 6. art. 3.	368
Suppositio personalis, alia essentialis, alia accidentalis. lib. 2. cap. 11.	53
Suppositionis alia divisiones.	54
Regula suppositionis. cap. 12.	58
Defectus arguendi in suppositione. lib. 3. cap. 13.	160
Syllogismus definitur cap. 4.	121
Quid sit eius materia, forma, figura, & modus.	122
Syllogismi divisio in Demonstrativum, Probabilem, Erroneum, & Sophisticum. cap.	

Index rerum notabilium.

- cap. 4. 125
In communem, & Expositorium. ibid.
Syllogismus ex parte formæ dividitur in tres
figuras ibid.
Modi figurarum. ibid. directi, indirecti,
utiles, & inutiles. 126
Regulae generales Syllogismorum. pag. 129
particulares ibid.
An bene dividatur Syllogismus in perfectum,
& imperfectum. quest. 8. art. 4.
pag. 423
Reductio imperfectorum ad perfectos. c. 7.
pag. 133
Necessitas reducendi imperfectos ad perfectos
ostenditur. q. 8. art. 4. 423
Reductio duplex, ostensiva, & per impossibile
cap. 7. 134
Reductionum regula. 137
Regula reductionum per impossibile. 139
Syllogismus expositivus definitur. cap. 8.
pag. 141
Regula syllogismi expositivi. 142
Principia quibus innititur ars Syllogizandi.
cap. 10. 147
Defectus Syllogismorum in particulari.
cap. 13. 145. & 159
Syllogismus constat ex tribus propositionibus.
in Prædici primo.
An conclusio sit de essentia Syllogismi, an
vero solum præmissæ. q. 8. art. 3. 428

Index rerum notabilia m.

T

- T**otum quod simplex sit . q. 4. art. 3. 298
 Totum quomodo possit aliquando esse
 pars . q. 5. art. 3. 332
- Termini** variae acceptiones . lib. 1. cap. 1.
 pag. 1
- Termini** latissima acceptio .
- A** Terminò rectè incipit Logic.
 art. 1. 172
- Incipiendo Logiens à Terminò quomodo
 incipere dicatur ab Vniuersalioribus
 pag. 127
- Terminus** dicitur etiam Diffio, lib. 1. cap. 1.
 pag. 2
- Secundum quòd diffio definitur . pag. 3.
& q. 1. ar. 1. 182
- Termini** definitio tradita ab Aristotele . 1.
 Priorum , explicatur . quest. 1. art. 3.
 pag. 192
- Quòd definiatur in definitione Terminì .
 art. 4. 203
- Quomodo in Terminum fiat vltima resolu-
 tio Logica . art. 1. 175
- Termini** essentia explicatur . art. 2. pag. 181.
& art. 3. 196
- Ratio parvis est vltima formalitas terminì
 in commune accepti . art. 2. 184. & 189
- Esse significatiuum quomodo sit de essentia
 Terminì . 183
- Quomodo conueniat Terminò esse extre-
 mum propositionis . 189
- Modus terminì est componere , & resolvere .

Index rerum notabilium.

- re. art. 3.** 193
Eius essentia consistit in componere ib. d.
quomodo in exercitio non componeret.
pag. 196. & 197
Quomodo pertineat ad compositionem Propo-
sitionis, vel Syllogismi. art. 2.
pag. 188
Quomodo ad Prædicamenta. ibid.
Terminus extra Propositionem non sup-
ponit. lib. 2. cap. 10. pag. 50. & 7. 6.
art. 1. 353
Suppositio est Termini proprietas. 356
Terminus dividitur in Mentalem, Vocalem,
& Scriptum. lib. 1. cap. 3. 7
In Uniuocum, & Æquiuocum. 8
In Enunciatiuum, & Syllogisticum. q. 1.
art. 2. 179
Enunciatiuum quomodo dicat ordinem ad
Propositionem. 182
Ut deseruit in Syllogismo definitur.
lib. 1. cap. 1. pag. 2. & lib. 3. cap. 4.
pag. 123
Syllogistici essentia explicatur. q. 1. art. 3.
pag. 191
Terminus dividitur etiam in Cathegorematicum,
& Sincathegorematicum. lib. 1.
cap. 3. pag. 10. est diuisio essentialis.
q. 1. art. 6. 220
Plures diuisiones termini Cathegorematici.
lib. 1. cap. 4. 111
Terminus complexus quomodo distingatur
ab oratione. lib. 2. cap. 1. pag. 21. &
q. 4. art. 1. 266. & 268
Terminus dividitur etiam essentialiter in
No

Index rerum notabilium.

Nomen, & Verbum. quæst. 1. art. 6.

pag. 220.

Alia divisiones termini sunt accidentales.

pag. 222.

Quomodo Verbum sit Terminus. Vide Verbum.

Verbum definitur. lib. 1. cap. 6. 17

Explicatur illa particula. (cum tem-
pore.) q. 3. art. 1. 249. & 252.

Verbum substantivum an significet cum tem-
pore. ibid.

Quid sit verbum à tempore. 251

Quid significare tempus, & connotare
tempus. 250

Verbum infinitum quid sit. lib. 1. cap. 6.
pag. 19.

Verbum an possit infinitari intra proposi-
tionem. q. 3. art. 2. 257

Verbum quomodo sit terminus, & excluda-
tur à ratione termini. lib. 1. cap. 1.

pag. 2. lib. 3. cap. 123. q. 1. ar. 2.
pag. 182. & 190. & art. 3. 196

Verbum mentis quomodo representet suum
principium, & res quas representat.

q. 1. art. 5. 218

Veritas quid sit. lib. 2. cap. 6. 36

Veritas an suscipiat magis, & minus. q. 5.
art. 1. 303

Ex vero non potest sequi nisi Verum, ex
falso autem Verum, & falsum. q. 8.

art. 1. 413

Ve-

Index rerum notabilium.

- Veritas duos habet progressus art. 2. 419*
Veritas respellit Propositionis. Vide Propo-
sitio. 212
Voces non significatiue quomodo orationem
componant. q. 1. art. 2. 185
Voces vnicā significatione significant res, &
conceptus art. 5. 212
Quomodo per voces significetur conceptus.
pag. 213
Voces per prius significant res, quā con-
ceptus. 217
Voces vnicā quomodo vnam significationem
componant. q. 2. art. 1. 229
Per quomodo ponatur in Definitione instru-
mentorum Logicalium. q. 4. art. 1. 273

**Laus Deo, Beatissimæ Virgini,
& Angelico Præceptori.**





